

সতীর পতি

(উপন্যাস)

শ্রীপ্রভাতকুমার মুখোপাধ্যায়
প্রণীত

এম, সি, সরকার এণ্ড সন্স
কলিকাতা

১৩৩৫

মূল্য ২।০

প্রকাশক—

শ্রীমুখীচন্দ্র সরকার

এম, সি, সরকার এণ্ড সন্স

৯০।২।এ হারিসন রোড, কলিকাতা

প্রিন্টার—শ্রীবিজয়চন্দ্র ভট্টাচার্য্য

“মানসী” প্রেস, ১৬।১।এ বীডন ষ্ট্রীট

কলিকাতা

সত্যীর পতি

উপহার পৃষ্ঠা



.....

.

.....●●.....

.....

.....

সতীর পতি

প্রথম পরিচ্ছেদ

অবুঝ রমণী

বর্দ্ধমান জেলার মাধবপুর গ্রামের বারোয়ারিতলার মাঠে চালা বাঁধিয়া, “ফ্রেণ্ডস্ ড্রামাটিক এসোসিয়েশন” (সংক্ষেপে F. D. A.) কর্তৃক অগ্নি রাত্রিতে “আবু হোসেন” গীতিনাট্য অভিনীত হইবে, তৎক্ষণাৎ গ্রামের যুবক-সম্প্রদায়ের মধ্যে বিশেষ চাঞ্চল্যের সঞ্চার হইয়াছে। রাত্রি ৯টার সময় অভিনয় আরম্ভ। সূর্যাস্ত না হইতেই ঘরে ঘরে উনান জলিয়াছে—ছেলেরা আটটার পূর্বে আহাৰ সারিয়া লইতে চায়। ছেলেদের মায়েরা বাপেরাও যে এ বিষয়ে নিতান্ত নিলিপ্ত, তাহাও বলা যায় না; তবে তাঁহাদের মনের ঔৎসুক্য, কৃত্রিম গান্ধীর্থ্যের ঘন আবরণে আচ্ছাদিত।

ভর-সন্ধ্যার সময় দুই জন যুবক আসিয়া এক গৃহদ্বারে দাঁড়াইয়া ইাকিল, “মিঞা সাহেব,—মিঞা সাহেব,—বাড়ী আছ ?”

মিঞা সাহেবের মা তখন তুলসীতলায় প্রদীপ দেখাইতেছিলেন।
প্রণাম করিয়া উঠিয়া, বন্ধ দরজার দিকে চাহিয়া বলিলেন,
“কে?”

একজন উত্তর করিল, “খুড়ী-মা, আমি অবিনাশ। হীরা দাদা
বাড়ীতে আছে?”

এই গৃহের যুবক-কর্তা হীরালাল বসুই আগন্তুকদ্বয়ের উদ্দিষ্ট মিঞা
সাহেব। আজ ছয় মাস ধরিয়া আবু হোসেনের রিহার্সাল চলিতেছে
—নাটকের ভূমিকা হীরালালই পাইয়াছে; তাই বন্ধুবান্ধবেরা
রহস্য করিয়া তাহাকে ‘মিঞা সাহেব’ বলিয়া সম্বোধন করিয়া
থাকে।

“হীরা দাদাকে একবার ডেকে দাও না, খুড়ী-মা!”

এই সময় থিড়কীর দ্বার দিয়া, হাতে গাড়ু, কাঁধে গামছা
হীরালাল অঙ্গনমধ্যে প্রবেশ করিল। তাহার বয়স ২২২৩ বৎসর,
রঙটি বেশ ফর্সা, উজ্জ্বল ডাগর চক্ষু—এবং একটা লক্ষ্য করিবার
জিনিষ—দাড়ীটি তার, ঠিক থিয়েটারের আবু হোসেনের মতই।
ইহা, ‘আশ্চর্য ঘটনা-সমতা’ নহে—এই ছাগল-দাড়ী ইচ্ছাকৃত এবং
চেষ্টাকৃত। হীরালাল যে আবু হোসেন সাজিবে, ইহা ছয় মাস পূর্ব
হইতেই স্থির হইয়া ছিল; অভিনয়কালে যাহাতে কৃত্রিম দাড়ী
লাগাইতে না হয়, সেই উদ্দেশ্যে হীরালাল দাড়ীটি এই ভাবে তৈরি
করিয়া লইয়াছে।

পুলকে দেখিয়া জননী কহিলেন, “ও হীরা, অবু এসেছে
তোকে ডাকছে।”

হীরালাল গাড়ুটি রাখিয়া, গামছায় মুখ মুছিতে মুছিতে, “কে, অবিনাশ?” বলিয়া, গিয়া সদর দরজা খুলিল। দ্বিতীয় যুবককে দেখিয়া বলিল, “জাহাপনা যে! গোলামের গরীবখানায় কি মনে ক’রে?”

বলা বাহুল্য, এই দ্বিতীয় যুবকই আজ রাত্রিতে বাদশাহ সাজিবে। বাদশাহ হাসিয়া বলিলেন, “চল, বিপিন বাবু তোমায় ডেকে পাঠিয়েছেন।”

বিপিন বাবু—বিপিনবিহারী রায় চৌধুরী এই গ্রামের জমীদার। তিনিই এফ-ডি-এ’র জন্মদাতা এবং পালনকর্তা।

হীরালাল বলিল, “এই ত সবে সাতটা। এখনই কেন?”

অবিনাশ বলিল, “বিপিন বাবু বলেন, হীকু না এলে কোনও কাষই এগুচ্ছে না তাকে ডেকে আন। খাওয়ার জন্তে যেন দেবী না করে—এখানে এসেই থাকে।”

“কোথায় তিনি?”

“বারোয়ারিতলায়। তিনি ত প্রায় ষটখানেক হ’ল এসে ব’সে আছেন। চল চল, আর দেবী ক’রো না।”

হীরালাল দাঁড়াইয়া কি ভাবিতে লাগিল। অবিনাশ বলিল, “ভাবছ কি?”

“ভাবছি, আমি এখনই চ’লে গেলে মা-টাকে কে নিয়ে যাবে? কাষকর্ম্ম সারা না হলে ত গুঁরা যেতে পারবেন না?”

অবিনাশ বলিল, “মা-ও যাবেন, আবার টা-ও যাবেন?”

হীকু হাসিয়া বলিল, “টা যাবে না? তার স্বামী কি রকম

আন্তো করে, কি রকম কেলাপ পায়, সে দেখে তার নারীজন্ম সার্থক করবে না ?”

“আচ্ছা, কুহ পরোয়া নেই। আমি এসে ঠুঁদের নিয়ে যাব। বরং খুড়ীমার সঙ্গে সাক্ষাৎভাবে কথাটা পাকা ক’রে রাখি।”—বলিয়া অবিনাশ অঙ্গনমধ্যে প্রবেশ করিয়া ডাকিল—“খুড়ী-মা, হীরা দাদাকে আমরা এখন নিয়ে চল্লাম। সেখানেই সে থাকে। জমীদারবাড়ী থেকে বড় বড় ছ বুড়ী লুচী, বেগুন ভাজা, আলুর দম, হাঁড়ি হাঁড়ি সন্দেশ, রসগোল্লা এই সব এসেছে। ছুটে টিনের ক্যানাস্তারায় চায়ের জল ফুটছে। রাত ৯টায় প্লে আরম্ভ। আপনারা তৈরি হয়ে থাকবেন আমি মাড়ে আটটার সময় এসে আপনাদের নিয়ে যাব।” বলিয়া খুড়ীমার উত্তরের প্রতীক্ষামাত্র না করিয়া, অবিনাশ আবার বাহির হইয়া গেল।

হীরা বলিল, “আচ্ছা, তোমরা এগোও, আমি দশ মিনিটের মধ্যে আসছি।”

বাড়ীর মধ্যে প্রবেশ করিয়া হীরালাল বলিল, “তা হ’লে মা, আমি এখন বেরুই। ঘণ্টাখানেক পরে এসে অবিনাশ তোমাদের নিয়ে যাবে।”

মা বলিলেন, “না বাবা, আমি থিয়েটার দেখতে যাব না। ঠাকুর-দেবতার কথা নয় কিছু নয়, মিছামিছি কেন ?”

হীরা বলিল, “নাই বা হ’ল ঠাকুর-দেবতার কথা মা! যা হোক একটা গল্প ত বটে। তা ছাড়া তোমার ছেলে অ্যাক্ট করবে, তুমি দেখবে না ?”

মা বলিলেন, “না বাবা, সে গল্প আমি জানি। বৌমা

আরব্যোপন্যাস থেকে প'ড়ে আমার গুনিয়েছেন। সে আমার দেখবার দরকার নেই।”

হীরা পীড়াপীড়ি করিতে লাগিল। অবশেষে মা প্রকৃত কারণ তাহাকে খুলিয়া বলিলেন,—“তোমার বউ তোকে চাদর চাপা দিয়ে, ওগো আমার কি হ'ল গো! ব'লে বুক চাপড়াবে, মা হয়ে আমি কি তা চোখে দেখতে পারি? আমি যাব না, বউমাকে বরঞ্চ মেঝে বউ, ছোট বউয়ের সঙ্গে পাঠিয়ে দেবো।”

হীরা হতাশ হইয়া জামা-কাপড় লইতে শয়নঘরে প্রবেশ করিল। সেখানে তার স্ত্রী সুরবালা আড়াই বৎসর বয়স্কা খুকীকে কোলে লইয়া উপস্থিত ছিল। হীরা জামা গায়ে দিতে দিতে বলিল, “মা ত কিছুতেই যেতে রাজী হলেন না। তুমি তা হ'লে খুড়ীমাদের সঙ্গেই যেও। ঘণ্টাখানেক পরে অবিনাশ তোমাদের নিতে আসবে।”

সুরবালা বলিল, “আমি যাব না।”

“কেন? তোমার আবার কি হ'ল?”

“এমনি।”

হীরা স্ত্রীর নিকট সরিয়া গিয়া, প্রথমে মেয়েকে আদর করিয়া, তার পর স্ত্রীর স্বন্ধে হস্তার্পণ করিয়া বলিল, “কেন যাবে না? আমি কেমন অ্যাঙ্কি করি, তুমি দেখবে না? হয়ত লোকে আমায় কত প্রশংসা করবে, সে সব গুনতে তোমার সাধ হয় না?”

সুরবালা বলিল, “তা হয় বটে। কিন্তু ও সব তোমরা যা করবে, আমি দেখতে পারবো না। সে আমার সহিবে না।”

“কি সব আমরা করবো? মা'র যে জন্তে আপত্তি, তোমারও

কি তাই নাকি ? মা হলেন সেকলে মানুষ, নেহাৎ কুসংস্কারাচ্ছন্ন, ওঁর কথা ছেড়ে দাও। সত্যি ত আমি মরবো না গো ! অভিনয় বৈ ত নয়, তাতে আর দোষটা কি ?”

সুরবালা বলিল, “হোক অভিনয়, সে দৃশ্য চোখে দেখা আমার সাধ্য নয়—তা ছাড়া—” বলিয়া সুরবালা চুপ করিল।

“তা ছাড়া আবার কি ?”

সুরবালা এবার হাসিয়া বলিল, “তা ছাড়া, একটা ছুঁড়ীকে নিয়ে তুমি প্রেম করবে, তাকে বিয়ে করবে, তাকে প্রাণেশ্বরী ব’লে ডাকবে, সে আমি চোখে দেখতে পারবো না, আমার ভয়ানক রাগ হবে !”

হীরা বলিল, “ছুঁড়ী কোথা ? সে ত ছোঁড়া। ঐ চক্রবর্তী পাড়ার বিনোদ মুখ্যো।”

সুরবালা বলিল, “হোক ছোঁড়া, ছুঁড়ী সেজে তোমায় স্বামী ব’লে ডাকবে, তুমি তার গায়ে হাত দেবে ত ? সে আমি দেখবো না—দেখবো না—দেখবো না।”

স্ত্রীকেও কোনও মতে রাজী করিতে না পারিয়া, হুঃখিত মনে হীরালাল বাহির হইয়া গেল।

এই অবসরে এই পরিবারের কিঞ্চিৎ পরিচয় প্রদান আবশ্যক। হীরুর পিতা সর্কেশ্বর বসু দশ বৎসর পূর্বে ইহলোক ত্যাগ করিয়া গিয়াছেন। তাঁহার দুই ভাই, দুই বোন ছিল। মধ্যম ও কনিষ্ঠ ভ্রাতা পরলোক-পথে তাঁহার অগ্রগামী হইয়াছিলেন। মধ্যম ভ্রাতা সন্তান-সন্ততি রাখিয়া যান নাই। কনিষ্ঠ ভ্রাতা যখনাথ বসুর একটি

পুত্র আছে, তাহার নাম চুনিলাল, বয়স ১২।১৩ বৎসর, সে এই গ্রামের মাইনর স্কুলে প্রথম শ্রেণীতে পাঠ করে। হীরালালের পিসীমা দুই জন আপন আপন শ্বশুরালয়ে বাস করেন। স্ত্রীরাং পরিবারে এই সাতটি প্রাণী—তিনটি বিধবা যা, সস্ত্রীক সন্তান হীরালাল ও তাহার খুড়তুতো ভাইটি। বাড়ীতে চারিখানি পাকা কুঠারী আছে; রান্নাঘর ও গোশালা মৃত্তিকানিশ্মিত এবং খড়ে ছাওয়া। বিধা ত্রিশ জমী আছে, তার অর্ধেকের উপর খাজনা বিলি করা, বাকী কয়েক বিধা ভাগে চাষ করানো হয়। সে জমীগুলিতে ধান, কলাই ও আখ হয়; উৎপন্নের অর্দ্ধাংশ, যে চাষ করে, সে খায়; অর্দ্ধাংশ ইহাদের প্রাপ্য। জমীগুলি থাকাতে ডালভাতের ভাবনা ভাবিতে হয় না বটে; কিন্তু তা ছাড়াও অল্প রকমের কত খরচ ত আছে! পূর্বের সন্তাগণ্ডার দিনে কষ্টেহুঁটে এক প্রকার চলিয়া যাইত, কিন্তু দিন দিন সকল জিনিষের মূল্য যেরূপ বৃদ্ধি পাইতেছে, এখন আর দিন চলা হুসর। হীরা নিকটবর্তী গ্রামের স্কুল হইতে দুইবার ম্যাট্রিক পরীক্ষায় ফেল হইয়া পড়া ছাড়িয়া দিয়াছিল। এ দিকে বছর দুই তিন আড্ডা দিয়া, তাস পিটিয়া, থিয়েটার করিয়া কাটাইয়াছে; কিন্তু আর কাটে না। এখন একটা চাকরী-বাকরীর চেষ্টায় তাহাকে বাহির হইতেই হইবে। এত দিন সে কলিকাতায় যাইত, কেবল এই থিয়েটারের অভিনয় জন্ত আটক পড়িয়াছে। পাঁজি দেখিয়া দিন স্থির করাই আছে, পরশ্ব হীরালাল কলিকাতা যাত্রা করিবে। জমীদার বিপিন বাবু কলিকাতার দুই জন বিশিষ্ট বন্ধুর নামে অনুরোধপত্র লিখিয়া দিবেন বলিয়াছেন।

ঠাঁহাদের সাহায্যে কলিকাতায় একটা কিছু কায-কর্ম জুটিয়া যাইবেই, এ ভরসা আছে।

অবিনাশ যথাসময়েই আসিয়াছিল। হীরালালের জননী ও পত্নীকে লইয়া যাইবার জন্ত সেও খুব পীড়াপীড়ি করিয়াছিল, কিন্তু কৃতকার্য্য হয় নাই। অবশেষে হীরুর দুই খুড়ীমাকে লইয়াই সে গিয়াছিল।

অভিনয় শেষ হইতে রাত্রি দুইটা বাজিয়া গেল। অভিনেতার গ্রীণরুমে প্রবেশ করিতেই অনেকে হীরালালকে ঘিরিয়া দাঁড়াইয়া, তাহার প্রতি অজস্র প্রশংসাবাক্য প্রয়োগ করিতে লাগিল। স্বয়ং বিপিন বাবু তাহার কর্মদর্শন করিয়া উচ্ছ্বসিতভাবে বলিতে লাগিলেন, “হীরা ভাই, তুমি আজ যে প্লে করেছ, অতি চমৎকার— একেবারে নিখুঁৎ বল্লেই হয়। তোমা হতেই আজ এফ-ডি-এ’র মুখরুক্ষা হ’ল। পশু’ড্রেন রিহার্সেলের সময়ও আমি মনে করিনি যে, তোমার প্লে এত ভাল ওৎরাবে।”

বিপিন বাবুর জনৈক মোসাহেব বলিত বক্সী বলিল, “হীরা একটা জিনিয়স, সে বিষয়ে কোনও সন্দেহ নেই। প্লে যা করেছে, একেবারে লি গ্র্যাণ্ডিও! যতবার ড্রপ পরেছে, আমি অডিয়েন্সের ভিতর গিয়ে দাঁড়িয়ে তাদের কথাবার্তী শোনবার চেষ্টা করেছি। পাঁচখানা গ্রামের লোক, এক মুখে স্তূখ্যাতি করেছে। ওরই মধ্যে যারা লেখাপড়া জানে, কলকাতায় যাওয়া আসা করে, তাদের কাউকে কাউকে বলতে শুনেছি—‘এমন প্রতিভাশালী অভিনেতা, ক্যাল-কাটা ষ্টেজেও আমরা খুব কমই দেখেছি।’ মিঞা সাহেব, তুমি ত

ভাই চাকরী-বাকরী চেষ্টায় পশু'ই কলকাতায় চলে গুন্ডি, এ গরীবের একটি কথা মনে রেখ। কেরানীগিরির ফাঁদে পা না দিয়ে, তুমি যদি চেষ্টা-বেষ্টা ক'রে কোনও পাবলিক থিয়েটারে ঢুকে পড়তে পার ত অল্পদিনের মধ্যেই তুমি নাম ক'রে নিতে পারবে—কেরানীগিরির চেয়ে মাইনেও ঢের বেশী পাবে। এমন এক দিন আসবে, যখন থিয়েটারওয়ালাদের মধ্যে তোমায় নিয়ে রীতিমত কাড়াকাড়ি প'ড়ে যাবে, এক থিয়েটারের এগ্রিমেন্টের কাল উত্তীর্ণ না হতেই, মোটা টাকা পকেটস্থ ক'রে অন্য এক থিয়েটারে তুমি ঢুকবে, তোমার নামে মোকদ্দমা হবে, এ আমি ব'লে রাখলাম।—বক্সীর শেষের কথাগুলি শুনিয়া সকলেই হাসিতে লাগিল।

নিজের স্বর্ণনির্মিত সিগারেট-কেস হাতে হীরালালকে একটা সিগারেট দিয়া বিপিন বাবু বলিলেন, “বক্সী কিন্তু বলেছে, মন্দ কথা নয় হে! কথাটা একটু ভেবে দেখতে হবে হীরা। ওহে তোমরা সব গোছ-গাছ ক'রে নাও, অনেক রাত হয়েছে। চলাম ভাই হীরা। কাল তা হ'লে কখন তুমি আমার কাছে আসছ?”

হীরা বলিল, “কালকে ঘুম ভাঙতে বোধ হয় একটু বেলাই হবে। বিকেল ৩টে ৪টের সময় আসবো এখন। কি বল?”

“বেশ, তাই এস।”—বলিয়া বিপিন বাবু হীরালালের কর্মমর্দন করিয়া, অন্ত্যন্ত সকলকে যথাযোগ্য সম্ভাষণ করিয়া বিদায় গ্রহণ করিলেন। একজন পাইক ‘হারিকেন’ ধরিয়া সম্মুখে, এবং এক জন দ্বারবান লাঠি হস্তে তাঁহার পশ্চাৎ পশ্চাৎ চলিল।

দ্বিতীয় পরিচ্ছেদ

কলিকাতা যাত্রা

পরদিন মথাসময়ে হীরালাল গিয়া বিপিন বাবুর সহিত সাক্ষাৎ করিল।

বিপিন বাবুর বয়স ২৫ বৎসর। কলেজে উচ্চশিক্ষা না পাইলেও তিনি ইংরাজী ও বাঙ্গালা সাহিত্যের মোটামুট পরিচয় অবগত আছেন। কয়েকখানি বাঙ্গালা মাসিক ও ইংরাজী সংবাদপত্র তিনি রীতিমত পাঠ করিয়া থাকেন। তবে নাট্যকলার দিকেই তাঁহার ঝোঁকটা একটু বেশী—নহিলে স্থানীয় এফ-ডি-এর জন্ত এত টাকা তিনি খরচ করিতেন না।

বিপিন বাবু নিজ বৈঠকখানায়, টানা-পাথার তলায়, ফরাসি বিছানার উপর অর্দ্ধশয়ানভাবে তাকিয়া হেলান দিয়া, খবরের কাগজ পাঠ করিতেছিলেন। পার্শ্বে একটি গুড়গুড়ির সরপোষ ঢাকা কলিকা হইতে সুগন্ধি ধূম উদ্গত হইতেছিল; মাঝে মাঝে নলটা হাতে করিয়া, ছ' চার টান টানিয়া, আবার রাখিয়া দিতেছিলেন। হীরালাল প্রবেশ করিতে, উঠিয়া বসিয়া বলিলেন, “এস ভায়া, ব'স।”

হীরালাল তাঁহার অনতিদূরে উপবেশন করিল। বিপিন বাবু গুড়গুড়ির নলটা তাহার হাতে দিয়া বলিলেন, “কাল তা হ'লে রওয়ানা হচ্ছ ?”

হীরালাল বলিল, “হ্যাঁ, তাই ত ঠিক করেছি।”

বিপিন বাবু ক্র কুণ্ঠিত করিয়া বলিলেন, “ঠিক ত করেছ ভাই, কিন্তু চাকরীর বাজারের যে অবস্থা হয়েছে শুনতে পাই,—প্রথম ত একটা কিছু জোটাই ভার। তার পর জুটলেও, বড় জোর ত্রিশ কি চল্লিশ টাকা মাইনে হ’তে পারে। কলকাতার বাসা-খরচ, নিজের কাপড়-চোপড় খরচ বাদে কি-ই বা তুমি বাড়ীতে পাঠাবে! তার পর, চিরটা জীবন স্ত্রী-পুত্র পরিবার ছেড়ে বিদেশেই প’ড়ে থাকা। সে দিন হরিধন এসেছিল; তুমি ত জান, কলকাতায় কোন্ মার্চেন্ট আপিসে চাকরী করে সে। তার একমাস ছুটি পাওনা হয়েছিল, সে ছুটি নিয়ে বাড়ী এসেছে। পঞ্চাশটি টাকা মাইনে পায়, কলকাতায় বাসা ভাড়া ক’রে পরিবার নিয়ে যে বাস করবে, তার উপায় নেই। কথায় কথায় সে বলে, “বৌ দুঃখ ক’রে বলছিল, পাজি দেখতে দেখতেই জীবনটা কাটলো!”

হীরালাল কথাটার ভাব বুঝিতে না পারিয়া জিজ্ঞাসা করিল, “পাজি দেখতে দেখতে কেন?”

বিপিন বাবু বলিলেন, “কলকাতার অতি নিকটে যাদের বাড়ী, তারা ডেলি প্যাসেঞ্জারি ক’রে চাকরী বাজায়। যাদের বাড়ী তার চেয়েও দূরে, তারা শনিবার শনিবার বাড়ী যায়। আমাদের এ গ্রাম কলকাতা থেকে এতটাই দূরে যে, এ গ্রামবাসী কলকাতার কেরাগীরা শনিবার শনিবারও বাড়ী আসতে পারে না। ১২ দিন পূজোর ছুটি, ৯ দিন বড়দিনের, ৪ দিন গুডফ্রাইডের। বছরে এই তিন বার মাত্র তারা বাড়ী আসতে পায়। সুতরাং ছুটি অস্তে স্বামী

চ'লে যাবার কিছু দিন পর থেকেই, বোঁ পাজি দেখতে আরম্ভ করে—পরের ছুটির আর কত দিন বাকী। তাই হরিধনের বোঁ বলেছে, পাজি দেখতে দেখতেই জীবনটা কাটলো!”—বলিয়া বিপিন বাবু একটু মুহূর্ত্ত করিলেন।

একটি ছোট দীর্ঘনিশ্বাস ফেলিয়া হীরালাল বলিল, “হুঁ, তা বটে!”—বলিয়া গড়গড়ার নলটি বিপিন বাবুর হাতে দিল।

বিপিন বাবু কিয়ৎক্ষণ নীরবে ধূমপান করিলেন। তার পর বলিলেন, “দেখ, কাল হঠাৎ ললিত বক্সীর মুখ থেকে যে কথাটা বেরুল, তা আমি বেশ ক’রে ভেবে দেপেছি। কলকাতায় আজ-কাল শুনেছি, ভাল অভিনেতার ভারি কদর, আর বেশ মোটা মোটা মাইনেও তারা পাচ্ছে। তেমন প্রতিভাশালী লোক হ’লে দু’শো, তিন শো, এমন কি, পাঁচশো টাকা মাইনেও নাকি তারা পায়। তা ছাড়া, যারা সাধারণ রঙ্গমঞ্চে অভিনয় ক’রে জীবিকানির্ভর করে, পূর্বে লোকে যেমন তাদের একটা বগরাটে, মাতালের দল ব’লে নীচু নজরে দেখতো, শুনেছি এখন নাকি সে ভাবটা নেই! এখন বিশ্ববিদ্যালয়ের বড় বড় বি-এ, এম-এ ডিগ্রীধারী যুবকরাও নাকি অসঙ্কোচে থিয়েটারে ঢুকছে—তাতে বেশ মোটা মোটা মাইনে পাচ্ছে, সমাজেও তাদের হীন হয়ে থাকতে হচ্ছে না। আমার মনে হয়, কলকাতার থিয়েটারওয়ালারা যদি তোমার গুণের পরিচয় একবার পায়, ললিত বক্সীর কথাই ঠিক, তা হ’লে তোমায় তারা লুফে নেবে।”

হীরালাল বলিল, “কিন্তু আমার ত আর বি-এ, এম-এ ডিগ্রী নেই!”

“তা, নেইবা থাকলো। তারা যেমন ভাল প্লে করে, তুমিও যদি সেই রকম অথবা তার চেয়ে ভাল প্লে করতে পার, তা হ’লেই ত হ’ল। আমি তোমাকে যে ছ’জন বন্ধুর নামে চিঠি দেবো, তুমি যদি বল, তাঁদের এ কথাও লিখে দিতে চাই যে, তুমি এক জন খুব ভাল অ্যাক্টর, কোনও থিয়েটারের কর্তাদের সঙ্গে যদি তাঁদের আলোচনা থাকে, তা হ’লে সে দিকেও একটু চেষ্টা যেন তারা করেন।”

এ কথা শুনিয়া হীরালাল ভাবিতে লাগিল। ক্ষণকাল অপেক্ষা করিয়া বিপিন বাবু জিজ্ঞাসা করিলেন, “কি বল?”

হীরালাল বলিল, “তাই ত ভাবছি।”

“কেন, এতে ভাবনার কি আছে?”

হীরালাল একটু হাসিয়া বলিল, “আমাদের অন্ধাঙ্কিত্রীর আবার মত হ’লে হয়।”

“কেন, তিনি অমত করবেন কেন? পাছে কোনও নটীর প্রেমে প’ড়ে যাও?”—বলিয়া বিপিন বাবু হাসিলেন।

হীরালাল বলিল, “সে ত বহু দূরের কথা”—বলিয়া, কি কারণে তাহার স্ত্রী গত রাত্রিতে অভিনয় দেখিতে আসিতে সম্মত হয় নাই, তাহা সবিস্তারে বর্ণনা করিল। তারপর বলিল, “সাজা স্ত্রীলোককে আমি প্রাণ-সভাষণ করবো, তাই তার সহ্য হয় না,—এ ত জলজ্যান্ত আসল স্ত্রীলোক!”

শুনিয়া বিপিন বাবু হাসিতে লাগিলেন। শেষে বলিলেন, তা, থিয়েটারে ঢুকে যদি তোমার মোটা মাইনে হয়, তা হ’লে তোমার গিন্নী ঐটুকুতে আপত্তি করবেন না বোধ হয়। কথায়

বলে, পেটে খেলে পিঠে সয়।”—বলিয়া ভৃত্যকে ডাকিয়া বিপিন বাবু চিঠি লিখিবার সরঞ্জাম আনিতে আদেশ করিলেন। সেগুলি আনীত হইলে বিপিন বাবু চিঠি লিখিতে লাগিলেন, ভৃত্য তাঁহার ইঙ্গিত অনুসারে নিবন্ত কলিকাটি গুড়গুড়ি হইতে তুলিয়া লইয়া নূতন করিয়া সাজিতে গেল। হীরালাল বিপিন বাবুর পরিত্যক্ত সংবাদ-পত্রখানি পাঠে মন দিল।

বিপিন বাবুর চিঠি লেখা শেষ হইতে প্রায় ২০ মিনিট লাগিল। চিঠি শেষ করিয়া তিনি গুড়গুড়ির নল খাতে লইতেই হীরালাল বলিল, “ওহে, পড়েছ, কলকাতায় কি কাণ্ডট: হয়ে গেছে?”

বিপিন বাবু বলিলেন, “শিখে মুসলমানে লড়াই?”

“হ্যাঁ। আর্যসমাজীরা তাদের বার্ষিক উৎসব উপলক্ষে শোভা-যাত্রা ক’রে বাজনা বাজিয়ে মসজিদের কাছ দিয়ে যাচ্ছিল, তাতে মুসলমানরা ফেপে উঠে খুব দাঙ্গা করেছে—কি ভয়ানক!”

বিপিন বাবু বলিলেন, “হ্যাঁ, পড়েছি। পশু এ ঘটনা ঘটেছে। জানিস ত বাপু মসজিদের কাছে বাজনা বাজালে মুসলমানরা ফেপে ওঠে, সেখানে বাজনা বাজাবার কি দরকার? দেখ না, কত মাথা ফেটেছে—লোক মরেছে পর্য্যন্ত—শেষে সশস্ত্র পুলিশ এসে দাঙ্গা থামায়।”

হীরালাল বলিল, “ভাগ্যিস পশু আমি কলকাতায় পৌঁছিনি—আমার মাথাতেও লাঠি পড়তো কি না কে জানে!—আচ্ছা, এত দিনে সব মিটে গেছে বোধ হয়।”

বিপিন বাবু বলিলেন, “নিশ্চয়। ও সেই দিনই মিটেছে।

পুলিসের বন্দুক আর সজীন দেখেই যে যার আপনার কোটরে গিয়ে আশ্রয় নিয়েছে।—সে যাক্, চিঠি ছুখানা তুমি প'ড়ে দেখ।”

হীরালাল মনঃসংযোগসহকারে চিঠি ছুখানা পড়িল। বলিল, “বেশ হয়েছে, এখন আমার অদৃষ্ট। এখন তা হ'লে উঠি ভাই—সব গোছগাছ ক'রে নিতে হবে, ভোরবেলাই বেরুতে হবে কি না।”

বিপিন বাবু বলিলেন, “এখন উঠবে? তা ওঠ। সন্ধ্যার পর এস, আজ এখানেই থাকে।”

হীরালাল জিজ্ঞাসা করিল, “আর কাউকে বলেছ না কি?”

“না, আর কাউকে বলিনি। তুমি কাল চ'লে যাচ্ছ, আবার কবে দেখা হবে ঠিক নেই, তাই দুজনে ব'সে একটু গল্প-গুজব, খাওয়া দাওয়া করা যাবে। বেশী কিছু আয়োজন নেই, মুর্গীমাছের ঝোল দিয়ে খানকতক লুচি খাওয়া মাত্র।”

হীরালাল বলিল, “মুর্গী-মাছের ঝোল কি রকম?”

বিপিন বাবু বলিলেন, “এ গল্প আমি কত লোকের কাছে ত করেছি। তুমি শোননি বুঝি? পায়রাগাছির জমিদার—তিনি সম্বন্ধে আমার মামা-স্বশুর হন—শ্রী পুত্র পরিবার নিয়ে কলকাতাতেই বাস করেন। আজকাল অনেক বড়লোকেরই যেমন দেখা যায়, মেজাজটা একটু সাহেবী ধরণের। বাড়ীতে প্রকাশ্যভাবে বাবুর্চি আছে, রাতের খানাটা প্রায় ইংরাজী ধরণেরই হয়। সেবার ছেলে পিলে নিয়ে তিনি দেশে গেছেন। বাড়ীতে বুড়ো মা আছেন—অস্ত্রাত্ম আত্মীয়-স্বজনও সব আছে। মা জানেন যে, তাঁর ছেলে কলকাতায় বাস ক'রে বিগড়ে গেছে—খুব আচারনিষ্ঠ নয়। তাঁর

মহল আলাদা। পৌছেই জমীদার মহাশয় রাত্রিভোজনের জন্তে গোপনে রামপাখীর আদেশ দিয়ে রেখেছেন। তখন তাঁর একটিমাত্র মেয়ে, বয়স ৫ বৎসর। শোবার আগে মেয়ে ঠাকুরমাকে প্রণাম করতে যাবে। বাপ শিখিয়ে দিলেন, ‘দেখ্ খুকী, ঠাকুরমা যদি জিজ্ঞাসা করেন কি দিয়ে ভাত খেলি, ত বলিস্ মাছের ঝোল দিয়ে খেয়েছি।’ মেয়ে বলে অচ্ছ। যথাসময়ে মেয়ে ঠাকুরমাকে প্রণাম করতে গেল। ঠাকুরমা জিজ্ঞাসা করলেন, ‘খুকী, কি দিয়ে ভাত খেলি?’ খুকী শিক্ষারুসারে বলে, ‘মাছের ঝোল দিয়ে।’ কিন্তু গোল বাধলো বড়ীর দ্বিতীয় প্রশ্নে—‘কি মাছের ঝোল?’—এ কথাই উত্তর খুকীকে কেউ শিখিয়ে দেয়নি, সুতরাং সে অমানবদনে উত্তর করলে, ‘মুগী-মাছের ঝোল।’—মুগী খেয়ে এসে খুকী তাঁর পায়ে হাত দিয়েছিল, খুকী চলে গেলে তিনি স্নান করে ফেলেন!—সেই অবধি আমার শ্বশুরবাড়ীতে, দাউল কারিকে সবাই মুগীমাছের ঝোল বলে থাকে।”

শুনিয়া হীরালাল হাসিতে লাগিল। ‘বিনিন বাবুই হীরালালকে এবং আরও কয়েকজন তাঁহার অন্তরঙ্গ বন্ধকে নিমিষপঙ্কীর মাংস আহারে দীক্ষিত করিয়াছেন। কলিকাতার অনেকেই মনে করেন, তাঁহারাই আলোকপ্রাপ্ত হইয়া ‘প্রজ্জ্বলিন্’ বর্জন করিয়াছেন, পল্লীগ্রামের সকলেই এখনও খাটি হিন্দুই আছে—ইহা মনে করা ভুল।

আরও দুই চারিটা কথাবার্তার পর, সন্ধ্যার পরই হাজির হইবার প্রতিশ্রুতি দিয়া হীরালাল উঠিল।

রাত্রিতে আহার করিতে করিতে হীরালাল বলিল, “ওহে, একট’

কথা মনে পড়ল। থিয়েটারের কর্তাদের কাছে আমি কর্মপ্রার্থী হয়ে গিয়ে দাঁড়ালে, তারা হয়ত আমার অ্যাক্টিংএর নমুনা দেখতে চাইবে। আমি বলি কি, আবু হোসেনের পোষাকটি আমি সঙ্গে করেই নিয়ে যাই।”

বিপিন বাবু সম্মত হইলেন। এফ-ডি-এর সাজ পোশাকের সিন্দুক তাঁহার জিন্মাতেই থাকিত। আদেশ অনুসারে এক জন কর্মচারী সেই পোষাকটি বাহির করিয়া আনিল—লংক্লথের ইজার, আন্ধির পাঞ্জাবী, মখমলের ফতুয়া, মায় টুপী ও দিল্লীওয়াল জুতা ঘোড়াটি পর্য্যন্ত। আহারান্তে সেগুলি পুটুলীতে বাঁধিয়া, হীরালাল বিদায় গ্রহণ করিল।

হীরালালের স্ত্রী সুরবালা, সে রাত্রি ত প্রায় কাঁদিয়াই কাটাইল। হীরালালের চক্ষুও শুক ছিল মা। পাঁচ বৎসর তাহাদের বিবাহ হইয়াছে, এই প্রথম দীর্ঘদিনের প্রত্য দম্পতি-বিচ্ছেদ।

প্রভাতে উঠিয়া অশ্রুযুক্তী স্ত্রী ও নিদ্রিতা কন্ঠার মুখচুষন করিয়া হীরালাল বাহিরে আসিল। প্রাতঃকৃত্য সমাপনান্তে, মা ও খুড়ীমা ছুঁজনকে ও মঙ্গল-ঘটকে প্রণাম করিয়া, মাতার আশীর্বাদী দধির তিলক ললাটে ধারণ করিয়া, দুর্গা বলিয়া যাত্রা করিল।

রেল ষ্টেশন গ্রাম হইতে পাঁচ ক্রোশ দূরে অবস্থিত। গরুর গাড়ীতে বেলা এগারটায় ষ্টেশনে পৌছিয়া হীরালাল শুনিয়া, কলিকাতায় মহা গণ্ডগোল। দাঙ্গা হইতেছে। শুনিয়া হীরালাল মনে করিল, গতকল্য সংবাদপত্রে সে যাহা পড়িয়া আসিয়াছে, সেই খবরটা শুনিয়াই ইহার কারণ ভীতিগ্রস্ত হইয়াছে।

পোনে বারটায় ট্রেন ছাড়িল। বেলা দুইটার সময় ব্যাঙেল ষ্টেশনে ট্রেন পৌঁছিলে হীরালাল দেখিল, প্ল্যাটফর্মে বাঙ্গালী সংবাদপত্র বিক্রয় হইতেছে—কিরিওয়াল। হাঁকিতেছে—“কলকাতায় বিবম কাণ্ড, হিন্দু মুসলমানের দাঙ্গা।”—হীরালাল দুইটি পয়সা দিয়া একপানি সংবাদপত্র ক্রয় করিল।

কাগজখানি খুলিয়া ডবল গ্রেট অক্ষরের হেডিংএ—“দাঙ্গার চতুর্থ দিবস—মুসলমানের ছোঁরায় বহু হিন্দু খুন”—পড়িয়াই তাহার চক্ষু স্থির হইয়া গেল। সেই কামরার অগ্ৰান্ত আরোহিণী সকলেই কাগজখানার দিকে ঝুঁকিয়া, দৃশ্য ভীতভাবে সংবাদ পাঠ করিতে লাগিল।

হিন্দু সম্পাদিত এই কাগজখানিতে, মুসলমানের ছোঁরায় কত হিন্দু খুন-জখম হইয়াছে, তাহাই বিস্তৃতভাবে বর্ণিত ছিল; হিন্দুর লাঠিতে কত মুসলমানের মাথা ভাঙিয়াছে, তাহার বর্ণনা খুব সংক্ষিপ্ত।

সেই খবরের কাগজ পড়িয়াই, কলিকাতার টিকিটধারী কয়েক জন আরোহী ব্যাঙেলেই নামিয়া পড়িল; বলিল, তাহারা বাড়ী ফিরিয়া যাইবে। কেহ বলিল, “আমিও কলকাতা যাচ্ছিলাম, তা আর যাব না, শ্রীরামপুরেই নেমে পড়বো, সেখানে আমার পিস্নপুত্র মোক্তারী করেন।” কেহ বলিল, “কলকাতায় যাব বলেই বেরিয়েছিলাম বটে, কিন্তু অনেক দিন থেকে একবার বাবা তারকনাথকে দর্শন করবার বড় ইচ্ছে ছিল, সেইটাই এ যাত্রায় সেরে নেওয়া যাক। বাবা টেনেছেন বেশ ব্যস্তে পারছি। সেওড়াফুলিতেই নেমে

পড়বো।” ফলে, গাড়ী শ্রীরামপুর অতিক্রম করিতেই হীরালালের কামরা একেবারে জনশূন্য হইয়া গেল।

হীরালাল মহা ভাবনায় পড়িল। ভাবিল, কি করি? বাড়ীই ফিরে যাব কি?—তার পর সহসা তাহার মনে হইল, হিন্দুরই ত ভয়, মুসলমানের ত বেশী ভয় নাই। আমি ত আবু হোসেন মিয়া—আমার আর ভয় কিসের?—যাই না, কলকাতায় মজাটাই দেখি না!

তখন সে তাহার ট্রাক খুলিয়া আবু হোসেনের পরিচ্ছদ বাহির করিয়া পরিধান করিল। নিজ শ্রমক্ষেতে হাত দিয়া বলিল, “বৈচে থাক বাপু ছাগলদাড়ী!”

সাড়ে চারিটার সময় ট্রেন হাওড়া ষ্টেশনে পৌছিল। হীরালাল ট্রেন হইতে নামিতেই এক জন মুসলমান যুবক তাহার নিকট আসিয়া বলিল, “সেলাম আলেকুম্ ভাই সাহেব! আপনার ইশ্মশরিফ কি? কোথায় যাবেন আপনি?”

সৌভাগ্যবশতঃ হীরালাল ইশ্মশরিফ শব্দের অর্থ অবগত ছিল। বলিল, “আমার নাম আবু মহম্মদ হোসেন। বর্ধমান জিলায় আমার বাড়ী। একটা জরুরী কামে আমি কলকাতায় এসেছি। এখানে আমার দোস্ত কি রিস্তাদার কেউ নেই। কলুটোলা ইষ্টটে হাজি বক্স সাহেবের মোসাফিরখানা আছে শুনেছি, মুসলমানরা সেখানে বেগর কেয়ায় এক হুপ্তা থাকতে পায়। আমি সেখানেই যাব।”

মুসলমান যুবকটি বলিল, “সেখানে যাবেন না, আমার সাথে আসুন। কলকাতায় এখন ভারি ডামাডোল চলছে, হিন্দুরা মুসলমান

দেখলেই মারপিট করছে, খুন করছে। কোনও মুসলমান ভাই ট্রেন থেকে নামলে, আমরা তাকে নিরাপদ স্থানে নিয়ে যাবার জন্তে খিলাফতের হুকুমে স্টেশনে হাজির আছি। আপনি আমার সাথে আসুন।”—বলিয়া যুবক, হীরালালের হাত ধরিয়া, মুসলমান-চালিত একখানি ট্যাক্সিতে গিয়া উঠিল।

তৃতীয় পরিচ্ছেদ

কলিকাতায়

হীরালাল পূর্বেও কতবার কলিকাতায় আসিয়াছে, কিন্তু এবার আসিয়া যে দৃশ্য দেখিল, তাহা অপূর্ব। যে বড়বাজারের চৌড়া রাস্তা ট্রাম, ট্যাক্সি, লরী, ছক্কড়, গোরুর গাড়ী, মহিষের গাড়ীতে সৰ্ব্বক্ষণ গিজ-গিজ করিত, রাস্তার এ-পার হইতে ও-পারে যাওয়া সৰ্ব্বজনক ছিল, সে রাস্তা যেন মাঠের মত ধূ ধূ করিতেছে। কচিৎ হুই একখানি ট্যাক্সি বা মোটর গাড়ী যেন প্রাণভয়ে উৰ্দ্ধ্বাসে ছুটিয়া চলিয়াছে—অত্যাশ্চর্য যানাদি একেবারেই অদৃশ্য। উভয় পার্শ্বের দোকানপাট আগাগোড়া বন্ধ। দোতারা তেতলায় রাস্তার ধারের ছয়ার-জানালাগুলি সবই বন্ধ—চোতারা পাঁচতারা হইতে কচিৎ কোথাও হুই এক জন বালকবালিকা ছয়ার বা জানালা খুলিয়া উকি মারিতেছে, আবার তৎক্ষণাৎ সভয়ে বন্ধ করিয়া দিতেছে। হীরালালের সঙ্গী মুসলমান যুবকটি হাসিয়া বলিল; “দেখছেন সাহেব, কাফের শালারা আমাদের ডরে দোকানপাট সব বন্ধ ক’রে দিয়াছে।”

হীরালাল বলিল, “কিন্তু হিঁদ্রাও গুল্লাম, আমাদেরও অনেক নোকসান করেছে!”

যুবক বলিল, “হাঁ, খোড়াবহুৎ করেছে বৈ কি! মালও নোকসান করেছে, জানও নোকসান করেছে। টেরিটি-বাজারে

‘আমাদের দোকান ছিল, লুঠ ক’রে নিয়েছে। কয়েকটা দোকান জালিয়েও দিয়েছে।’

হীরালাল বলিল, “মসজিদও ভেঙ্গেছে শুন্লাম!”

“ভাঙ্গেনি, তবে অনেক জিনিষ ভেঙ্গেচুরে দিয়েছে। অল্প যে ক’জন মুসলমান সেখানে ছিল, তাদের মাইরপীট করেছে—কার কার জানুও নিয়েছে। এখন আমাদের মসজিদে মসজিদে বহুৎ মুসলমান জমায়েৎ হয়ে আছে— তারা সবাই জানু কবুল মসজিদের খবরদারী করেছে—এইবার একবার তারা আসুক না দেখি!”

ফাঁকা রাস্তার উপর দিয়া ট্যান্ডিখানি হ হ করিয়া ছুটিয়া চলিয়াছে। হীরালাল বলিল, “তাই সাহেব, আপনার নামটি কি, তা ত জানতে পারিনি।”

যুবক বলিল, “আমার নাম সেখ রহিমবক্স।”

“কি কাম করেন আপনি?”

“ঐ যে বললাম, টেরিটিবাজারে আমাদের দোকান আছে। আমার চাচার দোকান, আমি সেই দোকানেই থাকি। আপনি কি কাম করেন সাহেব?”

হীরালাল বলিল, “দেশে কিছু জমী-জমা আছে, তাই তদারক করি। কিসের দোকান ছিল আপনাদের?”

রহিম একটু যেন লজ্জিতভাবে বলিল, “জুতার দোকান। তা এখন কলকাতায় এসেছেন কি মতলবে?”

কি প্রয়োজনে কলিকাতায় আসিয়াছে, তাহার সঙ্গী যদি সে কথা জিজ্ঞাসা করে তবে হীরালাল কি বলিবে, তাহা ইতঃপূর্বেই

সে মনে মনে ভাঁজিয়া রাখিয়াছিল। কল্পিত কাহিনী যাহাতে তাহার মুসলমানত্বের পোষক হয়, এই উদ্দেশ্য তাহার ছিল। বলিল, “আমাদের পড়শী এক মুসলমান মাস ছয় হ’ল ইন্তেকাল করেছে। তার একটি বেওয়া আছে, কমসিন, আর বেশ খাপসুরতি—তারই সঙ্গে আমি নিকা বসবার বন্দোবস্ত করেছি। তারই জন্তে কিছু জেওর খরিদ করতেই এখানে আসা। কিন্তু তখন কি জানি কলিকাতায় এ রকম হল্লা—তা হলে’ আসতাম না। যা হোক, এসে যে আপনাদের খেলাফতের পাহানা পেকড়েছি, এই খয়ের, নৈলে নসীবে কি হ’ত বলা যায় না।”

ট্যান্সি এই সময় চিংপুর রোডের মোড় পার হইতেছিল। মোটর-লরী বোঝাই এক দল গুরখা সৈন্য বড় মসজিদের দিকে যাইতেছে দেখা গেল। রহিম হাসিয়া বলিল, “খেলাফৎ কোথা? ওটা একটা বাহানা। হাটের মাঝখানে পুঁথিদা বাৎ তো খুলে বলা যায় না! তাই ষ্টেশনে ও রকম বলেছিলাম। এ আমাদের নিজেদেরই বন্দোবস্ত। যেখানে যত মুসলমান পাই, আমরা সব জড় করছি। আজ রাতে আমরা ঠনঠনিয়ার কালী-মন্দির ভাঙ্গবোই ভাঙ্গবো! আপনাকেও সাথে নিয়ে যাব। আপনাকে যেখানে নিয়ে যাচ্ছি, সেখানে দেখবেন, মন্দির ভাঙ্গবার জন্তে বহুৎ মুসলমান জমা হয়েছে।”

গুনিয়া ভয়ে হীরালালের বুকটি ছুর ছুর করিতে লাগিল। সভয়ে জিজ্ঞাসা করিল, “সে কোথায়?”

যুবক বলিল, “গেঁড়াতলায় আমাদের আড্ডা-বাড়ীতে।”

গেঁড়াতলা যে বহু গুপ্তা মুসলমানের আশ্রয়, তাহার কাছাকাছি যে অনেক অসহায় হিন্দু খুন হইয়াছে, সে কথা হীরালাল অতীত-ক্রেণে সংবাদপত্রে পাঠ করিয়াছিল। ভাবিল “কি সর্বনাশ! সেই আড্ডায় নিয়ে গিয়ে আমায় ফেলবে? যদি তারা যুগাক্ষরে জানতে পারে আমি মুসলমান নই, হিন্দু কাকের, তা হ’লে তখনই আমায় কোর্বাণি ক’রে ফেলবে! এমন জান্লে কে মুসলমান সাজতো? ছোটো চারটে উর্দু বুলি জানা আছে, তারই জোরে এ পর্য্যন্ত চালিয়ে যাচ্ছি। কিন্তু সেখানে তারা যখন আমায় নামাজ পড়তে ডাকবে? নামাজ আমার চৌদ্দপুরুষেও কখনও পড়িনি—তখনই যে গুমর ফাঁক হয়ে যাবে! এখন উপায়?”—হীরালাল মনে মনে বিপত্তৌ মধুসূদন স্মরণ করিতে লাগিল।

ট্যান্ড্রি ক্রমে গেঁড়াতলার একটা গলির ভিতর প্রবেশ করিল।

একটা বৃহৎ মাটকোঠার সামনে নামিয়া দ্বারে দণ্ডায়মান এক প্রৌঢ় মুসলমানকে দেখিয়া রহিম বলিল, “করিম চাচা, শোন।” একটু আড়ালে লইয়া গিয়া চুপি চুপি তাহাকে কি বলিল, তাহার পর হীরালালের দিকে ফিরিয়া বলিল, “সাহেব, এই ডেরাতে আপনি এখন আরাম করুন, কোনও অসুবিধা হবে না। আপনি যা খাবেন, পয়সা দেবেন, ঐখানকার লোকেরা আপনাকে সব চীজ এনে দেবে। আমি আবার সন্ধ্যার পর এসে আপনার সাথে মোলাকাৎ করবো—সেলাম।”—বলিয়া রহিম চলিয়া গেল।

দুইজন মুসলমান ছোকরার সাহায্যে হীরালালের বাস্তুবিছানা বহন করাইয়া, প্রৌঢ় মুসলমানটিকে হীরালালকে ভিতরে লইয়া গেল।

চতুর্থ পরিচ্ছেদ

সতীশ ও রেবতী

এক্সপ্রেস গাড়ী অপরাহ্নসময়ে বর্ধমান ষ্টেশনে প্রবেশ করিতেছে ।
রিজার্ভ করা একটি দ্বিতীয় শ্রেণীর কামরায়, ষ্টেশনের দিকের বেঞ্চ-
খানিতে একটি বাঙ্গালী পুরুষ ও একটি স্ত্রীলোক বসিয়া ছিল ।
পুরুষটির বয়স অনুমান ৪০ বৎসর, গায়ে সিল্কের পাঞ্জাবী, হাতে
সোনার রিষ্ট ওয়াচ বাঁধা । স্ত্রীলোকটি তাহার অপেক্ষা অন্ততঃ ১০
বৎসরের ছোট হইবে । গায়ে অনেকগুলি মূল্যবান অলঙ্কার ।

ট্রেন দাঁড়াইলে, পুরুষটি উঠিয়া বলিল, “কেলনারে ছ’ পেয়ালা চা
ব’লে আসি । ক্ষিদে পেয়েছে কি রেবী ? কিছু টোষ্ট আর ডিমও
দিয়ে যেতে বলবো ?”

রেবী অথবা রেবতী বলিল, “এ ত বর্ধমান ? না, আমি ডিমটিম
খাব না, সীতাভোগ খাব ।”

“আচ্ছা”—বলিয়া পুরুষটি নামিয়া গেল ।

ফিরিওয়ালা হাঁকিল—“চানাচুর গরম !”

রেবতী ডাকিল—“এই চানাচুরওয়ালা ! ইধার আও ।”

চানাচুরওয়ালা আসিলে, রেবতী দুই আনার চানাচুর কিনিয়া,
শালপাতার ঠোঙাটি রুমালে বাঁধিয়া, উপরের বস্ত্রের এক কোণে
লুকাইয়া রাখিল ।

মিনিট পাঁচ পরে পুরুষটি ফিরিয়া আসিল। তাহার বামহস্তে শালপাতা-ঢাকা মিষ্টান্ন এবং চাদরের ভিতর দক্ষিণহস্তে আর একটা কি জিনিষ উঁচু হইয়া রহিয়াছে। প্লাটফর্ম হইতেই খাবারের ঠোঙাটা রমণীর হস্তে দিয়া, দ্বার খুলিয়া ভিতরে প্রবেশ করিয়া বলিল, “চা নিয়ে আস্ছে।” মাঝখানের বেঞ্চে বসিয়া, সমুখের বেঞ্চের নিয়মদণ্ড হইতে একটা টিফিন-বাস্কেট টানিয়া বাহির করিল। তাহার পর চাদরের ভিতর হইতে কাগজে জড়ানো একটা বোতল বাহির করিয়া, বাস্কেটের ভিতর পুরিল। রেবতী বলিল, “আবার কেন? ছিল ত কালকের খানিকটে—আধখানার কাছাকাছি!”

পুরুষ বলিল, “কি জান, সংগ্রহ থাকা ভাল। কলকাতায় গিয়ে আমরা যখন পৌছব, তখন মাগাদের সব দোকান বন্ধ হয়ে গেছে। যদিই ধর ২১ জন বন্ধুবান্ধবই দেখা-শুনো করতে আসে, তাদের খাতির করতে হবে ত! তার করা হয়েছে, অনেকেই ত জানে আজ আমরা ফিরছি।”

রেবতী বলিল, “বন্ধুবান্ধবের নাম ক’রে আনলে, গাড়ীতে ওটা কিন্তু খুলতে পাবে না, তা ব’লে দিচ্ছি সতীশ! শেষে যে হাওড়া ষ্টেশনে নামবে ‘পা টলোটলো’ অবস্থা—সে হবে না।”

সতীশ বলিল, “না না—ট্রেনে এটা খুলবোই না।”

কেলনারের খানসামা এই সময় ট্রেন উপর দুইটি পেয়ালা, চিনি, ছুধ ও একটি ছোট চাদানী লইয়া আসিল। সতীশ জানালা গলাইয়া ট্রেখানি তাহার হস্ত হইতে লইয়া বেঞ্চের উপর উভয়ের মধ্যস্থানে

স্থাপন করিল ও দুই পেয়ালা চা তৈরী করিয়া, এক পেয়ালা রেবতীকে দিয়া অপরটি নিজে গ্রহণ করিল।

রেবতী এক চুমুক চা পান করিয়া, উহা অত্যন্ত গরম দেখিয়া, মিষ্টানের ঠোঙাটির প্রতি মন দিল। শালপাতার আবরণ খুলিয়া দেখিল, সীতাভোগ ও মিহিদানা দুই-ই আছে। দেখিতে দেখিতে তিনটা সীতাভোগ ও দুইটা মিহিদানা সে উদরস্থ করিয়া ফেলিয়া বলিল, “তুমি দুই একটা খাও!”

“আবার ওগুলো খাব? আচ্ছা, দাও না হয় একটা!” বলিয়া সতীশ চায়ের পেয়ালায় চুমুক দিল। রেবতী তাহার হস্তে একটা সীতাভোগ দিয়া, নিজে আর একটা মিহিদানা ভক্ষণ করিতে লাগিল।

ট্রেণের বরফওয়ালার ছোকরা হাঁকিল,—“সোডা লেমনেড বরফ!”—কামরার নিকট আসিয়া দাঁড়াইয়া বলিল, “আউর বরফ চাহিয়ে বাবু?”

বাবু বলিল, “ভিতরে এসে বরফের বাস্কেটায় দেখ না বাবা, যদি না থাকে ত দিবে যা।”

বরফওয়ালার ভিতরে আসিয়া, বাথসুন্ডের ভিতর গিয়া বরফের বাস্কে হাত পুরিয়া, ছোট এক টুকরা বাহির করিয়া বলিল, “এহি এৎনা ত হায় বাবু।”

বাবু বলিল,—“এক সের দিবে যা।”

ছোকরা নামিয়া গিয়া, বরফ আনিয়া, সেই বাস্কেটের মধ্যে পুরিয়া গুঁড়া চাপা দিয়া, হাত ধুইয়া বাহির হইল।

রেবতী জিজ্ঞাসা করিল, “তোমার কেৎনা ছয়া রে?”

ছোকরা বলিল, “চারঠো লেমনেড, তিনঠো সোডা.—আউর হু’
সের বরফ। চারঠো লেমনেড সাত আনা—

সতীশ বাধা দিয়া, “যা যা, লিলুয়ায় এসে হিসেব নিয়ে যাশ।”

“বহুৎখু”—বলিয়া ছোকরা নামিয়া গিয়া আবার “সোডা
লেমনেড বরফ”—হাঁকিতে হাঁকিতে চলিয়া গেল।

চা-পান-শেষে হাত-মুখ ধুইয়া, কেলনারের বিল মিটাইয়া দিতেই
ট্রেণ ছাড়িবার বন্ট। পড়িল। সতীশ টিফিন বাক্সেট টানিয়া, তাহার
মধ্য হইতে পাণের ডিবা, জর্দার শিশি ও সিগারেটের কোটা
বাহির করিল। পাণ খাইয়া দুই জনেই এক একটি সিগারেট
ধরাইল। তাহার পর সতীশ পকেট হইতে একখানা খবরের কাগজ
বাহির করিয়া, তাহার মোড়ক ছিঁড়িতে লাগিল। রেবতী বলিল,
“খবরের কাগজ পেলে কোথা?”

“ছইলার থেকে একখানা স্টেটস্‌ম্যান কিনে আনলাম। আজকের
খবরটা কি রকম দেখি। ছ’জন বাবু ত বলাবলি করছিল যে, দাঙ্গা
এখনও থামে নি।”

রেবতী আগ্রহের স্বরে বলিল, “দেখ দেখ।”

খবরের কাগজ খুলিয়া বাবুটি পড়িতে পড়িতে সহাস্রবদনে
বলিয়া উঠিল, “হুয়াবা!—ঘুষু দেখেছ ফাঁদ দেখ নি! পথে এস।”

রেবতী জিজ্ঞাসা করিল, “কি? কি সতীশ?”

বাবু বলিল, “কেল্লা থেকে গোরা সৈন্ত এসেছে রেবী—গোরা
সৈন্ত এসেছে! সতীন উচিয়ে রাস্তায় রাস্তায় তারা পাহারা দিচ্ছে!
গোরা সৈন্ত-ভর্তি মোটর-লরি তৈরী বন্দুক হাতে ক’রে রাস্তায় রাস্তায়

ঘুরে বেড়াচ্ছে ! কর এবার দাঙ্গা ! গুণ্ডারা সব কে কোথায় সটকে পড়েছেন ! হুঁশাবা ! বেরোও না এক বার লাঠি-সোটা হাতে ক’রে ।”

রেবতী বলিল, “দাঙ্গার তা হ’লে আর কোনও ভয় নেই বল ?—কিন্তু বন্দুক নিয়ে গোরা সৈন্য বেড়াচ্ছে—আমাদের যদি কিছু বলে ?”

“কেন ? আমাদের কেন বলবে ? আমরা কি গুণ্ডা ক্রাসের লোক ? আমরা কি দাঙ্গাকারী ?” বলিয়া সতীশ সংবাদপত্র পড়িতে লাগিল ।

রেবতী বলিল, “মনে মনেই পড়ছ, খবরগুলো আমায় বল ।”

সতীশ বলিল, “বলি । আগে কতকটা পড়ে নিই দাঁড়াও । (হাই তুলিয়া)—আঃ—হাই উঠছে কেন ?” বলিয়া কোতুক ও মিনতিভরা চোখে তার সঙ্গিনীর দিকে চাহিল ।

রেবতী বলিল, “যাও যাও, আর ছাকামো করতে হবে না । এহঁত চা খেলে, এখনই আবার হাই উঠছে কেন ?—সব খবর আমায় আগে বল্বে, তার পর দেবো । দাঁও—আর একটা সিগারেট দাও ।”

বাবুটি তাহার সঙ্গিনীকে সিগারেট দিয়া, আবার কাগজ পড়িতে লাগিল । পড়িতে পড়িতে তাহার মুখের পূৰ্ব্ব-প্রফুল্লতা ম্লান হইয়া আসিল । পড়া শেষ করিয়া, কাগজ রাখিয়া বলিল, “কিছু বঝতে পারছি নে ।”

“কেন ? কি পড়লে ?”

“কালকেও অনেকগুলো খুন হয়ে গেছে । একজন শিখ মোটর

ড্রাইভারকে মুসলমানরা মেরে ফেলেছে, তার ট্যান্ডি আলিয়ে দিয়েছে। আবার হিন্দুরাও এক জন মুসলমান কোচম্যানকে, দু'জন মুসলমান তরকারীওয়ালাকে খুন ক'রে ফেলেছে। গোরা'রা তখনও বোধ হয় কেল্লা থেকে বেরোয় নি। আজ সব ঠাণ্ডা হয়ে গেছে নিশ্চয়!”

রেবতী বেঞ্চের পৃষ্ঠে হেলিয়া পড়িয়া হতাশভাবে বলিল, “কে জানে বাবু! আমার ত ভারী ভয় করছে। তোমার ভয় হচ্ছে না?”

সতীশ বলিল, “দেখ, আমার মাথায় কিন্তু একটা প্ল্যান (ফন্দী) এসেছে।”

“কি প্ল্যান?”

“দাঁড়াও, প্ল্যানটা আগে মাথার মধ্যে বেশ ক'রে মেচিওর (পাকা) করি, তবে বলবো। সন্ধ্যা ত পেরিয়ে গেছে, এইবার একটু বরফ কাটি, কি বল?”

রেবতী হাসিয়া বলিল, “চোরের মন পুই-আদাড়ে! আচ্ছা, কাট।”

সতীশ বাথরুমে গিয়া, বরফ কাটিয়া, সোরাইয়ের জলে তাহা ধুইয়া লইল। বাথরুমের ট্যাপের জলে ধুইল না,—কারণ, পূর্বে এইরূপ ধুইতে গিয়া ঠকিয়াছে;—সারাদিন সূর্যের তাপে সে জল প্রায় ‘গরম জল’ হইয়া থাকে, ধুইতে ধুইতেই অর্দ্ধেক বরফ গলিয়া যায়।

রেবতী ইতিমধ্যে টিফিন-বাস্কেট হইতে আধখালি একটা হেনে-সির বোতল, একটা বড় গ্লাস এবং একটা সোডা বাহির করিয়া

রাখিয়াছিল। আউন্স তিনেক ব্রাণ্ডির সহিত ~~আপ~~ বোতল সোডা ও বরফের টুকরাটা মিশাইয়া উভয়ে সেবন করি~~তে~~ লাগিল। একটু পরে রেবতী বলিল, “কি প্যান, বল্লে না সতীশ?”

সতীশ বলিল, “আমি বলি কি, আজ আমরা কলকাতায় না গিয়ে, চল, চন্দননগরেই নামি। সেই হোটেলটায় গিয়ে ওঠা যাবে। কলকাতায় দাঙ্গা না থামা পর্য্যন্ত সেইখানেই কাটানো যাবে। খাসা খাসা জিনিষ রাখে তারা—নয় ভাই?—আর দামেও কত সস্তা দেখেছ? ফরাসী গভর্ণমেন্টের জয়-জয়কার হোক! চল চন্দননগরেই নেমে পড়া যাক, কি বল?”

রেবতী ঘ্রাসে একটা লম্বা টান দিয়া, সেটা সতীশের হাতে দিয়া বলিল, “অসম্ভব!”

“কেন? ছ’মাস বিদায়ের পর কাল তুমি আবার নামবে কথা আছে, সেই জন্তে?”

রেবতী বলিল, “নিশ্চয়! কেন, তুমিই ত সে টেলিগ্রাম প’ড়ে আমায় শুনিয়েছ সতীশ! ম্যানেজার কি লিখেছে, বল না!”

সতীশ বলিল, “টেলিগ্রামে ছিল, ছ’মাস অবকাশের পর কাল তুমি আবার মর্জ্জিয়ানার ভূমিকায় নেমে, কলকাতার দর্শকবৃন্দকে নাচে গানে মাতোয়ারা ক’রে দেবে, এ কথা সহরময় প্ল্যাকার্ড করা হয়েছে, কাগজে কাগজেও বিজ্ঞাপন দেওয়া হয়েছে—এমন কি, সে রাজ্রির অধিকাংশ আসনই আগাম বিক্রী হয়ে গেছে; আজ তোমার কলকাতায় এসে পৌছন চাই-ই।—তা হলেও প্রাণটা ত ভাই আগে!”—বলিয়া সতীশ ঘ্রাসটা খালি করিয়া ফেলিল।

রেবতী বলিল, “না, সে হয় না। আমি তাদের টেলিগ্রাম করেছে—নিশ্চয়ই ঠিক সময়ে ফিরবো। কথা দিয়ে কথা রাখতে না পারা বড় খারাপ। আর বোধ হয়, তারা হাওড়ায় এসে আমার জন্তে অপেক্ষা করবে—আমায় নিরাপদে নিয়ে যাওয়ার জন্তে নিশ্চয়ই কোনও ব্যবস্থা তারা করেছে। নাও, আর একটু বরফ কাট।”

দ্বিতীয় গ্লাস ঢালা হইলে, রমণী বলিল, “একটা জিনিষ থাকে?”
—বলিয়া, রুমালে বাঁধা চানাচুরের ঠোঙাটি বাহির করিয়া দিল।

সতীশ বলিল, “বাঃ—বাঃ—এ পেলে কোথায়?” এক মৃঠা মুখে পুরিয়া চিবাইয়া বলিল, “খাসা মুচমুচ করছে—আর বেশ ঝাল ঝাল।”

রেবতী চানাচুর ক্রয়ের ইতিহাস বলিল। সতীশ বলিল, “একেই বলে পাকা গিন্নী! সত্যি ভাই, তুই যদি আমার ওয়াইফ হতিস্ ত—
হুয়াবা! ক্যা ফুর্তি!”

রেবতী এক চুমুক খাইয়া গ্লাসটা সতীশের হাতে দিয়া বলিল,
“আমি যদি তোর ওয়াইফ হতাম ত কি করতাম জানিস সত্যি?
উঠতে বসতে তোকে ঝাড়ু লাগাতাম।”

সতীশ বলিল, “তা লাগাতিস লাগাতিস; কিন্তু সঙ্গে সঙ্গে সেই
গানটাও গাইতিস ত?”—বলিয়া সতীশ তাহার বেসুরে আরম্ভ
করিল—

“ছি ছি এত্তা জঞ্জাল!

ছি ছি এত্তা জঞ্জাল!

এত্তা বড়া মোকামমে

এত্তা জঞ্জাল!”

রেবতী ষ্টেটসম্যানখানা লইয়া সতীশের পিঠে তালে তালে ছপাছপ মারিতে মারিতে, তার কিন্নরী-বিনিন্দিত কণ্ঠে গাইল—

“হরদম লাগাতা ঝাড়ু, তব্‌ ভি এসা হাল!”

“গা না ভাই—গা—থাম্‌লি কেন? আমি নাচি।”—বলিয়া সতীশ গ্লাস হাতে উঠিয়া নৃত্যের ভঙ্গীতে দাঁড়াইল।

রেবতী বলিল, “না—না, এখন নাচে না। গেলাস দে, থাই।”

সতীশকে গানে পাইয়াছিল। রেবতীর হাতে গ্লাস দিয়া, সে বলিল, “তার পর কি রে? মনে ক’রে দে না। হ্যাঁ—অন্দরমে বাতিরমে সবমে সোমান!—আহা, নাট্যকার ভায়াব কি হিন্দীজ্ঞান রে!—তার পর কি ভাই?”

কিন্তু রেবতী তার অংশক্তির কোনও সাহায্য করিল না। অগত্যা সতীশ আবার বসিয়া গ্লাসে চুমুক দিল।

দাঙ্গা-প্রসঙ্গ বাকুণী-প্রবাহে কোথায় ভাসিয়া গেল। চন্দননগর পার হইয়া গাড়ী শ্রীরামপুরে আসিয়া দাঁড়াইল। সোডা নিঃশেষিত, বোতলও ইতিমধ্যে খালি হইয়া গিয়াছে।

রেবতী বলিল, “হ্যাঁ সত্য, সোডা আর নেই বোধ হয়?”

“সোডার ছুখ কি? আমি এখনই আনাচ্ছি”—বলিয়া সতীশ মহা উৎসাহে কামরা হইতে নামিয়া টলিতে টলিতে বরফ গাড়ীর দিকে ছুটিল। সোডা ছকুম করিয়া ফিরিতে ফিরিতেই টেণ ছাড়িবার ঘণ্টা বাজিল। বরফওয়াল ছোকরা যখন সোডা লইয়া কামরায় প্রবেশ করিল, তখন গাড়ী চলিতে আরম্ভ করিয়াছে।

সুতরাং ছোকরা নামিতে পারিল না—ইহার পর লিলুয়ায় গাড়ী থামিবে, সেইখানে নামিবে।

বর্ধমানের ক্রীত নূতন বোতলটি খোলা হইল। ছোকরাই বরফ কাটিয়া ধুইয়া আনিল। পান করিতে করিতে সতীশের কি খেয়াল হইল, বলিল, “এই শালা, থোড়া পিয়েগা?”

ছোকরা চটিয়া বলিল, “গালি কাহে দেতঁহে বাবু?”

সতীশ বলিল, “শালা বল্লে তোর গাল হ’ল বুঝি? তুই কাব ভাই হলি জানিস্। ঐ যে বিবি হুঁয়া বৈঠা হায়,—তুই তার ভাই হলি। এ বিবি কোন্ হায় জানতা? কচু জানতা! লুস্বা! এ যে-সে বিবি নেহি! রঙ্গালয়-জগতের প্রতিদ্বন্দ্বিহীন সম্রাজ্ঞী—অদ্বিতীয়া গায়িকা ও নাটিকা রেবতীসুন্দরীকা নাম শুনা হায়? ইনি সেই রেবতীসুন্দরী, হামারা ওয়াইফ—ফাইভ হণ্ডেড রুপীজ্ এ মন্স্ হাম ইনকো সেলারি দেতা হায়। শরীর অমুস্ব লুয়াখা, হাওয়া খানেকো বাস্তে চুনারমে লে গিয়া, টু থাউজাও রুপীজ্ হাম খরচ কিয়া। ইনকা ভাই হোনেমে তুমরা এংনা আপত্তি?”

“আঃ সত্য, কি মাৎলামি করছিস্!” বলিয়া রেবতী সতীশের পিঠে এক থাবড়া মারিল। মাতালের কাণ্ড দেখিয়া রাগ ভুলিয়া ছোকরাও হুই পাটি দত্ত বাহির করিয়া হাসিতে লাগিল।

লিলুয়ায় ট্রেন পৌছিবার পূর্বেই রেবতী বোতল, গেলাস প্রভৃতি লুকাইয়া ফেলিয়া, ছোকরার হিসাব চাহিল। ছোকরা সোড়া প্রভৃতি যত দিয়াছিল, স্নযোগ বুঝিয়া তাহার দেড়গুণ, দ্বিগুণ কর্দ দিল, এবং টাকা লইয়া প্রস্থান করিল।

হাওড়া স্টেশনে নামিয়া রেবতী ইতস্ততঃ চাহিয়া দেখিতে লাগিল, কৈ, থিয়েটারের কোনও লোকই ত তাহাকে লইতে আসে নাই ! তখন সে বলিল, “সতীশ, বুঝেছ,—কোনও শিখের ট্যান্সি নয়, মুসলমানের ট্যান্সি নয়, হিন্দু ড্রাইভারের ট্যান্সি দেখে ওঠ ।”

সেদিন প্ল্যাটফর্মে ট্যান্সি অতি অল্পসংখ্যকই ছিল । খুঁজিতে খুঁজিতে এক ড্রাইভারকে হিন্দু বলিয়া বোধ হইল । মাথাটি তার একেবারে কামানো—মস্ত এক টিকি ঝুলিতেছে ।

উভয়ে গিয়া সেই ট্যান্সিতে উঠিল । সতীশ হুকুম দিল—
“চিৎপুর রোড জয় মিত্তিরকা গলি ।”

ট্যান্সি ছুটিল । সতীশ বসিয়া ঢুলিতেছিল, রেবতী সজাগ ছিল । চিৎপুর রোডের মোড় পার হইয়া ট্যান্সি যখন হ্যারিসন রোড দিয়াই চলিল, রেবতী বলিয়া উঠিল, “এই—এই—কাঁহা যাতা হায় ? ঘুমাও ঘুমাও—চিৎপুর রোডসে চলো ।”

ড্রাইভার বলিল, “উদার বহুৎ গোলমাল মাইজী ! নয় রাস্তামে লে চলেঙ্গে ।”

কিন্তু গাড়ী যখন নূতন রাস্তা সেন্ট্রাল অ্যাভিনিউও ছাড়িয়া চলিল, রেবতী তখন চীৎকার করিয়া উঠিল,—“এই উল্লুক, কাঁহা যাতা হায় ? উদার নেহি—উদার নেহি !”

রেবতীর চেষ্টামেচিতে সতীশ জাগিয়া উঠিল । ট্যান্সিচালক ঝড় স্বরে বলিল, “এই মাগী ! চিল্লা মৎ—ঠিক যাতা হায় ।”—বলিতে বলিতে ট্যান্সি গেঁড়াতলার এক গলির মধ্যে প্রবেশ করিল । কতক-

গুলা গুণাগোছের মুসলমান, উত্তম শিকার জুটিয়াছে দেখিয়া উল্লাসের ধ্বনি করিতে করিতে ট্যান্সির সঙ্গে সঙ্গে ছুটিয়া চলিল।

দেখিয়া রেবতীর প্রাণ উড়িয়া গেল। সতীশেরও নেশা ছুটিয়া গেল। ব্যাপারটা সে ভাল করিয়া বুঝিবার পূর্বেই ট্যান্সি আমাদের পূর্ববর্ণিত সেই মাটিকোঠার সম্মুখে গিয়া দাঁড়াইল।

ছুই তিন জন মুসলমান রক্তস্বরে বলিল, “উংরো।”—এক জনের হাতে একখানা মস্ত ছোরা। অপর সকলের হাতে লাঠি।

সতীশ প্রায় কাঁদ কাঁদ স্বরে বলিল, “এজী, হামলোককো হিঁয়ামে কাহে লায়।”

“চলো—আভি মালুম হোগা।” বলিয়া তাহারা উভয়কে হাত ধরিয়া টানিয়া গাড়ী হইতে নামাইল।

দ্বারস্থ সেই প্রোট মুসলমান করিম চাচা, মুণ্ডিতমস্তক টিকিধারী সেই ড্রাইভারকে বলিল, “আলিজান—আর একবার হাওড়া ষ্টেশনে যা না—যদি আর কোনও শিকার মেলে।”

টিকিধারী আলিজান বলিল, “বড় ভুখ লেগেছে করিম চাচা। আর ষ্টেশনে মোশাফিরও খুব কম উংরাচ্ছে খোদা কসম্। এখন ট্যান্সি আস্তাবলে রাখি গে।”

“আচ্ছা যা, কাল বিহান হতেই আসিস্”—বলিয়া করিম চাচা সতীশ ও রেবতীকে লইয়া ভিতরে প্রবেশ করিয়া দ্বার বন্ধ করিল।

পঞ্চম পরিচ্ছেদ গুণ্ডারাজার দরবারে

এই করিম চাচা আর কেহ নয়, প্রসিদ্ধ গুণ্ডা-সর্দার করিম সেখ। এই আড্ডা-গৃহের করিমই মালিক; দলস্থ সকল গুণ্ডাই করিমের আজ্ঞাধীন।

এই মাটকোঠার চারিদিক প্রাচীরে ঘেরা। নিম্নতলাটা প্রকাণ্ড একটা হলের মত—সেখানে ২০।২৫ জন মুসলমান, কেহ শুইয়া, কেহ বসিয়া আছে—কেহ তামাক খাইতেছে, কেহ বদনার নলে মুখ দিয়া জল পান করিতেছে। ভিতরে প্রবেশ করিয়াই বামদিকে উপরে উঠিবার সিঁড়ি। সিঁড়ির মুখে এসিটেলিন গ্যাসের একটা আলো জ্বলিতেছিল। দুইটি নূতন শিকার লইয়া সর্দারকে প্রবেশ করিতে দেখিয়া লোকগুলি চঞ্চল হইয়া উঠিল। গ্যাসের আলো রেবতীর মুখের উপর পড়ায় তাহারা অবাক হইয়া সে দিকে চাহিয়া রহিল।

সিঁড়ির নিকট দাঁড়াইয়া করিম হাঁকিল—“এরফান?”

“জী!”—বলিয়া, লুপ্তিপরা যণ্ডা গোছের এক ব্যক্তি বাহির হইতে ছুটিয়া আসিল।

“ঐ বাকস্ হটো, বিছানা টিছানা সব উপরে নিয়ে আয়।”—বলিয়া সতীশ ও রেবতীকে লইয়া করিম উপরে উঠিল।

দ্বিতলে মাঝখানটা একটা হলের মত, তাহার দুই পাশে কয়েকটা কামরা, দুই দিকে দুইটা দেওয়াল-আলো জলিতেছিল। এখানেও ১০।১২ জন মুসলমান, অপেক্ষাকৃত ভদ্রগোছের চেহারা, কেহ বসিয়া কেহ শুইয়া ছিল। ইহারাও নবাগতদ্বয়কে দেখিয়া চঞ্চল হইয়া উঠিল। ছদ্মবেশী হীরালালও ইহাদের মধ্যেই ছিল।

করিম পার্শ্ববর্তী একটা কামরা খুলিয়া প্রবেশ করিল। এইটিই এ আড্ডা বাড়ীতে করিমের খাস-কামরা। ঘরের দুই দিকের দেওয়ালে, ছোট বড় নানা আকারের ছোরা ছুরি ঝুলিতেছে। এক কোণে একটা তেপায়া টেবিলের উপর ল্যাম্প জলিতেছে। মেঝের উপর একটা ময়লা বিছানা পাতা। করিম টেবিলের আলোটা উজ্জ্বল করিয়া দিয়া, বিছানায় বসিয়া, একটা ময়লা তাকিয়ায় ভর দিয়া অগুজ্জার স্বরে বলিল, “বোস্ তোরা এখানে।”

সতীশ ও রেবতী খালি মেঝের উপর বসিল। ভয়ে উভয়েই কাঁপিতেছিল। করিম বলিল, “কে তোরা ক’ দেখি!”

সতীশ হাত যোড় করিয়া বলিল, “আজ্ঞে—আমরা—বান্গালী, হজুর।”

করিম দাঁত খিচাইয়া বলিল, “হারামজাদা!—বান্গালী নয়ত কি চীনেম্যান? বান্গালী, সে ত সবাই জানে। নাম কি তোর? বাড়ী কোথা?”

সতীশ নিজের মিথ্যা নাম ও ঠিকানা বলিল—“আজ্ঞে, আমার নাম শ্রীহারাদন পাল। বাড়ী শ্রামবাজার।”

“কোন্ ইষ্টিট, কত লম্বা?”

“আজ্ঞে, ৩৪নং জগমোহন লেন।”—বলা বাহুল্য, ইহাও মিথ্যা।

“এই ঠিকানা তোর কে হয়?”

“আজ্ঞে, আমার পরিবার—স্ত্রী।”

“বিয়াহী?”

“আজ্ঞে, হ্যাঁ।”

“তোর জন্মের ঐ জ্যাবরগুলো কি সোণার? না রোলগোল?”

সতীশ বলিল, “আজ্ঞে, সমস্তই খাঁটি গিনি সোণার তৈরী।”

“আর ঐ লেকলেসটা? পাথরগুলো আসল, না বুটো?”

সতীশ উত্তর করিল, “আজ্ঞে, সমস্তই আসল। দেড় হাজার টাকা দিয়ে লাভচাঁদের বাড়ী থেকে ওটা কিনেছিলাম।”

করিম বলিল, “ওঃ, তুই তা হ’লে আমির লোক! অনেক টাকা তোর! আচ্ছা—লেকলেসটা দেখি।”—বলিয়া করিম হাত বাড়াইল।

রেবতী ইতস্ততঃ করিতে লাগিল। সতীশ মিনতির স্বরে বলিল, “নেকলেসটা খুলে দাও রেবী, হুজুর দেখতে চাইছেন।”

দেওয়ালে টাঙ্গানো ছেরা-ছুরিগুলার প্রতি একবার সতয়ে নেত্রপাত করিয়া, রেবতী কম্পিত হস্তে নেকলেস উন্মোচন করিয়া করিমের বিছানায় রাখিল। নেকলেসটি লইয়া করিম বলিল, “চুড়ি-গুলো, তাগা যোড়াতা, মাথার কাঁটা-চিকণী, কাণের টাপ, হীরের নাক-ছাবি, আংটিগুলো কোমরের বিছে—সব খুলে দে।”

রেবতী প্রাণের দায়ে একটি একটি করিয়া অলঙ্কার গুলি সবই খুলিয়া দিল। হুই তিন হাজার টাকার গহনা।

এই সময় এরফান্ ও অপর একজন মিলিয়া বাস্ক প্রভৃতি লইয়া আসিল। করিম বলিল, “বাস্ক খোল্।”

সতীশ ও রেবতী আপন আপন বাস্ক খুলিয়া দিল। কাপড়-চোপড় ছাড়া নগদ টাকা বেশী বাহির হইল না—শ’থানেক মাত্র। গহনা ও টাকাগুলি লইয়া করিম পুঁটুলী বাঁধিতে বাঁধিতে বলিল, “কাপড়ালেত্তা সব বন্ কর।”

বাস্ক বোকাই ও বন্ধ হইলে সতীশ বলিল, “আর ত আমাদের কিছু নেই হজুর। যা ছিল, সমস্তই হজুরে নজর দিলাম। এখন, হুকুম হয় ত আমরা আসি।”

করিম হা হা করিয়া হাসিয়া বলিল, “অস্বে বৈ কি দোস্ত!—পুলিস সাথে নিয়ে ত?”

সতীশ জিত কাটিয়া বলিল, “না হজুর, সে কি কথা! পুলিস? পুলিসের ছায়াও আমরা মাড়াব না। দোহাই হজুর, আমাদের ছেড়ে দিন। আমরা বাড়ী চ’লে যাই—অনেক রাত হয়ে গেল!”

করিম বলিল, “টাকা?”

“আবার কিসের টাকা হজুর?”

“তোর জান-কিস্মৎ। পাঁচ হাজার টাকা চাই। সেই টাকা তুই বাড়ী থেকে আনিয়া দে, তোদের খালাস দিচ্ছি।”

সতীশ বলিল, “আবার পাঁচ হাজার টাকা?—যা ছিল সবই ত নিলেন হজুর!”

“এ ত এই ঔরতের জান-কিস্মত। তোকে ছাড়বো তার টাকা

চাইনে? বাড়ীতে খৎ লিখে দে—আমি লোক পেঠিয়ে দিচ্ছি—
টাকা নিয়ে আসুক, তার পর তোকে ছাড়বো।”

সতীশের মনে একটু যা আশার সঞ্চার হইয়াছিল, তাহা অন্তহিত
হইল। সে বসিয়া ঘামিতে লাগিল। কিয়ৎক্ষণ নিস্তব্ধ থাকিয়া সে
বলিল, “হুজুর, আমরা সামান্য লোক, সামান্য টাকা কড়ি যা আছে,
তা কারবারে খাটে, বাড়ীতে বেশী টাকা থাকে না। তা ছাড়া আজ
হু’মাসের উপর আমি বাড়ী ছাড়া—ঘরে টাকা কড়ি কি আছে না
আছে, তাও জানিনে; তবে যদি মেহেরবানি ক’রে আমায় ছেড়ে
দেন, আমি কাল সারাদিনে টাকাটা যোগাড় ক’রে আপনাকে
এনে দিতে পারি।”—বলিয়া সতীশ মিনতির চিহ্নস্বরূপ হাত
কচলাইতে লাগিল।

করিম বলিল, “কি কারবার করিস্?”

“আজ্ঞে, পোস্তায় আমার লোহালকড়ের দোকান আছে।”

“কত টাকার কারবার?”

“আজ্ঞে, কম হলেও, বিশ হাজার টাকার হবে। দোকানে টাকা
মজুত থাকে ভাল, না থাকে, ব্যাঙ্ক থেকে চেক ভাঙ্গিয়ে এনে টাকা
দিয়ে যাব। কাল সন্ধ্যার মধ্যেই এসে আমি বেবাক টাকা হুজুরে
দাখিল ক’রে যাব—কথার আমার খেলাপ হবে না।”

করিম কিয়ৎক্ষণ চিন্তা করিয়া বলিল, “আচ্ছা, সে ওয়াদায়
তোকে ছেড়ে দিতে পারি। কিন্তু তোর জরুরে জামিনস্বরূপ এখানে
রেখে যেতে হবে। রাজি আছিস্?”

সতীশ সাগ্রহে বলিল, “তা, হুজুর যা হুকুম করবেন।”—সে

এখন প্রাণ লইয়া পলাইতে পারিলে বাঁচে ! আত্মানং সততং রক্ষেন্দ
দাতৈররপি ধনৈরপি—উপ-দারের আর কথা কি ?

রেবতী মনে মনে প্রমাদ গণিল । ভাবিল, সতীশ যদি বিশ্বাস-
ঘাতকতা করে, যথাসময়ে টাকা না আনে ; কিংবা অত টাকা যদি
সে সংগ্রহ না-ই করিয়া উঠিতে পারে, তবে আমার কি দুর্গতিই না
হইবে ! ইহারা রাগিয়া হয় ত আমাকে খুনই করিয়া ফেলিবে !
মনে করিল বলি, “না হুজুর, আমি ওর জামিন ফামিন হ’তে পারবো
না—আমার ত সর্বস্ব নিয়েছেন, আমায় ছেড়ে দিন ।” কিন্তু,
কোনও বিবাহিতা স্ত্রীর পক্ষে স্বামীর প্রতি এরূপ আচরণ কি
সন্দেহজনক হইবে না ? বিশেষ, সতীশ যখন তাহাকে বিবাহিতা
স্ত্রী বলিয়া প্রচার করিয়াছিল, তখন সে ত প্রতিবাদ করে নাই ।
সুতরাং রেবতী কিছু বলিতে পারিল না ।

করিম কিয়ৎক্ষণ ভাবিবার পর বলিল, “আচ্ছা, তাই মঞ্জুর
করা গেল । তুই কা’ল সাঁঝ ৬টার মধ্যে পাঁচ হাজার টাকা এনে
এখানে দাখিল করবি । যদি না আনিস, তবে তোর পরিবারের
ইজ্জৎ বাঁচবে না—এ কথা সাফ্ সাফ্ তোকে ব’লে রাখলাম ।
আরও বলি শোন । তোর জরুকে এ বাড়ীতে রাখবো না । এখনি
একে দোসরা বাড়ীতে চালান ক’রে দেবো । যদি কোনও বেইমানী
করিস—পুলিসে খবর দিস্ বা পুলিস আনিস, তবে তোর জরুকে
খুঁজে ত পাবিই না ! যে বাড়ীতে পাঠাচ্ছি, সেইখানেই একে আমরা
খুন ক’রে ফেলব—তোরও জান্ আমরা না লিয়ে ছাড়বো না ।
ছ’ দিনে হোক, ছ’ মাসে হোক—তোর বুকে আমার লোকেরা ছুরি

বসাবেই বসাবে ! তুই যদি সাক্ষী-পাহারা-ঘেরা সাত মহল বাড়ীর মধ্যেও লুকিয়ে থাকিস, তা হ'লেও আমার লোকেরা তোকে মারবেই মারবে। আচ্ছা—এখন তা হ'লে তুই যেতে পারিস।”

সতীশ দাঁড়াইয়া উঠিয়া বলিল, “আজ্ঞে হুজুর, আমার কথার কোন মতেই নড়চড় হবে না। কা'ল সন্ধ্যা ৬টার মধ্যে আমি টাকা এনে দাখিল ক'রে আমার পরিবারটিকে উদ্ধার ক'রে নিয়ে যাব। আর পুলিশ—পুলিসের ধারে কাছেও যদি আমি যাই, তবে আমি—তবে আমি—এক বাপের বেটা নই !” তার পর রেবতীর দিকে চাহিয়া বলিল, “আচ্ছা রেবী—আচ্ছা রেবী—আচ্ছা ওগো, তুমি কিছু ভয় পেও না, আমি কা'ল টাকা এনে তোমায় উদ্ধার ক'রে নিয়ে যাব। কোনও ভয় নেই তোমার। এই করিম সাহেব অতি ভদ্রলোক। আদত পাঠান কি না ! ইনিই এখন তোমার বাপ। ইনি তোমাকে যেখানে পাঠাচ্ছেন, সেইখানেই তুমি যেও, কিছুই ভয় নেই তোমার, নিশ্চিন্তি হয়ে থেক।”

“আদত পাঠান” করিমের চৌদ পুরুষও নয়। মার্কেটে বাজার করিতে গেলে ছেঁড়া পাংলুন ফিরিঙ্গিকে দোকানদারেরা যে উদ্দেশ্যে “বড়া সাহেব” বলিয়া ডাকে, সতীশের উদ্দেশ্যও তাহাই।

আভূমি নত হইয়া, করিমকে সেলাম করিয়া সতীশ বিদায় গ্রহণ করিল। রেবতী চোখে আঁচল দিয়া ফোস ফোস করিয়া কাঁদিতে লাগিল।

যতক্ষণ কথাবার্তা হইতেছিল, ৫১৬ জন লোক দ্বারের নিকট

দাড়াইয়া শুনিতছিল ; তাহার মধ্যে আমাদের জাল আবু মিঞাও ছিলেন ।

সুন্দরী যুবতীকে কাঁদিতে দেখিয়া করিম গুণ্ডার পানাগ হৃদয়ও গলিল । সে কোমল স্বরে বলিল, “কেন কাঁদ বিবি, চুপ কর । কা’ল তোমার শওহর টাকা এনে দাখিল করলেই তোমায় ছেড়ে দেবো । আর যদি তোমার শওহর বেইমানীই করে, না আসে,— তা হ’লেও তুমি ভেসে যাবে না—আমার বিবি হয়ে আমার ঘরে তুমি থাকবে—আমি তোমায় নিকা করবো । তুমি বেশ খাপসুরও আছ—তোমাকে আমার পসন্ হয়েছে । কেঁদ না—কেঁদ না বিবি, চুপ কর, তোমার কোন ডর নেই ।”

রেবতী চোখের আঁচল খুলিয়া বলিল, “আমায় আর কোথায় যে পাঠাবেন বল্লেন, সেখানে তারা যদি আমার উপর কোনও অত্যাচার করে ?”

করিম হাসিয়া বলিল, “না বিবি, তোমায় আর কোথাও যেতে হবে না । তোমার স্বামীকে ঐ ভাঁওতা দিলাম, যাতে সে বুঝতে পারে যে, পুলিশ এনে তোমায় উদ্ধারের চেষ্টা করা বেকায়দা । তুমি এই ঘরেই থাক, আমি বাইরে তালি বন্ধ ক’রে দিয়ে যাব, চাবি আমারই কাছে থাকবে, কেউ তোমার উপর কোনও জুলুম করতে পারবে না । কিছু খাবার আনিয়ে দেবো কি ?”

রেবতী সীতাভোগের ঠোঙা দেখাইয়া বলিল, “আজ্ঞে না, খাবার আমার সঙ্গেই আছে । কেবল জলেরই অভাব ।”

করিম সোরাই দেখাইয়া বলিল, “তোমাদের ওতে জল নেই ?”

রেবতী বলিল, “আজ্ঞে, জল আছে বৈ কি ! তবে—কিছু মনে করবেন না মিঞা সাহেব, আপনার লোকেরা ও জল ছুঁয়ে দিয়েছে কি না । আমরা হলাম ইঁহু, ও ত আর চলবে না ; দয়া ক’রে বোতল হুই সোড়া যদি আনিয়ে দিতেন ত ভাল হ’ত ।”

মুসলমানের ছোঁয়া জল অচল, কিন্তু সোড়া সচল। ইহা শুনিয়া করিম একটু হাসিল। দ্বারে দণ্ডায়মান এরফানকে তৎক্ষণাৎ ছুই বোতল সোড়া আনিতে হুকুম করিল। অবিলম্বে সোড়া আসিয়া পৌঁছিল—যুদ্ধাপ্রস্বরূপ ব্যবহার জন্য বহু বোতল সোড়া বাড়ীতেই সঞ্চিত ছিল।

“আচ্ছা বিবি, এখন তবে আসি। বন্দিগী।”—বলিয়া করিম দ্বারের হইয়া, দ্বারে তালা বন্ধ করিল।

রেবতী সেই ভাবেই বসিয়া রহিল। অদৃষ্টে কি আছে, চতুর্থা করিয়া কোনও কুল-কিনারা পাইল না। সতীশ টাকা লইয়া তাহাকে খাদ্যাস করিতে আসিবে কি ? সে রেবতীর উপর যে পরিমাণ টাকা খরচ করিয়া থাকে, সতীশের আর্থিক অবস্থা যে তদনুযায়ী নহে, ইহা রেবতী অবগত ছিল। চুনারে বায় পরিবর্তনের বায় জন্য সতীশকে উচ্চ স্তরে ছাণ্ডনোট কাটিতে হইয়াছে, ইহাও সে জানিত। তাই তাহার মনে বিষম সন্দেহ উপস্থিত হইল যে, ইচ্ছা থাকিলেও সতীশ হয়ত টাকাটা যোগাড় করিতে পারিবে না। তাহা হইলে ? করিম গুণ্ডার ভাবভঙ্গী দেখিয়া এ আশঙ্কা তাহার মনে হয় না যে, সে তাহাকে খুন করিবে। করিম যে তাহার রূপলাবণ্য একটু মুগ্ধ হইয়াছে, তাহা অবশ্য রেবতীর বখিতে বাকী নাই, সুতরাং

প্রাণের আশঙ্কা তাহার নাই। কিন্তু যদি তাহাকে সত্য সত্যই নিকা-ই করিয়া বসে, তবে কি সর্বনাশ হইবে গো!—কলা-লক্ষ্মীর কৃপা—যশের যে মুকুট এত দিন তাহার শিরে শোভমান ছিল, সে মুকুট ধূলায় লুটাইবে? নিশি নিশি সহস্র দর্শকের যে নয়নানন্দ-বিধায়িনী, সে কি না হইবে পর্দানসীন! মুসলমান-বধনী! তাও ঐ কদাকার কদাচার প্রৌঢ় গুণ্ডার! মুখের পেঁয়াজের গন্ধে যে অন্নপ্রাশনের অন্ন উঠিয়া যাইবে! কত রকম দুর্গতি ও অপমান তাহার ঘটিতে পারে, তাই বা কে জানে!

করিম দ্বারে কুলুপ দিয়া চলিয়া যাওয়ার পর প্রায় আধঘণ্টা রেবতী বসিয়া এই প্রকার ভাবিল। তার পর একটি দীর্ঘনিশ্বাস ফেলিয়া, উঠিয়া দ্বারের নিকট গিয়া ভিতর হইতে গিলটি বন্ধ করিয়া দিল। ফিরিয়া আসিয়া, আহারের কোনও সূচনা সে করিল না; টিফিন-বাস্কাট পুল্লিয়া বর্ধমানের কেনা ভিণ্টেজ ব্রাণ্ডের সেই বোতল ও একটা গেলাস বাহির করিল। বোতল আলোর দিকে ধরিয়া দেখিল, তাহাতে তখনও বারো আনা আন্দাজ “মাল” মজুদ আছে। সোডার বোতলের মুখে রিঙের একটা চাবি বসাইয়া, তাহাতে কিল মারিয়া সোডা খুলিল এবং বড় এক ডোজ ব্র্যাণ্ডি ঢালিয়া লইয়া পান করিতে লাগিল। দ্বিতীয় গ্লাসের মাঝামাঝি পৌঁছিয়া, নেশায় বিহ্বল হইয়া রেবতী ধরাশয্যা গ্রহণ করিল এবং অবিলম্বে সেইখানেই ঘুমাইয়া পড়িল।

যষ্ঠ পরিচ্ছেদ

গুপ্তার প্রেম

রেবতীকে চাবি বন্ধ করিয়া করিম দোতলা হইতে নামিয়া গেল। বহির্দ্বার খুলিয়া ইতস্ততঃ দৃষ্টি নিষ্ক্ষেপ করিতে করিতে দেখিতে পাইল, এরফান আসিতেছে। সে নিকটস্থ হইলে করিম চুপি চুপি জিজ্ঞাসা করিল, “কি রে এরফান, ঠনঠনিয়ার কালীমন্দিরের খবর নিতে কাউকে পাঠালি?”

এরফান বলিল, “হ্যাঁ, আলিজানকেই পাঠিয়ে দিলাম। মাথা কামিয়ে টিকি রেখে সে যে রকম হেঁছ বনেছে, তাকে কেউ সোবে করতে পারবে না। ব’লে দিয়েছি, মন্দিরে ভিড়ের ভিতর ঢুকে, সকলকার কথাবার্তা শুনে আসবে।”

“বেশ করেছিস। আচ্ছা, আমি ততক্ষণ বাড়ী থেকে থানা খেয়ে আসি, তুই এখানে খবরদারী কর।”

“জী আচ্ছা।”—বলিয়া এরফান ভিতরে আসিয়া দ্বার রুদ্ধ করিল।

এক ঘণ্টা পরে করিম ফিরিয়া আসিয়া দ্বারে থাকা নারিল। এরফান দ্বার খুলিয়া দিল। করিম জিজ্ঞাসা করিল, “আলিজান ফিরেছে?”

“জী, হুজুর।”

“কি বলে?”

“বল্লে, সেখানে বহুৎ হিন্দু জমায়েৎ হয়েছে। প্রায় পাঁচশো আদমি হবে। সকলে ‘জয় মা কালী’ বলে চিকরাচ্ছে। কোমর বাঁধা—হাতে সব মোটা মোটা লাঠি। বাঙ্গালী আছে, মাড়োয়ারী আছে, পাঞ্জাবী আছে—সবাই বলছে, আনে দেও শালালোগকো—দেখেদে !”

শুনিয়া করিম প্রায় এক মিনিট কাল চিন্তা করিল। তাহার পর বলিল, “তবে কি করা যায় ক’ দেখি ?”

এরফান বলিল, “আমি ত কই হুজুর, আজ রাতটে গুম্ খেয়ে যান। কি রকম ক’রে গুজব রটে গেছে, আজ আমরা কালীমন্দির ভাঙ্গতে যাব। তাই অত হেঁতুলোক জমায়েৎ হয়েছে। আজ কিছু হ’ল না দেখলে তারা ভাববে বাজে গুজব, কাল আর অত লোক আসবে না। আমরা কাল তখন গেলেই ঠিক হবে। এখন হুজুর যা হুকুম করেন।”

করিম বলিল, “তোমরা সবাই ঠিক। না—আজ আর দরকার নেই। কাল তখন দেখা যাবে। আচ্ছা, আমি তবে এখন চল্লাম, তুই এখানেই থাক—কাল বিহানে আবার আমি আসবো। আর দেখ, তুই গুনি কোথায়?”

এরফান বলিল, “দোতলাতেই—আমার কামরায়।”

করিম বলিল, “না—আজ তুই হনটায়, যে ঘরে সেই বিবিকে বন্ ক’রে রেখেছি, সেই ঘরের দরজার কাছে শুয়ে থাকিস। খুব হাঁসিয়ার, সে কোন রকমে যাতে পালাতে না পারে। যদি চিল্লা-চিল্লি করে ত খুব শাসাবি ধমকাবি—বলবি খবরদার হারামজাদি

—চুঁ শব্দ করবি কি ভিতরে গিয়ে তোকে জবা ক’রে ফেলবো—
সদীর আমার কাছে ঢাবি রেখে গেছে!”—বলিয়া করিম নিজ
পকেটে অঙ্গুলি প্রবেশ করাইয়া ঢাবি স্পর্শ করিল। আবার
ভাবিল,—না, বাঘের হাতে ছাগল সমর্পণ করিয়া কায নাই।

এরফান তাহার সর্দারের অঙ্গচালনা লক্ষ্য করিয়াছিল, তাহার
মনোভাব বুঝিল, বুঝিয়া গোপনে একটু হাসিয়া বলিল, “ঢাবি রেখে
যাবার দরকার নেই হুজুর—ঐ বাত ব’লে শাসালেই কাফি হবে।
হিম্মৎ কি তার যে ফের চিল্লায়!”

“আচ্ছা”—বলিয়া করিম গ্রহণ করিল। এরফান দ্বার বন্ধ
করিয়া, সর্দারের আদেশ অনুযায়ী স্থানে গিয়া শয়ন করিল।

করিম নিজাবাসে গিয়া শয়ন করিল বটে, কিন্তু অনেক প্রান্ত্র
শব্দ তাহার চোখে ঘুম আসিল না। রেবতীর হৃদয় মথখানি
ক্রমাগতই তাহার মনে পড়িতে লাগিল। “বাঃ—বাঃ—কি রঙট
—যেন বৃষ্টিতে ধোয়া বসরাই গুল্! বড় বড় টানা চোখ দুটি—
তার উপরে ভুরুর কি বাহার! ওর সেই পাজী খমন্টা টাকা
দিখে ওকে খালাস ক’রে নেবে নাকি? না আসে ত ভালই হয়।
দেখি খোদার কি মর্জি! নাঃ—সে আর দরকার নেই, পাঁচ
হাজার টাকা আসে, সেই ভাল!”—একবার রূপ—একবার রূপাব
ললিসা করিমের চিত্তকে আন্দোলিত করিতে লাগিল।

পর দিনও করিমের মনের ভাব ঐ প্রকারই রহিল। বান্দনীর
আহারের বন্দোবস্ত করিবার অছিলায়, প্রাতেই গিয়া করিম তাহার
কক্ষে প্রবেশ করিল। আহারের জন্ত রেবতী ফল-মূল ও সোজা-পান

প্রার্থনা করিল। দিনের মধ্যে আরও কয়েক বার, নানা অছিলায় বিবির খোঁজ লইতে করিম তালা খুলিল। বিবির কিম্ব সেই একই ভাব—কাঁদিয়া কাঁদিয়া চক্ষু দুটি জবার ফুল করিয়াছে; পাঁচটা কথা জিজ্ঞাসা করিতে করিতে একটা কথার উত্তর দেয়।

বেলা যত পড়িয়া আসিতে লাগিল, করিমের বুকটা ততই ধড়ফড় করিতে লাগিল—“খোদা করুন, খসমটা যেন না আসে!”—এই হইল এখন তাহার অন্তরের প্রার্থনা।

ঘড়িতে ক্রমে ৬টা বাজিল ওয়াদার কাল উত্তীর্ণ হইয়া গেল। সন্ধ্যা হইল, খোদা মুখ তুলিয়া চাহিয়াছেন—পার্জিট আসিল না। বাতি জ্বালা হইল, দুইদণ্ড রাত্রি হইল—তখনও সতীশ নাদারং! এক এক বার করিমের মনে হইতে লাগিল, পাঁচ পাঁচ হাজার টাকা হাত পিছলে গেল রে! হায় হায় হায়! টাকার শোকে বৃকের ভিতরটা কটকটও করিতে লাগিল। ইয়া আল্লা! পাঁচ হাজার টাকায় খরিদা চিড়িয়া, পোষ মানিবে ত?—সে চিড়িয়া কোনও দিন করিমের গলা জড়াইয়া, “তু মেরে জানকা পিয়ারা হায়!”—বলিবে কি? এত সুখ কি তগুদিরে আছে?

রাত্রি ৮টার সময়, করিম আবার রেবতীর দ্বার খুলিল। পশ্চাতে এক ভূতা কতকগুলি শয্যাশ্রব্য বহন করিয়া আনিয়াছে। করিম বলিল, “বিবি সাহেব, তোমার বিস্তারি বদলে দিক, ময়লা হয়েছে।” ভূতা বিছানা বদলাইয়া দিল। ধবধবে চাদর পাতিয়া, বালিস-গুলিতে ধবধবে ওয়াড় পরাইয়া দিল। আর এক ভূতা একটা ছোট টুকরী ভরা মেওয়া ফল, দুই পাতা বেলফুলের মালা, কয়েকটা

আতরের শিশি, একটা রূপার আলবোলা প্রভৃতি ও কয়েক বোতল সোডা লেমনেড রাখিয়া গেল।

তাহারা চলিয়া গেলে করিম প্রীতিপূর্ণ হাসি হাসিয়া বলিল, “রেবতী বিবি! তোমার সে শওহর কি রকম বেইমান, দেখলে ত? সে টাকা দিয়ে তোমায় খালাস ক’রে নিতে এল না। কি ওয়াদা তার সাথে আমার ছিল, তা তোমার মনে আছে ত?—এখন তুমি ত আমারই হ’লে। যোল আনাই আমার। আমি তোমায় নিকা করবো, পিয়ারী! তোমায় আমি খুব—খুব—সুখে রাখবো। আমি করিম সেখ—গবর্ণমেন্ট পর্য্যন্ত আমার নাম জানে। সোণা-রূপা বল, টাকা-পয়সা বল, করিমের কোনও জিনিষের অভাব নেই!”

এই কথা শুনিয়া রেবতী চোখে আঁচল দিয়া কাঁদিতে আরম্ভ করিল। করিম বলিল, “না—না—কেঁদনা বিবি! তোমায় কাঁদতে দেখলে আমার ছাতি ফেটে যে দোঁফাক হ’য়ে যায় নাজ্জী! তুমি চূপ কর—খানা পিনা কর। আমি এখন চল্লাম, আবার আসবো।”—বলিয়া করিম রেবতীর প্রাতি প্রেমপূর্ণ একটি কটাক্ষ নিষ্ক্ষেপ করিয়া বাহির হইয়া দ্বারে তালা লাগাইল।

এক মিনিট পরেই রেবতী উঠিয়া, দ্বারের খিল বন্ধ করিয়া দিল। তাহার মৌতাতের সময় হইয়াছিল; হাই উঠিতেছিল। টাফিন বাস্কে খুলিয়া, বোতল ও গেলাস বাহির করিয়া, সোডা ভাঙ্গিয়া, পান আরম্ভ করিল।

নেশাটি বেশ গোলাপী গোছেহর হইলে, সে বিড় বিড় করিয়া আপন মনে বলিতে লাগিল, “আ মরে যাই রে! নবীন নাগর রসের

সাগর—প্রেমে তন্তু জরজর। বিছানা বদলিয়েছেন, ফুলের মালা, আতর গোলাপ আনিয়াছেন—আমার সঙ্গে ফুলশয্যা করবেন মংলব করেছেন বুঝি? হতভাগা মুখপোড়া—বুকে তোমার মাটি চাপা দিই আমি—মরবে তুমি কবে? মিনষের আশ্পদাও ত দেখি কম নয়।”

দ্বিতীয় গেলাস আরম্ভ করিয়া, রেবতীর মনে হইল, গুণ্ডা যদি সত্য সত্যই তাহার প্রতি বলপ্রয়োগ করিবার উপক্রম করে, তবে কি উপায়ে সে আত্মরক্ষা করিবে? এই সময় দেওয়াল হুত ছোরা-ছুরি গুলার প্রতি তাহার দৃষ্টি পড়িল। ষষ্ঠা মাথায় একটা মংলব আসিল। ভূর্গেশনন্দিনীর অভিনয়ে সে বিমলা সাজিয়াছিল। কংলু খাঁর জন্ম দিনে, নৃত্যোৎসব রজনীতে, নৃত্য-গীত করিতে করতে. কংলু খাঁর প্রেম-আহ্বানে, “দাসী চরণে”—বলিয়া রেবতী যাহা অভিনয় করিয়াছিল, তাহাই স্মরণ হইল। গেলাস হাতে, বুক চিতাইয়া, মাথাটি ছুলাইয়া রেবতী আপন মনে বলিল, “হঁ—এই ঠিক হয়েছে! যেমন কুকুর তেমনি মুগুর! ষ্টেজের উপর যা অভিনয় করেছে, আজ গ্যাভাতলাপ গুণ্ডারাজ-গছে তাই কায়ে করবো, দাঁড়াও!”

তৎক্ষণাৎ গেলাস রাখিয়া, রেবতী উঠিয়া, দেওয়ালের ছোরাছুরি গুলার তীক্ষ্ণতা একে একে পরীক্ষা করিতে লাগিল। একখানি বাছিয়া, সেখানি পাড়িয়া লইল। বস্ত্রমধ্যে সেখানি লুকাইয়া, গেলাসের বাকি ব্র্যাণ্ডটুকু পান করিতে করিতে রবিবাবুর গান একটু পরিবর্তন করিয়া, ভ্রমরগুঞ্জনের ত্রায় মৃদুস্বরে গাইতে লাগিল,—

ওহে বান্দর, তব কোটরে আজি
নরকোৎসব রাতি,
আমি রেখেছি বঙ্গ-বসন মাঝে
শাণিত ছুরিকা পাতি !

সপ্তম পরিচ্ছেদ

করিমের বক্তৃতা

চাৰি বন্ধ কৰিয়া কৰিম দোতালা হইতে নামিয়া গেল। নিম্নের হলে যেখানে বহু মুসলমান সমবেত ছিল—কেহ শুইয়া, কেহ বা বসিয়া ছিল—তাহাদের মাঝখানে গিয়া দাঁড়াইল। সন্দাঁরকে দেখিয়া সকলেই চঞ্চল হইয়া উঠিল। যাহারা শুইয়া ছিল, গাহারা উঠিয়া বসিল; যাহারা বসিয়া ছিল, তাহারা একটু নড়িয়া চড়িয়া সন্দাঁরের মুখের পানে সসম্মুখে চাহিয়া রহিল।

কৰিম বলিল, “জোয়ান সব, কা’ল রাত্রে আমাদের যা কৰবার সন্না ছিল, তা কা’ল হয় নি, আজ হবে সে খবর তোমরা জান ত?”

অনেকেই বলিল, “হাঁ হুজুর, খবর পেয়েছি, আমরা সব তৈয়ার আছি।”

একজন নিজ স্থান হইতে উঠিয়া আসিয়া সবিনয়ে বলিল, “হুজুর খাড়া রইলেন কেন, বসেন।”

কৰিম বলিল, “বসছি। একজন যাও ত, এরফান মিঞাকে ব’লে এস, আর আর যে সকল জোয়ান আমাদের সাথে যাবে কথা ছিল, তাদের সকলকে একাট্টা করে’ নিয়ে আসে।”

“বহৎখু, সাহেব”—বলিয়া এক যুবক ছুটিয়া বাহিরে গেল।

একজন নিজের শতরঞ্চিখানা আনিয়া সন্দাঁরের জন্ত বিছাইয়া দিল, কৰিম তাহাতে উপবেশন করিল। জন কয়েক মাতব্বর

গোছের মুসলমান তাহার কাছে আসিয়া বসিয়া পরামর্শ আঁটিতে লাগিল।

দেখিতে দেখিতে একে একে, দুইয়ে দুইয়ে অনেকগুলি মুসলমান আসিয়া, করিমকে সেলাম করিয়া বসিয়া পড়িল। অবশেষে এরফান আসিয়া বলিল, “সকলেই হাজির আছে হুজুর!”

করিম বলিল, “গিণ্টি কর।”

এরফান এক দুই করিয়া গণনা শুরু করিল। শেষে দেখা গেল, ৯৮ ব্যক্তি সেখানে উপস্থিত আছে।

করিম বলিল, “আর দু’ জন হ’লেই যে হয়। উপরে আর কেউ নেই?”

এরফান বলিল, “উপরে কেবল এক জন আছে। সেই যে আদমি কা’ল রেল এসে পৌছেছিল। তাকে বলতেই সে অনেক নেহোরা মিন্টি ক’রে বল্লো, ভাই সাহেব, আজ আমায় মারফ করতে হবে; বিকাল থেকে আমার শির বড় দরদ করছে; তা ছাড়া আমি এ সহরে নূতন এসেছি, তায় রাত্তিকাল, পথ-ঘাট চিনি না, যদি পুলিশে তাড়া করে, তবে কোন্ দিকে পালাতে হবে, তাই আমি জানি না। তোমাদের খিদমতে আমি হাজিরই আছি—কা’ল দিনের বেলা যে কাম আমায় হুকুম করবে, আমি তাই তামিল করবো!”

করিম হাসিয়া বলিল, “মফঃস্বলের লোক কি না—ডরফোক! আচ্ছা এরফান, দেখ্ দেখি, জহুরের বেটা আবদুল আর হোসেনির ভাঞ্জা গফুর ফিরেছে কি না। ফিরে থাকে ত তাদের ডেকে নিয়ে আয়, তা হ’লেই একশো পোরে।”

“বল্‌ৎখু”—বলিয়া এরফান চলিয়া গেল এবং কিয়ৎক্ষণ পরেই নির্দিষ্ট যুবকদ্বয়কে লইয়া পুনঃপ্রবেশ করিল।

করিম বলিল, “হাঁ রে গফুর, হাঁ রে আবছুল, কাযের সময় এতই তোদের আকৃতি! কি রকম জোয়ান তোরা?”

গফুর বলিল, “আকৃতি করিনি হুজুর! যে কামে আমাদের পেঠিয়েছিলেন, তা হাসিল ক’রে এসেছি। বড়ই থ’কে এসেছিলাম, —অধবন্টা পরেই এসে হুজুরে হাজির হতাম।”

“আচ্ছা, বোস তোরা!—শোন ভাই সকল! পাজি নালায়েক হেঁহুরা আমাদের সঙ্গে বড়ই বদীয়তি করেছে। লাঠি-সোটা নিয়ে আমাদের মসজিদে ঢুকে ঝাড়-লঠন চুরমার করেছে, কোরাণ সরিফ ছিঁড়ে দিয়েছে—মুসলমানদের উপর মাইরপীট করেছে। তার বদলা আমরা লেবই লেবো—নইলে আমরা মুসলমান বাচ্চাই নই। ঠন-ঠনিয়ায় ওদের যে কালীমন্দির আছে, আজ আমরা সেই মন্দিরে চড়াও করব। বৃতপরস্ত হালাদের জিভ বের করা ঠাউর কি পাপ-ছুরত রে! হাঃ!”—বলিয়া করিম মুখভঙ্গী করত নিজ জিহ্বাটি যথাসম্ভব বাহির করিল। দেখিয়া সকলেই হাসিতে লাগিল।

করিম পুনরায় বলিতে লাগিল, “কাফের শালারা আমাদের কোরাণ সরিফ ছিঁড়ে দিয়েছে। বেটাদের ঠাউরের জিভটা ছিঁড়ে কুত্তাকে দিয়ে খাওয়াতে পারি, তবেই মনের ছস্ক যায়।”

অনেকে বলিয়া উঠিল, “খাওয়াব—খাওয়াব—আলবৎ খাওয়াব।”

করিম বলিল, “একটু ভুল হয়েছে আমার। সেটা সোণার জিভ। কুত্তায় ত খাবে না। সোণাটা বেচে সেই টাকায় হালুয়া

কুটী বেনিয়ে, এক দিন কুস্তাদের ভোজ লেগিয়ে দেওয়া যাবে। কি বল তোমরা ?”

অনেকে বলিল, “সেই বেহেতর—সেই বেহেতর।”

করিম বলিল, “শুন ভাই সকল! রাত এখন ১০টা। ঠিক ১২টা বাজলেই আমরা সব বাইর হব। একাট্টা নয়—দুই দলে। ৫০ জোয়ান আমার জিম্মা, ৫০ জোয়ান এরফান মিগ্রার জিম্মা। দুই দলে দুই দিক থেকে গিয়ে আমরা চড়াও হব। এক দল আমি নিয়ে যাব, মুক্তারাম বাবুর ইষ্টিট দিয়ে। এরফানের দল যাবে, হারিসন রোড দিয়ে, কলেজ ইষ্টিট দিয়ে। মহল্লার হেঁছ ছোকরারা সব কা’ল থেকে মন্দিরে পাহারা দিচ্ছে—কা’ল তারা ছ’শো লোক ছিল। আজ রাত ৯টার সময় খবর পেয়েছি, সে যায়গায় বড় জোর পঞ্চাশ বাইট জন আছে। রাত এগারোটা লাগাৎ—তাদেরও অনেকে ঘরে চ’লে যাবে। যারা পাহারায় থাকবে, তারাও অনেকে ঘুমিয়ে পড়বে। সেই আমাদের সময়। সেই সময় আমরা গিয়ে তাদের ঘাড়ের উপর লেফিয়ে পড়বো। কিন্তু হুঁসিয়ার, প্রথমে কোনও চিল্লাচিল্লি নয়—চুপ-চাপ গিয়ে তাদের উপর পড়তে হবে। লোহার ডাণ্ডা দিয়ে, হালাদের মাথা ফাটিয়ে, মন্দির দখল ক’রে নেওয়া যাবে। লোহার ডাণ্ডা মেরে সেই জিভ বের করা কালো ভূতনীকে ভেঙ্গে চুরমার ক’রে দিয়ে, তার পর মন্দির ভাঙ্গতে হবে। কাকের বেটারা লালবাজারে টেলিফোন করবে—সেখান থেকে লরী-বোঝাই সিপাই আসবার আগেই, কাম হাসিল ক’রে ফেলতে হবে। একশো জোয়ান, একশো লোহার ডাণ্ডা দিয়ে, সামান্য একটা মন্দির ভাঙ্গতে

কতক্ষণ সময় লাগে? পুলিশ এসে পড়বার আগেই দল ভেঙ্গে আমাদের ছড়িয়ে পড়তে হবে। বড় রাস্তা দিয়ে নয়, গলি-ঝুঁজি দিয়ে। গলির মধ্যে ঢুকে আর ছুটাছুটি নয়—ধীরে-সুস্থে—বেচারি সিঁধে মুসলমানটির মত। ভাই সকল—তোমরা সব কথা বুঝতে পারলে?”

সকলে বলিয়া উঠিল, “জি হুজুর! জি হুজুর!”

করিম বলিল, “বহুৎ আচ্ছা!—এখনও দেড় ঘণ্টা সময় আছে। তোমরা, যাদের খানাপিনা হয়নি, খানাপিনা সেরে নাও। আমি একবার ঘুরে আসছি।”—বলিয়া বাহির হইয়া গেল।

প্রায় ঘণ্টাখানেক পরে সে ফিরিয়া আসিল। সঙ্গে ৫৬ জন মুটয়া শ্রেণীর মুসলমান, প্রত্যেকের মাথায় চটে জড়ান কতকগুলি করিয়া লোহার ডাণ্ডা। দেখিলে বোধ হয়, এককালে সেগুলি জানালার গরাদে ছিল। প্রত্যেক জোয়ানকে এক একটি ডাণ্ডা দিবার জন্ত এরফানকে আদেশ করিয়া করিম উপরে চলিয়া গেল। যে কক্ষে রেবতী তালাবদ্ধ আছে, তাহা খুলিয়া দেখিল, রেবতী বস্ত্রাঞ্চল পাতিয়া খালি মোড়ো উপর শয়ন করিয়া আছে।

দ্বার খোলার শব্দে রেবতী তাড়াতাড়ি উঠিয়া বসিল এবং করিমকে দেখিরা, বক্ষবন্ধে হস্তার্পণ করিল। করিম দেখিল, তাহার মুখখানি অশ্রুসিক্ত। বলিল, “এক মিনিটের জন্তে একটা কথা বলতে এলাম। আবার কান্না কিসের বিবি? কার জন্তেই বা? দেখলে ত, খসম তোমার কি রকম বেইমান! এল না, টাকা দিয়ে তোমায় খালাস ক’রে নিতে এল না। ভাবলে বোধ হয়, এ

আওরং ত পুরানী হয়ে গিয়েছে—পাঁচ হাজার টাকা দিয়ে একে খালাস ক’রে আর কি হবে, তার চেয়ে দোসরা একটা সাদি করা যাক, তাজা চিজ মিলবে। তার আশা তুমি ছেড়ে দাও। দেখবে আমার বিবি হয়ে কত সুখে তুমি থাকবে। তোমার যে সকল জ্যাবর সে সব ত তুমি ফিরে পাবেই, তা ছাড়া আরও কত ভাল ভাল জ্যাবর আমি তোমায় কিনিয়ে দেবো পিয়ারী! আমার আরও ছুটি বিবি আছে, কিন্তু তোমার মত খাপস্বরতি কেউ নয়। আর, তোমায় দেখে অবধি, কা’ন থেকে আমার যে বেহাল হয়েছে—তা কেবল আমি জানি আর খোদা জানেন। এই ছাতির ভিতরটা ভহ ক’রে জ্ব’লে যাচ্ছে। এখন আমরা একটু জরুরী কাষে বেরুচ্ছি—সে কাষটা হাসিল করেই, ঘণ্টাখানেক পরে আমি আসছি—আমার দিল-আরামকে নিয়ে দিলখুম্ হব—আমার পিয়ারীকে নিয়ে কলিজা ঠাণ্ডা করবো—বেহেশ্তের হরীকে নিয়ে, বেহেশ্ত কি জিনিষ, তা মালুম করবো। তুমি ততক্ষণ বরং একটু ঘুমিয়ে নাও। আমি এসে ছুয়ারে ধাক্কা দিলেই খুলে দিও।”—বলিয়া করিম রেবতীর দাড়িটি ধরিয়া সাদরে একবার নাড়িয়া দিল। এই প্রথম সে তাহাকে স্পর্শ করিল।

জাল আবু হোসেন নগ্নপদে আসিয়া এতক্ষণ দ্বারের বাহিরে দাঁড়াইয়া ইহাদের কথোপকথন শুনিতেছিল, এই সময় সে ধীরে ধীরে সরিয়া গিয়া, ভাল ছেলেটির মত নিজের বিছানায় বসিল।

রেবতী কোনও কথা বলিল না—কোনও উত্তরও দিল না।
মৌনঃ সম্মতিলক্ষণঃ—এই স্ত্রের অনুরূপ কোনও স্ত্র মুসলমান

শাস্ত্রেও আছে বোধ হয়—কারণ, করিম যেন আশাপূর্ণ হৃদয় লইয়া প্রফুল্ল মুখে বাহির হইয়া গেল।

দ্বারে পূর্ববৎ তালা বন্ধ করিয়া করিম দেখিল, নবাগত অবু মিঞা হলের প্রান্তভাগে নিজ বিছানায় বসিয়া আছে। তাহার ললাট বেষ্ঠন করিয়া রুমাল বাঁধা।

করিম তাহার নিকট গিয়া বলিল, “আবু মিঞা, শুনলাম, তোমার তবিয়ৎটা কিছু মাদা আছে!”

হীরালাল বলিল, “হাঁ, সাহেব, বিকেল থেকে শির বড়ই দরদ করছে। মাঃ, উঃ,—ইয়া আল্লা!”—বলিয়া জাল-আবু নিজ রগ দুটি টিপিতে লাগিল।

করিম বলিল, “ব’সে কেন তক্লীফ করছ। শৌও—শুয়ে আরাম কর। একটু নিদ হলেই শিরদন্দি আরাম হয়ে যাবে।”

“জী হাঁ, তাই শুই।”—বলিয়া কপালে রুমালের ফাঁস আরও টান করিয়া হীরালাল শুইয়া পড়িল।

করিম বলিল, “দেখ মিঞা, একটা কথা তোমায় ব’লে যাই। আমরা ত আজ সবাই ঠনঠনিয়ার কালীমন্দির ভাঙ্গতে চল্লাম। তারা অনেক লোক সেখানে জমায়েৎ আছে—তাই বেশী লোক নিয়ে যাওয়াই আমাদের দরকার। তোমার তবিয়ৎ মাদা—তাই তুমি রইলে, নইলে বাড়ী ত একবারে শূন্যটা হয়ে গেল। ও দিকে ঐ যে কামরাটা রয়েছে, ওর ভিতর এক হেঁচু আওরাৎকে চাবি বন্ ক’রে রেখেছি—তোমরা ত দেখেছ। তুমি একটু হসিয়ার থেক, কোন রকমে ও যেন না ভাগে। ছয়ার মজবুদ আছে, ভাঙ্গতে

পারবে না। বোধ হয়, কোনও গোলযোগ করবে না—অনেকটা পোষ মেনে এসেছে বলেই মনে হ'ল। তবু বলা যায় না, আগরতের মন ত! যদি দৌর ভাঙ্গতে চেষ্টা করে, কি চিল্লাচিল্লি বাধায়, তবে তুমি খুব ধমকাবে—শাসাবে—বলবে, এই হারামজাদি, চূপ রহ, নইলে এখনি ঘরে ঢুকে তোকে জবাহ্ ক'রে ফেলবো।”

হীরালাল জিজ্ঞাসা করিল, “তালা বন্ধ যে, ঢুকবো কি ক'রে?”

করিম বলিল, “ঢুকতে হবে না। ঐ কথা ব'লে ডর দেখালেই হবে। অনেকটা পোষ মেনেছে ব'লে বোধ হ'ল, চোঁচামেচি বোধ হয় করবে না। তবু হুসিয়ার থাকা ভাল।”

“বহুৎখু।” বলিয়া হীরালাল নিজ রগ টিপিতে টিপিতে কাৎরাইতে লাগিল “ইয়া আল্লা! ইয়া আল্লা!”

আশ্রয়ী গির্জার ঘড়ীতে ঢং ঢং করিয়া ১২টা বাজিতে আরম্ভ হইল। করিম উঠিয়া বলিল, “আচ্ছা, আর সাহেব, এখন তবে চলাম! তুমি এস, নীচে নেমে সদর বন্ধ ক'রে যাও। একটু সজাগ থেক, আমরা এসে কড়া নাড়লে, নেমে গিয়ে থলে দিও।” বলিয়া করিম উঠিল। হীরালাল কাৎরাইতে কাৎরাইতে তাহার অনুসরণ করিল।

করিম ও তাহার দলবল সকলে বাহির হইয়া গেলে, হীরালাল দ্বারে অর্গল বন্ধ করিয়া সেখানে নিস্তব্ধভাবে দাঁড়াইয়া রহিল। প্রায় দশ মিনিটকাল অপেক্ষা করিয়া কেহ আবার ফিরিয়া আসে কি না। কেহ ফিরিল না দেখিয়া সে ধীরে ধীরে উপরে উঠিয়া গেল।

হলের মধ্যস্থলে দাঁড়াইয়া, “জয় মা কালী!” বলিয়া হীরালাল

কপালের রুমালটা খুলিয়া বিছানায় ছুড়িয়া ফেলিয়া দিল। তার পর
রেবতীয় কক্ষদ্বারে গিয়া ধীরে ধীরে করাঘাত করিতে করিতে
ডাকিল—“বলি শুন্ছেন!”

অষ্টম পরিচ্ছেদ

পলায়ন

রেবতী মাথা তুলিয়া চাহিল। কে ডাকে? এ স্বর ত করিম পোড়ামুখোর বলিয়া মনে হয় না। উত্তর না দিয়া রেবতী একদৃষ্টে বন্ধ দ্বারের পানে চাহিয়া রহিল।

“শুনছেন? একবার দরজার কাছে আসুন, কথা আছে।”—
বলিয়া আবার ছায়া ধাক্কা।

রেবতী উঠিয়া বলিল, “কে আপনি?”

উত্তর আসিল—“বলছি। দরজার কাছে আসুন।”

রেবতী উঠিয়া দরজার নিকট গিয়া দাঁড়াইয়া বলিল, “কি বলছেন? কে আপনি?”

উত্তর আসিল, “আমি শত্রু নই—বন্ধু। আমি আপনাকে উদ্ধার করতে এসেছি। তালাটা ভাঙতে হবে। এ ঘরে অনেক ছোরা-ছুরি টাঙ্গানো আছে। একটা মজবুত দেখে ছোর ‘কংবা’ তোজালী, পিছনের জানালার গরাদে গলিয়ে নীচে ফেলে দিন। আমি সেটা কুড়িয়ে এনে, এই তালা ভেঙ্গে, আপনাকে নিয়ে পালাবো—আপনার স্বামীর বাড়ী পৌঁছে দেবো।”

রেবতী সভয়ে জিজ্ঞাসা করিল, “আপনার নাম কি? আপনাকে কে পাঠিয়েছে? কোথা থেকে আসছেন?”

“আমার নাম হীরালাল বসু। আমার বাড়ী বর্ধমান জিলার

মাধবপুর গ্রামে। আমি ঘটনাচক্রে এখানে এসে পড়ে আপনারই মত বিপন্ন হয়েছি। ঈশ্বরের ইচ্ছায় পালাবার সুযোগ উপস্থিত। আমি একলাই পালাতে পারতাম, কিন্তু আপনার সব কথা আমি জানি—আপনাকেও নিয়ে যেতে চাই। আপনি কুলবধু, কিন্তু এ বিপদের সময় আপনার লজ্জা পরিত্যাগ করা উচিত।”

রেবতী বলিল, “এরা সব কি বাড়ী নেই?—তালা ভেঙ্গে পালাতে বাধা দেবে না?”

হীরালাল বলিল, “জনপ্রাণী নেই। সবাই কার্লী-মন্দির ভাস্কতে গেছে। সাহসে বুক বাঁধুন। শীগ্গির যা বলি, তা করুন। এক থানা ছোরা কি ভোজালী নীচে ফেলে দেন।”

রেবতী মহা ছুঁতাবনায় পাড়িয়া গেল। সত্যই কি এ বার্ক শত্রু নয়—বন্ধু, তাহাকে উদ্ধারের জন্ত আসিয়াছে? অথবা এ সমস্ত ছলনা মাত্র? করিমের অনুপস্থিতির সুযোগ লইয়া অপর কোনও দুৰ্ভৃত্ত কি তাহার উপর অত্যাচার করিবার মতলবে আসিয়াছে?—তাহার ফেলিয়া দেওয়া ছোরায় তালা ভাঙ্গিয়া, তার পর সেই ছোরা দেখাইয়া তাহার উপর যদি অত্যাচার করে?

“কি ভাবছেন? দেয়ী করছেন কেন? লজ্জার খাতিরে সব পণ্ড করবেন? তবে এখানে থাকাই যদি আপনার অভিপ্রায় হয়, তাও বলুন, আমি গরীব সঙ্গে পড়ি।”

রেবতী বলিল, “আচ্ছা, আমি ছোরা ফেলছি। আপনি নীচে যান।”

রেবতী একথানা মজবুত দেখিয়া ভোজালী পাড়িয়া লইয়া

পশ্চাতের জানালার নিকটে দাঁড়াইয়া দেখিল, কিছু দূরে একটা মনুষ্যমূর্তি আসিতেছে। সে ব্যক্তি হিন্দু কি মুসলমান, সেই অল্পালোকে কিছুই নির্ণয় করিতে পারিল না। মনুষ্যমূর্তি কাছাকাছি আসিয়া মৃদুস্বরে বলিল, “ফেলে দিন।”—রেবতী ভোজালীখানা ফেলিয়া দিল। মনুষ্যমূর্তি আসিয়া সেখানা কুড়াইয়া লইয়া প্রস্থান করিল।

রেবতী ছুফ-ছুফ বাক্স আবার দ্বারের নিকটে আসিয়া দাঁড়াইল। অল্পক্ষণ পরেই পদশব্দ শুনিতে পাইল। পদশব্দ তাহার দ্বারের কাছে আসিয়া থামিলে আগন্তুক বলিল, “আমি ততক্ষণ তালা ভাঙ্গি, আপনি ততক্ষণ আপনার জিনিসপত্রের মধ্যে বিশেষ ক’রে যা নেবার, বেঁধে নিন। যা সহজে হাতে নেওয়া যেতে পারে—তাই নিন, ভারি কিছু নেবেন না।”

“আচ্ছা, আপনি তালা ভাঙুন।”—বলিয়া রেবতী তাড়াতাড়ি তাহার ও সতীশের বাক্স খুলিল। অর্থ ও অলঙ্কার ত পূর্বেই অপহৃত হইয়াছিল। বস্ত্রাদির জগ্ন রেবতী মাথা ঘামাইল না। কেবল চিঠি ও কাগজপত্র যাহা ছিল, সমস্ত বাহির করিয়া লইল, যাহাতে পরে এই দুর্ভূতগণ তাহাদের নামধাম প্রভৃতির কোনও স্মৃতি না পায়।

দরজায় অস্ত্রাঘাতের শব্দ আরম্ভ হইল। কিছুক্ষণ মড় মড় শব্দ—শেষে মড় মড় মড়াৎ—তালা ভাঙ্গিয়া গেল। রেবতী তখন খিলটি খুলিয়া দিল।

পরক্ষণেই ভোজালী-হস্তে হীরালাল প্রবেশ করিল। তাহার মূর্তি দেখিয়া ভীত হইয়া রেবতী পিছু হটিয়া দাঁড়াইয়া বলিল, “এই যে বল্লেন, আপনি হিন্দু?”

শীরালাল হাসিয়া বলিল, “আমার এ বেশ দেখে ভয় পাবেন না। এটা আমি সেজেছি মাত্র—মুসলমান নই—আমি সত্যিই হিন্দু। আগে চলুন এ বাড়ী থেকে বেরিয়ে পড়া যাক—আর এক মুহূর্ত দেরী নয়। পুলিশের তাড়া খেয়ে হয় ত তারা এখনই ফিরে আসতে পারে।”—বলিয়া ভোজালীখানা মেবোর উপর ফেলিয়া শীরালাল বাহির হইল।

রেবতীও কম্পিতপদে ছুরু-ছুরু বক্ষে তাহার অনুসরণ করিল। বাটীর বাহির হইয়া উভয়ে গলি-পথে চলিল। কোনও লোককে দেখিতে পাইল না—এ পাড়ার অধিবাসী অধিকাংশ মুসলমানই মন্দির ভাঙ্গিতে গিয়াছে।

নী বে চলিয়া উভয়ে হারিসন রোডে আসিয়া পড়িল। শীরালাল চুপি চুপি বলিল, “আপনার বাড়ী কোথা বলুন দেখি? ট্যান্সি কিংবা গাড়ী ত একখানিও দেখছি নে। আর পেলেও উঠতে সাহস হয় না—হেঁটে যাওয়াই বোধ হয় নিরাপদ।”

রেবতী বলিল, “আমার বাড়ী জয় মিত্তিরের গলি।”

“সে কোথা?”

“চিৎপুর রোডে। আহিরীটোলা ষ্ট্রীট ছাড়িয়ে—একটু পরেই।”

“ওঃ—সে ত অনেক দূর। অতদূর কি হেঁটে যেতে পারবেন আপনি?”

“উপায় কি?”

“এখানে কাছাকাছি আপনাদের কোনও আত্মীয়বন্ধুর বাড়ী নেই?—তা হ’লে সেখানে রাতটুকু কাটয়ে—”

রেবতী বলিল, “না, কাছাকাছি তেমন কারু বাড়ী নেই।”

“তবে চলুন, নতুন রাস্তা ধ’রে যাই—বিডন ষ্ট্রীট দিয়ে চিংপুর রোডে যাব।”

“চলুন।”

উভয়ে পদব্রজে নতুন রাস্তা দিয়া চলিল। এ রাস্তাটিও এ সময় জনশূন্য। কিয়দূর অগ্রসর হইলে গোরা সৈন্য বোঝাই একখানা মোটর লরী পশ্চাৎ দিক্ হইতে আসিয়া ইহাদিগকে অতিক্রম করিয়া গেল। তাহা দেখিয়া ইহারা একটু সাহস পাইল, এতক্ষণে মুখে কথা ফুটিল।

হীরালাল বলিল, “একটা কথা বলি। আপনাদের বাড়ীতে আজ রাতটুকুর জন্তে দয়া ক’রে আমায় আশ্রয় দিতে হবে।”

রেবতী বলিল, “তা বেশ ত! আপনি আমার এত উপকার করলেন,—এ স্বর্ণ কি আমি জীবনে শোধ করতে পারব? রাতটুকু কেন - আপনার যত দিন ইচ্ছা আমার ওখানে থাকবেন।”

হীরালাল বলিল, “অতটা উপদ্রব আপনাদের উপর করবো না। কাল একটা বাসাটাসা ঠিক ক’রে নেবো।”

এই সময় রেবতীর প্রশ্নে হীরালাল নিজ কলিকাতায় আগমনের সংক্ষিপ্ত ইতিহাসটুকুও বিবৃত করিল।

আর কিছু পথ চলিয়া হীরালাল বলিল, “আচ্ছা, আপনার স্বামীরা যে টাকা নিয়ে আসবার কথা ছিল, তিনি এলেন না কেন? বোধ হয়, টাকার যোগাড় করতে পারেন নি।”

রেবতী বলিল, “তাও হ’তে পারে। কিংবা হয় ত ভেবেছেন,

সারারাত সারাদিন আমি মুসলমান গুণ্ডার অড্ডায় ছিলাম, আমি কি আর ঘরে নেবার মত আছি !”

হীরালাল বলিল, “কি সর্বনাশ ! না না—তা কি তিনি মনে করতে পারেন ?”

রেবতী বলিল, “সীতা দশ মাস রাবণের বাগানে ছিলেন ব’লে রাম যদি তাঁকে পরিত্যাগ করতে পেরে থাকেন, তবে আমার স্বামী ও রকম মনে করতে পারবেন না কেন ?”

হীরালাল বলিল, “কিন্তু আমি সাক্ষী আছি—আমি আপনার স্বামীকে গিয়ে সমস্ত ঘটনা বলবো ।”

“আপনার কথা যদি তিনি না বিশ্বাস করেন ? তার পর দেখুন, আপনি একজন যুবাণুস্বয়ং, আমি একজন যুবতী—এই গভীর নিশীথে—মনোরমা আর হেমচন্দ্রের মত দু’জনে একত্র ভ্রমণ, এটাও লোকে দোষের চোখে দেখতে পারে তা !”—বলিয়া রেবতী মুখ টিপিয়া হাসিল। কিন্তু হীরালাল সেটা দেখিতে পাইল না। ভাবিল, ‘এ জ্বীলোক বেশ লেখা-পড়া জানে দেখছি। সাধুভাষায় কথা কয়, বক্সিম কোট্ করে।’ তবে ইহাও তাহার মনে হইল, কথাবার্তী-গুলো কি রকম ? এ ত লজ্জাশীলা হিন্দু-কুলবধুর মত নয় ! ব্যাপার কি ?

কিছুক্ষণ নীরবে গথ চলিবার পর রেবতী জিজ্ঞাসা করিল, “আচ্ছা হীরালাল বাবু, আপনার বিয়ে হয়েছে ?”

“হয়েছে। কেন ?”

“আপনার স্ত্রী কত বড় ?”

“এই—১৭১৮ বছরের।”

“ছেলে হয়েছে?”

“একটি মেয়ে।”

“কোথায় তারা?”

“আমার বাড়ীতে, মাধবপুরে।”

“আচ্ছা, আমার যেমন অবস্থা হয়েছে, আপনার স্ত্রীর যদি সেই রকম অবস্থা হ’ত—এক রাত্রি এক দিন গুণ্ডার আড্ডায় কাটিয়ে তার পর অপরিচিত এক জন স্ত্রী যুবকের সঙ্গে রাত দু’টোর সময় যদি সে বাড়ী এসে পৌছত, আপনি কি বিনা দ্বিধায় তাকে ঘরে নিতেন?”

তাহার সঙ্গিনী যে প্রকারান্তরে তাকে “স্ত্রী” বলিয়া মাটি-ফিকেট দিল, ইহা হীরালাল লক্ষ্য করিল। উত্তরে বলিল, “তা নিতাম বৈ কি!”

রেবতী একটি কৃত্রিম দীর্ঘনিশ্বাস ফেলিয়া বলিল, “পৃথিবীর সবাই যদি আপনার মত ভাল হ’ত হীরালাল বাবু, তা হ’লে আর ভাবনা ছিল কি বলুন। দেখি, আমাদের তিনি কি বলেন। যদি ধরুন, তিনি আমায় বাড়ী থেকে হাঁকিয়েই দেন, তা হ’লে কি উপায় হবে? আমি আপনার ঘাড়ে প’ড়ে গেলে আপনি আমায় নিয়ে কি করবেন বলুন দেখি?”

হীরালাল বলিল, “ছি ছি, ও সব অমঙ্গলের কথা কেন ভাবছেন আপনি?”

রেবতী বলিল, “বিপদের ছায়া দেখতে পেলেই, বিপদের জন্তে

প্রস্তুত হয়ে থাকা ভাল নয়? বিপদ যদি না আসে, অমনি অমনি যদি কেটে যায়—ভালই! নইলে?”

“বাড়ীতে আপনার কে কে আছেন? আপনার সন্তানাদি—”

রেবতী সংক্ষেপে উত্তর দিল, “হয় নি।”

“আপনার স্বশুর-স্বশুড়ী?”

“মারা গেছেন।”

“ভাস্কর, দেওর—অপর কোনও আত্মীয়-স্বজন?”

“কেউ নেই।”

“তা হ’লে বাড়ীতে শুধু আপনি আর আপনার স্বামী?”

“শুধুই আমি।”

“সে কি রকম?”

“আমার স্বামী দিনের বেলা থাকেন আপিসে, আর রাতে থাকেন কোন্‌ চুলোয়, তা জানিনে!”—বলিয়া আবার রেবতী মুখ টিপিয়া হাসিল।

হীরালাল বলিল, এই নারী বড় ছুঁড়াগিনী, ইহার স্বামী একটি নরপশু। স্বামী যে ইহাকে উদ্ধার করিতে আসিল না কেন, তাহার কারণও অনুমান করিল। বলিল, “তা হ’লে আমরা যখন গিয়ে পৌঁছব, আপনার স্বামীকে তখন বাড়ীতে পাব না?”

রেবতী বলিল, “সম্ভাবনা কম।”

ইহা শুনিয়া হীরালাল মনে মনে বিপদ গণিল। আজ বাকী রাতটুকু ইহাদের আশ্রয়ে কাটাইয়া দিবে তাবিয়াছিল, কিন্তু এ অবস্থায় ত আর তাহা চলে না। বলিল, “ওঃ, তা জানতাম না।

আচ্ছা, আমি তা হ'লে আপনাকে বাড়ী পৌঁছে দিয়ে চ'লে যাব এখন।”

“কেন, এই যে বল্লেন, আমাদের বাড়ীতে রাতটুকু থাকবেন। কা'ল সকালে উঠে, চা-টা খেয়ে তখন যাবেন।”

হীরালাল বলিল, “তা আর সুবিধে হ'ল কৈ!”

“না না, কিছু অসুবিধে হবে না—চলুন। বিশেষ, আপনি নিজ মুখে স্বীকার করেছেন, আমার স্বামীর কাছে আমার নিষ্কলঙ্কতার বিষয়ে সাক্ষ্য দেবেন। অসহায় অবলাকে বিপদের মধ্যে নিক্ষেপ ক'রে এখন পালাতে চাচ্ছেন কেন? এ আপনার ভারি অত্যায কিন্তু হীরালাল বাবু।”

হীরালালের মনের সংশয় আরও বৃদ্ধি পাইল। একরূপ ভাবের কথাবার্তী—এক প্রকার বাচালতা বলিলেই হয়—এ কি সত্যই গৃহস্থ ঘরের কুলবধু, না কোনও ভ্রষ্টা রমণী? গৃহস্থ ঘরের বধু কত্কা এক জন অপরিচিত পুরুষের সহিত একরূপ ভাবে কথাবার্তী করিবে, ইহা কি সম্ভব? তবে বলা যায় না—কলিকাতা সহর—আজকাল কলিকাতায় এইরূপ ফ্যাসন হইয়াই দাঁড়াইয়াছে বোধ হয়।

রাস্তার দুই ধারে নানা থিয়েটারের প্ল্যাকার্ড। ডায়মণ্ড থিয়েটারের প্ল্যাকার্ডে, দুই মাস বিদায়ের পর অত্ন রজনীতে সেই অপূৰ্ণ প্রতিভাশালিনী অভিনেত্রী রেবতীসুন্দরী, মর্জ্জিয়ানার ভূমিকায় অবতীর্ণ হইয়া কি কাণ্ড বাধাইবেন, তাহা উচ্ছ্বসিত ভাষায় বর্ণিত হইয়াছে। এই প্ল্যাকার্ড রেবতী ও হীরালাল উভয়েই দেখিতে দেখিতে আসিতেছিল। হীরালাল এই সময় সহসা বলিয়া উঠিল,

“অদৃষ্ট দেখুন! এই সব বিপদ না হ’লে আজ রাত্রে আমি নিশ্চয়ই রেবতীর মর্জিয়ানা দেখতে যেতাম। শুনেছি, তার অভিনয়, নাচ-গান একেবারে চমৎকার।”

রেবতী বলিল, “দেখেন নি কখনও?”

“না, সে সৌভাগ্য আমার হয় নি। আপনি কলকাতায় থাকেন আপনি দেখেছেন নিশ্চয়? তার চেহারাও না কি খুব সুন্দর?”

“হ্যাঁ, দেখেছি। সুন্দর না ছাই! রঙ-টঙ মেখে অমন পরীটি সাজে। কিন্তু আসলে বোধ হয় একটি কালপেঁচী!”

হীরালাল বলিল, “না আমি শুনেছি, রেবতী নাচতে গাইতেও যেমন, চেহারাটিও তেমনই সুন্দর। এবার যে দিন হবে, আমি নিশ্চয়ই দেখতে যাব।”

এ সময় তাহার মাণিকতলা স্ট্রীটের মোড়ে আসিয়া পৌঁছিয়াছিল। রেবতী বলিল, “ঐ দেখুন, ঐ বীডন স্ট্রীটে সামনে মনোমোহন থিয়েটার। এবার বাঁ-দিকে থানিকটা গেলেই চিৎপুর রোড।”

মিনিট ১৫।২০ পরেই উহার জয় গিত্রের গলিতে পৌঁছিল। থানিক দূর গিয়া বামদিকের একটা বাড়ীর সামনে দাঁড়াইয়া, রেবতী দরজার কড়া নাড়িল। ভিতর হইতে মোটা গলায় প্রশ্ন আসিল, “কোন হায়?”

রেবতী বলিল, “হরি সিং, দরোয়াজা খোলো।”

খট্ করিয়া শব্দ হইল—প্রবেশপথে বিছাৎবাতি জলিয়া উঠিল। দ্বারবান দ্বার উন্মোচিত করিয়া দিল। সেলাম করিয়া মহা বিশ্বাসে বলিল. “মাজী—পায়দল আয়া?”

রেবতী বলিল, “হ্যাঁ হরি সিং, বড়ই বিপদে পড়েছিলাম। বাড়ীর সব ঠিক আছে ত?”

“হাঁ মাইজী, সব ঠিক হয়।”

“ঝি ছুটো কোথা?”

“উপরমে শুতা হার।”

“আচ্ছা, এ দরজা বন্ধ ক’রে উপরে গিয়ে আমার কামরা খোল। ঝাদের উঠিয়ে আমার ঘরে পাঠিয়ে দেবে। আমুন, হীরালাল বাবু।”

দ্বারবান্ ফ্রিপ্রহস্তে দ্বার অর্গলিত করিয়া, দ্রুতপদে সিঁড়ি দিয়া উপরে উঠিয়া গেল। হীরালাল বলিল, “আমি তা হ’লে এখন যাই—নমস্কার।”

“এত রাত্রে কোথায় যাবেন আপনি? এই ডামাডোলের বাজার! কোথায় এখন আশ্রয় খুঁজে বেড়াবেন?”

হীরালাল বলিল, “কিন্তু—”

রেবতী হাসিয়া বলিল, “কিন্তু—আমি আপনাকে ‘যেতে নাহি দিব’। আপনার কোনও সঙ্কোচেরই কারণ নেই হীরালাল বাবু! আমি পতিবিরহখিনী কুলবধু নই। কেন না, আমি থিয়েটারের নটী—রাস্তায় আসতে আসতে বড় বড় প্ল্যাকার্ডে যার নাম দেখলেন—আমি সেই রেবতী।”

হীরালাল বিস্ময়ে আত্মহারা হইয়া বলিল, “আপনি!” আপনিই রেবতী? ডায়মণ্ড থিয়েটারের রেবতীসুন্দরী?”

রেবতী হাসিয়া বলিল, “হ্যাঁ, আমিই সেই পোড়ারমুখী! সুন্দরী কি না, সেটা আপনি বিচার করবেন—তবে মুখে আমার রঙমাথা

নেই, এ আমি হলফ ক'রে বলছি। এখন আসুন দেখি নন্দী-
ছেলোটের মত।” বলিয়া রেবতী অগ্রসর হইল।

হীরালাল মস্তগুধবৎ রেবতীর অনুসরণ করিল।

নবম পরিচ্ছেদ

অতিথি-সংকার

দ্বিতলে একটি সুদৃশ্য গালিচা-মোড়া সুসজ্জিত কামরার বাহিরে দাঁড়াইয়া রেবতী বলিল, “আপনি ঘরে গিয়ে একটু বসুন, আমি চট্ ক’রে গোসলখানা থেকে হাত-মুখ ধুয়ে কাপড় বদলে আসি। আপনিও হাত মুখ ধোবেন নিশ্চয়—কিন্তু গোসলখানা আমার মাত্র একটি—আমি সেরে এসে ততক্ষণ ছুটি ভাতের ব্যবস্থা করবো। দরোয়ান, বাবুকে বসাত্ত, পাখা খুলে দাও।”—বলিয়া রেবতী বারান্দা দিয়া অদৃশ্য হইল।

হীরালাল বাহিরে আবুহোসেনের নাগরা জুতা ত্যাগ করিয়া কক্ষমধ্যে প্রবেশ করিল। দেখিল, এখানি বসিবার কক্ষ। কয়েকটি সুদৃশ্য সোফা ও চেয়ার ইত্যন্ত সাজানো রহিয়াছে। দরোয়ান পাখার নিকটবর্তী একটা সোফা দেখাইয়া বলিল, “মিঞাজী, বৈঠিয়ে।”

হীরালাল হাসিয়া ফেলিল। দ্বারবান্ তাহার পানে উৎসুক নেত্র চাহিল। হীরালাল বলিল, “ওহে হরিসিং—আমি মিঞা-টিঞা নই—আমি বাঙ্গালী হিন্দুর ছেলে! এটা আমার থিয়েটারের পোষাক।”

হরিসিং বলিল, “ওঃ,—হুজুরভি থেটারমে হাঁয়? হামরা গল্‌তি ছয়া! সিগ্রেট পিতে হেঁ?”

“পেনে খাই বৈ কি !” বলিয়া হীরালাল ‘আঃ’ বলিয়া সোফার কোণে দেহ এলাইয়া দিল। দ্বারবান, হীরালালের কাছে একটা ছোট টেবল সরাইয়া, দেওয়াল-আলমারী হইতে সিগারেট-পূর্ণ একটা ক্লপার কোটা, দেশলাই ও ছাইদানি আনিয়া টেবিলের উপর রাখিয়া, নীরবে প্রস্থান করিল।

হীরালাল উৎসুকনেত্রে কক্ষখানির চারিদিক দেখিতে লাগিল। সাজসজ্জাগুলি সমস্তই মহার্ঘ—ধনিজনোচিত। ভাবিল, হবে না কেন? একে এত বড় অ্যাকট্রেস—তার উপর আবার উপরি পাওনাও বোধ হয় বিলক্ষণ। দেওয়ালে কতকগুলি ফোটেওগ্রাফ টাঙানো রহিয়াছে—তন্মধ্যে গিরিশ ঘোষ, অমৃত বোস ও দানী বাবুকে চিনি। অপরগুলি কাহার ছবি চিনিতে পারিল না। ঐ ওদিকে—ঐ যে একখানি ব্রোমাইড ছবি—ও খানি বোধ হয়, রেবতীর সেই তথাকথিত স্বামী—যিনি চাচা আপনা বাঁচা নীতির অনুসরণ করিয়া, চাচার কবল হইতে মুক্তিলাভ করিয়াছেন।

হীরালাল কোটা হইতে একটি সিগারেট লইয়া দেশলাই জ্বালিয়া ধরাইবার চেষ্টা করিল, কিন্তু অদূরে মাথার উপর অস্ত্রারের পাখা বোঁ বোঁ করিয়া ঘুরিতেছে—দেশলাই নিবিয়া গেল। ছুই তিনটি কাঠি নষ্ট করিয়া, পাখা হইতে দূরে গিয়া সিগারেট ধরাইবার মানসে হীরালাল উঠিল। পূর্বোক্ত ব্রোমাইড ছবিখানির নিকট গিয়া দাঁড়াইয়া, সিগারেট ধরাইল। তাহার পর ছবিখানি নিরীক্ষণ করিয়া বুঝিল, ইহা সেই সেই ব্যক্তির প্রতিমূর্তিই বটে। ছবির নিম্নভাগে কোণে হস্তাক্ষরে লেখা আছে—“তোমার প্রেমাখাংকী

সতীষ।” লোকটার বিদ্যার দৌড় দেখিয়া হীরালাল হাসিল। ফিরিয়া আসিয়া, সোফায় বসিয়া ধূমপান সুখ উপভোগ করিতে লাগিল।

এই অবসরে কয়েকটি চিন্তাও হীরালালের মনের মধ্যে প্রবেশ করিল। এ ত দেখিতেছি—একটা ইয়ে—অর্থাৎ কি না—পতিতা স্ত্রীলোক। ভদ্রসন্তান হইয়া, ইহার গৃহে সাময়িক আতিথ্য-স্বীকার—এটাই বা কেমন? কিন্তু উপায়ই বা কি? এই ডামাডোলের বাজারে, এত রাত্রে যাই বা কোথায়? এক জন অভিনেত্রীর গৃহে আমি রাত্রিযাপন করিয়াছি, এ কথা যে শুনিবে, সে কি আমার সুচরিত্র বলিয়া আর বিশ্বাস করিবে? একেই বলে দশচক্রে ভগবান্ ভূত। যা হোক, রাত্রিটা রাম রাম করিয়া কাটাইয়া, কল্যাণ প্রাতে উঠিয়াই চম্পট দিতে হইবে। কিন্তু সে কার্য্যটাই বা কিরূপে হইবে? থিয়েটারে ঢুকিব উদ্দেশ্য করিয়া আসিয়াছি, রেবতী একজন প্রধানা অভিনেত্রী, তার যা হোক একটু কিছু উপকার আমার দ্বারা সাধিত হইয়াছে, সে ইচ্ছা করিলে অনায়াসেই বোধ হয় আমার উদ্দেশ্যটি সফল করিয়া দিতে পারে—এ অবস্থায় তাহাকে চটানো কি নিকরোধের কার্য্য হইবে না? এ ত রীতিমত উভয়সঙ্কটে পড়া গেল দেখিতেছি!

এইরূপ চিন্তা করিতে করিতে হীরালাল উপযুগপরি দুইটি সিগারেট ভস্ম করিয়া ফেলিল। ঘড়ীর পানে চাহিয়া দেখিল, রাত্রি দুইটা বাজে। ক্ষুধাও পাইয়াছে—আবার এ দিকে ঘুমও চক্ষু জড়াইয়া আসিতেছে। “চট্ ক’রে সেরে আসি”—বলিয়া গৃহ-

স্বামিনী স্নানকক্ষে গেল—আধ ঘণ্টা হইতে চলিল, এখনও ত ফেরে না! কাপড় চোপড় গুলা ছাড়িয়া, একটু স্নান করিয়া লইতে পারিলেই ভাল হয়—শরীরের স্নানি যায়। আহা! কিছু জুটুক ভাল, না জুটুক নেই নেই—একটু ঘুমাইতে পাইলে এখন প্রাণটা বাঁচে।

হীরালাল উর্দ্ধমুখে বসিয়া চিন্তা করিতেছিল, রেবতী নিঃশব্দে প্রবেশ করিয়া হাসিয়া বলিল, “ক’খানা কড়িকাঠ গুণলেন, বলুন দেখি?” হীরালাল চমকিয়া প্রশংসারিণীর পানে চাহিল। রেবতী সন্ত-স্নাতা, একখানি সাদাসিধা দেশী কালাপাড় শাড়ী পরিয়াছে, এলো চুলগুলি পৃষ্ঠ-বসনের উপর ছড়াইয়া রহিয়াছে, ঠিক যেন গৃহস্থ-ঘরের বোঁটি! দেখিতে হীরালালের বেশ মিষ্ট লাগিল। তাড়াতাড়ি বলিল, “না, কড়িকাঠ গুণিনি, - ভাবছিলাম, নীচে থেকে মুসলমানে আপনাকে আবার ধ’রে নিয়ে গেল না কি?”

রেবতী বলিল, “দৈত্য যদি উর্বরীকে ধরতে আসতো, আমি চীৎকার করতাম,—রাজা পুস্করবা হয়ে আপনি গিয়ে আমায় উদ্ধার করতেন।”—বলিতে বলিতে রেবতী পাখার ঠিক নিয়ে একখানা চেয়ার টানিয়া লইয়া বসিল। উভয় বাহু পৃষ্ঠের দিকে লইয়া গিয়া, শুকাইবার জন্য চুলগুলি চিরিতে চিরিতে বলিল, “ভেবেছিলাম, শুধু পা ছুটো মুখটা হাতটা ধুয়ে নেবো, কিন্তু জল দেখে, স্নান করবার লোভ আর সংবরণ করলে পারলাম না। এক রাত এক দিন ট্রেণে কেটেছিল—তার পর গুণ্ডা-গৃহে দু’দিন—প্রাণ গুণ্ডাগত হয়ে উঠেছিল। স্নানটা সেরে আসতে দেরী হয়ে গেল। গোসলখানা

ঠিক ক’রে, ঝি এখনই এসে খবর দেবে। আমার এত দেৱী হবে জানলে, আপনাকে আমি আগেই পাঠিয়ে দিতাম—অতিথিকে বসিয়ে রেখে স্বার্থপরের মত নিজে স্নানে যাওয়াটা আমার ঠিক হয়নি!”

হীরালাল বলিল, “কেন, তাতে কি হয়েছে? আপনি বেশ করেছেন—আমার এত তাড়াতাড়িই বা কি?”

রেবতী বলিল, “ঐ যে, ঝি এসেছে। গোসলখানা ঠিক হয়েছে সহ?—আচ্ছা, বাবুকে নিয়ে যা। আমি ততক্ষণ দুটো ভাতের যোগাড় দেখি। আপনি দুট ভাত খাবেন ত হীরালাল বাবু?”

হীরালাল বলিল, “খেলেও হয়—কিন্তু—”

“কিন্তু কি? হ্যাঁ, তা বটে, আমার পাচিকাটি ব্রাহ্মণকন্যা নয়—সঙ্গোপের মেয়ে; তাতে যদি আপনার আপত্তি থাকে, তবে সে চড়িয়ে দিক, আপনি নামিয়ে নেবেন এখন।”

হীরালাল বলিল, “সে জন্তে ‘কিন্তু’ বলিনি—ও সব প্রেজুডিস্ আমার নেই। কিন্তু এই রাত্রে আপনাকে কষ্ট দেবো? তাই সঙ্কোচ হচ্ছে।”

রেবতী বলিল, “কষ্ট আর কি? আমিও খাব যে! ট্রেণে ছ’দিন খাবার খেয়ে কেটেছিল, তারপর গুণাগুণে মিহিদানা আর সীতাভোগ ভক্ষণে জীবনধারণ! তা খেয়ে কি বাঙ্গালীর মেয়ের প্রাণ বাঁচে? আচ্ছা, আপনি এ ছ’দিন ওখানে কি খেলেন?”

হীরালাল বলিল, “মুসলমানী দোকানের রোটা গোস্তু।”

“তবে আপনিও দুট ভাত খাবেন বৈ কি! কিন্তু ভাতে-ভাত,

তাও ব'লে রাখছি। এত রাত্রে বেশী কিছু হয়ে উঠবে না। আলু ভাতে, মুশুরীর ডাল ভাতে, হাঁসের ডিম ভাতে, আর মাখন গলানো ঘি আছে ঘরে—বাম্।”

হীরালাল বলিল, “সে ত অমৃত!”

“ক্ষিধের সময় তাই বটে—তা হ'লে আপনার খুব ক্ষিধে পেয়েছে নিশ্চয়। যান তবে, শীগ্গির সেরে আনুন। বাবুকে নিয়ে যা সহ, সব দেখিয়ে শুনিয়ে দিয়ে আয়। আমি ততক্ষণ ষ্টোভ জ্বলে জল চড়িয়ে দিই—তুই এসে চা'ল ধুবি।”

দাসীর সঙ্গে হীরালাল গোসলখানায় গেল। ভিতরে বিছাতের আলো জ্বলিতেছে। পিপা-কাটা কাঠের চারিট টব সারি সারি সাজানো—দুইটা খালি, দুইটা জলে ভর্তি। গত কলা সন্ধ্যার ট্রেনেই গৃহস্বামিনীর ফিরিবার সংবাদ ছিল—তাই জল ধরিয়া রাখা হইয়াছিল। সুগন্ধি নূতন সাবান, ধোয়া তোয়ালে, গন্ধতৈল, হেয়ার লোশন, চিক্কা, বুরুষ,—দেওয়ালে বেলোয়ারি আর্শি বাঁধা। ঝিকে বিদায় দিয়া হীরালাল গোসলখানার দ্বার বন্ধ করিল।

প্রাণ ভরিয়া স্নান করিয়া, ধুতি-গেঞ্জি পরিধান করিয়া, কেশ-সংস্কারান্তে হীরালাল উপরে গিয়া দেখিল, রেবতী তাহারই পূর্ব-অধিকৃত সোফায় হেলান বসিয়া সিগারেট খাইতেছে, সন্মুখে টেবিলের উপর আধ গেলাস কি তরল পদার্থ। হীরালালকে দেখিয়া, রেবতী একটু উঠিয়া বসিয়া বলিল, “বাঃ—এইবার আপনাকে খাসাটি দেখাচ্ছে! ও পয়জামা-ফতুই প'রে বাঙ্গালীর ছেলেকে কি মানায়? আনুন, বসুন—ততক্ষণ একটু সিগারেট খেয়ে নিন। একটু ক্ষিধে

ক’রে নেবার জন্তে—আর কিছু—দেবে কি ?” বলিয়া মুখ টিপিয়া হাসিয়া রেবতী বত্রকটাক্ষ নিজ সম্মুখস্থ মাসটির পানে চাহিল।

রেবতীর পানীয় কি পদার্থ, তাহা অবশ্য হীরালাল পূর্বেই অনুমান করিয়াছিল; হাতযোড় করিয়া বলিল, “মাফ করবেন, আমার চৌদ্দ পুরুষেও কখনও ও-জিনিষ খায় নি।”

“আচ্ছা—নিন, তবে সিগারেট নিন”—বলিয়া সিগারেট-কোটা ও দেশলাই হীরালালের দিকে ঠেলিয়া দিয়া, রেবতী মাসে মুখ দিল।

কথায় কথায় সতীশের প্রসঙ্গ উঠিল। সতীশের সহিত গত দুই বৎসর তাহার কি সম্বন্ধ ছিল, তাহা রেবতী সংক্ষেপে বর্ণনা করিয়া বলিল, “উঃ, কি বিশ্বাসঘাতক লোক! আমায় বাঘের মুখে ফেলে রেখে স্বচ্ছন্দে গাঢ়াকা দিলে!”

হীরালাল বলিল, “তিনি বোধ হয় ইচ্ছা ক’রে এ রকম করেননি। টাকা বোধ হয় সংগ্রহ ক’রে উঠতে পারেন নি।”

“ক্ষেপেছেন আপনি হীরালাল বাবু! মন্ত কারবার তার—পাঁচ হাজার টাকা সংগ্রহ করা তার পক্ষে মোটেই শক্ত কথা নয়। আর ধরুন, যদি সব টাকাটা সংগ্রহ করতে না-ই পেরে থাকে, যতটা পেরেছে, ততটা এনে করিমকে দিয়ে, তার হাতে-পায়ে ধ’রে সময়টা বাড়িয়ে নিলেও ত পারতো। অক্ষমতা নয়—হীরালাল বাবু—অনিচ্ছা! ভেবেছে বোধ হয়, সখ ত মিটে গেছে—আবার টাকা খরচ কেন? বিশেষ, তা’র কাছে আমার হুমাসের মাইনে হাজার টাকা পাওনা আছে—সেটাও বেঁচে গেল—সব দিক থেকেই

লাভ। ফের যদি কোনও দিন আসে, মুড়ো খ্যাংরা পেটা ক’রে তা’কে বিদায় করবো আমি!”

হীরালাল নীরবে বসিয়া সিগারেট পান করিতে লাগিল।

অল্পক্ষণ পরেই সহ আসিয়া সংবাদ দিল, অন্ন প্রস্তুত। রেবতী বলিল, “এই ঘরেই দে।” ঝি একটা মাঝারি আকারের টেবিলে ধোয়া টেবিল-ক্লথ বিছাইয়া, কাঁটা চামচ প্লেট প্রভৃতি সাজাইয়া রাখিয়া খাবার আনিতে গেল। একটা ট্রে’র উপর ডিশে পূর্ণ ভাত, তিনটা প্লেটে কাঁচা লঙ্কা ও পেঁয়াজের টুকরামাখা তিন রকম “ভাতে”—এবং একটা ছোট মিক্সজগে ধূমায়মান স্নগন্ধি গব্যস্বত—এই সমস্ত দ্রব্য আনিয়া, টেবিলে সাজাইয়া দিল। দুইটা কাচের গ্লাসে বরফ জল ভর্তি করিয়া প্লেটের পাশে পাশে রাখিল। রেবতী তাহার গ্লাসের অবশিষ্ট পানীয়টুকু শেষ করিয়া বলিল, “আসুন, হীরালাল বাবু—এইবার হু’জনে মিলে ক্ষুধাসূর বধ করা যাক।”

ভোজনান্তে, অতিথিকে তাগ্মূল প্রদানের পর, “আমায় এক মিনিট মাফ করুন”—বলিয়া রেবতী বাহিরে গেল। দাসীর সঙ্গে নিজ শয়নকক্ষে গিয়া বলিল, “আজ এই ঘরেই বাবু শোবেন। আমার একটা বিছানা, বসবার ঘরে মেঝের উপর পাখার নীচে পেতে দিস্। এখানে খাবার জল, দেশলাই, সিগারেট—এই সব ঠিক ক’রে রেখে গিয়ে থবর দিস।”

ঝি বলিল, “এই ঘরে আলমারীতে তোমার সব গয়নাগাঁটি রয়েছে—আন্কা লোককে এখানে শোয়াবে দিদিমণি? তার চেয়ে, বসবার ঘরের মেঝেতেই কেন বাবুটির জন্তে বিছানা পাতি না?”

রেবতী বলিল, “না সচ্ছ, তা হয় না। ভদ্রলোক—তায় অতিথি—শুধু তাই নয়—মহাবিপদ থেকে উনি আমায় উদ্ধার ক’রে এনেছেন—উনি আমার জীবনদাতা!—সে সব অনেক কথা—পরে তোরা শুনবি এখন।”—বলিয়া রেবতী বাহির হইয়া গেল।

অল্পক্ষণ পরেই সচ্ছ গিয়া সংবাদ দিল, শয্যা প্রস্তুত। রেবতী উঠিয়া দাঁড়াইয়া বলিল, “আচ্ছা, তা হ’লে যান হীরালাল বাবু—
—বিশ্রাম করুন গে। শুড নাইট্।”—বলিয়া রেবতী হস্ত প্রসারণ করিল।

হীরালাল শেক্-ছাণ্ড করিয়া, “শুড নাইট্” বলিয়া ঝির সহিত শয়নকক্ষে গেল।

শুভ্র স্নকোমল শয্যা—বিছাৎপাখা ঘূরিতেছে—আলো নিবাইয়া দিয়া, অল্পক্ষণমধ্যেই হীরালাল গভীর নিদ্রায় অভিভূত হইল।

দশম পরিচ্ছেদ

পুরুষত্ত্ব ভাগ্যান্ ।

সে রাত্রিতে গুপ্তার কবল হইতে নিষ্কৃতি পাইয়া, সতীশ নিরাপদে বাগবাজারে তাহার গৃহে আসিয়া পৌঁছিল। আসিয়া যাহা শুনিল, তাহাতে তাহার চক্ষুস্থির হইয়া গেল। শুনিল, দাঙ্গার পঞ্চম দিবসে তাহার দোকান লুণ্ঠ হইয়া গিয়াছে। তাহার কারবার পোস্তায় লোহা-লকড়ের নহে—ও কথাটা সে করিমকে মিথ্যা করিয়া বলিয়াছিল। রাধাবাজারে তাহার বৃহৎ কাচের দোকান ছিল, মুসলমানের দল আসিয়া সেই দোকান আক্রমণ করে। টাকাকড়ি যাহা তহবিলে মজুত ছিল সমস্তই লুণ্ঠিয়া লইয়াছে, এক জন দ্বারবানকে খুন করিয়া ফেলিয়াছে, দোকানের মালপত্রও অনেক ভাঙ্গিয়া ফেলিয়াছে, ক্রমে পুলিশ-বাহিনী আসিয়া পৌঁছিতে তাহারা পলায়ন করে। সতীশের ছোট ভাই কুমুদ দোকানে ছিল, সে এবং অন্যান্য কর্মচারী অল্প-বিস্তর জখম হইয়া, কোনও ক্রমে পলাইয়া প্রাণরক্ষা করিয়াছে। প্রাণভয়ে সেই দিন হইতে দোকানে কেহ আর যায় নাই; তবে খবর পাওয়া গিয়াছে, পুলিশের কর্তারা দোকানে তালা বন্ধ করিয়া রাখিয়াছেন।

শুনিয়া সতীশ আর বাক্যব্যয় না করিয়া বিছানা লইল। স্ত্রীর অনেক অনুরোধ সত্ত্বেও আহাৰ করিল না; অবশেষে দুইটি সন্দেশ

ও এক গেলাস জল খাইয়া শুইয়া রহিল। এই আকস্মিক বিপৎপাতে তাহার চক্ষু দিয়া জল পড়িতে লাগিল।

অনেক রাত্রি পর্যন্ত সতীশের নিদ্রা হইল না। সে ত এক প্রকার সর্বস্বাস্তু হইয়াছে বলিলেই হয়। অথ কোনও সম্পত্তির আয় নাই—ঐ দোকানখানিই ছিল একমাত্র ভরসার স্থল। আগামী কল্য পাঁচ হাজার টাকা লইয়া গিয়া রেবতীকে উদ্ধার করিয়া আনা ত দূরের কথা, এখন জীবিকানির্বাহের কি উপায় হইবে? হায় হায়, ইহাকেই বলে পুরুষের দশ দশা—কখনও হাতী কখনও মশা! যে ছিল রাধাবাজারের এক জন গণ্যমান্ত ব্যবসায়ী, সে আজ সর্বস্বাস্তু—কি খাইবে, তাহার ঠিক নাই!

পরদিনও সতীশ বাড়ীতে বসিয়া নির্জনে অনেক চিন্তা করিল। ভাবিতে ভাবিতে ক্রমে দিবা অবসান হইল, সন্ধ্যা ঘনাইয়া আসিল। ঘড়ীর দিকে চাহিয়া সতীশ ভাবিল, করিমের নিকট তাহার ওয়াদার কাল ত উত্তীর্ণ হইয়া গেল—আশাহত ক্রুদ্ধ নিষ্ঠুর গুণ্ডা আজ রাত্রিতেই বোধ হয় রেবতীকে খুন করিয়া ফেলিবে। ছাড়িয়া তাহাকে কখনই দিবে না—দিলে পুলিশ হাঙ্গামার আশঙ্কা তাহাদের আছে ত!

আজও গভীর রাত্রি পর্যন্ত সতীশ ঘুমাইতে পারিল না। রাত্রি ১২টা বাজিলে সতীশ মনে মনে ক্লান্তনিশ্চয় হইল, রেবতী আর ইহজগতে নাই! গুণ্ডাহস্তেই তাহার প্রাণবিয়োগ ঘটয়াছে। মনকে বুঝাইল, “ইহাতে আমার আর অপরাধ কি? মনুষ্য-জীবন অনিত্য, পদ্মপত্রের জলবিন্দুর স্থায়—এ সকল ত শাস্ত্রেরই কথা। নিয়তি—নিয়তি—

সকলই নিয়তি। ব্রহ্মা-বিষ্ণু-মহেশ্বর সহায় হইলেও নিয়তির হস্ত হইতে কেহই পরিত্রাণ পাইতে পারে না। রেবতীর অদৃষ্টে মুসলমান-হস্তে অপমৃত্যু লেখা ছিল, তাহা খণ্ডন করে কাহার সাধ্য? ইহাতে আমার আর দোষ কি?”

রেবতীর অপমৃত্যুর কথা ভাবিতে ভাবিতে আর একটা কথা সতীশের মনে উদয় হইল। ইহজগতে রেবতীর তিন কুলে কেহই নাই—মা নাই, ভাই নাই, সন্তান-সন্ততি নাই; এমন কি, এ শ্রেণীর স্ত্রীলোকের প্রায়ই যাহা থাকে—একটা মূর্থ লম্পট “গুরুদেব” পর্য্যন্ত নাই। কে রেবতীর উত্তরাধিকারী হইবে? জয়মিত্রের গলিতে বাড়ী থানি রেবতীর নিজস্ব—তাহারই মুখে সতীশ শুনিয়াছিল, পাঁচ বৎসর পূর্বে উহা সে পনেরো হাজার টাকায় খরিদ করিয়া ছই তিন হাজার টাকা ব্যয়ে মেরামত করাইয়াছিল, পাঁচ ছয় শত টাকা ব্যয়ে বাড়ীতে বিদ্যুৎ আনাইয়াছিল,—এখন যেমন করিয়া হউক, সে বাড়ীখানির মূল্য বিশ হাজার টাকা। আসবাব-পত্র যাহা আছে, তাহার মূল্য কম করিয়া ধরিলেও ছই হাজার টাকা হইবে। আয়রণ-চেপ্টে কি আছে না আছে, তাহা সতীশ সঠিক অবগত নহে। তবে তাহার মধ্যে কোম্পানীর কাগজ আছে—ইহা সে জানে। অলঙ্কারও কিছু আছে। সব অলঙ্কার রেবতী ত চুণারে লইয়া যায় নাই। এ সকলের ওয়ারিশ কে হইবে? গভর্ণমেন্ট? তা কেন? ঐ ধরণের কত স্ত্রীলোক ত মৃত্যুকালে উইল করিয়া তাহাদের প্রণয়িগণকে প্রচুর সম্পত্তি দিয়া গিয়াছে। মৃত্যু এত নিকট জানিলে রেবতীও হয়ত এইরূপ করিত। একখানা উইল খাড়া করিতে আর কত সময় লাগে? সাক্ষী? টাকা

খরচ করিলে সাক্ষীর অভাব ? আর সেই উইলের প্রোবেট লইবার সময় কেই বা আপত্তি দাখিল করিতে যাইবে ? কেহই ত নাই । সতীশ মনে মনে স্থির করিল—“না না—নাহক একটা সম্পত্তি গভর্ণ-মেণ্টের হাতে কোন ক্রমেই যাইতে দেওয়া উচিত নহে । উইল একখানা খাড়া করাই ঠিক । চুণারে রেবতীর মৃত্যু হইয়াছে, ইহাই প্রচার করা প্রয়োজন ও নিরাপদ । রেবতীর বাড়ীখানা ও কোম্পানীর কাগজগুলি হাতে আসিলে উহা বিক্রয় করিয়া, আবার নূতন করিয়া ব্যবসায়ের পত্তন করা ছাড়া আর অশ্রু উপায় কি ? কল্যাণ প্রভাতেই রেবতীর বাড়ী গিয়া, বি-চাকরগুলোকে কৌশলে বিদায় দিয়া, জিনিষপত্রের হেফাজৎ করিয়া—তাহার পর একখানা উইল প্রস্তুতের আয়োজন করিতে হইবে ।

এইরূপ স্থির করিয়া সতীশ মনে কিঞ্চিৎ সান্ত্বনালাভ করিল এবং শীঘ্রই ঘুমাইয়া পড়িল ।

একাদশ পরিচ্ছেদ

স্বিয়াশ্চরিত্রম্ ।

অতিথি জাগরিত হইবার পূর্বেই রেবতীর সে দিন প্রভাতে নিদ্রা-ভঙ্গ হইল । বিছানার উপর একটি সিগারেট ধরাইয়া সে সেবন আরম্ভ করিয়াছে, এমন সময় ঝি সৌদামিনী আসিয়া প্রবেশ করিল । কার্পেটের উপর বসিয়া পড়িয়া বলিল, “কা’ল তুমি যে কথা বল্লে দিদিমণি, শুনে ত আমার বুক ধড়ফড় করতে নেগেছে—বাকী রাতটুকু আমার ঘুমই হ’ল না ! কি বিপদে তুমি পড়েছিলে ? আর কোনও ভয় নেই ত ?”

রেবতী সিগারেট টানিতে টানিতে সংক্ষেপে তাহার বিপদের কাহিনী বর্ণনা করিল । এ ব্যাপারে “বাবু” কিরূপ বিশ্বাসঘাতকতা করিয়াছে এবং পার্শ্বের কক্ষে নিদ্রিত ভদ্রলোকটি তাহার কি উপকার করিয়াছে, তাহাও রেবতী বলিতে ভুলিল না । আরও বলিল যে, বাবুর মুখদর্শন রেবতী আর করিবে না ; সে যদি কালামুখ লইয়া আবার আসিয়া হাজির হয় ত মুড়ো খ্যাংরা মারিয়া বিদায় করিবে, ইহাই তাহার প্রতিজ্ঞা । শুনিয়া সৌদামিনী সতীশকে গালি দিতে লাগিল ।

রাগটা একটু পড়িলে সৌদামিনী জিজ্ঞাসা করিল, “তোমার চানের জল কি এখন ঠিক ক’রে দেবো, দিদিমণি ?”

রেবতী বলিল, “হ্যাঁ, দে । সে বাবুটি কি উঠেছেন ?”

“না, ওঠেন নি। জাগিয়ে দেবো?”

“না, ঘুমুচ্ছেন, ঘুমুন না। আমি ততক্ষণ স্নানটা সেরে ফেলি। এখনই হয় ত থিয়েটারের ম্যানেজার বাবু এসে হাজির হবেন। নিস্তার কোথা।”

“সে নীচে রান্না-ঘরে কয়লায় আগুন ধরাচ্ছে।”

“তা ধরাক। তুই আমার স্নানের জল ঠিক ক’রে, ষ্টোভটা জ্বলে চায়ের জল চড়িয়ে দিস। স্নান ক’রে উঠেই যেন আমি চা পাই।”

“আচ্ছা”—বলিয়া সৌদামিনী প্রস্থান করিল।

আর একটা সিগারেট ধরাইয়া, রেবতী স্নানার্থ একতলায় নামিল। সিঁড়ি হইতে নামিয়া ডাহিন দিকে এই স্নানাগার। রান্নাঘরটি উঠানের অপর প্রান্তে অবস্থিত। এদিক ওদিকে টানা বারান্দা আছে।

রান্নাঘর তখন কয়লার ধুমে আচ্ছন্ন। সৌদামিনী ষ্টোভটি বারান্দায় বাহির করিয়া, প্রথমে সেটি সাফ করিল। তাহার পর আলিয়া, জলের কেৎলিটি চড়াইয়া দিল। নিস্তারিণী তখন কয়লা ধরানো শেষ করিয়া, রান্নাঘরের দরজাটি ভেজাইয়া দিয়া, সৌদামিনীর কাছে আসিয়া বসিল। চুপি চুপি বলিল, “জিজ্ঞাসা করেছিল, সহ।”

“হ্যাঁ, করেছিলাম।”

“গুনলি কিছু?”

“গুনলাম বৈ কি!”—বলিয়া সে চুপি চুপি রেবতীর নিকট ক্রত কাহিনী বর্ণনা করিতে লাগিল।

এমন সময় দারোয়ানজী খড়ম পায়ে দিয়া খট খট করিতে করিতে

আসিয়া সেখানে দাঁড়াইয়া বলিল, “কি তোরা গলবাৎ করছিস ?”—
বলিয়া অল্প দূরে সে-ও বসিয়া পড়িল। মনিব একটা কোনও বিশেষ
বিপদে পতিত হইয়াছিলেন, ইহা সে অনুমান করিয়াছিল ; বিপদটা
যে কি ঘটয়াছিল, জানিবার জন্য আহাৰও প্রাণ ছটফট করিতেছিল।
সৌদামিনী দরোয়ানজীকেও চুপি চুপি সকল কথা ভাঙ্গিয়া বলিল।

রেবতীর স্নান ততক্ষণে প্রায় শেষ হইয়া আসিয়াছে। সে গা-
মাথা মুছিতে আরম্ভ করিয়াছে, এমন সময় কাহার জুতার শব্দ শুনিতে
পাইল। কে আসিল, ম্যানেজার বাবু না কি ? রেবতী কাণ খাড়া
করিয়া রহিল। পর-মুহূর্ত্তে তাহার কাণে গেল সতীশের কণ্ঠ-স্বর।
ক্রন্দনবিজড়িত, কম্পিত কণ্ঠে সে বলিতেছে—“ওরে সহ, ওরে নিস্তের
—সর্বনাশ হয়ে গেছে রে ! তোদের মনিব রেবতী বিবি চুণারে
মারা গেছে রে—হায় হায় হায় !”

সৌদামিনী বলিল, “এ কি সর্বনাশ, বাবু ! কবে ? কবে ?”

“আজ চারদিন হ’ল রে—আজ চার দিন হ’ল।”—বলিয়া সতীশ
ভেউ ভেউ করিয়া কাঁদিতে লাগিল।

কাঁদিতে কাঁদিতে সতীশ বলিতে লাগিল, “চুণারে নিয়ে গিয়ে
প্রথম মাসখানেক বেশ উন্নতিই দেখা যেতে লাগলো। তারপর থেকে
আবার একটু খারাপের দিকে গেল। ভাল ভাল ডাক্তার ডাকিয়ে
চিকিৎসা করাতে লাগলাম। আবার একটু শোধরালো। মরবার
তিন দিন আগেও সে-ও জানতো না—কেউ স্বপ্নেও ভাবেনি যে, এ
সর্বনাশ হবে। এমন কি, থিয়েটারের ম্যানেজারকে ‘তার’ পর্য্যন্ত
করেছিল যে, আমি অমুক দিন কলকাতায় ফিরবো। বুধবারদিন

সন্ধ্যাবেলা, ‘বুকে ব্যাথা বুকে ব্যাথা’ ব’লে সেই যে গুলো—আর উঠলো না রে সহ—আর উঠলো না। আমি জরুরী ‘তার’ ক’রে এলাহাবাদ থেকে সাহেব ডাক্তারকে ডেকে পাঠালাম—সাহেবের মোটর এসে যখন ফটকে দাঁড়ালো, তখন আমরা ‘বল হরি হরিবোল’ ব’লে তাকে বের করছি! গঙ্গাতীরে নিয়ে গিয়ে, দশ মণ চন্দনকাঠে দু’ টিন গাওয়া-ঘি ঢেলে তাকে পোড়ালাম। সোণার প্রতিমে বিসর্জন দিয়ে এলাম রে সহ—হায় হায় হায়! সে ত গেলই—আমাকে শুদ্ধ মেরে রেখে গেল রে! তুই ত সব জানিস সহ—এ দু’ বছর, আমি তাকে একটি দিনও চোখের আড়াল করি নি। তাতে আমাতে ছিলাম যেন যোটের পায়রা ছুটি! এখন, সে-হারা হয়ে আমি কি ক’রে বেঁচে থাকবো!”—বলিয়া আবার হাউ হাউ করিয়া কান্না।

সহ বলিল, “বাবু! বাবু! চুপ করুন, আপনি এত অধ্যা হবেন না—আপনার পায়ে পড়ি! অদেষ্টে যা নেকা ছিল, তা কে খণ্ডাবে বলুন? যান, উপরে গিয়ে বসুন। যতই কাঁদাকাটি করুন, তাকে ত আর ফিরে পাবেন না, মিথ্যে শরীল খারাপ হবে বৈ ত নয়!”

সতীশ বলিল, “আর শরীর! এ শরীর ত এখন ভার বোঝা হয়েছে সহ! কাষের কথা যা বলতে এসেছি—তাই বলি, শোন। মরবার আগে সে একখানি উইল ক’রে গেছে। তাতে আমার দুই ছেলেকে তার এই বাড়ী, আসবাবপত্র, গয়নাগাটি, কোম্পানীর কাগজ সমস্ত সমান ভাগে দিয়ে গেছে। তাদের কথাও ভোলে নি। তোকে ৫০৯, নিস্তারিনীকে ৫০৯ আর হরি সিং দরওয়ানকে

১০০ দিয়ে গেছে। কাল সকালে আমি কলকেতায় এসে পৌঁছেছি। পৌঁছেই আদালতে গিয়ে উইল সাব্যস্ত করবার জন্তে দরখাস্ত দিয়েছি। উইলের প্রভেট নিয়ে, জিনিষপত্র বেচে কিনে, তোদের টাকা দিতে এখন যার নাম ছ'মাস দেবী। এত দিন তোরা এখানে ব'সে কি করবি, আমি বরঞ্চ নিজের পকেট থেকে তোদের টাকাটা দিয়ে দিচ্ছি—তোরা আপন আপন বাড়ী চ'লে যা। তোদের টাকা আমি সঙ্গে করেই এনেছি। দশটা বাজলেই আদালতের পেয়াদারা এসে সম্বরে তালা বন্ধ করবে। তোদের যদি এখানে তারা দেখে, শেষকালে হয় ত সাক্ষীর সফিনে ধরিয়ে দেবে, তোরা তখন ছ মাসের ফেরে প'ড়ে যাবি।”

হরি সিং বলিয়া উঠিল, “সো ত বহুৎ মুশ্কিল হবে বাবুজী! আপনি আপনার বাড়ী-ঘর বুঝিয়ে লিয়ে দয়া ক'রে হামাদের টাকা দিয়ে দিন—হামলোক চলিয়ে যাই।”

সতীশ বলিল, “তা দিচ্ছি। সত্যি কথাই ত, তোমরা গরীব লোক, এ সব ফ্যাসাদ তোমাদের কেন? এই নাও হরি সিং তোমার ১০০—দশ খানা নোট আছে, গুণে নাও। এই নে নিস্তার তোর ৫০, এই সহুর ৫০। খাওয়া-দাওয়ার হাঙ্গাম আর এখানে তোরা করিস নে—বেলা এখন প্রায় ৮টা; হাওড়া ইষ্টানে গিয়েই বরঞ্চ খাবার-দাবার কিনে খেয়ে রওনা হয়ে পড়। আমি ততক্ষণ উপরে গিয়ে বসি। পেয়াদারা না আসা পর্যন্ত আমাকে ত এখানে থাকতেই হবে। ঘর খোলা আছে কি?”

সহু বলিল, “হ্যাঁ বাবু, ঘর খোলাই আছে—উপরে গিয়ে বসুন।

চায়ের জল প্রায় ফুটে উঠেছে—আমি চট ক’রে এক পেয়লা চা আপনার জন্তে ক’রে নিয়ে যাচ্ছি—গিয়ে ঘর-দোর সব বুঝিয়ে দিচ্ছি।”

“আচ্ছা।”—বলিয়া সতীশ উপরে উঠিয়া গেল।

রেবতী তখন মাথা মুছিতে মুছিতে ধীরে ধীরে স্নানকক্ষের দ্বার মুক্ত করিল। উভয় বি তাহার পানে চাহিয়া চুপি চুপি বলিল, “সব শুনলে, দিদিমণি? বাপ রে বাপ—কি ধাপ্লাবাজ জুয়াচোর গো! জলজ্যাস্ত মানুষটা তুমি, তোমায় স্বচ্ছন্দে পুড়িয়ে গঙ্গায় দিলে! ও মা, কি ঘেন্নার কথা!”

রেবতীও চুপি চুপি বলিল, “দাঁড়া না, কে কাকে গঙ্গায় দেয়, তাই দেখছি আমি! হরিসিং, তুমি হাঁসিয়ার থেক; উপরে গিয়ে আমি যদি বলি, হরিসিং পুলিশ বোলাও, তুমি বলবে, আচ্ছা মাইজী, আভি বোলাতে হেঁ—কিন্তু সত্যি সত্যি পুলিশ ডেক না—বুঝলে ত?”

হরিসিং বলিল, “হাঁ মাইজী! হামি বুঝিয়েছে।”

ঠিক এই সময়, উপর হইতে একটা চৌচামেচি শুনা গেল—
“কে রে তুই ড্যাম রাস্কেল, এখানে শুয়ে ঘুমুচ্ছিস? কে তোকে এ বাড়ীতে ঢুকতে দিলে? কি মংলবে এসেছিলি তুই?”—তার পর চটাং করিয়া একটা উচ্চ শব্দ—কে কাহার গালে যেন বিরাসী শিক্কা ওজনের এক চড় মারিল; সঙ্গে সঙ্গে একটা ধ্বস্তাধ্বস্তির শব্দ।

হরিসিং বলিল, “মাইজী, হামি উপরে যাব।”

“না, তুমি সদরেই থাক”—বলিয়া রেবতী এলো চুলে, আঁচলটা কোমরে শক্ত করিয়া জড়াইয়া লইয়া, রান্নাঘরের পার্শ্ব হইতে ঝাঁটাগাছটা তুলিয়া লইয়া দ্রুতপদে দ্বিতলে উঠিয়া গেল।

সতীশ এবং হীরালালের তখন মল্লযুদ্ধ চলিতেছে। শয্যাপার্শ্বস্থ টেবিলটা উল্টাইয়া পড়িয়াছে—দুইটা ফুলদানী ভগ্ন। সতীশের গালে হীরালালের পাঁচ আঙ্গুলের দাগ বসিয়াছে। চক্ষুর নিমেষে হীরালাল সতীশকে মেঝেয় পাড়িয়া ফেলিয়া, তাহাকে প্রহার জন্ত বন্ধমুষ্টি উত্তত করিল।

রেবতী বলিল, “হীরালাল বাবু—থামুন। ওর শাস্তি আমিই নিজে হাতে দিচ্ছি।”

হীরালাল উঠিয়া দাঁড়াইল। সতীশও দাঁড়াইয়া উঠিয়া, রেবতীর পানে চাহিল। তাহার মুখ পাণ্ডুবর্ণ ধারণ করিল। কিন্তু সত্তর সামলাইয়া লইয়া বলিয়া উঠিল, “রেবী! রেবী! তুমি বেঁচে আছ তা হ’লে?”

রেবতী ভেঙ্গাইয়া ব্যঙ্গভরে বলিল, “না না—মরা মানুষ কি কখনও বেঁচে থাকে? তুমি চুণারে যাকে বল হরি হরিবোল দিয়ে বের ক’রে নিয়ে গেলে, দশ মণ চন্দনকাঠে ছটিন গাওয়া ঘি ঢেলে যাকে পোড়ালে, সে কি কখনও বেঁচে থাকতে পারে? আমি তার ভূত—তবে বিংশ শতাব্দীর নব্য ভব্য সভ্য ভূত—আগি তোমার ঘাড় মটকাবো না—কিঞ্চিৎ উত্তম মধ্যম ঝাঁটাভোজন করা’ব মাত্র—তার পর অর্ধচন্দ্র দিয়ে তোমায় বিদায় করা’বো। এত বড় বিশ্বাসঘাতক নরাদম জুয়াচোর তুমি? গুণ্ডারা আমাকে মেরে ফেলেছে এই

ভরসায় জাল উইল খাড়া ক'রে তুমি আমার যথাসর্বস্ব চুরি করে নিতে এসেছ? পাজি ছুঁচো সয়তান কোথাকার!”—বলিয়া রেবতী সপাং সপাং করিয়া ঘা ছুই তিন ঝাঁটা সতীশের মাথায় ও বক্ষে বসাইয়া দিল।

ঝাঁটা খাইয়া “কি! এত বড় আশ্পদা তোর, তুই আমায় ঝাঁটা মারিস? দাঁড়া হারামজাদী, তোকে আমি আজ খুনই করবো!”—বলিয়া সতীশ মালকৌচা দিতে লাগিল।

“কে কাকে খুন করে দেখাচ্ছি, দাঁড়া!”—বলিয়া রেবতী বারান্দার প্রান্তে গিয়া চীৎকার করিল, “সহ, আঁশ ঝুটখানা নিয়ে আয় ত রে!”

হীরালাল সতীশের কাণটি ধরিয়া বলিল, “খবদার—স্ত্রীলোকের গায়ে হাত তুলেছ কি মেরে তোমায় গুঁড়ো ক'রে ফেলবো, রাস্কেল!” তাহার পর কাণ ছাড়িয়া বলিল, “যাও—বাপের স্পুত্তুরের মত, আস্তে আস্তে বাড়ী চ'লে যাও। নইলে এখনই পুলিশ ডাকবো।”

সতীশ বলিল, “বটে! এরই মধ্যে এতটা গড়িয়েছে? তুমিই বুঝি এখন এ বাড়ীর কর্ত্তা? বাঃ বেশ আছ ছোকরা!” বলিয়া সতীশ সিঁড়ির দিকে অগ্রসর হইল। এক ধাপ নামিয়া মুখ ফিরাইয়া বলিল, “রেবী!—খুব কীত্তিতে রাখলি যা হোক ভাই! হুঁঃ—এই জন্তেই শাজ্জে বলেছে—স্ত্রীলোকের চরিত্র দেবতারও বুঝতে পারেন না, মানুষ কোন ছার! ছুটো দিন আর তর সহিল না, নতুন জোটালি? ‘সাধে কি হই গো দিদি’—সেই গানটা একবার গা না—শুনে

যাই।” বলিয়া জিভ বাহির করিয়া রেবতীকে ভেসাইয়া তাড়াতাড়ি সতীশ নীচে নামিয়া গেল।

সদরে পৌঁছিলে হরি সিং সহাস্ত্রে উচ্চকণ্ঠে বলিল, “কি বাবুজী ! বিবির হাঁথের ঝাড়ুটি মিঠা লাগলো ত ?”

সতীশ কোন উত্তর না করিয়া, তাহার দিকে একটা ক্রোধদৃষ্টি হানিয়া বাটী হইতে বাহির হইয়া গেল।

দ্বাদশ পরিচ্ছেদ সতীশের প্রতিহিংসা

ক্রুদ্ধ সতীশ চিংপুর রোডে আসিয়া বেলগাছিয়ার ট্রাম ধরিবার আশায় সাইনবোর্ডের নিকট দাঁড়াইল। অপমানে সে এখন প্রায় পাগলের মত হইয়াছে। অনেকক্ষণ অপেক্ষা করিল, কিন্তু কোন ট্রাম আসিল না। এই সময় সে মনে মনে নানা জল্পনা-কল্পনা করিতে লাগিল। করিমের কবল হইতে হুঁচকারিণী রেবতী ছাড়া পাইল কেমন করিয়া? করিম ত বলিয়াছিল, ওয়াদার সময়মধ্যে জান-খালাসী টাকা না আসিলে রেবতীকে সে বেইজ্জৎ করিবে কিংবা খুন করিয়া ফেলিবে; ইহাকে দয়া করিয়া ছাড়িয়া দিবে, তাহা কি সম্ভব? নিশ্চয়ই কোনও সুযোগে রেবতী করিমের চক্ষুতে ধূলি নিক্ষেপ করিয়া পলাইয়া আসিয়াছে। আসিয়া, আমার উপর রাগ করিয়া, ঐ একটি নূতন জুটাইয়া লইয়াছে। নূতন কিংবা গোপন ও পুরাতন, তাই বা কে জানে? সে চুলায় যাউক,—কিন্তু রেবতীর ঠিকানাটা করিমকে কোনও সুযোগে জানাইয়া দিতে পারিলে কাষ হইত। সত্যিই রেবতী যদি পলাইয়াই আসিয়া থাকে—তবে, হুঁহা! —করিম গুপ্তা আসিয়া উহাকে মজাটি দেখাইয়া দিবে। বুকে একখানি চক্চকে ছোরা বসাইয়া উহার যাহা কিছু আছে, লুটিয়া পুটিয়া লইয়া যাইবে। কিন্তু পাঠাই কাহাকে? সে পাড়ায় কেহ কি এখন যাইতে রাজি হইবে? পথেই যদি কোনও মুসলমান তাহার দফাটি সারিয়া দেয়?

দক্ষিণদিক হইতে একটা হাঙ্গা শুনা গেল। অনেক লোক ছুটিতে ছুটিতে আসিতেছে। দেখিতে দেখিতে রাস্তার দুই ধারের দোকান-পাট সমস্ত বন্ধ হইয়া গেল। রব উঠিল, মুসলমান আসিতেছে—মুসলমান আসিতেছে। দেখিয়া, সতীশও প্রাণপণে উত্তরদিকে ছুটিয়া চলিল। ছুটিতে ছুটিতেই শুনিতে পাইল, মেছুয়াবাজারে হিন্দু-মুসলমানে ভয়ানক দাঙ্গা বাধিয়াছে—দাঙ্গা করিতে করিতে মুসলমান-গণ এই দিকেই আসিতেছে।

যাহা হউক, সতীশ কোনও ক্রমে প্রাণ লইয়া শ্রামবাজারে তাহার বাড়ীতে ফিরিয়া আসিল।

রেবতীর প্রতিহিংসা লওয়ার মতলব কিন্তু সতীশ পরিত্যাগ করিতে পারিল না।

অনেক ভাবিয়া চিন্তিয়া সতীশ স্থির করিল, নিজে তাহার গুণ্ডা-পাড়ায় যাওয়া ত একেবারেই অসম্ভব। কারণ, রেবতীর “জান্” ত তাহার গহনা ও টাকায় খালাস হইয়াই গিয়াছিল, তাহার নিজ জান্-খালসী পাঁচ হাজার টাকার জহুই রেবতীকে তাহার বিবাহিতা স্ত্রী বোধে করিম আটকাইয়া রাখিয়াছিল। জামীনদার পলাইয়াছে বলিয়া, আসামীকে হাতে পাইলে সে ছাড়িবে কেন? সুতরাং এমন কোনও বিশ্বস্ত লোককে করিমের কাছে পাঠাইতে হইবে, যে কোন মতেই সতীশের ঠিকানাটি প্রকাশ করিয়া দিবে না, এবং এ কার্যে কোনও মুসলমানকেই পাঠানো উচিত। গৌড়াতলায় গেলে মুসলমানের কোনও বিপদ ঘটিবার সম্ভাবনা থাকিবে না। কিন্তু এ পাড়ায় সেরূপ লোক কোথায়?

তখন হঠাৎ সতীশের মনে হইল, পূর্বে যখন তাহার গাড়ীঘোড়া ছিল, তখন ইমামুদ্দিন নামক এক ব্যক্তি দশ বৎসরকাল তাহার কোচম্যানি করিয়াছে। সেই ব্যক্তি এখন এই পাড়াতেই অন্ত বাড়ীতে কোচম্যানি করে। সে লোকটি খুবই বিশ্বাসী ছিল,—এমন কি, এক সময় নিজের প্রাণ বিপন্ন করিয়া, সতীশের প্রাণরক্ষা করিয়া নিমকের সম্মান রক্ষা করিয়াছিল। এ দিকে যদিও সে ব্যক্তি অন্ত্র চাকরী করিতেছে, তথাপি পূর্ব-গনিব বলিয়া পথেঘাটে দেখা হইলেই আজিও তাহাকে অবনত হইয়া সেলাম করিয়া থাকে। সেই ব্যক্তিকে পাওয়া গেলে, তাহাকে কিছু বক্শিস দিয়া, করিমের নিকট পাঠানো যাইতে পারে।

পরদিনই সতীশ ইমামুদ্দিনের খোঁজে বাহির হইল। ইমামুদ্দিনের আস্তাবলে গিয়া সতীশ দেখিল, তোলা উনানে ভাত ফুটিতেছে, সে এবং সহিস বসিয়া আছে। সতীশকে দেখিয়াই ইমামুদ্দিন দাঁড়াইয়া উঠিয়া সেলাম করিল। সতীশ তাহাকে ডাকিল, “ইমামুদ্দিন, শোন।”

ইমামুদ্দিন বাহির হইয়া আসিল। সতীশ জিজ্ঞাসা করিল, “তোমার গাড়ী বেরুবে কখন?”

ইমাম হিন্দীতে উত্তর করিল, “আজকাল ত আর গাড়ী বের করি না হুজুর। হাঙ্গামা হয়ে অবধি আমার বাবু গাড়ীতে কোথাও আর যান না। বাড়ী থেকেই আর বেরোন না।”

“বটে! তা হ’লে ত তোমাদের এখন ছুটি চলছে।”

“কি করি হুজুর!”

“দেখ, ইমাম, আমার একটু বিশেষ কায আছে। সেটা তুমি

ক’রে দিতে পারবে? পারলে আমি তোমায় বিলক্ষণ কথশিস দেবো।”

“কি কায বলুন হুজুর। আমি ত আপনার বান্দা। কত কাল আপনার নিমক খেয়েছি।”

“এখানে দাঁড়িয়ে ত সে কথা হবে না। আমার বাড়ীতে এস।”

“যখন হুকুম করবেন, তখনই এ গোলাম হাজির হবে।”

“ভাত চড়িয়েছ দেখছি। খাওয়া দাওয়া ক’রে, এই বেলা ১২টা কি ১টার সময় এস, কি বল?”

“যো হুকুম, তাই আসবো হুজুর।”—বলিয়া ইমামুদ্দিন অবনত হইয়া সতীশকে সেলাম করিল।

সতীশ বাড়ী ফিরিয়া আসিয়া স্নানাহার সারিয়া লইল। ইমামুদ্দিন তাহার চাপদাড়ি লইয়া যথাসময়ে আসিয়া দর্শন দিল। সতীশ বৈঠকখানা ঘরের দ্বার বন্ধ করিয়া তাহার সহিত কথাবার্তা আরম্ভ করিল।

সতীশ বলিল, “দেখ ইমাম, গৌড়াতলায় করিম শেখ ব’লে যে এক জন গুণ্ডা থাকে, তাকে তুমি জান কি?”

“চিনি না হুজুর, কিন্তু নাম শুনেছি। সে গুণ্ডা গুণ্ডা নয়, গুণ্ডাদের একজন সর্দার।”

“হাঁ, সেই। আমি যদি তার নামে তোমায় একখানা চিঠি দিই, তবে তুমি সে চিঠি তাকে গিয়ে দিয়ে আসতে পার?”

ইমাম কিছুক্ষণ নীরব থাকিয়া বলিল, “এ আর তেমন শক্ত কথা কি হুজুর?”

সতীশ বলিল, “তা বেশ। দেখ, কোনও একটা বিশেষ কারণে করিমকে একখানা চিঠি লিখতে চাই। কিন্তু আমি যে কে, আর কোথায় থাকি, এটা ঘূণাক্ষরে করিম না জানতে পারে। জানলে হয়ত আমার প্রাণই যাবে। যদি তোমায় জিজ্ঞাসা করে, তুমি বলবে, রাস্তায় একজন বাঙ্গালী বাবু এই চিঠি আর আমার মেহনতানা একটি টাকা দিয়েছে, তাই আমি চিঠি এনেছি—সে বাবুর নাম-ধাম আমি কিছুই জানিনে এমন কি, আগে তাকে কখনও দেখিওনি। বুঝলে? এই রকম বলতে পারবে ত ইমাম? অবশ্য তোমার মেহনতানা ১২ নয়—আমি ১০২ টাকা তোমায় দেবো। কিন্তু তুমি ১২ টাকার কথাই সেখানে বলবে। আমার প্রাণ তোমার হাতে।”

ইমাম বলিল, “হুজুর যেমন ফরমাদেস করেছেন, ঠিক সেই রকম কথাই আমি বলবো। তার বেশী একটা কথাও আমি বলবো না। এই পশ্চিমমুখে দাঁড়িয়ে হুজুরকে আমি জবান দিচ্ছি, নিমক-জারামী আমি করবো না। চিঠি কখন নিয়ে যেতে হবে?”

“আমি চিঠি লিখে রাখবো, তুমি তিনটের সময় এসে নিয়ে যেও।”

“বহুৎ খুব”—বলিয়া সেলাম করিয়া ইমাম প্রস্থান করিল।

সতীশ নিজ শয়ন-ঘরে গিয়া যে প্রত্নখানি লিখিল, বানানগুলি শুদ্ধ করিয়া তাহা এইরূপ দাঁড়ায়—
“সাহেব !

হুজুরের বোধ হয় স্মরণ আছে যে, গত পশু' তারিখে রাতে আমি আপনার নিকট এই ওয়াদা করি যে, গতকল্য সন্ধ্যা ৬টার

মধ্যে পাঁচ হাজার টাকা লইয়া গিয়া হুজুরে দাখিল করিব। কিন্তু নানাবিধ অশ্লুবিধায় টাকাটা যোগাড় করিতে না পারায় আমার কথার খেলাফ হইয়া গিয়াছে, তজ্জন্য মাফ করিতে আজ্ঞা হয়। যে স্ত্রীলোককে জামীন স্বরূপ রাখিয়া গিয়াছিলাম, সে আমার বিবাহিতা স্ত্রী নহে—সে এই সহরের একজন বিখ্যাত নটী—হুজুরের নিকট আসল কথা লজ্জায় প্রকাশ করিতে না পারায় ঐরূপ বলিয়াছিলাম। সে নটী বোধ হয় আপনার সহিত দাগাবাজি করিয়া পলায়ন করিয়াছে। আমি নিজে তাহার আসল নাম ও ঠিকানা দিতেছি। তাহার অনেক টাকা, মোহর, অলঙ্কার ও অন্যান্য ধনদৌলৎ আছে, বাড়ীতে এক দ্বারবান্ ব্যতীত অন্য কোনও পুরুষ নাই। অতএব আপনার প্রাপ্য টাকা তাহার নিকট হইতে আদায় করিয়া লইলে ভাল হয়। সে অত্যন্ত দাগাবাজ মেয়েমানুষ, আপনার দয়ার সে ষোগ্য নহে। অতএব তাহার যথোচিত শাস্তি-বিধান করাই আপনার উচিত। ইতি—

নাম সহি করিলাম না পরিচয়েই চিনিবেন।”

নিজে সতীশ রেবতীর নাম ও জয়মিত্রের গলির ঠিকানা লিখিয়া দিল।

ইমাম যথাসময়ে আসিয়া পত্র লইয়া গেল।

সন্ধ্যার পর সে ফিরিয়া আসিয়া সতীশের সঙ্গে দেখা করিয়া বলিল, করিম সাহেবের সঙ্গে তাহার সাক্ষাৎ হইয়াছে—তিনি পত্র পড়িয়া বলিয়াছেন, বাবুকে আমার বহুৎ বহুৎ সেলাম দিয়া বলিও,

তিনি যেক্ষপ লিখিয়াছেন, শীঘ্রই আমি সেইরূপ করিব। কোনও লিখিত জবাব দেন নাই।

সতীশ বলিল, “আমার নাম কি, ঠিকানা কি, সে সব জিজ্ঞাসা করেছিল না কি?”

ইমাম বলিল, “না, করেনি। করলে, হজুর যে রকম শিখিয়ে দিয়েছিলেন, সেই রকমই বলতাম।”

“আচ্ছা, বেশ। এই তোমার টাকা নাও, ইমাম।”

ইমাম টাকা লইয়া সেলাম করিয়া প্রস্থান করিল। সতীশ আপন মনে বলিল—“হুঁহু! ঘুঘু দেখেছিলে চাঁদ! এইবার ফাঁদও দেখ!”

ত্রয়োদশ পরিচ্ছেদ

ওস্তাদজী

হীরালাল তিন দিন রেবতীর গৃহে যাপন করিয়া, চতুর্থ দিন প্রাতে উঠিয়া দুই জনে চা-পান করিতেছিল। তাহার হাতে একখানি বাঙ্গালা সংবাদপত্র—সেখানি মাঝে মাঝে আপন মনে সে পাঠ করিতেছিল, মাঝে মাঝে পড়িয়া রেবতীকে শুনাইতেছিল। গত কল্য কলিকাতা অনেকটা ঠাণ্ডা গিয়াছে। খুন ও জখম অধিক হয় নাই—দোকানপাটও সব খুলিতে আরম্ভ করিয়াছে।

চা-পান শেষ হইলে হীরালাল বলিল, “এইবার একবার বেরিয়ে একটা বাসা-টাসার সন্ধান করা যাক, কি বলেন?”

রেবতী বলিল, “দাঙ্গাহাঙ্গামটা সম্পূর্ণ আর মিটছে কৈ? কেন খামকা মুসলমানের হাতে প্রাণটা দিতে যাবেন, হীরালাল বাবু?”

হীরালাল বলিল, “যা দুই একটা খুন-জখম হয়েছে, সে ত ও-দিকে, হারিসন রোডের কাছাকাছি। এ পাড়ায় ত মুসলমানের কোনও অত্যাচার নেই।”

রেবতী বলিল, “হ’তে কতক্ষণ? না—না,—ও সব মৎলব ছাড়ুন। এখন কোথাও বেরুতে পারবেন না। খান-দান, আর চুপটি ক’রে বাড়ী ব’সে ব’সে আমার সঙ্গে গল্প করুন। গোলমালটা সম্পূর্ণ থেমে গেলে, তার পর আপনার যা প্রাণ চায়, করবেন।

দেখুন, একলা আমি জীলোক—বাড়ীর দরোয়ানটি ছাড়া অন্য পুরুষমানুষ নেই। আপনি রয়েছেন ব'লে আমার মনে কত ভরসা রয়েছে। এ সময় আপনি চলে গেলে, কখন কি হয় কখন কি হয় ভেবে ভেবে আমার মুখে আর অন্তর্জল যাবে না—তা কিন্তু ব'লে রাখছি আপনাকে।”—রেবতী যেন অভিমানভরেই ঠোঁট ফুলাইল।

হীরালাল বলিল, “আচ্ছা, তবে না হয় আরও দু' এক দিন থাক। কিন্তু আপনার উপর খুব অত্যাচার করা হচ্ছে।”

রেবতী বলিল, “হাঁ, অত্যাচার বৈ কি! একজন অবলা অসহায়া জীলোককে বিপদের দিনে রক্ষা করা—অত্যাচার নয় ত কি? তবে সেই গুণ্ডার আড্ডায়, বাঘের মুখে আমায় ফেলে এলেন না কেন?—সেই ত খুব সদাচার হ'ত!”

শুনিয়া হীরাহাল হাসিল। বলিল, “ততদূর সদাচারপরায়ণ আমি ত নই! আচ্ছা দেখুন—”

রেবতী মুখ ঘুরাইয়া বলিল, “যান, আমি দেখবা না। আজ তিন দিন ধ'রে কেবল ‘দেখুন, দেখুন’, ‘শুনুন, শুনুন’,—কেন আমার বাপ-মা কি আমার একটা নামও রাখেনি ছাই যে, আপনি আমায় ‘দেখুন’, ‘শুনুন’ ব'লে সম্বোধন করেন?”

হীরালাল আবার হাসিল। বলিল, “আপনাকে আমি রেবতী ব'লে ডাকব, সেটা কি ভাল?”

রেবতী ক্লেষভরে বলিল, “নাঃ,—আমি আপনার ঠান্ডি হই কি না—গুরুজন—নাম ধ'রে কি ডাকতে আছে?”

হীরালাল বলিল, “ইংরেজরা যেমন অনাঙ্গীয়া জীলোককে মিসেস্

কিংবা মিস্ অমুক ব'লে ডাকে, আমাদের দেশে ত সে রকম কোনও প্রথা প্রচলিত নেই, কি করি বলুন? দীনবন্ধু মিত্তির উপহাস ক'রে যে ঈঙ্গিত করেছেন—যদি রাজি থাকেন ত বলুন, আমি আপনাকে রেবতী বাক্সী ব'লে ডাকতে পারি।”

রেবতী বলিল, “তা পারেন বৈ কি! আপনি যখন একটা অবলা স্ত্রীলোককে বিপদে অসহায় ফেলে স্বচ্ছন্দে বাসা খুঁজতে যেতে পারেন, তখন আপনার অসাধ্য কর্ম্ম পৃথিবীতে আর কি আছে? সাধু—সাম্বী—বাবু বাক্সী—সধবার এবদশীতে আছে, না হীরালাল বাবু?”

হ্যাঁ। কেন, আপনি কি সধবার একাদশীতে কখনও প্লে করেন নি?”

“না। কিন্তু অল্প থিয়েটারে দেখেছি—বইও পড়েছি অবিশ্রি। খাসা নাটকখানি, নয়? বলবো আমাদের ম্যানেজার বাবুকে সধবার একাদশী খুলতে।”

“কার পার্ট নেবেন আপনি?”

কাশান। তা ছাড়া পার্ট কৈ? ও ফুয়ুদীনী ফুয়ুদীনী আমার পোষাবে না। আচ্ছা, আপনার কোন্ পার্ট পছন্দ?”

হীরালাল বলিল, “আমার পার্ট আপনিই নির্বাচন ক'রে দিন।”

রেবতী বলিল, “নিমে দস্তের পার্টই খুব চমৎকার ওর মধ্যে। কিন্তু বড় শক্ত পার্ট—আপনি পারবেন কি না, তা জানিনে। নিমে দস্তের পার্ট ক'রে গেছেন একদিন গিরিশ বাবু (রেবতী ললাটে

কর লয় করিয়া প্রণাম করিল)—আর, এদানী—ভুনী বাবু। আমি কাঞ্চন সাজবো, আপনি অটল সাজবেন, কি বলেন ?” বলিয়া রেবতী মুচ্কী হাসিল।

অতঃপর দুই জনে নাটক ও অভিনয়ের প্রসঙ্গেই কথাবার্তা হইতে লাগিল। মাঝে মাঝে তর্ক-যুদ্ধও যে না বাধিল, এমন নহে—কিন্তু সে ‘ফ্রেণ্ডলি ম্যাচ’।

কথাবার্তায় বেলা ১০টা হইল। ঘড়ীর বাজনা শুনিয়া রেবতী বলিল, “ও মা গো। ১০টা বেজে গেল এরই মধ্যে! কলের জল চ’লে গেল, স্নান-টান ত কিছুই হ’ল না! আচ্ছা, এক কায করলে হয় না, হীরালাল বাবু? চলুন না, দু’জনে গঙ্গাস্নান ক’রে আসা যাক। একথানা গাড়ী ডাকাই, কি বলেন?”

হীরালাল বলিল, “হ্যাঁ, তার পর সেই মুসলমান গাড়োয়ান গাড়ী ছুটিয়ে নিয়ে গিয়ে আমাদের হাজির করুক সেই গৌড়াতলায়।”

“না, দরোয়ানকে ব’লে দেবো, হিন্দু গাড়োয়ান দেখে গাড়ী আনবে।”

“সতীশ বাবুর সঙ্গে হাওড়া স্টেশনে নেমে, আপনারাও ত ‘হিন্দু’ ট্যাক্সিওয়ালা দেখে ট্যাক্সিতে উঠেছিলেন।”

“হ্যাঁ, তা বটে।”—বলিয়া রেবতী চিন্তা করিতে লাগিল। বলিল, “তার চেয়ে বোধ হয় হেঁটে যাওয়াই নিরাপদ, কি বলেন? গঙ্গার ঘাট ত এখান থেকে বেশী দূরে নয়—বড় জোর দশ মিনিটের পথ।”

হীরালাল বলিল, “রাস্তায় কোনও মুসলমান যদি বুকে ছুরি বসায়—”

রেবতী বলিল, “হাঁ:—এ পাড়ায় আবার ও সব ভয় কোথায়?”

হীরালাল হাসিয়া বলিল, “মন্দ নয়, ঐ ভয়ের জন্তেই ঘণ্টা দুই আগে আপনি আমায় বাসা খুঁজতে বেরুতে বারণ করছিলেন, না?—তা যদি ভয় না থাকে, হুঁজনে গঙ্গান্নানটা সেবে এসে, খাওয়া-দাওয়ার পর আমি বাসা খুঁজতে বেরুতে পারি ত?”

রেবতী ছুষ্ঠামীর হাসি হাসিয়া বলিল, “আচ্ছা, চলুন ত গঙ্গান্নান ক’রে আসা যাক—তার পর সে সব পরের কথা পরে হবে। হ্যাঁ, ভাল কথা মনে প’ড়ে গেল : আজ যে রিহার্সাল, বেলা তিনটের সময় থিয়েটারের গাড়ী আমাকে নিতে আসবে। আপনাকেও আমি সঙ্গে নিয়ে যাব।”

হীরালাল বলিল, “সে ত Bus—আরও পাঁচটা অভিনেত্রী তাতে ব’সে থাকবে,—আমি সে গাড়ীতে যাব?”

রেবতী বলিল, “না না, আপনাকে সঙ্গে নিয়ে যাব বলেই, Bus পাঠাতে মানা ক’রে দিয়েছি, ম্যানেজারের নিজের মোটর পাঠাতে বলেছি যে! চলুন, চট্-ক’রে গঙ্গান্নানটা সেবে এসে, চারিট খেয়ে একটু ঘুমিয়ে নিতে হবে। হরি সিংকে ডাকি, তাকে রাস্তাঘাট-গুলোর অবস্থা আগে দেখতে পাঠাই।” বলিয়া রেবতী উঠিল, ভিতর বারান্দায় গিয়া হরি সিং হরি সিং বলিয়া ডাকিতে লাগিল।

হরি সিং রুটী বানাইতেছিল—মনিবের ডাক শুনিয়া তাড়াতাড়ি হাত ধুইয়া উপরে আসিল। আদেশ শুনিয়া বলিল, “না মা-জী, এ

পাড়ায় কোনও ভয়-ডর নেই। কত লোক ত রাস্তা চলছে। আমার ‘ঘিউ’ ফুরিয়েছিল, এই ত কতক্ষণ হ’ল শোভাবাজারে গিয়ে আমি ঘিউ কিনে আনলাম।”

রেবতী বলিল, “আচ্ছা—রাস্তা দেখতে আর যেতে হবে না; তবে তুমি আমাদের সঙ্গে চল।”

দ্বারবান্ বলিল, “আলবৎ যাব মা-জী, আমি এখন ঝুটা বানাচ্ছিলাম, দশ মিনিট যদি দেরী করেন ত ভাল হয়।”

রেবতী বলিল, “দশ মিনিট কেন, আমাদের বেয়ত্রে এখনও আধ ঘণ্টা দেরী হবে। যাও, তুমি তোমার কাষ সেরে নাও।”

অর্দ্ধঘণ্টা পরে ইহারা গামছা ইত্যাদি লইয়া গঙ্গান্নানে বাহির হইল। চিংপুর রোড পার হইয়া, গলির পথে না গিয়া, বড় রাস্তা দিয়া যাওয়াই নিরাপদ ভাবিয়া, শোভাবাজারের রাস্তায় গঙ্গাতীরে গিয়া পৌঁছিল। স্নানের ঘাটে ভিড় তেমন না থাকিলেও, ঘাট একেবারে জনশূন্যও নহে। যাহারা আসিতেছে, তাড়াতাড়ি কোনও রকমে স্নান সারিয়া চটপট উঠিয়া পড়িতেছে। হীরালাল ও রেবতী—পরস্পর হইতে অল্প ব্যবধানেই দাঁড়াইয়া স্নান করিতেছিল। এক সময় কাছাকাছি অল্প কোনও স্নানার্থীকে না দেখিয়া রেবতী কয়েক পদ নিকটে আসিয়া হীরালালকে বলিল, “স্নাতার জানেন?”

“জানি। কেন?”

“ঐ দেখুন, কতকগুলো ফুল ভেসে আসছে—ও গুলোকে ধ’রে নিয়ে আসতে পারবেন?”

হীরালাল দেখিল, কয়েকটা জবাফুল ভাসিয়া আসিতেছে। “খুব

পারবো”—বলিয়া সম্ভরণ করিয়া সেই ফুলগুলি ধরিল। দেখিল, শুধু ফুল নয়—একগাছি মালা। মালাটি রেবতীর হাতে দিল।

রেবতী সেটিকে দেখিয়া হীরালালের হাতে ফিরাইয়া দিয়া বলিল, “ঐ থেকে একটি ফুল ছিঁড়ে আপনি আমার হাতে দিন ত।”

“কেন, ব্যাপার কি? কোনও তুচ্ছ না কি?”—বলিয়া হাসিয়া হীরালাল একটি জবা ছিঁড়িয়া রেবতীকে দিল।

রেবতী সেটা মাথায় ঠেকাইয়া বলিল, “আপনি হলেন একটা সদাশিব পুরুষ, আমার কি সাধ্য আপনাকে তুচ্ছ করি? তা নয়। আপনি আমায় কি ব’লে সম্ভাষণ করবেন, ভেবে পাচ্ছিলেন না—আজ মা গঙ্গাকে সাক্ষী ক’রে আমরা দু’জনে ‘স্রোতের ফুল’ পাতাই আসুন। আজ থেকে আমরা পরস্পরের স্রোতের ফুল। কেমন, রাজি আছেন?”

হীরালাল বলিল, “তা বেশ হ’ল, স্রোতের ফুল। এবার থেকে আমরা পরস্পরকে ‘স্রোতের ফুল’ বলেই ডাকবো।”

অল্পক্ষণ মধ্যেই উভয়ের স্নান সমাপ্ত হইল। উষ্ণিা, বস্ত্রাদি পরিবর্তন করিয়া, আবার তাহারা শোভাবাজারের রাস্তা দিয়া ফিরিতে লাগিল। ইহারা যখন চিৎপুর রোডের নিকট আসিয়া পৌঁছিয়াছে, সেই সময় এক জন হিন্দুচালিত ট্যাক্সি পশ্চাৎদিক হইতে আসিয়া, ইহাদের দেখিয়া হঠাৎ দাঁড়াইল। মুণ্ডিতমস্তক, শিখাধারী চালক রেবতীর পানে একদৃষ্টে চাহিয়া তাহার পার্শ্বপবিত্র ব্যক্তিকে কি বলিতে লাগিল।

হীরালাল ও রেবতী উভয়ে নিশ্চিন্ত-চিন্তে পথ চলিতেছে। সেই ট্যাক্সি ধীরে ধীরে অল্প ব্যবধানে ইহাদের পশ্চাৎ পশ্চাৎ চলিতে লাগিল।

রেবতী সেই ট্যাক্সি বা চালকের প্রতি লক্ষ্য করে নাই, করিলে সম্ভবতঃ চিনিতে পারিত। সে দিন সতীশের সহিত হাওড়া ষ্টেশনে নামিয়া, হিন্দুধর্মে যাহার ট্যাক্সিতে তাহারা আরোহণ করিয়াছিল, এ সেই ব্যক্তি!

ক্রমে ইহারা জয় মিত্রের গলির মুখে আসিয়া পৌছিল। অনুমান বিশ হাত দূরে, সেই ট্যাক্সি পূর্ববৎ আসিতেছে। ইহারা গলির ভিতর ঢুকিয়া পড়িল। এ গলিতে ট্যাক্সি প্রবেশ করে না। গলির মুখে ট্যাক্সি দাঁড় করাইয়া, চালক নামিয়া পদব্রজে ইহাদের অনুসরণ করিল। পরে ইহারা বাড়ীর মধ্যে প্রবেশ করিলে, লোকটা বাড়ীর নম্বরটি দেখিয়া লইয়া দ্রুতপদে প্রস্থান করিল।

আহাৰ্য্য প্রস্তুত ছিল। রেবতী ও হীরালাল, নিশ্চিন্ত মনে হাত-পরিহাস করিতে করিতে আহাৰ্য্য সমাধা করিল। কিয়ৎক্ষণ বিশ্রামান্তে ডায়মণ্ড থিয়েটারের মোটরে উভয়ে থিয়েটারে গেল। হীরালালকে ম্যানেজার বাবুর নিকট পরিচিত করিয়া দিয়া রেবতী বলিল, “এমেটারের মধ্যে ইনি এক জন খুব ভাল আক্টর—এঁকে আমাদের থিয়েটারে নিতেই হবে।”

ম্যানেজার বাবু বলিলেন, “আচ্ছা, বেশ ত, একে পরীক্ষা করে দেখি আগে।”

রিহার্সাল শেষ হইতে সন্ধ্যা হইয়া গেল। রেবতী গৃহে ফিরিতে

উত্তত হইয়া ম্যানেজার বাবুকে জিজ্ঞাসা করিল, “কবে হীরালাল বাবুকে পরীক্ষা ক’রে দেখবেন?”

ম্যানেজার বলিলেন, “আজই। উনি একটু বসুন না, এই ত মোটে সাতটা; আরও ছ’ একটা কাষ আছে, তা সেরে নিয়ে তার পর গুঁকে দেখবো। ইচ্ছা কর, তুমিও বস।”

রেবতী বলিল, “না, আমি এখন যাই, ম্যানেজার বাবু—আমার মাথাটা ধরেছে, কিন্তু হীরালাল বাবু ফিরবেন কি ক’রে? এই ডামাডোলের বাজার।”

ম্যানেজার বলিলেন, “তোমার বাড়ীতেই উনি আছেন ত? আমার গাড়ীতে গুঁকে নিয়ে গিয়ে পৌঁছে দিয়ে আসবো এখন।

“আচ্ছা, বেশ।”—বলিয়া রেবতী বিদায় লইল।

বাড়ী ঢুকিতেই ঝি সৌদামিনী বলিল, “হা মা, আপনি একজন ওস্তাদকে কি আসতে বলেছিলেন?”

রেবতী বলিল, “তৈ না।”

সৌদামিনী বলিল, “সন্ধ্যার একটু পরেই মস্ত দাড়িওয়ালা এক মুসলমান, মস্ত এক এসাজ হাতে ক’রে এসে বসে, ‘এই বাড়ীতে কি থিয়েটারের রেবতী রবি থাকেন?’ আমি বললাম, হা।’ জিজ্ঞাসা করলে, ‘তিনি বাড়ী আছেন কি?’—আমি বললাম, ‘না, তিনি থিয়েটারে।’ সে বলে, ‘আমার নাম হেদায়েতখাঁ এসাজী—পশ্চিমে বিবি সাহেবের সঙ্গে আমার দেখা হয়েছিল, তিনি বলেছিলেন, আপনি যদি কখনও কলকাতায় আসেন ত দয়া ক’রে আমার বাড়ীতে এসে ছ’ একটা আলাপ শোনাবেন। ঠিকানাও ব’লে দিয়েছিলেন—

তাই আমি এসেছি। তাঁর ফিরতে কি দেরী হবে?’ আমি বললাম ‘না, বেশী দেরী হবে না, আধ ঘণ্টার মধ্যেই ফিরবেন।—আপনি বসবেন কি?’—সে বললে—‘আচ্ছা।’ তাই আমি তাকে উপরে নিয়ে গিয়ে বসিয়েছি।”

রেবতী সবিস্ময়ে বলিল, “হেদায়েৎ খাঁ এসাজী? কৈ, আমার ত কিছু মনে পড়ছে না!”—বলিতে বলিতে উপরে উঠিতে লাগিল।

রেবতী বসিবার কক্ষে প্রবেশ করিতেই চেয়ারে উপবিষ্ট ব্যক্তি তাঁহার কৃত্রিম দীর্ঘ দাড়ী অপসারিত করিয়া বলিল, “বন্দিগী বিবি সাহেব! চিনতে পারেন?”

ভয়ে রেবতীর প্রাণ উড়িয়া গেল। তাহার আপাদমস্তক কম্পিত হইল। সে দেখিল, আগন্তুক আর কেহ নয়, হৃদ্যন্ত গুপ্তা সর্দার স্বয়ং করিম সেখ।

চতুর্দশ পরিচ্ছেদ

করিমের কেসমৎ ।

রেবতীকে পতনোন্মুখ দেখিয়া করিম তাড়াতাড়ি আসিয়া তাহাকে ধরিয়া ফেলিয়া কোমলস্বরে বলিল, “এ কি ! বসেন বসেন । আপনার কোনও ডর নেই বিবি সাহেব, আল্লা কসম,— আমি আপনার সাথে দূমমনী করতে আসিনি—দোস্তী করতেই এসেছি ।” বলিয়া রেবতীকে ধরিয়া একখানা চেয়ারে বসাইয়া দিল । করিমের ভাবভঙ্গী ও কথার স্বরে রেবতীর ভয় কতকটা দূর হইল । চেয়ারে বসিয়া সে ফ্যাল ফ্যাল করিয়া করিমের মুখপানে চাহিয়া রহিল ।

করিম সোফায় বসিয়া, হাসিতে হাসিতে বলিল, “আমাকে দেখে আপনি এত ভয় পেয়েছিলেন কেন ? আমি কি শের, না ভালু ? আমি একটা গুণ্ডা বটে—কিন্তু গুরতের গায়ে হাত তুলি না । হু’রাত এক দিন আপনি যে আমার হেপাজতে ছিলেন, আপনার জেওর আর টাকা কেড়ে নেওয়া ছাড়া আপনার সাথে আমি কি আর কোনও বদীয়তি করেছিলাম, বিবি ?”

রেবতী অস্পষ্ট স্বরে উত্তর করিল, “না ।”

“এই নিন ।”—বলিয়া করিম তাহার বস্ত্রের মধ্য হইতে একটু পুটুলি বাহির করিয়া, রেবতীর সামনে টেবলে রাখিল । সেট খুলিয়া

বলিল, “আপনার সমস্ত জেওর, সমস্ত টাকা আপনাকে ফিরে দিলাম। আমার কসুর আপনি মাফ করুন।”

রেবতী গম্ভীর, তাঁহার চক্ষু ছাট অবনত। করিম কৌতুকপূর্ণ নেত্রে নীরবে কিয়ৎক্ষণ তাহার পানে চাহিয়া রহিল। তাহার পর বলিল, “এখনও কি আমার পরে আপনার বিশ্বাস হচ্ছে না?”

রেবতী চক্ষু তুলিয়া, করিমের পানে চাহিয়া পূর্ববৎ ক্ষীণস্বরে কহিল, “হচ্ছে।”

“তবে ওগুলি সিন্দুকে তুলে রাখুন। রেখে আসুন,—আমার রাজ একটি আরজ আছে।”

রেবতী প্রশ্নপূর্ণ দৃষ্টিতে করিমের পানে চাহিল। করিম বলিল, “আগে ওগুলি তুলে রাখুন। তার পর বলছি।”

রেবতী গহনা ও টাকাগুলি সিন্দুকে তুলিয়া, কিরিয়া আসিলে করিম বলিল, “আমার বড় ভুখ লেগেছে। আমায় কিছু খেতে দেবেন?”

এ প্রস্তাবে রেবতী একটু বিস্মিত হইল। করিমের পানে চাহিয়া বলিল, “কি খাবেন, বলুন।”

করিম বলিল, “বেহেতর। তবু একসঙ্গে আপনার মুখে তিনটি লবজ্ শুন্লাম। তবে ঝিকে হুকুম করুন, আমায় কিছু খাবার দিচ্।”

রেবতী বলিল, “সত্যি খাবেন?”

“সত্যি না ত আমি কি আপনার সাথে বাহানা করছি, বিবি সাহেব?”

“আচ্ছা”—বলিয়া রেবতী উঠিয়া গিয়া সোদামিনী ঝিকে ডাকিল। সোদামিনী আসিলে জিজ্ঞাসা করিল, “খাবার কিছু তৈরি আছে?”—সোদামিনী জানাইল, রাত্রির আহারের জন্ত সমস্তই প্রায় প্রস্তুত, কেবল লুচি ভাজা বাকী, ময়দাও মাথা হইয়াছে। রেবতী বলিল, “ষা, খানকতক লুচি আর কিছু তরকারী মিগ্রা সাহেবের জন্তে নিয়ে আয়। আর, এক পেয়ালা চা। না—ছ’ পেয়ালা আনিস।”

সোদামিনী চলিয়া গেল। রেবতী ঘরের মধ্যে গিয়া পূর্ববৎ নীরবে বসিয়া রহিল।

করিম বলিল, “আপনি কি ভাবছেন, রেবতী বিবি? আপনি বোধ হয় ভাবছেন, এ নালায়েক কি ক’রে এখানে এল, আমার নাম-ঠিকানা জানলে কোথা থেকে? আপনার সেই পিয়ারের লোকটিই আপনার নাম-ঠিকানা আমায় জানিয়ে দিয়েছে। এই দেখুন তার-খং।”—বলিয়া করিম উঠিয়া, পকেট হইতে সতীশের সেই চিঠিখানা বাহির করিয়া রেবতীর হাতে দিল।

রেবতী চিঠিখানা পড়িয়া সেখানা টেবলের উপর ফেলিয়া বলিল, “উঃ—কি সয়তান!”

করিম বলিল, “এখনও কি তার সাথে আপনি দোস্তী রাখবেন? সে কি আর এসেছিল?”

রেবতী বলিল, “হাঁ—এসেছিল, আমি তাকে ঝাঁটা-পেটা ক’রে বিদেয় করেছি। আমার ঝাঁটা খেয়ে গিয়েই সে বোধ হয় আপনাকে এই চিঠি লিখেছে।”

করিম বলিল, “তাই হবে। সে বোধ হয় মনে খাতিরজমা

আছে যে, নিশ্চয়ই সেই দিনই আমি এসে, আপনার বুকে ছুরি বসিয়ে, আপনার ধন-দৌলৎ সব লুটে নিয়ে গেছি।” — বলিয়া করিম হা হা করিয়া হাসিতে লাগিল।

সৌদামিনী এই সময় প্লেটে সাজাইয়া খানকতক গরম লুচি, আলু-ভাজা, পটল-ভাজা এবং একটা পেয়ালায় খানিকটা আলুর দম আনিয়া মিঞা সাহেবের পাশ্বেস্থিত টেবিলে রাখিল। তাহার পর কাচের গ্লাসে এক গ্লাস জল ও একখানা সাফ তোয়ালে দিয়া বলিল, “চা ভিজিয়ে দিয়েছি, একটু পরেই নিয়ে আসছি।”

রেবতী নিজ চেয়ারখানা করিমের দিকে সরাইয়া লইয়া বলিল, “মিঞা সাহেব, খান।”

করিম বলিল, “এত কে খাবে? ছ’খানা লুচি আর ভুজ্জাগুলো রেখে বাকী সব নিয়ে যাক।”

রেবতী বলিল, “এই যে বল্লেন, আপনার ভুখ্ লেগেছে।”

করিম হা হা করিয়া হাসিল। বলিল, “আপনি থিয়েটরে আলিবাবা প্লে করেন—না?”

হা। আমি মর্জিয়ানা সাজি।”

“দেখেছেন ত, দস্যু-সর্দার সওদাগর সেজে যখন আলিবাবার বাড়ীতে এসে অতিথি হয়েছিল, তখন খানার কোনও জিনিষে নিমক দিতে মানা করেছিল। যার নিমক খাবে, তার বুকে ত আর ছুরি বসাতে পারবে না, এই জন্তেই নিমক মানা করেছিল, মনে আছে ত?”

“হ্যাঁ, মনে আছে।”

“আপনার নিমক আমি খেলে, আপনি আর আমায় দুষমন মনে করবেন না, এই আশাতেই আপনার কাছে খাবার চেয়েছিলাম। ছ’খানা লুচি খেলেই তা হয়ে যাবে—তাই বলছি, বাকী সব তুলে নিয়ে যাক্।”

রেবতী হাসিয়া বলিল, “আপনার এত বুদ্ধি! না, কিছু তুলে নিয়ে যাবে না। ও সমস্তই আপনাকে খেতে হবে। যা সচ্ছ, চা নিয়ে আয়।”

করিম বলিল, “ইয়া আল্লা! আপনার হাসি মুখখানি দেখবার কেসমৎও আমার হ’ল! আচ্ছা, এ সবগুলি আমি খেলে যদি আপনি খুসী হন; তবে আপনার হুকুম তামিল করতে আমি গাফলৎ করব না।”—বলিয়া করিম আহারে প্রবৃত্ত হইল।

লুচি খাইতে খাইতে করিম জিজ্ঞাসা করিল, “আচ্ছা, রেবতী বিবি, আপনি কি ক’রে পালালেন, বলুন ত?—আপনার কামরার তালা কে ভেঙ্গে দিলে? তার আগের দিন বর্ধমান জেলা থেকে যে একজন নতুন মুসলমান এসেছিল সেই কি?”

রেবতী বলিল, “ই্যা, সেই।”

“তাকে, আপনাকে ছ’জনকে একসঙ্গে রূপোস্ দেখে, আমিও তাই সোবে করেছিলাম। তা, সে মুসলমান হয়ে এমন কাম করলে কেন, তা কিন্তু আমি ভেবে ঠিক করতে পারিনি। তার সঙ্গে কি আগে থেকে আপনার চিনপছিন ছিল?”

রেবতী তখন সেই ‘নতুন মুসলমান’-বাটত সমস্ত ব্যাপারই করিমকে খুলিয়া বলিল।

করিম বলিল, “বড়ই তাজ্জবেয় কথা—সে মুসলমান নয়, হিন্দু ? মুসলমান সেজে এসেছিল ? আমরা কিন্তু কোনও সোবে করতে পারিনি। পারবোই বা কি ক’রে ? ছুই চারটা কথা কওয়া ছাড়া, তার সঙ্গে মেলামেশা ত করিনি। তা, সে হিন্দু এখন কোথায় ?” রেবতীকে ইতস্ততঃ করিতে দেখিয়া করিম বলিল, “তার উপর আমার কোনও গোস্সা নেই—আমি তার কোনও নোকসানী করব না। আমার জানবারও তেমন কোনও জরুরং নেই—এমনি আপনাকে পুচ্ছ করেছিলাম। থাক, ও কথা যেতে দিন।”

“তিনি এখনও এইখানেই আছেন।”—বলিয়া রেবতী হাসিতে লাগিল।

“ওঃ”—বলিয়া করিম লুচি ছিড়িয়া আলুর দমের বাটিতে ডুবাইল। রেবতী বুঝিতে পারিল, এ সংবাদে করিম বড় খুসী হয় নাই। করিমের মনটা ভিন্ন দিকে ফিরাইবার অভিপ্রায়ে রেবতী জিজ্ঞাসা করিল, “আচ্ছা, করিম সাহেব, সে দিন রাত্ৰিতে ঠনঠনে থেকে আপনারা কখন ফিরলেন ? ফিরে যখন দেখলেন, আমি পালিয়েছি, কি মনে করলেন আপনি ?”

করিম বলিল, “ফিরতে সে দিন বেশী দেরী হয় নি। পথেই আমরা খবর পেলাম, গোরা ফৌজ আগে থেকেই সেখানে পাহারা দিচ্ছে—তখনই দল ভেঙ্গে, ভিন্ন ভিন্ন রাস্তায় আমরা ছড়িয়ে পড়লাম। গেঁড়াতলার বাসায় ফিরে এসে দেখলাম—তুমি পাখী—আমায় ফাঁকি দিয়ে উড়ে গেছ।”

“খুব রাগ হ’ল আপনার ?”

“রাগ না হোক, খুব দুঃখ হ'ল। আমি সে রাত্রে অনেক আশা ক'রে বাসায় ফিরে এসেছিলাম—তোমায় না দেখতে পেয়ে, বুঝলাম আমার কেসমতই খারাপ! তোমার উপর কোনও জবরবস্তি আমি করতাম না। তুমি যদি খুসী মনে রাজি হ'তে, আমি তোমায় কন্যা পড়িয়ে নেকা করতাম।”

রেবতী বলিল, “আপনি ত বলেছিলেন, আপনার আর ছুট বিবি আছে—তাদেরই স্মৃখী করুন, এ বয়সে আর ও সব মৎলব কেন, করিম সাহেব?”

করিম দুঃখিতভাবে বলিল, “হ্যাঁ, উমর আমার একটু জাস্তি হয়েছে বটে; তোমরা হ'লে নওজওয়ান হোকড়ী—আমাদের মত বড়ার পানে তোমরা কি আর ফিরে চাবে? তা কি বুঝ না, বিবি? বুঝি সব; কিন্তু দিল্ যে মানেনা। তোমায় আর একটবার দেখবার জন্তে আমি কত চেষ্টা করেছি। শেষে ঐ চিঠিতে তোমার ঠিকানা পেলাম। প্রথমে কিন্তু বিশ্বাস করিনি, ভেবেছিলাম, আমায় ধরবার জন্তে হয় ত কেউ ফাঁদ পেতেছে। সত্যি তুমি এ বাড়ীতে থাক কি না জানবার জন্তে লোক লাগিয়েছিলাম। সেই মাথাকমানো টিকিওয়ালা আলিজান, যে ট্যান্ডিতে তোমাদের আমার বাসায় এনে ফেলেছিল, তাকেই মোতায়েন করেছিলাম। তারই কাছে আজ খবর পেলাম, তুমি সত্যিই এ বাড়ীতে থাক,—আর এক জন কে পুরুষ মানুষও তোমার সঙ্গে থাকে।—তাই ভাবলাম, যাই—একবার দেখা ক'রে আসি—নজর-সানি ত হবে। আর, বেচারীর জেওরগুলিও ফিরিয়ে দিয়ে আসি—মাফীও মেঙে আসি। পাছে

তোমার চাকর-দরোয়ান আমায় ঢুকতে না দেয়, তাই এসাজী সেজে এসেছিলাম।”

“সত্যি আপনি এসাজ বাজাতে পারেন, করিম সাহেব? একটু বাজান না, শুনি!”

করিম বলিল, “এসাজের সখ্ এক সময় আমার হয়েছিল—তখন একটু একটু শিখেওছিলাম। সেই সময়েই এই এসাজটি খরিদ করি। খুব ভাল কারিকরের তৈরী এটি। কিন্তু এ দিকে দশ-বারো বছর একে আমি ছোঁবারও ফুরসৎ পাইনি। যা শিখেছিলাম, তা ভুলে গেছি। ভাবলাম, আনাড়ীর কাছে থেকে ভাল জিনিষটি কেন নষ্ট হয়,—রেবতী বিবি ত এক জন মস্ত গুণী আগরৎ, তাকেই এটি নজর দিয়ে আসি। এই এসাজটি তুমি নাও। মাঝে মাঝে এটি বাজিও—আর এই নালায়েক বুড়াকে মনে কোরো।”—বলিয়া করিম আবরণ-বস্ত্রটি খুলিয়া, এসাজটি রেবতীর হাতে দিয়া একটু সেলাম করিল।

রেবতীও একটি সেলাম করিয়া, এসাজটি লইয়া উল্ল পরীক্ষা করিতে লাগিল। তারে ছড়ি দিয়া, পর্দা বাঁধিতে বাঁধিতে বলিল, “খাসা জিনিষটি বটে!”

“এসাজ বাজান আপনি?”

“না। কিন্তু, আপনি মেহেরবানী ক’রে জিনিষটি যখন দিলেন, এক জন ওস্তাদ রেখে বাজাতে শিখবো আমি। আপনার জিনিষের অপমান করবো না।”

“আপনার মেহেরবানী! তুমি পরেবাণ আছ—অনেক্ষণ তোমায়

বিরক্ত করলাম, আমার কসুর মাফ কোরো তুমি। যদি এতাজৎ হয়, আজ তা হ'লে উঠি।”—বলিয়া করিম উঠিয়া দাঁড়াইল।

“উঠবেন ? ও সছু, আরও গোটাকতক পাণ দিয়ে যা। বসুন, আর দুটো পাণ খেয়ে যান।”

সছু পাণ আনিল। পাণ লইয়া করিম বলিল, “আচ্ছা বন্দিগী বিবিজান্।”—বলিয়া করিম শেকছাণ্ড করিবার জন্ত রেবতীর দিকে হস্ত প্রসারণ করিল।

রেবতী শেকছাণ্ড করিয়া বলিল, “আমার কসুরও আপনি মাফ করবেন, করিম সাহেব !”

করিম বলিল, “না না—তোমার কসুর কিছুই নাই—কি মাফ করবো ? আচ্ছা কোন্ থিয়েটারে তুমি প্লে কর ? আমি দেখতে যাব।”

রেবতী বলিল, “আমি ডায়মণ্ড থিয়েটারে প্লে করি। এই শনিবারে সেখানে আলিবাবা হবে—আমি তাতে মর্জ্জিয়ানা সেজে নামবো। আপনি থিয়েটার দেখতে ভালবাসেন বুঝি ?”

“আমি তোমায় দেখতে ভালবাসি।”—বলিয়া করিম দ্রুতপদে ঘর হইতে বাহির হইয়া গেল।

পঞ্চদশ পরিচ্ছেদ

হীরালালের চাকরী

করিম প্রস্থান করিলে, রেবতী হাঁফ ছাড়িয়া বাঁচিল। যতক্ষণ সে ছিল, রেবতী বড়ই অস্বায়াস্তি অনুভব করিতেছিল। গহনাগুলি ফিরিয়া পাওয়ার আনন্দটুকুও ভাল করিয়া যেন সে উপভোগ করিতে পারিতেছিল না।

অর্দ্ধঘণ্টা পরে হীরালাল ফিরিয়া আসিল। তাহার মুখখানি হাসি হাসি। রেবতীর নিকট অগ্রসর হইয়া বলিল, “কি শ্রোতের ফুল, একা ব’সে ব’সে কি ভাবা হচ্ছে?”

রেবতী বলিল, “ভাবছি, ছুনিয়ার গতিকে। তার পর; আপনার কি হ’ল?”

হীরালাল বলিল, “এই বুঝি! শ্রোতের ফুল পাতানো হ’ল, তবুও আপনি মশাই?”

রেবতী হাসিয়া বলিল, “ওহো, আমার ভুলই হয়েছে বটে। তা, ফুলের কি ভুল হয় না? কি হ’ল, বল ত শ্রোতের ফুল—পরীক্ষায় পাশ হলে?”

হীরালাল বলিল, “ফাষ্টো ডিবিজনে। ম্যানেজার বাবু বেশ খুসী হয়েছেন ব’লেই মনে হ’ল,—আমাকে নেওয়াই স্থির করেছেন।”

“কত মাইনে, কিছু বলেছেন?”

“না, সেটা তোমার সঙ্গে কাল রিহাসালের পর পরামর্শ করে

স্থির করবেন, বলেছেন। কি পাট দেবেন, তাও তোমার সঙ্গে পরামর্শ করবেন। আমাকেও কাল যেতে হবে।”

রেবতী বলিল, “বেশ, তা ভালই হ’ল। একসঙ্গেই ছু’ড়নে কাঁচ করা যাবে। হাত-মুখ ধোবে ত ধুয়ে ফেল—খেতে ব’সে একটা মস্ত খরর তোমায় বলবো।”

হীরালাল বলিল, “কি খবর, আগেই বল না! এ এসাজ কার? এটা ত এক দিনও এখানে দেখিনি?”

রেবতী বলিল, “এই কিছুক্ষণ আগে একজন এসে, এই এসাজটি আমায় উপহার দিয়ে গেল। আর, অনেক প্রেম ভালবাসার কথাও ব’লে গেল। সেই সব কথাই খেতে ব’সে তোমার কাছে গল্প করবো।”

“ওঃ”—বলিয়া হীরালাল মুখখানি গম্ভীর করিল।

রেবতী মনে মনে হাসিয়া বলিল, “সে তোমার কথাও জিজ্ঞাসা করছিল যে!”

হীরালাল বিস্মিতভাবে বলিল, “আমার কথা? আমাকে সে চিনলে কি করে?”

রেবতী বলিল, “তোমায় সে চেনে বলে—তুমিও বোধ হয় তাকে চেনো!”

“তাই না কি!”—বলিয়া হীরালাল বসিয়া গম্ভীরভাবে চিন্তা করিতে লাগিল,—কে এই ব্যক্তি—যে এখানে আসিয়া রেবতীকে এসাজ উপহার দিয়া প্রেমসন্তাষণ করিয়া গিয়াছে? কে সেই নরাদম?

রেবতী হাতজড়িত স্বরে বলিল, “বলি মশাই! ও স্রোতের ফুল মশাই! মুখখানি অমন পেঁচার মত গম্ভীর ক’রে ব’সে থাকা হয়েছে কেন শুনি?”

হীরালাল রেবতীর মুখ পানে চাহিল! তাহার চোখ-মুখের ভাব দেখিয়া সন্দেহ হইল, রেবতী বোধ হয় একটা কাল্পনিক কাহিনীর অবতারণা করিয়া পরিহাস করিতেছে। কিন্তু ঐ হত-ভাগা এস্রাজটা ত কাল্পনিক নয়।

রেবতী কিয়ৎক্ষণ অপেক্ষা করিয়া বলিল; “কি গো! মুখ-হাত ধুতে টুতে হবে? না মুখ হাঁড়ি ক’রে ব’সে ভাবলেই চলবে? তুমি না হয় পরম সংযমী মহাপুরুষ, তোমার ক্ষিদে-তেষ্ঠা নেই; আমি সামান্ত স্ত্রীলোক—আমার যে ক্ষিদেয় প্রাণ যায়!”

হীরালাল বলিল, “তা আমার জন্তে আপনি অপেক্ষা করছেন কেন? আপনি খেতে বসুন না!”

রেবতী বলিল, “শাস্ত্রে না কি আছে, স্ত্রীলোকের চরিত্র দেবতাদেরও বুদ্ধির অগম্য। আজকাল ত দেখছি, পুরুষ-চরিত্রই বুঝা ভার। এখনও দশ মিনিট হয় নি, হুজুরকে আপনি মশাই বলেছিলাম ব’লে হুজুর আমায় কত খোঁটাই দিলেন। এখন আবার নিজেই সেই অপকর্ষ করছেন। আচ্ছা—সে লোকের নামটাই না হয় প্রকাশ করি।”

হীরালাল বলিল, “তার নাম শুনে কি আমার কোনও লাভ আছে?—আমার বোধ হয়, আমার কাছে সে নাম অপ্ৰকাশ থাকাই ভাল।”

“কেন, লাভ নেই কেন? তোমাতে আমাতে যখন বন্ধু হয়েছি—তোমার অল্প বন্ধুদের খবর জানাও আমার দরকার, আমার বন্ধুদের খবর জানাও তোমার দরকার।”

“না,—আমার কিছু দরকার নেই, আমি হাত-মুখ ধুয়ে আসি।”—বলিয়া হীরালাল উঠিল।

“আই—ব্যাড বয়! যাও কোথায়?” বলিয়া রেবতী হীরালালের জামার পশ্চাভাগ মুঠা করিয়া ধরিল। বলিল, “নামটা শুনেই যাও! যে আমায় ভালবেসে অমন সুন্দর এস্রাজটি উপহার দিয়ে গেল, তুমি আমার বন্ধু হ’য়ে—নামটা তার শুন্বে না?”

হীরালাল সংশয়পূর্ণ নেত্রে রেবতীর মুখের পানে চাহিল—নিশ্চয়ই এ সব তাহার পরিহাস। বসিয়া বলিল, “আচ্ছা, বল তার নাম, শুনেই যাই।”

রেবতী বলিল, “তার নাম হচ্ছে—প্রবলপ্রতাপাশ্বিত গুণ্ডাপতি, গৌড়াতলা-নিবাসী শ্রীযুক্ত করিম সেখ বাহাদুর!”

হীরালাল সবিস্ময়ে বলিল, “দূর! কেন মিছে আমার সঙ্গে ঠাট্টা করছ? এ হতেই পারে না। সে যদি আসতো, তোমার হাতে কি এস্রাজ উপহার দিয়ে যেত? তোমার বৃকে দিয়ে যেত ছ’ ইঞ্চি পরিমাণ চকুচকে ধারালো ইস্পাত!”

রেবতী বলিল, “না ভাই স্রোতের ফুল, সত্যি সে এসেছিল—আর সত্যি সে আমায় প্রেমও জানিয়ে গেছে, আর ঐ এস্রাজটি উপহার দিয়ে গেছে।”

“তা, সে তোমার ঠিকানা পেলে কোথা?”

“এই দেখ ।”—বলিয়া রেবতী সতীশ-লিখিত সেই পত্রখানি হীরালালের হাতে দিল ।

হীরালাল উহা পড়িয়া বলিল, “আঁা ? বল কি ! সেই নরাদম সতীশ এই চিঠি করিমকে লিখেছিল ? কি সৰ্ব্বনেশে লোক সে !”

রেবতী বলিল, “তা, ঝাঁটা খেয়ে গেছে, অম্নি অম্নি আমায় ছেড়ে দেবে ? প্রতিশোধ নেবে না ?”

“ঝাঁটা খেয়েছে ব’লে এমন প্রতিশোধ নেবে—যাতে তোমার প্রাণটি যেতে পারে ? চুলোয় যাক—কি হ’ল আগাগোড়া সমস্ত আমায় বল দেখি শুনি ।”

রেবতী বলিল, “আগাগোড়া সে যে অনেক কথা—সেই জন্তেই ত বলছিলাম, হাত-মুখ ধুয়ে এস, খাবারগুলোও সব ঠাণ্ডা হয়ে যাচ্ছে,—খেতে ব’সে সে গল্প করবো । ভারি মজার গল্প কিন্তু ।”

হীরালাল ললিল, “আমার কিন্তু কিছু ফিদে নেই । তোমার ফিদে পেয়েছে, তুমি খেতে ব’স, খেতে খেতে বল—আমি যখন হয় খাব এখন ।”

রেবতী বলিল, “তুমি যে অবাক করতে তাই শ্রোতের ফুল ! বাড়ীর পুরুষের খাওয়া হ’ল না, আর আমি মেয়েমানুষ হয়ে আগেভাগে গিলে কুটে ব’সে থাকবো ? মুর্গীটে আসটাই না হয় খাই, তাই ব’লে হিঁহঁর মেয়ে কি হিঁহঁয়ানি ছাড়তে পারি ? যাও যাও, হাত-মুখ ধুয়ে এস লক্ষ্মীট !”

হীরালাল বলিল, “আচ্ছা, তাই যাই ।”

হাত-মুখ ধুইয়া আসিয়া হীরালাল দেখিল, অশ্রুদিনের মতই

রেবতী ক্ষুধা-উদ্রেককারী ঔষধ—ঈষৎ পীতাভ বুদ্ধদময় তরল পদার্থ পান করিতেছে। হীরালালকে দেখিয়া সে বলিল, “ক্ষিদে নেই বলছিলে, এই ওষুধ একটু খাওনা কেন?”

হীরালাল বলিল, “না না—অমন ক্ষিদেয় আমার দরকার নেই। আমি গরীব লোক, বেশী ক্ষিদে হওয়া কি আমার ভাল?”

“কেন, ভাল নয় কেন? যে জন্তে কলকাতায় আসা, ভগবান্ মুখ তুলে চাইলেন, চাকরী হ’ল, মোটা মাইনে হবে এখন, আবার কিসের ভাবনা? এস, আজ আনন্দ ক’রে আমরা পরস্পরে স্বাস্থ্য পান করি।”

হীরালাল বলিল, “মাফ করুন।” রেবতী আর পিঁড়াপিঁড়ি করিল না।

“মোটা মাইনে হবে”—এই কথাটাই হীরালালের কাণের ভিতর দিয়া মরমে পশিয়াছিল। কিন্তু কৈ, ম্যানেজার বাবু ত বেতনের কথা কিছুই বলেন নাই—রেবতীর সঙ্গে পরামর্শ করিয়া উহা স্থির করিবেন, বলিয়াছেন। আর রেবতী বলিতেছে—“মোটা মাইনে হবে।” ঐ থিয়েটরে রেবতীর এতদূর প্রতিপত্তি যে, রেবতী যদি বলে, আমার বন্ধুকে এত টাকা বেতন দিতে হইবে, তবে ম্যানেজার বোধ হয় সে কথা ঠেলিতে পারিবে না।

আহার করিতে করিতে রেবতী করিম-ঘটিত সমস্ত বৃত্তান্ত হীরালালকে শুনাইল। রেবতী নিজ অলঙ্কার ফিরিয়া পাইয়াছে—তার মনটা বেশ খুসী, হীরালালের চাকরী হইয়াছে, তারও মনটা বেশ খুসী—মাঝে মাঝে উভয়ের উচ্চহাস্যে কক্ষখানি ভরিয়া উঠিতে

লাগিল। পরস্পর সম্বোধনের জন্য প্রাতে আবিস্কৃত “ভাই স্রোতের
ফুল”—এখন সংক্ষিপ্ত হইয়া “ভাই”—এ দাঁড়াইল।

ষোড়শ পরিচ্ছেদ

পল্লের প্রতীক্ষায়

গৃহিণী বলিলেন, “চুনি, বাবা, যা না—সদর দরজায় গিয়ে একটু ব’সে থাক গে—মদি পিয়নকে দেখতে পাস।”

আমাদের হীরালালের পিতৃব্যপুল্ল বাগক চুণিলাল বারান্দায় মাছুর পাতিয়া বসিয়া, সম্মুখে স্লেট রাখিয়া বালির কণাজে বাঁধা খাতার, কসা অঙ্ক যেমন নকল করিতেছিল, সেইরূপই করিতে লাগিল, কোনও উত্তর দিল না। চুণির মা ছোট গিল্লী ঘরের ভিতর হইতে বলিলেন, “বাও বাবা, গুঠ, জোঠাইমা বলছেন, কথা শোন।”

বাগক রাগিয়া উঠিয়া বলিল, “আঃ, তোমরা যে দিক্ ক’রে মারলে দেখছি! ঝাঁকগুলো কয়বো না? কালকে ইস্কুল গিয়ে দেখাতে না পারলে ‘সার’ যে বেঞ্চির উপর দাঁড় করিয়ে দেবে!”

ছোট গিল্লী বলিলেন, “আজ ত রবিবার, সারাদিন ভুই ঝাঁক কষিস না বাছা, কে স্তোকে মানা করবে?”

চুণিলাল বলিল, “সারাদিন বুঝি আর অন্য কায় নেই? ছপুর-বেলা ফটকেদের বাড়ী ক্যারম খেলতে যেতে হবে না? চিঠি যদি থাকে, তবে শিয়ন ত আপনিই ডাকবে। না থাকলে সে কোথেকে দেবে শুনি?”

“এ বাড়ীতে কোমও দিন চিঠিপত্র ত বড় আসেনি, পিয়নের ত ভুল হ’তে পারে! তাকে জিজ্ঞাসা করলে সে একবার চিঠিও

খুঁজে দেখবে। তোর হীৰুদাদা আজ ছ' সাত দিন হ'ল কলকাতায় গেছে, এখনও একখানি পৌছন চিঠি এল না, তায় আবার কলকাতায় যে রকম দাঙ্গা-হাঙ্গামা চলছে শুনছি, আমরা যে ভেবে ভেবে মরছি বাবা! যা, বাইরে গিয়ে ব'সে থাক গে, পিয়নকে যদি দেখতে পাস; 'এ বাড়ীর কোনও চিঠিপত্র আছে কি পিয়ন দাদা?'—এই কথাটি খালি জিজ্ঞাসা করবি। যা ওঠ, আর তক্ক করিসনে বাপু—হাঁ!"

অগত্যা তখন বালক উঠিল। গজর গজর করিতে করিতে খাতা-শ্লেট ইত্যাদি তুলিয়া রাখিয়া উঠানে নামিয়া বলিল "যদি চিঠি এনে দিতে পারি ত আমায় কি দেবে বল ত?"

বড় গিন্নী বলিলেন, "ছোটো আম পাবি।"

"আচ্ছা কিন্তু পেটকাটা গাছে"—বলিয়া বালক সদর দরজা খুলিয়া বাহির হইল। গত কল্যা বাগান হইতে কয়েকটা গাছের আম পাড়ানো হইয়াছে, 'পেটকাটা' গাছের আমই সব চেয়ে বড় ও মিষ্ট।

চুর্ণিকে বাহিরে বসাইয়া হীরালালের মাতা নিশ্চিন্ত হইতে পারিলেন না। কিছুক্ষণ পরে নিজেই বাহির হইলেন। চুর্ণিলালের দুই জন সঙ্গী জুটিয়াছে, তিন জনে মহা উৎসাহে তাহারা মার্কেল খেলিতেছে। যত দূর দৃষ্টি চলে, বড় গিন্নী পথের পানে চাহিয়া রহিলেন, কিন্তু পিয়ন মহাশয়ের মোহন মূর্তি দৃষ্টিগোচর হইল না।

ক্রমে বেলা ১০টা হইল, ১০টা হইল, তখন, আজ চিঠি আসিবার আশা সকলে পরিত্যাগই করিলেন। রান্নাঘরের বারান্দায়

বসিয়া তিনটি বিধবা পরামর্শ করিতে লাগিলেন, এখন উপায় কি ? বড় গিন্নী ভারী গলায় বলিলেন, “নিশ্চয়ই বাছার আমার কোনও একটা অমঙ্গল ঘটেছে। নইলে এক দিন নয়, দু’দিন নয়, ছ’ ছ’ দিন হয়ে গেল, একথানা পোষ্টোকাট লিখে পৌছন খবরটাও দিলে না।” —বলিতে বলিতে তিনি প্রায় কাঁদিয়া ফেলিলেন।

চুণি স্নান করিয়া আসিল। হীরুর স্ত্রী সুরবালা অনতিদূরে বসিয়া তাহার জন্ত ভাত বাড়িতেছিল, তাহার চক্ষু-হইতে টপ টপ করিয়া কয়েক ফোঁটা অশ্রু গড়াইয়া তাহার বসনাঞ্চলে পড়িল। চুণিকে ভাত দিয়া হাত ধুইয়া আসিয়া সুরবালা বলিল, “মা, এক কাষ করলে হয় না ? ওর যে সব বন্ধুবান্ধব এখানে আছে, তা’দের কারু কাছে কোনও চিঠি-পত্র যদি এসে থাকে একবার খবর নিলে হয় না ? অবিনাশ ঠাকুরপো কি বিপিন বাবুর কাছে যদি কোনও চিঠি এসে থাকে বলা ত যায় না।”

ছোট গিন্নী বলিলেন “বৌ-মা ত ঠিকই বলেছেন দিদি। চুণির খাওয়া হ’লে, ও না-হয় সবাইকের বাড়ী বাড়ী গিয়ে একবার খবর নিয়ে আসুক, কি বল ?”

বড় গিন্নী বলিলেন, “তার চেয়ে আমিই না হয় যাই না কেন ? ছেলেমানুষকে কষ্ট দিয়ে আর কি হবে ? তোমরা ততক্ষণ বৌম্মকে খাওয়াও, নিজেরা খাওয়া-দাওয়া সেরে নাও, আমি চট্ ক’রে ঘুরে আসি।”

মেঝ গিন্নী বলিলেন, “আমিও তোমার সঙ্গে যাই না কেন দিদি ? এই ঠিক ছপুর্ রোদ্দুরে একলাটি যাবে তুমি?!”

যেমন পরামর্শ, তেমনই কাষ। দুইজনে ছু'খানি নামাবলী গায়ে দিয়া, হাতে হরিনামের ঝুলি লইয়া বাহির হইয়া পড়িলেন।

অবিনাশের বাড়ী গিয়া তাহার সহিত সাক্ষাৎ হইল না, সে আহাৰান্তে পাড়ার এক বৈঠকখানায় পাশা খেলিতে গিয়াছে। তবে বাড়ীর লোক বলিলেন, খুব সম্ভব ওরূপ কোন চিঠি আসে নাই, আসিলে নিশ্চয় তাঁহারা শুনিতে পাইতেন। আরও দুই স্থানে নিষ্ফল অনুসন্ধানের পর, অবশেষে প্রবীণাঘর খিড়কী-দরজা দিয়া জমীদার বাবুর অন্তঃপুরে প্রবেশ করিলেন।

জমীদার বিপিন বাবু তখন আহাৰে বসিয়াছেন, তাঁহার মা, পিসী প্রভৃতি নিকটে বসিয়া খাওয়া তদারক করিতেছেন। হীরালালের মা ও খুড়ীর আগমনসংবাদে পিসীমা গিয়া তাঁহাদিগকে অভ্যর্থনা করিলেন এবং আগমন-কারণ অবগত হইয়া, বিপিনের আহাৰ-স্থানে লইয়া আসিলেন। বিপিন ইহাদিগকে চিনিত, বলিল, “কি গো খুড়ীমারা, কি মনে ক’রে? বসুন বসুন!”

হীরালালের মা বলিলেন, “ই্যা বাবা, হীরা কলকাতায় পৌঁছে তোমার কাছে কোন চিঠিপত্র লিখেছে কি?”

বিপিন বলিল, “কৈ না, আমি ত এখনও হীরার কোনও চিঠি পাইনি খুড়ীমা! কেন, আপনারাও পাননি না কি?”

হীরার মা বলিলেন, “বাবা, আমরা ত কোন চিঠিই আজও পেলাম না! আজ ছ’ ছ’ দিন হ’ল ছেলে আস্তে গেছে, কি হ’ল বল দেখি? ভেবে ভেবে যে আমাদের মুখে অন্ন-জল যাচ্ছে না, এখন কি উপায় হবে, কি ক’রে ছেলের খবরটি পাই? কলকাতায়

গিয়ে কোথায় সে উঠবে, সে ঠিকানা আমাদের ত কিছুই বলে যায় নি, তোমায় কি কিছু বলে গেছে বাবা? তা হ'লে না হয় একখানা টেলিগেরাপ করিয়ে দিতাম।”

বিপিন বলিল, “না, খুড়ীমা, কোথায় গিয়ে উঠবে, তা ত কিছু ঠিক ছিল না; বলেছিল, কোনও একটা মেসের বাসা খুঁজে নিয়ে সেখানে গিয়ে উঠবে, উঠে চিঠি লিখবে। তবে খুলেই বলি খুড়ীমা, কলকাতায় যে রকম দাঙ্গাহাঙ্গামা চলছে, হীকর কোনও চিঠি না পেয়ে আমিও একটু ভাবিত হয়ে পড়েছি। আজকের ডাকেও তার চিঠি এল না দেখে আমি মনে করেছিলাম, ও-বেলা আপনাদের ওখানে গিয়ে খবর নেবো, আপনারা কোনও চিঠি পেলেন কি না,—তা আপনারা এসেই পড়েছেন।”

হীকর মা বলিলেন, “ঐ পোড়া দাঙ্গা-হাঙ্গামার কথা শুনেই ত বাবা প্রাণটা আঁতকে উঠেছে! তারই মধ্যে বাছা গিয়ে পড়েছে—সে আমার প্রাণে প্রাণে বেঁচে আছে কি না, তারই ঠিক কি বাবা! শুনছি না কি মুনমনেরা যাকে পাচ্ছে; তাকেই খুন করছে!”

বিপিন বলিল, “না না, সে ভয় নেই খুড়ী-মা! খুন-জখম প্রায়ই হচ্ছে বটে—কিন্তু যারা খুন-জখম হচ্ছে, পুলিশ তাদের তত্ত্বগি হাঁস-পাতালে নিয়ে যাচ্ছে, তাদের নাম-ধাম সব খবরের কাগজে ছাপা হয়ে যাচ্ছে; হীকর সে রকম কোনও বিপদ হয় নি, এ আমি নিশ্চয় ক’রে আপনাকে বলতে পারি। কলকাতা থেকে রোজ আমার খবরের কাগজ আসছে, রোজ আমি সে সব খুঁটিয়ে খুঁটিয়ে পড়ছি—হীকর নাম-টাম কোথাও বেরোয় নি।”

“তাই বল বাবা, তোমার মুখে ফুল-চন্দন পড়ুক ; বাছা আমার প্রাণগতিক ভাল আছে, এই খবরটুকু পেলেই যে আমি এখন নিশ্চিত হ’তে পারি—কিন্তু তার উপায় কি ? কাউকে সঙ্গে নিয়ে আমি কি যাব বাবা কলকাতায় ? গিয়ে তার সন্ধান নেবো ?”

বিপিন বলিয়া উঠিল, “সে কি হয় খুড়ী-মা ? আপনি কোথায় যাবেন ? আর, সে কলকাতা সহর সমুদ্র—ঠিকানা জানা নেই, আপনি সেখানে গিয়ে কোথায় তার সন্ধান পাবেন ? আর, কাকে সঙ্গে নিয়েই বা যাবেন ? এই হাঙ্গামার সময় কেউ কি কলকাতায় গিয়ে কাঁচা মাথাটা দিতে রাজি হবে ? কোথাও আপনাকে যেতে হবে না, হীরা ভালই আছে, ভগবানকে ডাকুন, বোধ হয়, কাল-পশু নাগাদ চিঠি এসে যাবে। আমি বরং এক কায করতে পারি। কলকাতায় আমার ছ’জন বন্ধুর নামে ছ’খানি সুপারিশ চিঠি লিখে আমি হীরুর হাতে দিয়েছিলাম, হীরা গিয়ে তাঁদের সঙ্গে দেখা করবে। তাঁরা গণ্যমান্য লোক, হীরুর চাকরী-বাকরী সম্বন্ধে যদি তাঁরা কিছু সুবিধে ক’রে দিতে পারেন—এই জন্তে তাঁদের নামে চিঠি দিয়েছিলাম। তা আমি না হয় তাঁদের ছ’ জনকেই এক একখানা চিঠি লিখে দিই, হীরা গিয়ে তাঁদের সঙ্গে দেখা করেছে কিনা, তাঁদের জিজ্ঞাসা করি।”

হীরুর মা আগ্রহের সহিত বলিয়া উঠিলেন, “তার চেয়ে টেলিগেরাপই ক’রে দাও না বাবা, যা খরচ লাগে, আমি দিচ্ছি। চিঠি ত যেতে ছ’দিন আসতে ছ’দিন—এ চারদিনে যে ভেবে ভেবে পাগল হয়ে যাব আমি ! টেলিগেরাপের জবাব আসতে কত দেরী হবে ?”

“আজকে টেলিগ্রাফ করলে, কা’ল নাগাদ জবাব আসতে পারে।”

“তবে সেই ভাল বাবা। কি খরচ হবে বল, আমি বাড়ী গিয়ে আমার দেওরপো চুণিলালের হাতে এখনই পাঠিয়ে দিচ্ছি।”

বিপিন বলিল, “সে হবে এখন খুড়ী-মা, তার জন্তে তাড়াতাড়ি নেই। কত খরচ হবে, আমিই বা এখন জানবো কি ক’রে? আমি খেয়ে উঠেই টেলিগ্রাফ লিখে স্টেশনে লোক পাঠিয়ে দিচ্ছি। আপনাদের এখনও খাওয়া-দাওয়া হয় নি বোধ হয়? আপনারা যান—বাড়ী যান, খাওয়া-দাওয়া করুন গে। যে রকম খবর আসবে, আমি গিয়ে আপনাদের জানাব। যান, আর ভাববেন না। ঈশ্বর আছেন, ভক্তিভাবে তাঁকে ডাকুন, সব ভালই হবে। যান, আর দেরী করবেন না।”—বলিতে বলিতে আহাৰ শেষ করিয়া বিপিন বাবু উঠিলেন।

হীৰুৰ মাতা বলিলেন, “বাবা, তুমি রাজরাজেশ্বর হও, আমার মাথার যত চুল, তত তোমার পেরমাই হোক। দেরী কোর না বাবা, টেলিগেরাপ ছু’খানি পাঠিয়ে দাও—আর জবাব কখন আসবে বল, আমি বরং শোনবার জন্তে এখানে এসে ব’সে থাকবো।”

বিপিনবাবু বলিলেন, “জবাব আসতে কাল বোধ হয় বেলা ৯টা ১০ টাই’তে পারে। তা আপনি কেন কষ্ট ক’রে আসবেন খুড়ীমা? যেমন খবর আসবে আমি তখনই নিজে গিয়েই আপনাকে বলবো। কিন্তু এ কথাও ব’লে রাখি,—যদি গুঁরা তার করেন যে, হীরালাল বলে কোনও লোক আমাদের কাছে আসেনি, তা হ’লে কিন্তু ভয় পাবার

কোন কারণ নেই। হীরা সেখানে কোথাও না কোথাও আশ্রয় পেয়েছে নিশ্চয়। এই ডামাডোলের ভিতর সে কি আর এর তার সঙ্গে দেখা করবার জন্তে পথে বেরুবে? আর, সেই জন্তেই বোধ হয়, থাম-পোস্টকার্ডও সংগ্রহ করতে পারে নি, তাই চিঠিও লেখে নি।”

বিপিন বাবু জবাবী অর্জেন্ট তার করিয়াছিলেন, উভয় তারেরই উত্তর সেই দিন সন্ধ্যার পূর্বেই আসিল—‘না, হীরালাল নামক কোনও ব্যক্তি দেখা করিতে আসে নাই।’ এক জন উপরন্তু লিখিয়াছেন, ‘আসিলে সংবাদ দিব।’

সন্ধ্যার পর বিপিন বাবু টেলিগ্রাম দুইখানি হাতে করিয়া হীরালালের গৃহে আসিয়া উপস্থিত হইলেন। খবর শুনিয়া হীরালালের জননী, পত্নী ও খুড়ীমারা অধিকতর হুচিহ্নাঘিতা হইয়া পড়িলেন। বিপিন বাবু অনেক প্রকারে তাঁহাদের প্রবোধ দিতে চেষ্টা করিলেন, কিন্তু বিশেষ কোনও ফল হইল না। অবশেষে বিপিন বাবু বলিলেন, “দেখি কালকের ডাকটা। চিঠি আসে কি না, তাও দেখি, খবরের কাগজেও দেখি কলকাতার অবস্থা কি রকম; তার পর যা হয় করা যাবে।”—বলিয়া তিনি উঠিলেন।

সে রাত্রিতে এ গৃহে আর হাঁড়ি চড়িল না। চুগিলালের আহার দুধে মুড়ি ভিজাইয়া, পাকা আম সহযোগে সম্পন্ন হইল। ছোট গিল্লীর পীড়াপীড়িতে অপর সকলে একটু একটু শুড় মুখে দিয়া জল খাইয়া শয়ন করিলেন।

হায়, ইহারা ত জানিতে পারিলেন না, যে ব্যাগের ভিতর বন্দী হইয়া হীরালালের পত্র শোভাবাজার পোস্ট-আফিস হইতে রওয়ানা

হইয়াছিল, সেই ব্যাগ ও অগ্ন্যাগ্নি বাগবাহী সরকারী মেলভান আক্রমণ করিয়া মুসলমানেরা তাহাতে অগ্নিসংযোগ করিয়াছিল !

বলা বাহুল্য, পরদিনও কোনও পত্র আসিল না । তবে সংবাদ-পত্রে দেখা গেল, হাঙ্গামা অনেকটা কমিয়াছে, দোকানপাট আবার খুলিতেছে, পথে লোক-চলাচলও শুরু হইয়াছে ।

হীরালালের জননী এত দিনে একেবারে হতাশ হইয়া পড়িলেন । অন্ন-জল পরিত্যাগ করিলেন বলিলেই হয় ।

বিকালে চুগিকে সঙ্গে লইয়া, সুরবালা গিয়া বিপিন বাবুর স্ত্রী স্নানস্নানলিনীর সহিত সাক্ষাৎ করিল । সমবয়সী সখীর চোখের জলে স্নানস্নানের হৃদয় ভিজিল । স্নানস্নান স্বামীকে ডাকিয়া পাঠাইল ।

বিপিন বাবু আসিলে স্নানস্নান জিজ্ঞাসা করিল, “হ্যাঁগা, কলকাতার অবস্থা এখন কি রকম ?”

“অনেকটা ঠাণ্ডা । কেন ?”

“হীরুদার বউ এসে বড় কান্নাকাটি করছে ।”

“তিনি এ বাড়ীতে এসেছেন না কি ?”

“হ্যাঁ, ঐ যে ও-ঘরে বসে রয়েছে । আজ ৮ দিন হ’ল ওর স্বামী কলকাতায় গেছে—আজ পর্য্যন্ত একখানা পৌছন চিঠি পর্য্যন্ত এল না; ছুঁড়ির মুখখানি একবারে কালি হয়ে গেছে । আমাকে স্পষ্ট ক’রে বলতেও পারছে না, কিন্তু আমি ভাবে বুঝতে পারছি; ওর মনোগত হচ্ছে, তুমি একবার কলকাতায় গিয়ে ওর স্বামীর খবরটি এনে দাও ।”

বিপিন বলিল, “তা, তোমার হুকুম হ’লে আমি যেতে পারি ।”

সুহাস বলিল, “তারটিও যেমন আমারটিও ত তেমনই। দাঙ্গা-হাঙ্গামার মধ্যে তোমাকেই বা আমি পাঠাই কি ক’রে বল?”

বিপিনবাবু বলিলেন, “আজকের যে খবরের কাগজ আমি পেয়েছি তাতে পশ্চিমকার কলকাতার অবস্থা লেখা আছে—অনেকটা কম হয়েছে। কাল আজ—হু’দিনে বোধ হয় সব গোলমালই থেমে গেছে। ইংরেজরাজের রাজধানী—ও সব আর কত দিন চলতে পারে?”

সুহাস বলিল, “আচ্ছা কালকের কাগজে কি খবর আসে দেখ। যদি কলকাতা ঠাণ্ডা হয়ে থাকে, তবে না হয়—”

“আমি বিকেলের গাড়ীতে রওনা হ’তে পারি। কা’ল হীকর কোনও চিঠিপত্র আসে কি না, তাও দেখা যাক—কি বল।”

“আচ্ছা সেই ভাল আমি তা হ’লে হীকরদার বউকে সেই কথা বলি গে?”

“তা বল গে।”—বলিয়া বিপিনবাবু স্ত্রীকে আদর করিয়া প্রস্থান করিলেন।

পরদিনও কোন পত্র আসিল না; সংবাদপত্রে দেখা গেল; কলিকাতা আরও ঠাণ্ডা হইয়াছে—গত ২৪ ঘণ্টার মধ্যে কোনও ইসপাতালে কোনও খুন-জখম আসে নাই। ইহা পশ্চিমকার কলিকাতার অবস্থা।

অপরাত্তের ট্রেনে বিপিন বাবু কলিকাতা যাত্রা করিলেন। বলিয়া গেলেন, হীরালালের কোনও সংবাদ পাইবামাত্র তারযোগে জানাইবেন।

সপ্তদশ পরিচ্ছেদ

সাথের ডিটেক্টিভ

হীরালালের সন্ধানে বিপিন বাবু কলিকাতায় আসিয়া পৌঁছিলেন। দাঙ্গা-হাঙ্গামা প্রায় থামিয়া গিয়াছে বলিলেই হয়। মোড়ে মোড়ে গুর্খা সৈন্য পাহারা দিতেছে—বিশেষ বিশেষ স্থানে গোরা পাহারা মোতায়েন, সশস্ত্র সৈন্যগণ বোঝাই লইয়া মাঝে মাঝে মোটর লরী রাস্তা দিয়া ছুটিয়া চলিয়াছে।

কলিকাতায় বিপিন বাবুর কয়েক জন আত্মীয়-বান্ধব স্থায়ীভাবে বাস করেন। কিন্তু কলিকাতায় আসিলে বিপিন বাবু তাঁহাদের কাহারও বাড়ীতে না উঠিয়া, নব্যতন্ত্রের কোন না কোনও বাঙ্গালী-পরিচালিত হোটেলেই আশ্রয় লইয়া থাকেন। এবারও তাহাই করিলেন।

বিপিন বাবু যখন হোটেলে গিয়া উঠিলেন তখন সন্ধ্যা সমাগত। পঞ্চম্রমে ক্লাস্ত হইয়াছিলেন, সে দিন আর কোথাও বাহির হইলেন না। সান্ধ্যভোজন সমাধা করিয়া রাত্রি দশটার মধ্যেই শয্যাশ্রয় গ্রহণ করিলেন। ভাবিতে লাগিলেন, হীরুর মাকে ও পত্নীকে ভরসা ত দিয়া আসিলাম যে, হীরুর সন্ধান করিয়া তাঁহাদিগকে সংবাদ দিব। কিন্তু এই কলিকাতা সহর সমুদ্রবিশেষ,—তাহাকে খুঁজিয়া বাহির করিব কি উপায়ে?—নানা উপায় চিন্তা করিতে করিতে অবশেষে বিপিন বাবু ঘুমাইয়া পড়িলেন।

পরদিন প্রাতে উঠিয়া চা পান করিতে করিতে, সেদিনকার সংবাদপত্রখানি মনোযোগের সহিত পঠ করিয়া দেখিলেন, গতকলাও কলিকাতার কোনও স্থানে কোনও প্রকার খুন-জখম হয় নাই। পড়িয়া, অনেকটা আশ্বস্ত হইলেন। তারপর পথে বাহির হইয়া একখানা ট্যাক্সি ধরিলেন। যে দুই জন বন্ধুর নিকট হীরালালের ঢাকরীর জন্ত সুপারিস চিঠি লিখিয়া দিয়াছিলেন, হীরালাল তাঁহাদের সহিত সাক্ষাৎ করিতে গিয়াছিল কি না, জানিবার জন্ত কয়েক দিন হইল তাঁহাদিগকে টেলিগ্রাম করিয়া বিপিন বাবু উত্তর পাইয়াছিলেন—না, হীরালাল নামক কোনও লোক সাক্ষাৎ করিতে আসে নাই। কলিকাতা এ কয় দিন একটু ঠাণ্ডা হইয়াছে,—এত দিন হীরালাল হয় ত প্রাণভয়ে তাহার আশ্রয়স্থান ত্যাগ করিয়া তাঁহাদের সহিত সাক্ষাৎ করিবার জন্ত পথে বাহির হইতে পারে নাই—এ কয় দিনে যদি গিয়া থাকে!—তাই সর্বপ্রথমে সেই বন্ধুদ্বয়ের সহিত বিপিন বাবু সাক্ষাৎ করিতে চলিলেন। হীরালাল যদি না-ও গিয়া থাকে, কি উপায়ে তাহার সন্ধান মিলিতে পারে, সে বিষয়েও অন্ততঃ তাঁহাদের সহিত পরামর্শ করিবেন।

বিপিন বাবু একে একে উভয় বন্ধুর সহিতই সাক্ষাৎ করিয়া গুনিলেন, তাঁহাদের কাহারও নিকট হীরালাল আজিও আসে নাই। সমস্ত অবস্থা শুনিয়া এক জন পরামর্শ দিলেন, বড় বড় হাঁসপাতাল-গুলিতে গিয়া অনুসন্ধান করা আবশ্যক, খুন বা জখম হইয়া হীরালাল সেখানে নীত হইয়া থাকিতে পারে।

এই দুই বন্ধুর সহিত কথাবার্তা কহিতে কহিতেই বেলা সাড়ে

দশটা বাজিয়া গেল। হোটেলে ফিরিয়া আসিয়া, স্নানাহার ও কিঞ্চিৎ বিশ্রামান্তে বিপিন বাবু বেলা ৩টার সময় হাঁসপাতালে অনুসন্ধান করিতে বাহির হইলেন।

কার্য্যটি সহজে সমাধা হইল না। অনেক লোকের খোসামোদ করিয়া, কেবলমাত্র মেডিক্যাল কলেজ হাঁসপাতালের খাতাপত্র অনুসন্ধান করিতেই সন্ধ্যা হইয়া গেল। না, হীরালাল নামক কোনও ব্যক্তি অথবা কোনও অজ্ঞাতনামা ব্যক্তি যাহার বর্ণনা হীরালালের সঙ্গে মেলে, খুন বা জখম হইয়া মেডিক্যাল কলেজ হাঁসপাতালে আসে নাই।

অপর হাঁসপাতালগুলিতে অনুসন্ধান করিতে সারাটা পরদিনই কাবার হইয়া গেল—কোনও সন্ধান নাই।

থিয়েটরে কন্স পাইবার প্রত্যাশায় হীরালাল যদি কোনও থিয়েটরের কর্তার সহিত সাক্ষাৎ করিয়া থাকে, অতঃপর ইহাট অনুসন্ধান করা আবশ্যক, এইরূপ চিন্তা করিতে করিতে বিপিন বাবু তাঁহার হোটেলে তৃতীয় রাত্রি যাপন করিলেন।

পরদিন শুক্রবার, একমাত্র মডার্ন থিয়েটর ব্যতীত অন্য কোনও থিয়েটরে কোনও অভিনয় নাই, ইহা বিপিন বাবু রাস্তায় প্ল্যাকার্ড দেখিয়া জানিতে পারিয়াছিলেন। সুতরাং সন্ধ্যাকালে তিনি মডার্ন থিয়েটরে গিয়া উপস্থিত হইলেন। আজ এখানে “চন্দ্রগুপ্ত” নাটকের অভিনয়। সাড়ে সাতটায় অভিনয় আরম্ভ—এখনও এক ঘণ্টা বিলম্ব আছে—ইতিমধ্যেই থিয়েটর-গৃহে লোক গিস্ গিস্ করিতেছে। কিঞ্চিৎ চেষ্টার পর বিপিন বাবু থিয়েটরের অধাঙ্ক

মহাশয়ের নিকট নীত হইলেন। তদ্রলোক, তদ্রভাবে বিপিন বাবুর সমস্ত কথা শুনিলেন; শুনিয়া উত্তর করিলেন, “না মহাশয়, ও নামের কোনও লোক ২১১ হস্তার ভিতর কৰ্ম্মপ্রার্থী হইয়ে আমাদের কাছে আসে নি।”

অধ্যক্ষ মহাশয়ের খাস কামরা হইতে বাহির হইয়া থিয়েটারের সম্মুখে রাজপথে আসিয়া দাঁড়াইয়া বিপিন বাবু ভাবিতে লাগিলেন, ‘এবার কোন্ থিয়েটারে যাই?’ যে দিন অভিনয় না থাকে, সে দিন রিহার্সাল থাকিতে পারে, ইহা বিপিন বাবু জানিতেন। কিন্তু রিহার্সালের দিন থিয়েটারের কর্ত্তা মহাশয় উপস্থিত থাকিবেন কি? কাল ত শনিবার, সব থিয়েটারেই অনুসন্ধান করা যাইতে পারে—এইরূপ মীমাংসা করিয়া বিপিন বাবু টিকিট কিনিয়া “চন্দ্রগুপ্ত” দেখিতে বসিয়া গেলেন। থিয়েটারের নেশা তাঁর খুবই প্রবল, নহিলে নিজ গ্রামে সখের থিয়েটার খুলিয়া অত টাকা ব্যয় করিতেন না। চন্দ্রগুপ্ত নাটকের অভিনয় কলিকাতায় তিনি পূর্বেও দেখিয়াছেন, কিন্তু তখন দর্শকের চক্ষু লইয়া দেখিয়াছিলেন—আজ দেখিবেন অত্ন তাবে,—নিজ থিয়েটারে এই নাটকখানির অভিনয় করাইলে তাঁহার দলস্থ যুবকগণের কতদূর কৃতকার্য্য হইবাম্ব সম্ভাবনা, ইহাই বিবেচনা করিবার জন্ম।

রাত্রি ১২টার পর হোটেলে ফিরিয়া, ঠাণ্ডা পোলাও খাইয়া বিপিন বাবু শয়ন করিয়া তাবিতে লাগিলেন,—কাল একটু সময় থাকিতে বাহির হইয়া, বিউটি থিয়েটারে হীরালালের খোজ লইয়া, তার পর ডায়মণ্ড থিয়েটারে যাইতে হইবে। সেখানে হীরালালের

খোজও লইতে হইবে এবং আলিবাবার অভিনয়টাও দেখিতে হইবে — কারণ বিখ্যাত অভিনেত্রী রেবতীসুন্দরী, মর্জ্জিয়ানার ভূমিকা গ্রহণ করিবেন বলিয়া বিজ্ঞাপিত হইয়াছে।

পরদিন যথাসময়ে হোটেল হইতে বাহির হইয়া বিপিন বাবু ট্যাক্সিতে উঠিলেন। বিউটি থিয়েটারের ম্যানেজার বাবুর সঙ্গে সাক্ষাৎ করিতে তাঁহাকে অনেকক্ষণ অপেক্ষা করিতে হইল। ম্যানেজার বাবু কার্য্যে ব্যস্ত ছিলেন, এক ঘণ্টা পরে তাঁহার ফুরম্ম হইল। তিনিও হীরালালের সম্বন্ধে কোনও সংবাদ দিতে পারিলেন না।

অতঃপর বিপিন বাবু ডায়মণ্ড থিয়েটরে গিয়া উপস্থিত হইলেন। আলিবাবার অভিনয় তখন আরম্ভ হইয়া গিয়াছে। ম্যানেজার বাবুর সহিত সাক্ষাৎ-প্রার্থনা জানাইলে এক জন কন্সচার্জী বলিল, “এখন কি ক’রে দেখা হবে? তিনি যে প্লে করছেন।”

বিপিন বাবু জিজ্ঞাসা করিলেন, “কি সেজেছেন তিনি?”

“তিনিই ত আলিবাবা। প্লে না শেষ হ’লে তাঁর সঙ্গে দেখা হবার উপায় নেই।”

বিপিন বাবু ইহা শুনিয়া, টিকিট কিনিয়া, ভিতরে গিয়া অভিনয় দেখিতে বসিলেন।

ক্রমে সেই দৃশ্য আসিল, যেখানে মর্জ্জিয়ানা কাসেম মিক্রার মৃত-দেহ শেলাই করিবার জন্ত বাবা মুস্তাফা নামক মুচির দোকানে তাহাকে ডাকিতে গিয়াছে। পাকা চুল, পাকা দাড়ি, বৃদ্ধ মুচি— মুখচন্দ্র শিথিল,—কিন্তু মুস্তাফা কথা কহিতেই বিপিন বাবু চমকিয়া

উঠিলেন। ঠিক যেন হীরালালের কণ্ঠস্বর, না?—বাবা মুস্তাফা যিনি সাজিয়াছেন, তিনি অবশ্য নিজ স্বাভাবিক কণ্ঠস্বরে কথা কহিতেছেন না,—তথাপি বিপিন বাবুর সন্দেহ হইল, এই ব্যক্তিই যেন হীরালাল। কিন্তু আবার মনে হইল, সবে মাত্র কলিকাতায় আসিয়া, হীরু কি এত বড় একটা থিয়েটারে কর্ম্ম যোগাড় করিতে পারিয়াছে?

বাবা মুস্তাফার কথাবার্ত্তা অধিষ্কণব্যাপী নহে, শীঘ্রই তাহা শেষ হইয়া গেল। ড্রপ পড়িলে বিপিন বাবু বাহিরে আসিয়া থিয়েটারের এক জন কর্ম্মচারীকে ডাকিয়া জিজ্ঞাসা করিলেন, “ঐ যে লোকটি বাবা মুস্তাফা সেজেছেন, উনি কে মশায়? বেশ সুন্দর অ্যাক্টিং করলেন ত!”

কর্ম্মচারী বলিল, “উনি এক জন নূতন লোক, মফঃস্বলের আমদানী। এই কয়েক দিন হ’ল মাত্র উনি এখানে ঢুকেছেন। বরাবর যিনি মুস্তাফা সাজেন, তিনি মুসলমানের ছুরীতে জখম হয়ে হাসপাতালে গেছেন, তাই তাড়াতাড়ি ঐ নূতন লোকটিকে পাট শিগিয়ে নিয়ে নামানো হয়েছে।”

বিপিন বাবুর পূর্ব-সন্দেহ এই কথা শুনিয়া আরও দৃঢ় হইল। জিজ্ঞাসা করিলেন, “ওর নামটি আপনি বলতে পারেন কি?”

“নাম শুনেছিলাম, মনে নেই”—বলিয়া তিনি আপন কার্য্যে গেলেন।

ড্রপ উঠিলে বিপিন বাবু আবার ভিতরে গিয়া অভিনয় দেখিতে বসিলেন। আবার বাবা মুস্তাফার দেখা পাইলেন। দেখিতে দেখিতে, এই ব্যক্তিই যে হীরালাল, ইহা বিপিন বাবুর দৃঢ় বিশ্বাস হইল।

ক্রমে অভিনয় শেষ হইয়া আসিল। বিপিন বাবু আর ম্যানেজারের খোঁজ না করিয়া, যিনি মুস্তাফা সাজিয়াছিলেন, তাঁহার সহিত সাক্ষাতের অভিপ্রায়, সেই পূর্বকথিত কৰ্ম্মচারীকে জানাইলেন। কৰ্ম্মচারী বিরক্তভরে বলিল, “একটু বসুন না মশায়! এই মাত্র ত ভাঙ্গলো, এক্টর একট্রেসরা এখন সাজ-পোষাক ছাড়বে, নৃত্যের রঙটঙ ধোবে,—তার পর ত বেরুবে! আচ্ছা লোক আপনি!”

কায়েই বিপিন বাবুকে অপেক্ষা করিতে হইল। টিকিটঘরের পাশে তিনি দাঁড়াইয়া রহিলেন।

সে স্থান হইতে রাস্তাটা সম্পূর্ণ দেখা যায়। কত ট্যাক্সি, ধরের মোটর, ছকড় গাড়ী দর্শক নরনারী বোঝাই হইয়া চলিয়াছে। অসম্ভব ভীড়। কিছুক্ষণ পরে ভীড় একটু কমিল। হঠাৎ বিপিন বাবু দেখিতে পাইলেন, একখানি মোটরে একটি পুরুষ ও নারী পাশ পাশ বসিয়া—রমণী সুবেশা, সুন্দরী ও যুবতী;—পুরুষটি নিঃসন্দেহ হীরালাল—মোটরখানি থিয়েটারের সামনে দিয়া ছুটয়া চলিয়া গেল।

বিপিন বাবু ছুই লক্ষ্যে রাস্তায় নামিলেন। সৌভাগ্য বশতঃ একখানি খালি ট্যাক্সি সেখানে অপেক্ষা করিতেছিল। তিনি ক্ষিপ্ৰ-ভাবে তাহাতে আরোহণ করিয়া সেই ধাবমান মোটরখানা দেখাইয়া বলিলেন, “ঐ গাড়ীর পিছু পিছু চল, বখশিস পাবে।”

ট্যাক্সিওয়ালা বিপিন বাবুকে পুলিশের ডিটেক্টিভ ভ্রমে তৎক্ষণাৎ হুকুম তামিল করিল। সেই গাড়ীখানির উপর লক্ষ্য রাখিয়া নিজ গাড়ী ছুটাইয়া দিল। বিপিন বাবু সেই গাড়ীখানির উপর দৃষ্টি

নিবন্ধ রাখিয়া বসিয়া ভাবিতে লাগিলেন, “ব্যাপারখানা কি?—ও মাগীই বা কে? আর হীরা ওকে জোটালেই বা কেমন ক’রে?”

উভয় গাড়ী ক্রমে আসিয়া চিৎপুর রোডে পড়িল। প্রথম মোটর থানিকে জয় মিত্রের গলিতে ঢুকিতে দেখিয়া, বিপিন বাবুর ট্যাক্সিও গলিতে ঢুকিল। ব্যবধান দশ বারো হাত মাত্র।

অগ্রগামী মোটরখানি ক্রমে একটা বাড়ীর সম্মুখে দাঁড়াইল। তাহা দেখিয়া, ট্যাক্সিওয়ালাও নিজ গাড়ী থামাইল। ঐ—হীরালাল ও সেই স্ত্রীলোক নামিতেছে, এখনই গৃহমধ্যে প্রবেশ করিবে। বিপিন বাবু নামিয়া দ্রুতপদে তাহাদের দিকে গিয়া ডাকিলেন—“হীরা!”

হীরালাল চমকিয়া বিপিন বাবুর পানে চাহিল। ছুটিয়া নিকটে আসিয়া বলিল, “বিপিন যে! কি আশ্চর্য! তুমি এখানে?”

বিপিন বাবু বলিলেন, “আশ্চর্য্য আমি?—না, আশ্চর্য্য তুমি! আচ্ছা লোক ত হা! এত দিন বাড়ী থেকে এসেছ, একখানা চিঠি লেখনি, পৌছান খবরটা পর্য্যন্ত দাও নি! তোমার মায়ের, তোমার পরিবারের কান্না দেখে, থাকতে না পেলে শেষে আমি তোমায় খুঁজতে কলকাতায় এসেছি। তোমার বাসা কোথা কল দেখি?”

হীরালাল বলিল, “বাসা, আপাততঃ—এইখানেই।”—বাঁশা বাড়ীটা দেখাইয়া দিল। রেবতী তখন ঘানের বাহিরে দাঁড়াইয়া অপেক্ষা করিতেছে। কথাবর্ত্তীগুলো সমস্তই সে শুনিতে পাইয়াছে—শুনিয়া ব্যাপারটা বুঝিয়াও লইয়াছে।

বিপিন বাবু নিম্নস্বরে জিজ্ঞাসা করিলেন, “ও মাগী কে ? কোনও বে—”

হীরালাল বাধা দিয়া বলিল, “না না—উনি এক জন মস্ত অভিনেত্রী । উনি ডায়মণ্ড থিয়েটারের রেবতীসুন্দরী !”

বিপিন বাবু বিস্মিত হইয়া বলিলেন, “দূর ! সত্যি ?”

বিপিন বাবুর হাত টানিয়া হীরালাল বলিল, “চল, আলাপ করিয়ে দিই ।”—রেবতীর নিকটস্থ হইয়া হীরালাল বলিল, “ইনি বিপিন বাবু—আমাদের গ্রামের জমীদার, এঁর কথা তুমি আমার কাছে শুনেছ । আমি এখানে এসে বাড়ীতে চিঠি লিখেছিলাম, তা ত তুমি জান । কিন্তু সে চিঠি দেখছি মারা গেছে—আমার বাড়ীর লোকরা কেঁদে কেটে অস্থির, তাই ইনি আমায় খুঁজতে এসেছেন ।”

রেবতী হাত তুলিয়া নমস্কার করিয়া বলিল, “আপনিই বিপিন বাবু ? হ্যাঁ—আপনার কথা এঁর কাছে সর্বদাই শুনি বটে । আসুন—দয়া করে তিতরে আসুন ।”

বিপিন বাবুর মনে হইল, এই স্ত্রীলোক যত বড় অভিনেত্রীই হউক না কেন, “তথাপি সিংহঃ পশুরেব নাথঃ ।” কুস্থানে কেনই বা প্রবেশ করিব ? আবার কৌতূহলও হইল । “এত বড় একজন অভিনেত্রী—ষ্টেজের বাহিরে মানুষটা কেমন দেখাই যাক না । তার পর হীরাঁকে আমার হোটেল লইয়া যাইব ।”

“আসুন”—বলিয়া রেবতী অগ্রগামিনী হইল ।

বিপিন বাবু বলিলেন, “এক মিনিটের জন্তে আমায় মাফ করুন,

আমার ট্যান্সিথানা বিদায় ক'রে আসি। আপনি চলুন, আমি হীরুর সঙ্গে আসছি।”

রেবতী ভিতরে প্রবেশ করিল। বিপিন বাবু ট্যান্সিওয়ালাকে তার প্রাপ্য ভাড়ার হিসাব না করিয়া বখশিসস্বরূপ পাঁচটি টাকা দিয়া, হীরুর সঙ্গে বাটার মধ্যে প্রবেশ করিলেন।

সিঁড়ি উঠিতে উঠিতে বিপিন বাবু নিয়ন্ত্রণে হীরালালের কর্ণে বলিলেন, “হ্যাঁ হীরুদা, তুমি কি জাহান্নমে গেছ না কি?”

হীরু হাসিয়া বলিল, “বালাই, যাট! আমার শত্রু জাহান্নমে যাক্।”

“তবে এখানে, এ ভাবে?”

“সে অনেক কথা ভাই। একখানা রীতিমত উপভ্রাস বল্লেই হয়।”

বিপিন বাবু বলিলেন, “সে সব শুনবো এখন। উপস্থিত এইটুকু আমি বিশ্বাস করতে পারি কি যে, তুমি যে হীরু ছিলে সেই ধবধবে হীরুই আছ—তোমার গায়ে পাপের কালী লাগে নি?”

হীরু বলিল, “নিশ্চয়।”

বিপিন বাবু বলিলেন, “বাঁচালে ভাই! আমার বুক থেকে দশ মণ পাথর নেমে গেল।”

অষ্টাদশ পরিচ্ছেদ

ছুঁমার্গ পরিহার

বিপিন বাবুকে লইয়া গিয়া হীরালাল রেবতীর ড্রয়িংরুমে বসাইল।

বিপিন বাবু কক্ষপানির সাজ-সজ্জা দেখিতে দেখিতে জিজ্ঞাসা করিলেন, “এ বাড়ীতে রেবতী ছাড়া আর কেউ থাকে না কি?”

হীরালাল বলিল, “না, আর কেউ থাকে না। ছ’জন বি, এক জন দ্বারবান আছে। এ বাড়ী গুঁর নিজেরই।”

“গেলেন কোথা?”

“শোবার ঘরে, — কপড়চোপড় বদলাচ্ছেন বোধ হয়।”

“কত দিন তুমি এ বাড়ীতে আছ?”

“যত দিন এসেছি—কেবল প্রথম ছ’দিন বাদ।”

“এর কারণ?”

“কারণ যথেষ্ট আছে—তবে কোনও দৃশ্য কারণ নয় এটা আমি বুক ফুলিয়ে বলতে পারি!”

“ডায়মণ্ড থিয়েটরে চাকরী পেয়েছ দেখলাম। মাইনে কত হয়েছে?”

“এখন একশো;—ছ’মাস পরে, মনিবের সন্তোষ উপার্জন করতে পারলে, দেড়শো হবে। কিন্তু তুমি দেখলে কি ক’রে?”

“আমি যে অভিনয়টা দেখলাম। বাবা মুস্তাফাকে দেখেই

আমার সন্দেহ হ'ল, তুমি। তার পর খবর নিয়ে জানলাম, তুমিই বটে। তোমার সঙ্গে দেখা করবার জন্তেই আমি অপেক্ষা করছিলাম, এমন সময় দেখলাম, তুমি আর রেবতী মোটর ছুটিয়ে বেরিয়ে গেলে; আমিও অমনি ট্যাক্সি নিয়ে তোমাদের পশ্চাদ্ধাবন করলাম।”

হীরালাল হাসিয়া বলিল, “রীতিমত ডিটেক্টিভের ব্যাপার বল!”

বিপিন বাবুও হাসিতে লাগিলেন। এই সময় রেবতী আসিয়া প্রবেশ করিয়া বলিল, “আপনাদের ছই বন্ধুর বিশ্রান্ত্যনাগে আমি বাধা দিলাম বোধ হয়?”

বিপিন বাবু অপ্রতিভ হইয়া বলিলেন, “না না—তা কেন?”

হীরালাল বলিল, “ইনি আমার খোঁজে থিয়েটরে গিয়েছিলেন।”

বিপিন বাবু বলিলেন, “সত্যি কথা বলতে গেলে, শুধু তোমার খোঁজে নয় হীরা! আজ রেবতী মর্জিয়ানা সেজে নামবেন, এ কথা প্লাকার্ডে দেখে, দিনের বেলাই আমি স্থির ক’রে রেখেছিলাম, আজ ডায়মণ্ড থিয়েটরে আলিবাঁবা দেখতে হবে।”

হীরালাল বলিল, “অর্থাৎ কেবল কলা বেচতে যাও নি—রথ দেখাও উদ্দেশ্য ছিল!”—বলিয়া হীরালাল রেবতীর পানে অঙ্গুলি নির্দেশ করিল।

রেবতী কৃত্রিম রোষের ক্রকুটি করিয়া বলিল, “তোমার আর রসিকতা করতে হবে না!—বিপিন বাবুকে সিগারেট-টিগারেট কিছু দাও নি?”

“না—মনে ছিল না—এই যে।”—বলিয়া হীরালাল সিগারেট আহরণ করিবার জন্ত উঠিল।

“এই যে আমার কাছে রয়েছে ! ব’স ব’স ।”—বলিয়া বিপিন বাবু নিজ পকেট হইতে সোণার সিগারেট-কেস বাহির করিয়া, উহা খুলিয়া রেবতীর সম্মুখে ধরিয়া বলিল, “আপনার এ সব চলে কি ?”

‘বেশ চলে’—বলিয়া রেবতী একটি সিগারেট গ্রহণ করিয়া, যত্ন করে বিপিন বাবুকে নমস্কার করিল। হীরালালও সিগারেট লইল এবং একটি দেশলাই জ্বালাইয়া রেবতী ও বিপিন বাবুকে সিগারেট ধরাইয়া দিয়া, নিজেরটি ধরাইল।

রেবতী বলিল, “আজ আমার অ্যাক্টিং কি রকম দেখলেন, বিপিন বাবু ?”

বিপিন বাবু উচ্ছ্বসিত স্বরে বলিলেন, “যেমন শুনেছিলাম, সেট রকমই দেখলাম—বরং তার চেয়েও ভাল, সুন্দর ।”

“দোষ-টোষ ? আপনি নিজে একটা সখের থিয়েটার চালাচ্ছেন, —আপনি অ্যাক্টিং বিষয়ে এক জন পাকা সমজদার লোক । তাই আপনাকে জিজ্ঞাসা করছি—যদি দোষ-টোষ কিছু লক্ষ্য ক’রে থাকেন ত দয়া ক’রে বলুন,—আমি সংশোধন করবার চেষ্টা করতে পারি ।”

বিপিন বাবু বলিলেন, “দোষ-টোষ কিছু লক্ষ্য করিনি ত । আপনার নাচ, গান, অ্যাক্টিং সমস্তই খুব সুন্দর ।”

“মানুষের দোষ কি মানুষের মুখের উপর বলা যায় !”—বলিয়া রেবতী হাসিতে লাগিল।

বিপিন বাবু ঘড়ী খুলিয়া দেখিয়া বলিলেন, “রাত হ’ল, আর

আপনাকে বিরক্ত করবো না—যদি অন্তর্মতি করেন, তা হ'লে উঠি—
আর হীরুদাকেও সঙ্গে নিয়ে যাই।”

রেবতী বলিল, “রাত আর বেশী কি হ'ল? সব ত একটা! কিন্তু আপনার বন্ধুর ত এখনও থাওয়া হয় নি। থিয়েটারের রাতে, থিয়েটারের পর এসে আমরা খাই কি না।”

বিপিন বাবু বলিলেন, “তা আমার ওখানে নিয়ে গিয়ে হীরুকে আমি কি অভুক্ত রাখব?—বলেন ত না হয় মৃৎলেকা লিখে দিই।”

এরসিকতার গৃঢ় ইঙ্গিতে হীরুলাল কৌতুক অনুভব করিল, রেবতীর গণ্ডযুগল রক্তাভ হইল। সে বলিল, “তার চেয়ে কেন,—এটা বলা অবশ্য আমার একান্তই দুঃসাহস—তার চেয়ে কেন এ গরীবের কুটীরে ক্ষুদ্রকুঁড়ে। যা আছে, আপনারা দু'জনেই তাই খেয়ে, তার পর যেখানে ইচ্ছে যান না। আপনি আছেন কোথা?”

“রয়াল হোটেলে। সেখানে কিন্তু আমার খাবার প্রস্তুত।”

রেবতী বলিল, “সে আপনি খেলেও দাম নেবে, না খেলেও দাম নেবে। সমাজের চোখে আমি পতিতা স্ত্রীলোক, কিন্তু অন্ন ব্রহ্ম—যদি আপনার আপত্তি না থাকে—”

বিপিন বাবু তাড়াতাড়ি বলিয়া উঠিলেন, “না না—সে সব কোনও রকম প্রেজ্জডিস্ আমার নেই, ছুৎমার্গের পথিক আমি নই, তা হীরুদাকে জিজ্ঞাসা করলেই আপনি জানতে পারবেন।”

রেবতী বলিল, “তা হ'লে আপনাকে আজ ছাড়ছি। হীরু, তুমি ঠুকে হাত-মুখ ধোবার ঘরটা দেখিয়ে দিয়ে এস, আমি নতুন সাবান, তোয়ালে এখনই পাঠিয়ে দিচ্ছি। উঠুন বিপিন বাবু।”

“নিতান্তই যখন ছাড়লেন না!”—বলিয়া বিপিন বাবু উঠিলেন। রেবতী সজ্জকে ডাকিয়া নূতন সাবধান ও ধোয়া তোয়ালে বাহির করিয়া বাথরুমে দিয়া আসিতে বলিল।

ক্ষণকাল পরে হীরালাল একাকী ফিরিয়া আসিল। রেবতী ভিজ্জাসা করিল, “তোমার বন্ধুর এ সব চলে-টলে না কি?” বলিয়া মগ্ধপানের ইঙ্গিত করিল।

হীরালাল বলিল, “না, ও সব চলে না। আর দেখ, তোমার ক্ষিধে ক’রে নেওয়ার ওষুধটা, আজ তোমার ঘরে ব’সে পেয়ে এলেই ভাল হয়। নইলে বুঝেছ—বিপিন কি মনে করবে!”

“আচ্ছা, তাই হবে গো তাই হবে! আমি যাই, খাবার ঠিক করতে বলি। বিপিন বাবু মুখ-হাত ধুয়ে এলে তুমি বরং আমায় খবর দিও। আর এক কথা—তোমায় ত উনি হরণ ক’রে নিজের হোটেল নিয়ে চল্লেন! বেশী রাত কিন্তু জেগো না ভাই শ্রোতের ফুল—লক্ষীটি। তোমার সব ইতিহাস অবশ্য ঠুঁকে তুমি বলবে, সেটা না হয় কাল সকালের জন্তই মূলতুবী রেখ।”

হীরালাল বলিল, “সেটা কতদূর সম্ভব হবে, বলতে পারিনে।”

“কাল কখন আসছ?”

“তাও বলা শক্ত, কারণ, আমি ত এখনও পরহস্তগত হ’তে চেষ্টাম।”

রেবতী বলিল, “সে ত চিরকালই আছে ভাই! আচ্ছা, এক কাঁচ করলে হয় না?”

“কি?”

“কাল দিনের বেলা বিপিন বাবুকে যদি আমি এখানে থাবার নিমন্ত্রণ করি? তা হ’লে ত বেলা ১০টা ১১টার ভিতর গুঁকে সঙ্গে ক’রে তুমিও আসতে পারবে। কি বল?”

হীরালাল বলিল, “তা, নিমন্ত্রণ করায় আমি কোনও দোষ দেখিনে।”

“আচ্ছা, সেই কথাই রইল। এখন আমি আমার কাষে চলাম।” বলিয়া রেবতী নিষ্ক্রান্ত হইয়া গেল।

আহারে বসিয়া তিন জনে অনেক কথাবার্ত্তা হইল। বিপিন বাবুর সখের থিয়েটার সম্বন্ধে নানা কথা রেবতী খুঁটিয়া খুঁটিয়া জিজ্ঞাসা করিতে লাগিল এবং সে সকল সম্বন্ধে যেরূপ মন্তব্য প্রকাশ করিল, তাহাতে বিপিন বাবুর মনে রেবতীর প্রতি আশ্চর্য উদয় হইল। বিপিন বাবুর পারণা ছিল, এ শ্রেণীর স্ত্রীলোক—তা সে যতই বড় দরের হউক না কেন—একটু ইতর হইয়া থাকে; কিন্তু রেবতীর কথাবার্ত্তায় ভাবে-ভঙ্গীতে কোথাও অশুচিতার কোনও লক্ষণ না দেখিয়া তিনি মনে মনে বলিলেন, “আমি যদি না জানিতাম যে এ একটা ইয়ে, তা হ’লে একে একজন শিক্ষিতা ভদ্রমহিলা বলেই ধারণা করতাম।”

কথায় বার্ত্তায় হান্ত-পরিহাসে আহার সমাপ্ত হইল। পরদিন মধ্যাহ্ন-ভোজনের নিমন্ত্রণ স্বীকার করিয়া, হীরালালকে লইয়া বিপিন বাবু বিদায় গ্রহণ করিলেন।

উনবিংশ পরিচ্ছেদ

হোটেল

হরি সিং দ্বারবান্ ট্যাক্সি ডাকিয়া আনিয়াছিল। উভয়ে তাহাতে আরোহণ করিলে, বিপিন বাবু হুকুম দিলেন, “লালদীদি — বড়া তার-ঘর।”

ট্যাক্সি গলি অতিক্রম করিয়া চিৎপুর রোডে আসিয়া পড়িল। হীরালাল জিজ্ঞাসা করিল, “এত রাত্রিতে বড়া তার ঘর কেন?”

বিপিন বাবু একটু শ্লেষের স্বরে জিজ্ঞাসা করিলেন, “দেশে তোমার একটা বড়ো মা, একটা মুখ্য বউ প’ড়ে আছে—তাদের কথা তোমার মনে আছে কি? না মথুরায় এসে, কুব্জা স্নন্দরীকে ‘নয়ে সিংহাসনে ব’সে তাদের অস্তিত্ব একদম ভুলেই গেছ?”

হীরালাল বলিল, “কেন, ভুলে যাব কেন? কিন্তু কুব্জা স্নন্দরী এখানে তুমি কোথায় দেখলে?”

বিপিন বাবু হাসিয়া বলিলেন, “না হয়, রেবতী স্নন্দরী। তোমার বড়ো মা, তোমার পরিবার তোমার খবর না পেয়ে কেঁদে কেটে খুন হচ্ছে,—তুমি কুশলে আছ, এই সংবাদটা পাঠিয়ে তাদের কষ্টটা লাঘব করবার জন্তে তার-ঘরে যাওয়া—আর কেন?”

হীরালাল বলিল, “ওঃ—তা বটে।” বলিয়া সে একটু লজ্জিত হইল। বিপিন বাবু তাহার যে ক্রটিটা ধরিয়া দিলেন, সেটা ত যথার্থ বটে। প্রথম সাক্ষাতের মহর্ন্তেই ত তিনি জানাইয়াছিলেন,

তাহার কোনও চিঠিই বাড়ীতে পৌঁছে নাই, তাহার মা ও স্ত্রীর কান্না দেখিয়া, বিপিন বাবু থাকিতে না পারিয়া, তাহাকে খুঁজিবার জন্ত কলিকাতায় ছুটিয়া আসিয়াছেন। এ কথা তাহার নিজেরই মনে তৎক্ষণাৎ উদিত হওয়া ত উচিত ছিল যে, এখনই বাড়ীতে টেলিগ্রাম করিয়া দেওয়া আবশ্যিক। রেবতীকে জানাইয়া, বিপিন বাবুর সেই ট্যাক্সিতেই ত লালদীঘি যাওয়ার প্রস্তাব করা উচিত ছিল। তা নয়, সে গেল বন্ধুকে লইয়া রেবতীসুন্দরীর সহিত পরিচিত করিতে এবং হাস্য পরিহাস খানাপিনায় এতটা সময় অতিবাহিত করিল। হীরালাল লজ্জাবনত বদনে নীরবে ট্যাক্সিতে বসিয়া রহিল।

ট্যাক্সি লালদীঘিতে পৌঁছিলে হীরুকে বসাইয়া রাখিয়া বিপিন বাবু নামিয়া তার পাঠাইয়া আসিলেন। লিখিলেন,—“হীরুকে খুঁজিয়া বাহির করিয়াছি, সে ভাল আছে, কোনও চিন্তা নাই, কাল সে পত্র লিখিবে।”

হোটেলে আসিয়া হীরুকে বিপিন বাবু নিজ শয়নকক্ষে লইয়া গিয়া বিছাৎপাখা খুলিয়া দিলেন। পরিচারক আসিয়া সেই কক্ষে একখানা নেওয়ারের খাট আনিয়া একটি অতিরিক্ত শয্যা রচনা করিয়া দিল। উভয়ের বাছিয়া বস্ত্রাদি উন্মোচন করা হইলে বিপিন বাবু নিজে একটি সিগারেট ধরাইয়া হীরালালকে একটি দিয়া বলিলেন, “হীরুদা, এইবার আমায় সব কথা বল দেখি। বাড়ী ছাড়ার পর থেকে কি কি হ’ল, কুবুজা সুন্দরীর কবলে কি রকম ক’রে পড়লে, সব কথা আমায় খুলে বল।”

চিৎপুর রোডেই ট্যাক্সিতে যখন বিপিন বাবু কুজা-সুন্দরীর উল্লেখ

করিয়াছিলেন, তখন হঠাৎই কথাটা হীরালালের বুকে বিঁধিয়া ছিল, বুকের ভিতর যেন খচখচ করিতেছিল। পুনরায় ঐ পরিহাসে হীরালাল একটু চটয়া বলিল, “দেখ রেবতীকে নিয়ে আমায় যদি ‘ও রকম ঠাট্টা’ করবে, তা হ’লে সে সব কোন কথাই আমি তোমার বলবো না। আমি কি প্রথমেই তোমার প্রশ্নের উত্তরে বলিনি যে—”

ঠিক কথাগুলো হীরালালের মুখে যোগাইল না। বিপিন বাবু উহা সম্পূরণ করিয়া বলিলেন, “হ্যাঁ, তুমি বলেছ যে, তুমি এখনও জাহান্নমে যাও নি। কিন্তু সেই পণেই যে পদার্পণ করেছ দাদা! ফেরো—তোমায় ফিরতেই হবে।”

হীরালাল বলিল, “পথে পদার্পণ করেছি না কি?”

“আমার ত আশঙ্কা তাই!”

“কেন বল দেখি?”

“এক জন যুবা পুরুষ, এক জন যুবতী স্ত্রীলোকের মধ্যে এতটা মাথামাথি থাকলে,—আশঙ্কা বিলক্ষণ আছে বৈ কি! বিশেষ সে যুবতী যদি—কি বলবো? স্মেরিণীটা খারাপ কথা—স্বাধীনা হয়।”

“মাথামাথিটা কি দেখলে? আমি বোধ হয়, আজ পর্যন্ত এমনি ক’রে রেবতীকে স্পর্শও করি নি।”—বলিয়া হীরালাল বিপিন বাবুর বাহুমূলে দুইটি আঙ্গুলি স্থাপন করিল।

বিপিন বাবু বলিলেন, “দেহের দ্বারা স্পর্শ কর নি। কিন্তু মনের দ্বারা?”

হীরালাল বলিল, “এ আবার কি হেঁয়ালি? মনের দ্বারা স্পর্শ

আবার কি রকম,—তা ত বুঝলাম না। অত মনস্তত্ত্ব-ফনস্তত্ত্বের জ্ঞান আমার নেই ভাই !”

বিপিন বাবু বলিলেন, “মনস্তত্ত্ব জ্ঞান না থাকলে কেউ কি কখনও বড় অভিনেতা হ’তে পারে? তুমি আছ হীরা, তোমায় সাজতে হবে নগেন্দ্র। সূর্যাসুখী আর কুন্দনন্দিনী এই দোটানায় প’ড়ে নগেন্দ্র-নাথের মনের অবস্থাটি কি রকম হয়েছিল, এটা তুমি সুদক্ষ মনস্তত্ত্ব-বিদের মত যতক্ষণ নখদর্পণে না বুঝতে পারবে, ততক্ষণ কি ক’লে তুমি নগেন্দ্রের ভূমিকা নিখুঁতভাবে অভিনয় করবে?”

হীরালাল হাসিয়া বলিল, “তা হ’লে বড় অভিনেতা হওয়া আমার কপালে নেই দেখছি! রাত কত হ’ল বল দেখি?”

বিপিন বাবু তাঁহার হাতঘড়ি দেখিয়া বলিলেন, “দুটো দশ।”

“আজ ত রাত প্রায় কাবার—আমার ইতিহাস কি আজই শুনবে, না কাল সকালের জন্তে মূলতুবী রাখবে?”

কথাটা বলিবামাত্র হীরালালের স্মরণ হইল যে, রেবতীর নুখের ভাষাই সে অবিকল ব্যবহার করিয়াছে এবং বেশী রাত না জাগা সম্বন্ধে তাহার অনুরোধটি পালন করিবার ইচ্ছাও তাহার মনে দল-বতী। মনে মনে নিজেকে প্রশ্ন করিল, “কি হে, রেবতীর কথাই তোমার গুরুবাক্য না কি? জাহান্নমের পথে সত্যিই পা দিচ্ছে?”

ইতিমধ্যে বিপিন বাবু প্রশ্নের উত্তর দিলেন—“কেন, তোমার কি ঘুম পাচ্ছে না কি? আগার ত এখনও মোটেই ঘুম পারিনি যদি এখন বলতে কষ্ট হয়, তা হ’লে কালই না হয় বোলো।”

জাহান্নমের পথে পা যে দেয় নাই, রেবতীর অনুরোধ স্বকন্ডে

সে যে অবহেলা করিতে পারে, আপনার বিবকের কাছে এই মাফাই গাহিবার হিসাবেই যেন হীরালাল বলিল, “না—যুম আমার পায়নি। তা হ’লে বলি শোন।”

অতঃপর হীরালাল গ্রামের ষ্টেশনে আসিয়া কলিকাতার ট্রেন ধরবার সময় হইতে সমস্ত ঘটনা একে একে বিপিন বাবুর কাছে বর্ণনা করিতে লাগিল।

বর্ণনা শেষ হইলে বিপিন বাবু জিজ্ঞাসা করিলেন, “রেবতী ওখানে গিয়ে পৌঁছল কি ক’রে, তা শুনেছ?”

হীরালাল রেবতীর নিকট যেক্ষপ শুনিয়াছিল, তাহাই বলিল। সতীশ-ঘটত রুত্তান্ত, রেবতীর গৃহে আসিয়া হীরালালের সহিত সহিত তাহার মারামারি, করিম গুণ্ডাকে সতীশের চিঠি লেখা, করিমের রেবতীর গৃহে আগমন প্রভৃতি রুত্তান্তও প্রসঙ্গক্রমে বর্ণনা করিল।

সমস্ত শুনিয়া বিপিন বাবু কিয়ৎক্ষণ নিস্তব্ধ হইয়া রহিলেন। শেষে বলিলেন, “অতিব্যক্তি ক’রে আবু হোসেনের পোষাক যদি না পরতে, তা’ হ’লে এ সব কোনও ল্যাঠাই হ’ত না।”

হীরালাল বলিল, “কেন, রেবতীরা ত আর মুসলমান সেজে হাওড়া ষ্টেশনে নামেন, তবে তাদের ও ল্যাঠা হ’ল কেন?”

বিপিন বাবু বলিলেন, “না, আমি সে কথা ভেবে বলিনি। আবু হোসেন সেজে তুমি যদি না নামতে, তা হ’লে বোধ হয়, রেবতীর সঙ্গে তোমার দেখা হ’ত না।”

“রেবতীর সঙ্গে দেখা হয়ে অগ্নায়টা কি হয়েছে শুনি! ওর

সঙ্গে দেখা না হ'লে, ওর ঐ উপকারটুকু করতে না পেলে আজ কি এই কলকাতা সহরে আমার একশো টাকা মাইনের চাকরীটা জুটতো?—আপিসে আপিসে কেরানীগিরির উমেদারীতে ঘুরে ঘুরে এত দিন জান-হায়রাণ হয়ে যেতাম।”

বিপিন বাবু বলিলেন, “তা বটে। কিন্তু ঐ রেবতীর সঙ্গে মিশে তুমি যদি উচ্ছন্ন যাও দাদা, তা হ'লে সেটা বড়ই দুঃখের বিষয় হবে। এখন ত কলকাতা বেশ ঠাণ্ডা হয়েছে, তবে তুমি এখনও ওখানে প'ড়ে আছ কি জন্তে শুনি? একটা মেসের বাসা-টাসা ঠিক ক'রে নাওনি কেন?”

হীরালাল যে বাসা খুঁজিতে বাহির হইতে চাহিয়াছিল, রেবতীর অনুরোধেই যে তাহা সে করিতে পারে নাই, এ কথাটা হীরালাল বন্ধুর কাছে লুকাইল। বলিল, “এইবার একটা বাসা ঠিক ক'রে না হই হবে।”

“হাঁ দাদা, আমি থাকতে থাকতেই সেটি তোমায় করতে হবে—আমি নিজের চোখে দেখে যেতে চাই।”

হীরালাল হাসিয়া বলিল, “তোমার মনটা বড় সন্দিগ্ধ।”

বিপিন বাবু বলিলেন, “মনটা সন্দিগ্ধ হয় কি সাধে হে? কি জান, ঐ সেই বড়ো চাণক্য পণ্ডিত যা ব'লে গেছে—
বি আর আগুন,—একসঙ্গে থাকলেই বিপদ। আজ ছ' ঘণ্টা রেবতীর বাড়ীতে থেকে দুটো জিনিষ আমি লক্ষ্য করেছি। প্রথম, রেবতী তোমাকে একটি বারও ‘হীরালাল বাবু’ কিংবা ‘হীরা বাবু’ ব'লে কথা কয় নি। সে তোমাকে ‘তুমি’ বলে—

তুমিও তাকে তাই বল। এত ঘনিষ্ঠতাই বা কেন? পরস্পরকে ডাকতে হ'লে তোমরা কি ব'লে ডাক?"

“স্রোতের ফুল” পাতানোর কথাটাও হীরালাল গোপন করিল। বলিল, “ডাকি না। শুনে খুসী হ'লে ত? দ্বিতীয় জিনিষটা কি লক্ষ্য করেছ, বল।”

“আমি তোমায় হোটেলে নিয়ে আসতে চাইলে, তোমার খাওয়া হয়নি ব'লে রেবতী ভারী ব্যস্ত হয়ে উঠলো।—কেন হ্যা—কে তুমি মাসীমার কুটুম তার? তোমার খাওয়া হ'ল না হ'ল, সে জন্তে তার অত মাথাব্যথাই বা কিসের?”

হীরালাল বলিল, “আমি যে তার অতিথি। আমার খাওয়া হ'ল না হ'ল, তা সে দেখবে না?”

বিপিন বাবু স্নেহভরে বলিলেন, “বটে! আমি অতিথি তোমারই দ্বারে—ওগো বিদেশিনী! না হে হীরুদা, এ সব কোনও কাণের কথা নয়, বুঝলে?”

ষড়িতে ঠং ঠং করিয়া তিনটা বাজিয়া গেল।

হীরালাল বলিল, “ওহে, তিনটে বেজে গেল যে।—এবার শোয়া যাক, কি বল?”

হাঁ—শোও। কার মুখখানি ভাবতে ভাবতে ঘুমুবে, সত্যি ক'রে বল দেখি? গেরস্ত ঘরের পাঁচপাঁচি, হলুদের দাগ, খুকীর কাজলের দাগ-ধরা আধ-ময়লা মিলের শাড়ী পরা আমার সেই গরীব পাড়াগেয়ে বউদিদিটার, না সেই ‘প্রভাতসুক্রতারাবৎ’—রোহিণীর বর্ণনায় বঙ্কিম বাবু আর আর কি সব বিশেষণ দিয়েছেন

হে? ভুলেও গেলাম ছাই—আচ্ছা, বানিয়ে বানিয়েই বলা যাক—
রত্নাভরণা, সিন্ধুশাটী ব্লাউজ পরিহিতা, হাব-ভাব-লাশ্বলীলাচতুরা,
ক্লব্-পাউডার-বিমণ্ডিতমুখী, ‘ফ্রান্স-দেশ-জাত-মত্ত-লোভিনী’ রেবতী-
সুন্দরীর?—হ্যাঁ হীরুদা, রেবতী মদ খায়?”

হীরালাল বলিল, “একেই বলে from sublime to the
ridiculous! যে গুরুগম্ভীর ভাষায় বর্ণনা আরম্ভ করেছিলে,
তার পর হঠাৎ ঐ খেলো প্রায়?”

বিপিন বাবু বলিলেন, “নিশ্চয়ই খায়।’ কালও খেয়েছিল,
খাবার টেবিলে আমি তার চোখ দেখেই বুঝতে পেরেছিলাম।
কিন্তু আমার সামনে খায় নি—ঝান্স মেয়েমানুষ! তোমায় খেতে
বলে না?”

হীরালাল হাসিয়া বলিল, “বলে বৈ কি। এমন কি, তুমি
যখন কাল মুখ ধুতে গিয়েছিলে, তোমার এসব চলে কি না,
আমায় জিজ্ঞাসা করেছিল। খায়—তবে সামান্য পরিমাণে। খেতে
বসবার আগে, ক্ষিধে ক’রে নেবার জন্তে ছই এক পেগ
খায় মাত্র।”

“তুমিও ধরেছ না কি—ক্ষিদের ওষুধটি?”

হীরালাল এই খানটায় সম্পূর্ণভাবে খাঁটি ছিল, তাই সগর্বে
উত্তর দিতে পারিল—“রাম কহো!”

বিপিন বাবু বলিলেন, “খুব সাবধান! খুব সাবধান! অমন
কার্যটি যেন কখনও কোরো না। তা হলেই পাঞ্জাব মেলের গতিতে
জাহান্নাম নগরে গিয়ে পৌছবে—রিটার্ন টিকিট পর্যন্ত থাকবে

না।”—ঘড়ির দিকে চাহিয়া বলিলেন, “তিনটে পাঁচ। যাও, শুয়ে পড় গিয়ে।”

হীরালাল তার নির্দিষ্ট শয্যায় গিয়া শয়ন করিল। বপিন বাবুও পাখা কমাইয়া বিছাৎ-বাতি নিবাইয়া শয্যাশ্রয় গ্রহণ করিলেন।

বিংশ পরিচ্ছেদ

দাদা ও ভাই

প্রাতে উভয়ের নিদ্রাভঙ্গ হইতে বেলা ৮টা বাজিয়া গেল। মুখ হাত ধুইয়া আসিয়া চা পান করিতে করিতে বিপিন বাবু জিজ্ঞাসা করিলেন, “আজ তোমাদের গিয়েটরে কি প্লে আছে হে?”

হীরালাল বলিল, “বিষমঙ্গল আর রাজা বাহাদুর।”

“রেবতী নামবে?”

“চিন্তামণি সাজবে।”

“তোমার কোনও পাট আছে না কি?”

“না আমার কিছু নেই। যাবে না কি বিষমঙ্গল দেখতে?”

“গেলে হয় রেবতীর চিন্তামণি দেখতে। ক’টায় আরম্ভ?”

“বিকেল সাড়ে চারটেয়।”

“বেশ, তাই যাওয়া যাবে। এখন কাষের কথা বলি। আমি আর ২১ দিনের বেশী এখানে থাকতে পারবো না। এরই মধ্যে তোমায় একটা মেসের বাসায় থিতু ক’রে দিয়ে যেতে চাই। কিছু জিনিসপত্তরও তোমায় কিন্তে হবে। একখানা তক্তপোষ চাই, বিছানাপত্র চাই,—যা ছিল, সব ত গুণ্ডাদের সেলামি দিয়ে এসেছ।”

হীরালাল বলিল, “এ সব কিনতে হবে, কিন্তু হাতে টাকা ত বেশী নেই। মাইনে না পেলে—”

“আমি তোমায় কিনে দিয়ে বাব হে। তার পর মাইনে পেলো তুমি আমার টাকা পাঠিয়ে দিও। ঐ অজুহাতে যে মাইনে না পাওয়া পর্যন্ত রেবতীর কুঞ্জে অধিষ্ঠান করবে, সেটি হচ্ছে না দাদা!”

হীরালাল চটিয়া বলিল, “কে আর রেবতীর কুঞ্জে অধিষ্ঠান করবার জন্তে লালায়িত হয়ে রয়েছে?”

“না হলেই ভাল। এখন একটা কাষ কর দেখি। বাড়ীতে একখানা চিঠি লিখে ফেল। আমি ততক্ষণ স্নান ক’রে আসি।”— বলিয়া বিপিন বাবু তাঁহার পেটক হইতে খাম, কাগজ, ফাউন্টেন পেন বাহির করিয়া দিয়া স্নান করিতে গেলেন।

চিঠি লিখিতে বসিয়া হীরালালের প্রথম সমস্যা হইল—উপরে ঠিকানা কি লিখিবে। কেয়ার অব্ শ্রীমতী রেবতী—ছিছি সেটা ত আর লেখা যায় না। কেবলমাত্র বাড়ীর নম্বর ও জয় মিত্রের গলি, কলিকাতা—এইটুকু লিখিল। জয় মিত্রের গলিটারও যে খুব সুনাম আছে তাহা নয়—তবে দেশে তারা পাড়াগায়ের লোক, অত কি জানে?

প্রায় অর্দ্ধঘণ্টাকাল ধরিয়া হীরালাল পত্র লিখিল। গুণ্ডার হস্তে পড়ার কথা লিখিল, কিন্তু রেবতী-উদ্ধারের বিষয় উল্লেখ করিল না। থিয়েটারে চাকরী হওয়ার কথা প্রকাশ করিল কিন্তু কার সহায়তায় ঐ চাকরী জুটিয়াছে, তাহা চাপিয়া গেল। মনে পাপ না থাকিলে আত্মীয়-বন্ধুজনের কাছে লুকোচুরির প্রয়োজন হয় না; কিন্তু হীরালাল মনকে এই বলিয়া বুঝাইল যে, সে

কোনও মন্দ কাণ্ড করিয়াছে বলিয়াই যে এ সকল কথা গোপন করিল, তাহা নহে, রেবতীর কথা শুনিলে অকারণ তাহারা একটা মন্দ আশঙ্কা করিয়া মনে ক্লেশ পাইতে পারে।

বিপিন বাবু যখন স্নান করিয়া ফিলিলেন, তখনও হীরালালের পত্র লেখা সমাপ্ত হয় নাই। বলিলেন, “কি হে, আর দেৱী কত ?”

হীরালাল বলিল, “এই শেষ করছি।”

“হোটেলের বাইরেই লেটারবক্স আছে, চিঠিখানা ফেলে এসে স্নানে যাও।”

“স্নানেই যাচ্ছি। তুমি আগে এ চিঠিখানা প’ড়ে দেখ তার পর ফেলবো।”

“কেন, আমি প’ড়ে কি করবো ?”

“দরকার আছে।”—বলিয়া হীরালাল চিঠি শেষ করিয়া সেখানি খোলা অবস্থায় টেবিলের উপর ফেলিয়া স্নান করিতে গেল।

স্নান সারিয়া আসিয়া হীরালাল বলিল, “পড়লে ?”

“হ্যাঁ।”

“দেখ রেবতীর কোনও কথা চিঠিতে কিন্তু প্রকাশ করিনি।”

“ভালই করেছ।”

“অনর্থক তাঁদের মনে একটা সন্দেহ জন্মাতে পারে।”

“পারেই ত !”

“তুমিও কিন্তু দেশে গিয়ে রেতীর কোনও কথা কাউকে বোলো না ভাই।”

“তা, বলবো না। কিন্তু আমি দেশে ব’সে ব’সে অল্প লোকের মুখে তোমার আর রেবতীর কোনও কেছা যেন না শুনতে পাই। এ রকম কিছু ঘটলে, কথা হাওয়ায় উড়ে আসে, জানই ত!”

“তা শুনতে পাবে না।”

“তা হলেই আমি খুসী। যাও, চিঠিখানা পোষ্ট ক’রে এস।”

হীরালাল কেশসংস্কারকার্য্য সমাধা করিয়া, একটা সিগারেট ধরাইয়া, খাম বন্ধ করিয়া চিঠি ফেলিতে গেল।

গল্প-গুজবে বেলা ১০টা বাজিল। বিপিন বাবু খালিলেন, “ওহে, এবার তা হ’লে বেরিয়ে পড়া যাক্ চল। পথে একটু ঘুরেও যেতে হবে।”

“আর কোথায় যাবে?”

“মার্কেটে।”

“মার্কেটে কেন?”

“চল না, দেখতেই পাবে।”

উভয়ে তখন মাজ-সজ্জা করিয়া, রাস্তায় নামিয়া ট্যাক্সি লইল। মার্কেটে ট্যাক্সি পৌঁছিলে বিপিন বাবু হীরালালকে লইয়া পুষ্প-বীথিকায় প্রবেশ করিলেন। বলিলেন, “রেবতী কি কি ফুল ভালবাসে, তুমি জান হীরুদা?”

হীরু বলিল, “না, আমি কি ক’রে জানবো?”

বিপিন বাবু নিজ পছন্দমত কয়েক টাকার ফুল কিনিয়া লইলেন। গাড়ীতে ফিরিয়া আসিয়া হুকুম দিলেন, “চিৎপুর রোড।

গাড়ী চলিতে আরম্ভ করিলে হীরালাল মুচকি হাসিয়া বলিল,
“বিপিন, এবার আমার পালা, ভায়া !”

“কিসের পালা ?”

হীরালাল বলিল, “বেবতী কে তোমার পিসে মশায়ের কুটুম্বিনী
হা—যে, তার পুজোর জন্তে এত ফুল কিন্লে ?—সাবধান ভায়া ;
বড়লোকের ছেলে কলকাতায় এসে এই রকম করেই বেগভায়া !”

শুনিয়া বিপিন বাবু হা হা করিয়া হাসিতে লাগিলেন ।
বলিলেন, “তুমি দাদা গার্জেন উপস্থিত থাকতে আনি যদি
বিগড়ে যাই ত সে দোষ আমার না তোমার ? আর, তা হ’লে
সুন্দ ও উপসুন্দের যুদ্ধ বাধবে যে !”

এইরূপ হাস্য-পরিহাস করিতে করিতে উভয়ে গিয়া বেবতী-
গৃহে উপস্থিত হইল ।

একবিংশ পরিচ্ছেদ

থিয়েটরে

রেবতীর আলয়ে আহাৰাদি সমারোহেই সম্পন্ন হইল। আহাৰ যখন শেষ হইল, তখন বেলা ১টা বাজিয়াছে। রৌদ্রে কাঠ ফাটিয়া বাইতেছে। সেই স্থানেই মধ্যাহ্ন বিশ্রামের জন্ত রেবতী বিপিন বাবুকে অনুরোধ জানাইয়াছিল, কিন্তু বিপিন বাবু কিছুতেই সম্মত হইলেন না। আজ সন্ধ্যায় থিয়েটরে গিয়া তার চিন্তামণি-অভিনয় দোখবেন, সান্ত্বনা স্বরূপ রেবতীকে এই কথা বলিয়া, হীরালালকে সঙ্গে লইয়া বেলা ২টার মধ্যে তিনি নিজ হোটেলে ফিরিয়া আসিলেন। বাহুল্য বস্ত্রাদি উন্মোচন করিয়া, বিশ্রামার্থ প্রস্তুত হইতে হইতে বলিলেন, “হীৰুদা, আজকের দিনটা ত মাঠেই মাৰা গেল।”

হীৰু বলিল, “কেন?”

“তোমার জন্তে মেস টেস কিছুই খোঁজা হ’ল না।

হীরালাল শ্লেষভরে বলিল, “চল না, এখন বেরিয়ে পড়া বাক্।”

“না দাদা,—এখন আর শরীর বইবে না। তোমার রেবতী-সুন্দরীর টেবিলে বোঝাইটি যা নেওয়া হয়েছে—এখন আর নড়বার শক্তি নেই। এখন একটু ঘুমানো বিশেষ দরকার।”

“ঘুমিয়ে উঠে?”

“যুমিয়ে উঠে হাত মুখ ধুতে কাপড় বদলাতে ত সন্ধ্যা হয়ে আসবে। থিয়েটরে যাব রেবতীকে ব’লে এসেছি। কাল সকালে উঠে চা-টা খেয়েই ছ’ভাইয়ে বেরিয়ে পড়বো—মেস একটা কাল ঠিক ক’রে ফেলতেই হবে ;—কারণ, পশু আমি বাড়ী যেতে চাই।”

বাহিরে তখনও প্রবল রৌদ্র। জানালার খড়খড়িগুলো বন্ধ করিয়া দিয়া, ঘর অন্ধকার করিয়া, পাথায় পূর্ণবেগ চড়াইয়া বিপিন বাবু শয়ন করিলেন। দশ মিনিট মধ্যেই তাঁহার নাক ডাকিতে স্নক করিল। হীরালালও কিয়ৎক্ষণ আপনার অদৃষ্ট চিন্তা করিতে করিতে, ক্রমে ঘুমাইয়া পড়িল।

বিপিন বাবু যাহা বলিয়াছিলেন, তাহাই ঘটিল। উভয়ের যখন নিদ্রাভঙ্গ হইল, তখন দিনদেব অস্ত গিয়াছেন। চা-পানের পর মুখাদি প্রক্ষালন সমাধা করিতে সন্ধ্যার বাতি জ্বলিয়া উঠিল।

ট্রাক হইতে ধৌত বস্ত্রাদি বাহির করিতে করিতে বিপিন বাবু জিজ্ঞাসা করিলেন, “ক’টায় ভাঙ্গবে হে ?”

“এই—সাড়ে বারোটা আন্দাজ।”

বিপিন বাবু হোটেলের ভৃত্যকে ডাকিয়া বলিলেন, “আমরা থিয়েটরে যাচ্ছি ; রাত একটার সময়, আমাদের ছ’জনের খাবার যেন তৈরী থাকে।”

“যে আজ্ঞে”—বলিয়া ভৃত্য প্রস্থান করিল।

শুনিয়া হীরালাল মনে মনে হাসিল। ভাবিল, “থিয়েটরের পর রেবতী পাছে আমায় ছেঁ। মেরে নিয়ে যায়, এই হয়েছে ভায়ার ভয়।”

যথাসময়ে দুই জনে ডায়মণ্ড থিয়েটারে গিয়া উপনীত হইল। বিপিন বাবু একটা বক্স লইয়া, হীরালালের সহিত তথায় গিয়া বসিলেন। তখন “প্যা-পো” পুরা দমে চলিতেছে। বিপিন বাবু বলিলেন, “আচ্ছা, ওরা কি ক’রে জানতে পারে যে, ভিতরে সব প্রস্তুত, এইবার কনসার্ট থামাতে হবে?”

নবলক্ অভিজ্ঞতায় গর্বিত হীরালাল উত্তর করিল, “ওদের সামনে ষ্টেজের গায়ে একটা বিছাৎ বাতি রয়েছে দেখেছ? নিবে রয়েছে, এখন জ্বলছে না।”

“হ্যাঁ দেখছি।”

“সময় হ’লে, ওটা দপ্ ক’রে একবার জ্বলে উঠে’ আবার নিবে যাবে। ঐটি হ’ল সঙ্কেত যে, এবার শেষ কর; ওরা তাড়াতাড়ি শেষ করবে, তখন ড্রপ উঠবে।”

“তাই বুঝি?”—বলিয়া বিপিন বাবু সেই বাতিটার পানে চাহিয়া রহিলেন।

অল্পক্ষণ পরেই উহা দপ্ করিয়া একবার জ্বলিয়া উঠিল। ঐক্যতান বাদকেরাও জলদে সুরু করিল। শীঘ্রই বাদন থামিয়া গেল। প্রেক্ষাগৃহ অন্ধকার হইল, ড্রপ উঠিল; অভিনয় আরম্ভ হইল।

বিপিন বাবু কঠিন কঠিন ভূমিকাগুলির অভিনয় অতি অভি-নিবেশ সহকারে দেখিতে লাগিলেন। নিজ গ্রামে সখের দলের দ্বারা বিশ্বমঙ্গল অভিনয় করানোর আকাঙ্ক্ষা তাঁহার চিত্তে জাগিয়া উঠিল। রেবতীর চিন্তামণি দেখিয়া তিনি বিশেষরূপ মুগ্ধ হইলেন। হীরা-

লালের কাণে কাণে বলিলেন, “এ ত বর্ণ : আর্টিষ্ট হে !” শুনিয়া হীরালাল খুসী হইল।

প্রথম অঙ্ক শেষ হইলে হীরালাল বলিল, “আমি একবার ভিতর থেকে আসি, ভাই।” বলিয়া সে প্রস্থান করিল। বিপিনবাবু মনে মনে বলিলেন, “রেবতীর সঙ্গে দেখা করতে গেল। ছোঁড়াটা মরেছে !” মনটা তাঁহার অপ্রসন্ন হইয়া উঠিল।

দ্বিতীয় অঙ্ক আরম্ভ হইবার পর হীরালাল বক্সে ফিরিয়া আসিল। বিপিন বাবু অমুচ্চস্বরে শ্লেষভরে বলিলেন, “দেখা হ’ল ?”

হীরালাল ত্রাকামির ভাণ করিয়া বলিল, “কার সঙ্গে ?”

“তার সঙ্গে ?”

“রেবতীর কথা বলছ ?”

“আজ্ঞে হ্যাঁ।”

“দেখা হ’ল বৈকি। ব’লে এলাম তাকে।”

“কি ব’লে এলে ?”

“তুমি তার অভিনয় দেখে তাকে বর্ণ আর্টিষ্ট বলেছ।”

“খুসী হ’ল ? কি বল্লে ?”

হীরালাল একটু অপ্রতিভ ভাবে বলিল, “বিশেষ কিছু বল্লে না বটে,—তবে খুসী হয়েছে নিশ্চয়।”

উভয়ে বসিয়া আবার অভিনয় দেখিতে লাগিলেন। আবার চিন্তামণি আসিল, তাহার অভিনয় দেখিয়া দর্শকেরা অত্যন্ত প্রীত হইলেন, প্রেক্ষাগৃহে, বাঃ, কি সুন্দর !—কি চমৎকার ! ইত্যাদি

গুঞ্জন উঠিল এবং কোন্ একটা বস্তু হইতে মস্ত একটা ফুলের তোড়া রেবতীর পায়ের কাছে ষ্টেজের উপর পড়িল।

নিম্ন হইতে অনেকেই পুরস্কারদাতার সন্ধান উপরের দিকে চাহিল। বিপিনবাবু বলিলেন, “কে তোড়া ফেলেছে?”

হীরালাল ইতস্ততঃ নেত্রচালনা করিতে করিতে বলিল, “ওহে, ওদিকের ঐ বস্তুটার দিকেই সবাই তাকাচ্ছে, বোধ হয় ঐ বস্তু থেকেই।”

বিপিনবাবু বলিলেন, “হ্যাঁ। মানুষটিকে, অন্ধকারে দেখা যাচ্ছে না? আলো জ্বললে দেখা যাবে, কে ঐ গুণগ্রাহী ব্যক্তি।”

ক্রমে যখন অন্ধ শেষ হইল, আলো জ্বলিয়া উঠিল, তখন সেই বস্তুর পানে চাহিয়া হীরালাল বলিল, “ঐ করিম গুণ্ডা। আমার বোধ হয়, ওই ফুলের তোড়া ফেলেছিল।”

করিমের পার্শ্বে এক জন এবং পশ্চাতে ফেজ টুপীধারী আর দুই জন মুসলমানও বসিয়া আছে। তবে তাহাদের বেশবাস করিমের মত জমকালো নহে, সাধারণ। বিপিন বাবু কৌতুহলী দৃষ্টিতে করিমের দিকে চাহিয়া বলিলেন, “ওই করিম গুণ্ডা বন্ধি? দিবা সন্ধ্যা লোকের মত সেজে এসেছে ত, যেন একটা নবাব টাব।”

হীরা বলিল, “সব রকম ছদ্মবেশই ওদের থাকে কি না।”

রেবতীর গৃহে তাহার প্রতি করিমের শেষ সম্ভাষণের গল্প বিপিন বাবু হীরালালের মুখে শুনিয়াছিলেন। বলিলেন, “যাও না, তোমার পুরাণো বন্ধু, দেখা ক’রে এস না।”

হীরালাল বলিল, “হ্যাঁ, আমার বৃকে ছোরা বসিয়ে দিক্ আর কি !” •

বিপিন বাবু বলিলেন, “ওসমান মিঞা যোদ্ধা, খুনী ত ন’ন। তোমায় দ্বন্দ্বযুদ্ধে আহ্বান করতে পারেন—বৃকে ছুরি বসাবেন না।”

হীরালাল বলিল, “আমায় বৃকি তুমি জগৎসিংহ ঠাওরালে ?
আঃ—তোমার ঠাট্টার জ্বালায় আমি অস্থির হলাম যে !”

এমন সময় থিয়েটরের একজন বি আসিয়া চুপি চুপি হীরালালকে কি বলিয়া চলিয়া গেল।

হীরালাল উসখুস করিতে লাগিল। ব্যাপারটা অনুমান করিয়া বিপিন বাবু হাসিয়া বলিলেন, “গিল্লীর তলব হয়েছে—যাও।”

হীরালাল বলিল, “হ্যাঁ, কি বিশেষ প্রয়োজন আছে, তোমাকে আমাকে ছ’জনকেই ডেকে পাঠিয়েছে।”

কলিকাতার পাবলিক থিয়েটরের গ্রীণরুমের চেহারাটা বিকল্প, তাহা দেখিবার একটা কোতুহল বিপিন বাবু মনে ছিল। তিনি বলিলেন, “প্রয়োজন তোমাকে, লক্ষ্য তুমিই, আমি উপলক্ষ নাত্র। আচ্ছা, চল তা হ’লে রাস্তা দেখাও।”

হীরালাল, বিপিন বাবুকে সঙ্গে লইয়া, গ্রীণরুমে গিয়া প্রবেশ করিল। সাজ পরা অভিনেতা অভিনেত্রী, কেহ বসিয়া, কেহ দাঁড়াইয়া,—কেহ চা পান করিতেছে, কেহ সিগারেট টানিতেছে। রেবতী একখানা চেয়ারে বসিয়া ছিল, তার মুখে চোখে ভয়ের স্পষ্ট চিহ্ন। ইহাদিগকে দেখিয়া রেবতী উঠিয়া দাঁড়াইয়া বলিল, “একটু ও দিকে চলুন !” বলিয়া সে অগ্রগামিনী হইল। একটু নির্জন

স্থান দেখিয়া সেখানে দাঁড়াইয়া, হীরালালের পানে চাহিয়া চুপি চুপি বলিল, “খানিক আগে একজন আমায় ফুলের তোড়া দিলে দেখেছ ?”

হীরালাল বলিল, “হ্যাঁ, তা দেখেছি বৈ কি !”

“কে সে, তা চিন্তে পেরেছ ?”

“পেরেছি—আমাদের পরম বন্ধু করিম সাহেব ।”

“বন্ধে বসে বসে চাঁদির ফ্যাঙ্ক মুখে দিয়ে দিয়ে মদ গিলছে, তা দেখেছ ?”

“না, তা লক্ষ্য করিনি ।”

“আমি করেছি ! যখন ড্রপ ওঠে, অধিকাংশ আলো নিবে গিয়ে অন্ধকার মত হয়, তখন খায় । চাঁদির ফ্যাঙ্ক চক্চক্ ক’রে ওঠে । আমি তাঃ বার ওকে খেতে দেখেছি ।—ওর সঙ্গে বন্ধে যাবা আছে, তারা ওরই দলের লোক নিশ্চয়ই—তারাও গুণ্ডা । কি হবে ? আমার যে বড় ভয় করছে !”

হীরালাল বলিল, “কেন, তোমার ভয় কি ? থিয়েটার থেকে যখন বেরুবে, তোমায় ধ’রে নিয়ে যেতে পারে, এই ভয় হচ্ছে ?”

রেবতী বলিল, “এমন প্রকাণ্ড স্থানে এত লোকের মাঝে তাও যদি সাহস না করে, আমার বাড়ী যে ও চেনে গো ! আর, এও সে জানে যে, আমার বাড়ীতে এক খোঁটা দারোয়ান ভিন্ন দ্বিতীয় পুরুষমানুষ কেউ নেই । ও যদি রাত হুঁটোর সময় ঐ সব দলবল নিয়ে আনার বাড়ীতে গিয়ে হানা দেয়, তা হ’লে আমি কি করবো ? কে আমায় রক্ষা করবে ?”—বলিতে বলিতে রেবতী প্রায় কাঁদিয়া ফেলিল ।

রেবতীর এই ভাব দেখিয়া বিপিন বাবুর মনে কষ্ট হইল। সত্যই বিপদের সম্ভাবনা থাকুক আর না থাকুক, এ রমণী নিজেকে বিপন্ন মনে করিতেছে। বিপন্ন রমণীকে রক্ষা করাই ত পুরুষের কর্তব্য। তিনি বলিলেন, “আচ্ছা, আপনার যদি এত ভয়ই থাকে, আমরা দুজনে আপনার সঙ্গে আপনার বাড়ীতে গিয়ে আপনাকে পাহারা দেবো এখন। তা হ’লে ত নিশ্চিন্ত হবেন? যদিও আপনি যা আশঙ্কা করেছেন, আমি তা সম্ভব ব’লে মনে করিনে। হাজার হোক এ কলকাতা সহর—ইংরেজের রাজ্য।”

রেবতী বলিল, “পনেরো দিন আগে কি ইংরেজের রাজ্য ছিল না, তবে অত সব কাণ্ড হ’ল কেন?”

বিপিন বাবু এ কথার উত্তর দিতে পারিলেন না। রেবতী বলিল, “আমাকে বাড়ী পৌছে দিয়ে আপনারা চ’লে যেতে পাবেন না কিন্তু—কখন তারা এসে আমার দরজা ভাঙবে, তা কি ঠিক আছে? সারা রাত সেখানে থেকে আমাকে আগলাতে হবে। নইলে আমি আপনাদের পিছু পিছু আপনাদেরই ট্যান্ডিতে আপনাদের হোটেল গিয়ে উঠবো, তা ব’লে রাখছি।”

বিপিন বাবু হাসিয়া বলিলেন, “আচ্ছা, সারা রাত থেকেই আমরা আপনাকে আগলাব—তার জন্তে আর কি?”

ড্রপ উঠিবার সময় নিকটবর্তী হইল। রেবতী বলিল, “শেষ হলেই, আপনারা এক জন এখানে আমার কাছে আসবেন, এক জন করিমের গতিবিধি লক্ষ্য করবেন। (হীরালালের প্রতি)—ওগো, তোমাকে যে করিম আবার চেনে ছাই! তুমিই ভিতরে এস,

বিপিন বাবু দয়া ক’রে করিমের দিকে নজর রাখবেন। তার পর তিনি এসে আমাদের যেমন খবর দেবেন, আমরা সেই রকম করবো।”—বলিয়া রেবতী গমনোন্তত হইল।

“আচ্ছা তাই হবে,—আপনি নিশ্চিন্ত হোন।”—বলিয়া বিপিন বাবু ভীরালাল সহু বক্সে ফিরিয়া আসিলেন।

দ্বাবিংশ পরিচ্ছেদ

আদর্শ প্রেমিক

ড্রপ উঠিল, প্রেক্ষাগৃহ তরল অন্ধকারে নিমজ্জিত হইল। বিপিন বাবু করিমের বক্সের পানে নজর রাখিলেন। কিয়ৎক্ষণ পরেই দেখিলেন রেবতী যাহা বলিয়াছিল, তাহাই সত্য—সেই বক্সের ভিতর চাঁদির পালিস চক্চক্ করিয়া উঠিল। বিপিন বাবু হীরালালকেও উহা দেখাইলেন। হীরালাল রেবতীর কথাবার্তা শুনিয়া একটু চিন্তিত হইয়া পড়িয়াছিল—ইহা দেখিয়া তাহার ভয় বাড়িল বৈ কমিল না।

অভিনয় চলিতে লাগিল। বিপিন বাবুর মন চঞ্চল—হীরালালের তদ্বধিক। অভিনয় উপভোগ করা আর কাহারও ভাগ্যে হইল না। রেবতী আবার ষ্টেজে আসিল, অ্যাঙ্ক করিল, কিন্তু পূর্বের মত আর জমিল না।

চতুর্থ অঙ্ক শেষ হইল। আবার বিা আসিয়া হীরালালকে ভিতরে ডাকিল।

পাঁচ মিনিট পরে হীরালাল ফিরিয়া আসিয়া, বক্সের দ্বারে দাঁড়াইয়া বলিল, “বিপিন, একবার বাইরে এস।”

“কি খবর?” বলিয়া বিপিন বাবু বাহির হইলেন। বারান্দায় লইয়া গিয়া হীরালাল তাঁহার হাতে এক টুকরা কাগজ দিয়া বলিল, “পড়।”

বিপিন বাবু, অশিক্ষিত হস্তেব এই ক্ষুদ্র লিপি পাঠ করিলেন,—
“প্রানেশ্বর,

দয়া কি হইবা না। বড় ভুখ। ছকুম পাইলা আশী। ঝির
মুখে উত্তর দিবা।”

হীরালাল বলিল, “এ চিঠি নিয়ে থানায় গেলে হয় না?”

বিপিন বাবু বলিলেন, “তাতে ফল কি হবে? কোনও দর্শক
যদি থিয়েটারের কোনও নটাকে দেখে, তার প্রেম-ভিক্ষাই ক’রে
থাকে,—তা হ’লে পুলিশ তার কি করবে? ঝির মারফতে
থিয়েটারের নটাদের কাছে এ রকম প্রস্তাব পাঠানো ত নতুন ঘটনা
নয়! রেবতী কি উত্তর পাঠিয়েছে?”

“উত্তর পাঠিয়েছে—তা হবে না। কিন্তু একে ছদ্মস্ত গুণ্ডা,—
তার উপর ক্রমাগত মদ খাচ্ছে—কি কাণ্ড যে করবে পাঁজিটা, তাই
বা কে জানে? রেবতী ভারি ভয় পেয়েছে।”

বিপিন বাবু বলিলেন, “ভয় পাবারই ত কথা। আচ্ছা, এই
বেলা ওকে বাড়ী নিয়ে গেলে হয় না?”

হীরালাল বলিল, “শেষ পর্য্যন্ত যে ওর পাট রয়েছে—সেই উজ্জ্বল
দৃশ্য পর্য্যন্ত।”

“আচ্ছা, তা হ’লে রেবতীর যা পরামর্শ, তাই করা যাবে। শেষ
হলেই তুমি ভিতরে গিয়ে ওর কাছে থেক, আমি করিমের গতিবিধি
লক্ষ্য করবো।”

অর্দ্ধঘণ্টা পরে অভিনয় শেষ হইল। উজ্জ্বল দৃশ্য আরম্ভ হইবার
পূর্বেই লোক ভাঙ্গিতে আরম্ভ করিল। জেনানা সিঁড়িতে—“ও—

কুড়ি নম্বর নারায়ণ বিচ্ছেদের গলি।” — “ও সিমলের যোগেশ বাবুর বাড়ী” ইত্যাদি কাংশকণ্ঠি ঝিয়ের চীৎকার আরম্ভ হইল।

উজ্জ্বল দৃশ্যের পর ড্রপ পড়িল, আলো সমস্ত জ্বলিয়া উঠিল। বিপিন ও হীরালাল উভয়ে দেখিল, করিমের বস্ত্র শূন্য — কখন তাহারা প্রস্থান করিয়াছে।

বিপিন বাবু বলিলেন, “গেল কোথা?”

হীরালাল বলিল, “কি জানি! থিয়েটারের বাইরে দাঁড়িয়ে বোধ হয় অপেক্ষা করছে।”

“আচ্ছা ভূমি ভিতরে যাও — আমি বাইরে গিয়ে দেখি। আমি এসে খবর দেবো।” — বলিয়া বিপিন বাবু সিঁড়ির দিকে অগ্রসর হইলেন।

বিপিন বাবু বাহিরে আসিয়া করিম বা তাহার দলস্থ কাহাকেও কোথাও দেখিতে পাইলেন না। প্রায় পাঁচ মিনিট কাল এদিক্ ওদিক্ ঘুরিলেন। কাছাকাছি ছই তিনটা গলির ভিতর পর্য্যন্ত প্রবেশ করিলেন, তাহারা কোথাও নাই।

দর্শকগণ অধিকাংশই তখন প্রস্থান করিয়াছে। থিয়েটারের আলো সকল নিবিতে আরম্ভ হইয়াছে। বিপিন বাবু ধীরে ধীরে ষ্টেজ ডোর দিয়া ভিতরে গিয়া দেখিলেন, হীরালাল ম্লান মুখে দাঁড়াইয়া আছে। বিপিন বাবু জিজ্ঞাসা করিলেন, “রেবতী কৈ?”

হীরালাল বলিল, “সাজ পোষাক খুলছে। ওদিকের খবর কি?”

বিপিন বাবু বলিলেন, “তাদের কেউ কোথাও নেই।”

হীরালাল বলিল, “নেই ত? যাক বাঁচা গেল।”

“আপাততঃ বাঁচা গেল। কিন্তু যদি তারা আগে ভাগেই রেবতীর বাড়ী গিয়ে হাজির হয়ে থাকে?”

“হ্যাঁ তা বটে। মুন্সিল! কি করা যায়?”

“সে আমি মনে মনে একটা মৎসব ঠিক করেছি। রেবতী আসুক, তার পর বলবো।”

প্রায় পাঁচ মিনিট পরে রেবতী আসিল। সকল কথা শুনিয়া বলিল, “বিপিন বাবুর যা আশঙ্কা, আমারও কিন্তু তাই মনে হয়। প্রথম বার করিম যখন আমার বাড়ীতে গিয়েছিল ওস্তাদজী সেজে— আমি ত বাড়ী গিয়ে দেখলাম, পোড়ারমুখো আমার ড্রয়িং রুমে ব’সে আছে!”

হীরালাল বিপিন বাবুর পানে চাহিয়া বলিল, “তা হ’লে, এখন উপায়?”

বিপিন বাবু বলিলেন, “আচ্ছা, এ অঞ্চলে এমন কোনও বাঙ্গালী ‘হোটেল’ অর্থাৎ খাবার জায়গা আছে—যা এত রাত্রে খোলা পাওয়া যাবে?”

রেবতী বলিল, “হ্যাঁ আছে। চিৎপুর রোডে সোণাগাছির আলেন হোটেল আছে—অনেক রাত অবধি খোলা থাকে।”

বিপিন বাবু বলিলেন, “আচ্ছা, তবে চলুন আমরা তিন জনে প্রথমে সেখানে যাই। আপনাদের সেখানে রেখে, আমি আপনার বাড়ী গিয়ে দেখে আসবো সেখানকার অবস্থা কি। তার পর যেমন ব্যবস্থা হয় করা যাবে।”

রেবতী বলিল, “এ খুব ভাল পরামর্শ। চলুন তবে।”

বাহির হইয়া তিন জনে ট্যাক্সি লইল। রেবতী হুকুম দিল—
“চিৎপুর রোড—অ্যালেন হোটেল।”

ট্যাক্সি যখন ষ্টাট দিয়াছে, থিয়েটারের বি ছুটিয়া আশিয়া বলিল,
“দিদিমণি, চিঠি।”

রেবতী চিঠি লইয়া বলিল, “কে দিয়েছে?”

বি বলিল, “আবার কে? সেই পোড়ারমুখো নবাব মিসে।”

ট্যাক্সিকে “সবুর” করিতে বলিয়া, তিনজনে একসঙ্গে চিঠিখানি
পড়িল। তাহাতে মাতালের তেড়া-বঁকা হস্তাক্ষরে লেখা আছে—

“বড় ভুখ লেগিয়াছিল। তোমার হাঁতের দুখান পুরী তেরকারী
আবার খেইতে বড় ইসছা হোইয়াছিল। কিন্তু আমার তগ্দির
খাবার তোমার মেহেরবানী হোইল না। আল্লা কসম কইছি, কোন
খাবার মতলব আমার ছিল না। এখন চোলিলাম কসুর মাফ
করিবা।”

আদেশ মত ট্যাক্সি ছাড়িল। বিপিন বাবু বলিলেন, “চলিলাম’
ত! কোথা ‘চলিলাম’? গেঁড়াতলা না জয় মিত্রের
গলি?”

হীরালাল বলিল, “গেঁড়াতলাই বোধ হয়। নইলে ‘ওদকম
দুঃখিতভাবে চিঠি লিখতো না। কি বল রেবতী, তবে কি
বাড়ীই যাবে?”

রেবতী বলিল, “না: ওকে বিশ্বাস নেই! আদর্শ প্রেমিক সেজে
আমায় ধাপ্পা দিয়ে, হয় ত আমার বাড়ীতে ঢুকেই বসে’ আছে।
আগে হোটেলেরেই যাই। সেখানে আমরা থাওয়া দাওয়া করিগে চল।

ঘণ্টা খানেক পরে, বিপিন বাবু আমার বাড়ী দেখে আসবেন ।
তার পর যা হয় করা যাবে ।”

“বেশ । তাই চল ।

কয়েক মিনিট পরেই ট্যাক্সি চিৎপুর রোডের অ্যালেন হোটেলে
গিয়া পৌঁছিল ।

ত্রয়োবিংশ পরিচ্ছেদ

অনুজল-তত্ত্ব

অ্যালেন হোটেলে পৌঁছিয়া, রেবতী ও হীরালালকে রাখিয়া, বিপিন বাবু রেবতীর গৃহ পরিদর্শনার্থ যাইতে চাহিলে, রেবতী বলিল, “বসুন না ;—কিছু খাওয়া দাওয়া করা যাক আসুন, তার পর বাড়ী দেখতে গেলেই হবে।”

হীরালাল বলিল, “হ্যাঁ, একটু দেরী ক’রে যাওয়াই ত ভাল। করিম এখনও সেখানে নাও পৌঁছে থাকতে পারে। এখন তুমি দেখে আসবে যে লাইন ক্লিয়ার—তার পর রেবতীকে আমরা যখন রাখতে যাব, তখন হয় ত দেখবো মাতাল করিম সশস্ত্রে হাজির।”

এ যুক্তির সারবত্তা বিপিন বাবু স্বীকার করিলেন। রেবতী খিদমৎগারকে ডাকিয়া জিজ্ঞাসা করিল, “বয়, ক্যা ক্যা চীজ তৈয়ারী হয়?”

ভোজ্যবস্তু যাহা যাহা প্রস্তুত ছিল, বয় তাহা নিবেদন করিল। রেবতী বিপিন বাবুর পানে চাহিয়া জিজ্ঞাসা করিল, “আপনার জন্তে কি আনতে বলবো?”

বিপিন বাবু, “যা হয়। আপনারা যা খাবেন, আমারও তাই ব’লে দিন।”

রেবতী আদেশ করিল, “দেখো, পহলে তিন প্লেট ফাউল কাট-লেট লাও। আউর রোট মাখখন। পিছে কারি পোলাও দেনা।”

“বহুং থু হুজুর” বলিয়া বয় প্রস্থান করিল।

তখন রেবতী বিপিন বাবুকে জিজ্ঞাসা করিল, “আমার চিন্তামণি কেমন হ’ল?”

বিপিন বাবু হাসিয়া বলিলেন, “আমার অভিমত ত আমি আগেই হীৰুকে বলেছি। ভান্না গিয়ে আপনাকে বলেও এসেছে বলে।”

রেবতী বলিল, “হ্যাঁ হ্যাঁ—আপনি আমায় বর্ণ আর্টিষ্ট বলেছেন। উনি আমায় বলেছিলেন বটে—কিন্তু সে সময় বস্কে করিক গুণ্ডাকে দেখে আমার আত্ম-পুরুষ খাবি ঝাচ্ছিল—তাই কথাটা ভুলে গিয়েছিলাম। আমাকে আপনি বর্ণ আর্টিষ্ট বলেছেন, আমায় স্নেহ করেন বলেই আপনার তাই মনে হয়েছে। চিন্তামণির পাট বিশেষ শক্তও নয়—ও পাট ভাল অভিনয় করায় বিশেষ কিছু বাহাহুরী নেই।”

বিপিন বাবু বলিলেন, “অভিনয় আপনার নিখুঁৎ হয়েছে। কি বল হীৰু?”

হীরালাল বলিল, “আমার মতের মূল্যই বা কি? তোমরা হ’লে সমজদার লোক—আজকাল যাকে রসবেত্তা বলে।”

বিপিন বাবু বলিলেন, “তুমিই কি রসের কম বেত্তা?”—বলিয়া বিপিন বাবু হীরালালের দিকে ক্রুর দৃষ্টি হানিয়া হাসিতে লাগিলেন।

তার পর করিম গুণ্ডা সম্বন্ধে আলোচনা হইতে লাগিল। বিপিন বাবু বলিলেন, “করিমের ঐ শেষ চিঠি পড়ে মনে হয় না যে, সে আপনার বাড়ীতে গিয়ে উপদ্রব করবে। ঝিয়ের মুখে আপনার

জবাব পেয়ে মনের দুঃখে সে নিশ্চয় বাড়ীই চলে গেছে। তবু, খানিকক্ষণ পরে, আমি অবশ্য আপনার বাড়ীতে গিয়ে সমস্ত দেখে শুনে আসবো—তারপর আপনাকে এসে নিয়ে যাব।”

এই সময় খিদমৎগার খাবার আনিল। তিন জনেই ক্ষুধার্ত। ছল, খাবারগুলির সদ্যাবহার হইতে লাগিল।

আহার যখন শেষ হইল, রাত্রি তখন প্রায় ১২টা। বিপিন বাবু বলিলেন, “আচ্ছা, এবার তা হ’লে আমি দেখে আসি।”

জয় মিত্রের ষ্ট্রীট এই হোটেলের অন্ন দূরেই। বিপিন বাবু পদত্বজেই তথায় গিয়া উপস্থিত হইলেন। রেবতীর দ্বারের কড়া নাড়িতেই হরি সিং ভিতর হইতে জিজ্ঞাসা করিল, “কোন হায়?”

“হরি সিং—আমি—বিপিন বাবু। দরজা খোল।”

হরি সিং নীরব। দরজাও খুলিল না।

বিপিন বাবু আবার কড়া নাড়িয়া বলিলেন, “কাঁহাজী? ফির নিদ গিয়া? দরোয়াজা খোলো।”

হরি সিং ভিতর হইতে বলিল, “আভি তো বাড়ীমে কোই নেহি হায়, বাবু! মাইজী আভি থেটরসে লগুটা নেহি।”

বিপিন বাবু বুঝিলেন, লোকটা তাঁহাকে সন্দেহের দৃষ্টিতে দেখিতেছে। বলিলেন, “তা আমি জানি হরি সিং। আমি তোমার মাইজীর কাছ থেকেই আসছি। একটা বিশেষ দরকারে এসেছি। বাড়ীর মধ্যে আমি যাব না—তুমি দরজাটা খুলে আমার কথা শোন।”

হরি সিং সাবধানে দ্বার একটু ফাঁক করিয়া উঁকি দিয়া

দেখিল। বিপিন বাবুকে চিনিয়া বলিল, “ওঃ আপনি ? কি দরকার বাবু ?”

বিপিন বাবু বলিলেন, “এক ঘণ্টা কি ছ’ ঘণ্টার মধ্যে কোনও লোক কি এখানে এসেছিল ?”

“না বাবু, কেউ ত আসে নি।”

“কোনও মুসলমান ? কিছু দিন আগে যে ওস্তাদজী এসে তোমার মাইজীকে একটা এস্রাজ দিয়ে গিয়েছিল—আসে নি ত ?”

“না বাবু, হিন্দু মুসলমান কেউ-ই আসে নি।”

“আচ্ছা, আমি এখন চললাম। তোমার মাইজী কিংবা হীরা বাবু ছাড়া, আর যদি কেউ ডাকে কি দরজা খুলে দিতে বলে, তা হ’লে খবদার যেন দরজা খুলে না। আমি তোমার মাইজীকে আর হীরা বাবুকে আনতে চললাম।”

“আচ্ছা বাবু।”—বলিয়া হরি সিং দ্বার বন্ধ করিয়া দিল।

বিপিন বাবু অ্যালেন হোটেলে ফিরিয়া গিয়া রেবতী ও হীরালালকে সকল কথা জানাইলেন এবং বয়কে ডাকিয়া বিল আনিতে বলিলেন। বয় বলিল, “রুপীয়া তো মিল গিয়া বাবু।”

বিপিন বাবু রেবতীকে বলিলেন, “আপনিই বিলের টাকা দিলেন বুঝি ? অশ্রায় করেছেন।”

রেবতী হাসিয়া বলিল, “না না, অশ্রায় করি নি,—আপনারা দু’জনে ত আজ আমারই অতিথি। এখন চলুন, বাড়ী যাওয়া যাক।”

অতঃপর তিন জনে হোটেল হইতে নামিয়া, ধীরে ধীরে

পদব্রজে জয়মিত্রের গলির দিকে চলিলেন। দ্বারে পৌঁছিয়া রেবতী ডাকিতে ও কড়া নাড়িতে হরি সিং দ্বার খুলিয়া দিল।

বিপিন বাবু বলিলেন, “আর ত আপনার কোনও ভয় নেই।—আপনি স্বচ্ছন্দে ঘরে গিয়ে দোরে খিল দিয়ে শুন্ গে। আমরা ছ’জন তা হ’লে এখান থেকেই বিদায় হই।”

রেবতী বলিল, “তা, আপনাদের এত রাত্রে আর কি ওজুহাতে আটকাই বধুন! অনেক কষ্ট দিলাম আপনাকে, অবলা রমণীর অপরাধ নেবেন না।—আচ্ছা—তা হ’লে আজ আসুন—নমস্কার।”

“নমস্কার”—বলিয়া বিপিন বাবু হীরালালকে কইয়া, চিৎপুর রোডে আসিয়া, ট্যাক্সি ধরিয়া হোটেলে ফিরিয়া গেলেন। নিজ কক্ষে প্রবেশ করিয়া দেখিলেন, টেবিলের উপর ছই জনের খাবার ঢাকা রহিয়াছে।

হীরালাল বলিল, “ওহে, দেখ্—যেখানে যে দিন যার অন্ন-জল মাপানো থাকে, সেখানে ভিন্ন আর তার গতি নেই—এ কথাটা খুব সত্যি। রেবতী তার বাড়ীতে আমাদের ছ’জনেরই খাবার বন্দোবস্ত ক’রে রেখেছিল। এ কথা সে আমায় বলেছে। পাছে সেখানে আমাদের খেতে হয়, এই ভয়ে এখানে তুমি খাবার অর্ডার দিয়ে গেলে। রেবতীর বাড়ীর খাবারও প’ড়ে রইল, এ খাবারও প’ড়ে রইল,—যেখানে মাপানো ছিল, সেখানেই খেয়ে এলাম আমরা।”

বিপিন বাবু বলিলেন, “ঠিক কথা। কাল ছুপুরে তোমার অন্ন এই হোটেলে, রাত্রে তোমার নতুন মেসের বাসায় বিধি মাপিয়েছেন

এটা তুমি স্থির জেনো। এস, এখন শোয়া যাক। কাল একটু সকালে সকালে উঠতে হবে—চাটা খেয়েই মেসের বাসা পূজিতে বেরতে হবে।”—বলিয়া তিনি শয়নের আয়োজন করিতে লাগিলেন।

চতুর্বিংশ পরিচ্ছেদ

মনীষ-সঙ্গমে

পরদিন প্রভাতে উঠিয়া জলযোগ ও চা-পানের পর বিপিন বাবু বলিলেন, “চল হীরুদা, এইবার বেরিয়ে পড়া যাক।”

হীরালাল দেখিল বিপিন বাবু ‘মরিয়া’ হইয়াছেন। অসহায়ভাবে বলিল, “চল।”

পথে বাহির হইয়া পদব্রজে কিয়ৎ দূর আসিয়া বিপিন বাবু জিজ্ঞাসা করিলেন, “আচ্ছা, কোন্ অঞ্চলে বাসা হ’লে তোমার সুবিধা হয় বল দেখি?”

হীরালাল বলিল, “হেদো থেকে আরম্ভ ক’রে শ্রামবাজার পর্য্যন্ত—অর্থাৎ আমার চাকরী স্থান থেকে বেশী দূর না হয়—এই আর কি।”

“আচ্ছা, তবে ট্যান্সি নিয়ে প্রথমে শ্রামবাজার অঞ্চলে গিয়ে খোঁজা যাক চল। তার পর খুঁজতে খুঁজতে হেদো পর্য্যন্ত আসা যাবে। কি বল?”

হীরু বলিল, “বেশ ত।”

“এই ট্যান্সি!”—বলিয়া বিপিন বাবু ট্যান্সি ধরিলেন। উভয়ে তাহাতে আরোহণ করিয়া শ্রামবাজার ট্রাম ডিপোর কাছে গিয়া নামিলেন। শ্রামবাজার ষ্ট্রীট দিয়া, মেস খুঁজিতে খুঁজিতে ক্রমে দুই জনে পশ্চিম মুখে চলিলেন।

এই রূপে খুঁজিতে খুঁজিতে ক্রমে দুইজনে কঞ্চুলিয়া টোলার

কাছাকাছি গিয়া পৌঁছিলেন। এতক্ষণে সেখানে এক দ্বিতলের বারান্দা হইতে এক তরুা লম্বিত দেখিলেন, তাহাতে লেখা আছে—“WANTED MEMBERS”—উভয়ে ভিতরে প্রবেশ করিয়া, মেসের ম্যানেজার বাবুর সহিত সাক্ষাৎ করিয়া, কোন্ কোন্ সীট খালি আছে, জানিতে চাহিলেন। ছইটি সীট ম্যানেজার বাবু দেখাইলেন, উভয় সীটই একবারে “অখাচ্চ।”—“না মশাই, এ সীট চলবে না।”—বলিয়া বিপিন বাবু তথা হইতে বাহির হইলেন।

কিয়দূর আসিয়া, উভয়ে দেখিলেন, ডাহিন দিকে “আংলো ভাৰ্ণাকুলার স্কুল” গৃহ। রাস্তার ধারের একটি কক্ষে খোলা জানালায় দেখিতে পাওয়া গেল, দীৰ্ঘ পক্কেশ একজন বৃদ্ধ, মেঝের ফরাস বিছানার উপর বসিয়া কি সব কাগজপত্র দেখিতেছেন। হীরালাল দাঁড়াইয়া সেইদিকে বিপিন বাবুর দৃষ্টি আকর্ষণ করিয়া চুপি চুপি বলিল, “ওহে, উনি কে জান?”

বিপিন বাবু সে দিকে নিয়ীক্ষণ করিয়া বলিলেন, “অনুত বোস না?”

হীরালাল পূৰ্ব্ববৎ নিম্নস্বরে বলিল, “হ্যা—আমরা থিয়েটারের লোকেরা ঔঁকে ভুঁনি বাবু বলি।”

“তোমার সঙ্গে আলাপ হয়েছে ঔঁর?”

“রাম বল!—আমি হলাম আদার ব্যাপারী—জাহাজের ধারে যেতে পারি কখনও?”

বিপিন বাবু বলিলেন, “আচ্ছা, গিয়ে আলাপ করলে হয় না?”

“তুমি যদি যাও, আমি তোমার ল্যাংবোট হ’য়ে যেতে পারি।
কিছু মনে করবেন না ত ?”

“কেন মনে করবেন ? কোনও অপরিচিত ভদ্রলোক আলাপ
পরিচয় করতে এলে কি কোনও ভদ্রলোক চটে ? চল চল।”—
বলিয়া বিপিন বাবু হীরালালেকে প্রায় হাত ধরিয়া টানিয়া লইয়া
গিয়া সেই কক্ষে উপস্থিত হইলেন।

প্রতিভাশালী নাট্যকার ও ক্ষণজন্মা অভিনেতা মহাশয় চক্ষু
হইতে চশমা খুলিয়া আগন্তুকদ্বয়ের প্রতি চাহিয়া বলিলেন, “কোথা
থেকে আসছেন আপনারা ?”

বিপিন বাবু সবিনয়ে নিজ পরিচয় প্রদান করিলেন। শেষে
বলিলেন, “আমরা দু’জনেই, নাট্যকলার কিছু কিছু চর্চা ক’রে
থাকি—আপনার অনেক বই, আমাদের কণ্ঠস্থ বল্লেই হয়। এই
দিক্ দিয়ে যাচ্ছিলাম, আপনাকে দেখে আপনার সঙ্গে একটু
আলাপ ক’রে যাবার লোভ কিছুতেই সম্বরণ করতে পারলাম না।”

“বটে ! বটে !—আসুন—আসুন—বসুন। কি সৌভাগ্য
আমার !”—নটচূড়ামণি মহা সমাদরে অভ্যর্থনা করিয়া ইহাদিগকে
বসাইলেন। কাগজপত্র যাহা তিনি দেখিতেছিলেন, একপার্শ্বে
সরাইয়া রাখিয়া ইহাদের সহিত সদালাপে নিমগ্ন হইলেন। তাঁহার
সরল অমায়িকতা, সরস বাক্যবিভ্রাস—সর্বোপরি প্রতিভায় সমুজ্জ্বল
তাঁহার বৃহৎ চক্ষুদ্বয়—বিপিন বাবুকে মোহিত করিয়া ফেলিল।
তিনি দেখিলেন, শুধু নাটক বা থিয়েটারের বিষয়ের নহে—নানা
বিষয়ে যে সকল মন্তব্য তিনি প্রকাশ করিতেছেন, তাহা যেমন

সারগর্ভ ও স্ফুটন্তিত, তেমনই বিগুহ রসিকতায় ওজ্রপ্রোত ।
 দেখিতে দেখিতে ছই বণ্টাকাল কোথা দিয়া যে চলিয়া গেল,
 তাহার হৃদিশ পাওয়া গেল না । বিপিন বাবু তাঁহার গ্রামস্থ
 থিয়েটার দলের কথা বলিলেন ;—শীঘ্রই তথায় বিলম্বঙ্গল ও তরুবালা
 অভিনয় করার বাসনা কথাপ্রসঙ্গে প্রকাশ করিয়াছিলেন । সাড়ে
 এগারোটা বাজিয়া গিয়াছে দেখিয়া, উঠিবার আয়োজন করিয়া
 বিপিন বাবু বলিলেন, “আপনার অনেকখানি সময় আমরা নষ্ট
 ক’রে দিলাম । যদি অনুমতি করেন ত এখন উঠি । আর
 একটা নিবেদন, আপনার যদি সময় থাকে, আমাদের ড্রেস
 রিহার্শালের দিন যদি দয়া ক’রে আমাদের গ্রামে আসেন, একটু
 দেখিয়ে শুনিয়ে দেন, তা হ’লে বড়ই উপকৃত হব ।”

অমৃত বাবু উঠিয়া দাঁড়াইয়া বলিলেন, “কেন যাব না ? অবশ্যই
 যাব । দিনকতক আগে থাকতে আমায় খবর দিও । এ ত
 আনন্দের কথা ।”

বিপিন বাবু বলিলেন, “আগে থাকতে খবর দেবো বৈকি !—
 আর, সেই সময়, আমি এসে আপনাকে সঙ্গে ক’রে নিজে
 যাব ।”

অমৃত বাবুর নিকট বিদায় লইয়া রাস্তায় বাহির হইয়া বিপিন
 বাবু বলিলেন; “ওহে হীৰুদা, সাড়ে ১১টা যে বেজে গেছে । তোমার
 মেসের ত কোন ব্যবস্থাই হ’ল না !”

হীরালাল, “ওবেলা তখন আবার বেকনো যাবে—এখন হোটেল
 ফেরা যাক চল ক্ষিদেয় প্রাণ গেল ।”

বিপিন বাবু বলিলেন, “হ্যাঁ, তাই চল। আমরা কোন্ দিকে যাচ্ছি বল দেখি ?”

হীরালাল বলিল, “আর খানিক এগিয়ে গেলেই ত শ্রামবাজার ষ্ট্রাট শেষ—চিৎপুর রোডে পড়া যাবে।”

“সঃ—তাই নাকি”—বলিয়া বিপিন বাবু অগ্রসর হইতে লাগিলেন। কিয়ৎদূর গিয়া বলিলেন, “হ্যাঁ হে, আজ থিয়েটারে কোনও রিহার্সাল টিহার্সাল আছে নাকি ?”

“আছে ত ! তিনটের পর আমাদের যেতে হবে।”

“রেবতীকে যেতে হবে ?”

“হবে বৈ কি !”

“ক’টা অবধি রিহার্সেল ?”

“এই বড় জোর রাত ন’টা। কেন বল দেখি খুঁটিয়ে এত খবর নিচ্ছ ?”

বিপিন বাবু ক্ষণকাল নীরবে পথ চলিয়া বলিলেন, “দেখ, কাল থেকে একটা কথা আমার মনে হচ্ছে—তোমায় বলি, তুমি কি পরামর্শ দাও শুনি।”

হীরালাল সবিস্ময়ে বিপিন বাবুর মুখপানে চাহিল। বিপিন বাবু বলিলেন, “আমি ভাবছি কি জ্ঞান, রেবতী কালকে হোটেলে নিয়ে তিন দিন আমায় খাওয়ালে—একদিন ত রীতিমত নিমন্ত্রণ করেই। আমি যদি ওকে না খাইয়ে কলকাতা থেকে লম্বা দিই, সেটাই বা কেমন দেখায় বল দেখি ?”

হীরালাল বলিল, “আচরণটা ‘ফলারে বামুনের’ তুল্য হয় বটে।”

“তাই আমি ভাবছি কি জান ? তোমার বাসা টাসা ঠিক ক’রে দিয়ে বিকেলের ট্রেনে বাড়ী যাব মনে করেছিলাম, সে ত হ’লই না। কাল অবধি ত আমায় কলকাতায় থাকতেই হল। আচ্ছা, আজ যদি রেবতীকে নিমন্ত্রণ করা যায় ত কেমন হয় ?”

“কোথায় ? তোমার হোটেলে ত তাকে নিয়ে যাওয়া চলবে না।”

“না না—আমার হোটেলে কেন ? ধর্ম্মতলার ঐদিকে কোনও একটা হোটেলে টোটোলে, যেমন ধর বসে রেষ্ঠোরাঁ কিংবা স্ত্রাভয়—তুমি কি বল ?”

হীরালাল বলিল, “মন্দ কি ?”

“তা হ’লে ত রেবতীকে এ বেলায় নিমন্ত্রণ ক’রে যেতে হয়। তাকে এখন বাড়ীতে পাব ত ?”

“পাবে বৈ কি। সে ত এতক্ষণ খাওয়া দাওয়া করছে। খেয়ে একটু শোবে। ঘুমিয়ে উঠে তিনটের পর রিহার্শেলে যাবে।”

“তবে চল, তাকে নিমন্ত্রণটা ক’রেই যাওয়া যাক। একথানা ট্যাক্সিও যে দেখতে পাচ্ছি নে ছাই।”

হীরালাল বলিল, “ঐ চিৎপুর রোড। মোড়ে পৌঁছলেই ট্যাক্সি পাওয়া যাবে।”

মোড়ে পৌঁছিয়া ট্যাক্সি লইয়া উভয় বন্ধুতে আবার জয় মিত্রের গলিতে প্রবেশ করিলেন। রেবতীর গৃহে গিয়া শুনিলেন, সতাই সে খাইতে বসিয়াছে। বিপিন বাবুকে বসাইয়া হীরালাল একেবারে রেবতীর খাইবার ঘরে গিয়া উপস্থিত। রেবতী সবিস্ময়ে বলিয়া উঠিল, “কি গো ? বন্দী পালিয়ে এলে কি ক’রে ?”

হীরালাল বলিল, “পালিয়ে আসবার যো কি ! প্যাদা সঙ্গে সঙ্গেই এসেছে।”

“প্যাদা কে ? বিপিন বাবু ?”

“হ্যাঁ। ওঘরে ব’সে আছেন। তোমায় নেমস্তন্ন করতে এসেছেন।”

“কিসের নেমস্তন্ন ?”

“এই, একটু খাওয়া দাওয়ার আর কি ! রাত্রে ধর্ম্মতলা অঞ্চলের কোনও একটা হোটেলে, তিন জনে ব’সে একটু খাওয়া দাওয়া যাবে। তাই তিনি তোমায় বলতে এসেছেন।”

“কিন্তু আজ যে আমাদের রিহার্স্যাল হচ্ছে।”

“সে কথা বলেছি। রিহার্স্যাল ত রাত ৯টা পর্য্যন্ত। তারপর খাওয়া যাবে। তুমি খেয়ে এস, আমি বিপিনের কাছে বসিগে।”

“আচ্ছা—আমার হয়ে খাতির টাতির করগে ঠুকে, সিগারেট টিগারেট দাও গে।”—বলিয়া রেবতী আবার আহারে প্রবৃত্ত হইল।

মিনিট দশেক পরে রেবতী আহার সারিয়া বসিবার ঘরে গিয়া বিপিন বাবুকে বলিল, “ওঁর কাছে সব শুন্লাম। আপনি ইংরেজী হোটেলে থাইয়ে আমার জাতটি না মেরে ছাড়বেন না দেখছি।”

বিপিন বলিল, “হোটেল ইংরেজের হ’লেও, যারাঃরাধে তারাও স্বদেশী, যারা পরিবেষণ করে তারাও স্বদেশী—তবে জাত যাবে কেন ? বিশেষ রন্ধনাদি সমস্তই শুধু গঙ্গাজলে নয়, রীতিমত ফিল্টার করা পাইপের গঙ্গাজলে হচ্ছে।”

রেবতী বলিল, “তা বেশ, আপনি ভট্টাচাষি মশায় যখন পাত

দিচ্ছেন, তখন আমার আর আপত্তি কেন হবে? রাত ৯টা পর্য্যন্ত কিন্তু আমাদের রিহার্সাল।”

“আমি রাত দশটার সময় খানার বন্দোবস্ত ক’রে রাখবো। আমি আমার হোটেলেই আপনাদের জন্ত অপেক্ষা করবো। থিয়েটার থেকে হীরুদা ট্যাক্সি করে আপনাকে নিয়ে আমার হোটেলে আসবে—আমাকে তুলে নেবে; তার পর সেই ট্যাক্সিতে আমরা তিন জনে ধর্ম্মতলা যাব—কি বলেন?”

রেবতী এ প্রস্তাবে সম্মতিজ্ঞাপন করিল।

“আচ্ছা, এখন তা হ’লে উঠি। চল হে হীরুদা।”

রেবতী বলিল, “এক মুহূর্ত অপেক্ষা করুন। এই রোদ্দূর, এখনও আপনাদের খাওয়া দাওয়া হয় নি। বরফ আনতে দিয়েছি—একটু সরবৎ খেয়ে যান।”

বিপিন বাবু বসিয়া বলিলেন, “আপনার আতিথেয়তা আদর্শ স্থল।”

শীঘ্রই দুই গ্লাস স্নশীতল সরবৎ আসিল। উভয় বন্ধু তাহা পান করিয়া, পাণ লইয়া প্রস্থান করিলেন।

পঞ্চবিংশ পরিচ্ছেদ

ঔষধ ও অনুপান ।

রিহার্শালের পর হীরালাল যথাসময়েই রেবতীকে লইয়া বিপিন বাবুর বাসায় আসিয়াছিল। বোম্বাই হোটেলে ভোজ স্মচারুভাবেই সম্পন্ন হইল। রাত্রি ১০টার পর বিপিন বাবু ট্যান্সিয়েগে রেবতীকে তাহার বাড়ীতে নামাইয়া দিয়া হীরালাল সহ হোটেলে আসিলেন। সেখানে পৌছিয়া দেখিলেন, উভয়েরই নামে এক একখানি করিয়া ডাকের চিঠি অপেক্ষা করিতেছে—অবশ্য হীরালালের পত্রখানি বিপিন বাবুর কেয়ারেই আসিয়াছে।

উভয়ে বস্ত্র পরিবর্তন করিয়া নিজ নিজ পত্র লইয়া পড়িতে বসিলেন। পত্রপাঠ শেষ হইলে বিপিন বাবু বলিলেন, “ওহে, আমার বউ ত চটেই লাল হয়েছে। লিখেছে, কলকাতায় গিয়ে তুমি এত দেৱী করবে জান্লে আমি তোমায় কখনই যেতে দিতাম না। আর লিখেছে, কলকাতায় যদি বেশী বিলম্ব হবার সম্ভাবনা থাকে, তবে দাসী গিয়ে কেনই বা পদসেবা না করবে? তবে যদি সেখানে একটা কুন্দনন্দিনী-টন্দিনী কুড়িয়ে পেয়ে থাক, তবে সে আলাদা কথা! দেখেছ ভায়া, নভেল প’ড়ে প’ড়ে আজকালকার ছুঁড়িগুলো কি রকম জ্যাঠা হয়েছে!”

হীরালাল বলিল, “কেন, বউমা কি তোমার সঙ্গে একটু রহস্তও করতে পারেন না?”

বিপিন বাবু কৃত্রিম কোপে বলিলেন, “অ্যা ! এত বড় আশ্পর্ক ! আমি হলাম তার গুরুজন, আমার সঙ্গে রহন্ত ! ঘোর কলি, ঘোর কলি !”

হীরালাল বলিল, “এখন ত আমায় খুঁজ বের করেছ—আর এখানে দেবী করাটা সত্যি তোমার ভাল হচ্ছে না।”

বিপিন বাবু বলিলেন, “সত্যিই ভাল হচ্ছে না। কাল তোমার একটা আস্তানা ঠিক ক’রে, তোমায় সেখানে স্থাপনা ক’রে পশ্চ সকালের ট্রেনেই আমি লম্বা দিই। কি বল ?”

“তাই দাও। নইলে আমি বেচারীই শাপ-মন্ত্রি কুড়োবো বৈ ত নয়।”

“কাল এক কায করা যাক। সকালে উঠে, চা খেয়ে, একসঙ্গে না বেরিয়ে ছ’ জনে ছ’ দিকে বেরিয়ে পড়ি চল। তা হ’লেই কেউ না কেউ একটা না একটা বাসা ঠিক করতে পারবই।”

“সেই ভাল।”

বিপিন বাবু একটা সিগারেট ধরাইয়া বলিলেন, “তোমার ও চিঠি কার লেখা ? বউদিদির বুঝি ?”

“হ্যাঁ। তোমার টেলিগ্রাম পেয়ে এই চিঠি সে লিখেছে। ভাগ্যিস্ টেলিগ্রামে তোমার হোটেলের ঠিকানাটা দিয়েছিলে !”

“কি লিখেছেন, ভাল ত সব ?”

“হ্যাঁ, ভাল আছে সবাই। লিখেছে,—এই শোন না।” বলিয়া হীরালাল পত্রখানির এক অংশ পাঠ করিল—“ঠাকুরপোর তার পাইয়া আমাদের সকলের মৃতদেহে জীবন আসিল। মা তখনই

দোকান হইতে বাতাসা আনাইয়া হরিমুট দিলেন। সেখানে তোমার কোনও চাকরী হইয়াছে কি না, তাহা এখনও জানিতে পারিলাম না। ঠাকুরপো তারে লিখিয়াছেন, কাল তুমি পত্র লিখিবে। চাকরী যদি হইয়া থাকে, কত টাকার মাহিনার চাকরী হইল, কিরূপ চাকরী, এ সমস্ত বিস্তারিত লিখিবে।”

বিপিন বাবু বলিলেন, “তুমি যে চিঠি সে দিন লিখিলে, তাতে চাকরীর কথা লিখে দিবে ত ?”

“হ্যাঁ, লিখেছি বৈ কি। থিয়েটারে চাকরী হয়েছে, একশো টাকা মাইনে, সব কথাই লিখে দিবে।”

“কার সাহায্যে চাকরীটি হয়েছে, তা-ও লিখে নাকি ?” বলিয়া বিপিন বাবু মুখ টিপিয়া হাসিলেন।

হীরালাল হাসিয়া বলিল, “না, কেবল সেইটুকু বাদ।”

বিপিন বাবু বলিলেন, “কালই বোধ হয় বউদিদি তোমার সে চিঠি পেয়েছেন। এসে প্রথমেই একশো টাকা মাইনে হয়েছে, এ কথা শুনে সকলে বোধ হয় একটু আশ্চর্য্যই হয়ে যাবেন, নয় হীরালাল ?”

“সে ত নিশ্চয়ই। প্রথমে ৩০।৪০ টাকার বেশী জুটবে, এ আর কে আশা করেছিল বল ?”

বিপিন বলিল, “বউদিদি খুসী হবেন। ওহে, সেই গানটা জান ? খোকার বাপের চাকী হবার গান ?”—বলিয়া বিপিন বাবু হাসিতে লাগিলেন।

“না। গানটা কি ?”

“এ গানটা আমার স্বগুরুবাবীর দেশের গান। কোনও গ্রাম্য কবির রচিত বোধ হয়। আমার বিয়ের বাসরে একটি মেয়ে গেয়েছিল।”—বলিয়া বিপিন বাবু গুণ-গুণ সুরে গাহিয়া শুনাইলেন—

“আর শুনেছ মেজ-দিদি গো, খোকার বাপের চাকরী হবে।

তিরিশ টাকা মাইনে পাবে, দশ টাকা সে আমায় দেবে।

দশ টাকা তার পকেট-খরচ, দশ টাকাতে মল গড়াবে।

এ বছরে যেমন তেমন, আসছে বছর ইট পোড়াবে।”

হীরালাল হাসিতে হাসিতে বলিল, “বাঃ বাঃ—মেজ-দিদির ছোট বোনুটি অঙ্কশাস্ত্রে একটি লীলাবতী! টোটালাট ঠিক মিলিয়ে দিয়েছে, ভুল হয় নি। ইট বোধ হয় বিনা পরসাতেই পুড়বে?”

বিপিন বাবু বলিলেন, “না, সে ঠিক আছে। তলিয়ে বোঝা গানের ভাবটা। তুমি ভাবছ, তিরিশ টাকা ত সবই খরচ হয়ে গেল, তবে ইট পোড়াবে কোথা থেকে? বাবুর পকেট-খরচ আর শ্রীমতীর টাকাটা হ’ল নিত্য খরচ—ওটা মাসে মাসেই লাগবে বটে। কিন্তু মল গড়ানোর খরচটা নৈমিত্তিক বৈ ত নয়। মল গড়ানো হয়ে গেলে, ঐ টাকাটা মাসে মাসে জমবে—তাই দিয়ে আসছে বছর ইট পোড়ানো হবে।”

হীরালাল বলিল, “তা বটে।”—বলিয়া হাসিতে লাগিল।

বিপিন বাবু বলিলেন, “তোমার একশো টাকা মাইনের চাকরী হয়েছে শুনে বউদিদি তোমায় কি ফরমাস করেন দেখ। আর কি লিখেছেন?”

“আর লিখেছে—‘যদি চাকরী হইয়া থাকে, তবে একটা

সোমবার ছুটি লইয়া, শনিবার বিকালের ট্রেণে এখানে আসিয়া আমাদের একবার দেখা দিয়া যাইও। রবিবারটা এখানে থাকিয়া, সোমবার বিকালের ট্রেণে আবার কলিকাতা রওয়ানা হইতে পারিবে। থুকী তোমায় দেখিবার জন্ত বড়ই উতলা হইয়াছে।”

বিপিন বাবু হাসিতে হাসিতে বলিলেন, “থুকী উতলা হয়েছে— থুকীর মা হন নি ত?”

“তা ত কৈ কিছু লেখে নি। শনিবার গিয়ে রবিবারে আমি সেখানে থাকব! সে ত জানে না যে, এ চাকরীতে শনি-রবিবারেই কাষের ভিড় বেশী!”

এইরূপ কথোপকথনে রাত্রি ১২টা বাজিয়া গেল। তাহার পর আলো নিবাইয়া উভয়েই শয়ন করিল।

পরামর্শমত পরদিন প্রভাতে উঠিয়া উভয়েই বাসা খুঁজিতে বাহির হইয়া পড়িল। বেলা ১০টার সময় হীরালাল ফিরিয়া আসিল। আহীরিটোলা ষ্ট্রীটে সে একটি মেস খুঁজিয়া পাইয়াছে। অর্দ্ধঘণ্টা পরে বিপিন বাবুও ফিরিলেন। তিনিও একটি ভাল মেসের সন্ধান পাইয়াছেন,—পটলডাঙ্গা ষ্ট্রীটে। ঘরের অবস্থা, আলো, হাওয়া প্রভৃতি সম্বন্ধে বর্ণনা উভয়ে উভয়ের নিকট শুনিয়া পটলডাঙ্গা ষ্ট্রীটের মেসটাই ভাল মনে হইল। কিন্তু সে মেসের অধিকাংশই কলেজের প্রোফেসর বা স্কুলের মাষ্টার। হীরালাল বলিল, “আমি থিয়েটারে চাকরী করি শুনে তারা আবার নাক সিটকাবে না ত হে?”

বিপিন বাবু বলিলেন, “তা বিচিত্র নয়। আজকাল অবশ্য

পূর্বের মত থিয়েটারের লোককে ততটা হেয়জ্ঞান করে না—
তারা অনেকটা জাতে উঠেছে বটে, কিন্তু তবুও —”

হীরালাল বলিল, “সে ত নিশ্চয়। তারা সব কেউ বি-এ কেউ এম-এ, আমি একটা মুখ্য ম্যাট্রিক ফেল—সেখানে আমি হঃসমধ্যে বকো যথা—সর্বদা তটস্থ হয়ে থাকতে হবে! তার চেয়ে ও আহীরিটোলাই ভাল। তারা কেউ কেরাণী, কেউ দোকান করে, কেউ দালালী করে। আমি থিয়েটারে কায করি শুনে তারা ত লাফিয়ে উঠল, এক জন বল্লে,—বেশ হবে মশাই, আশুন আপনি এই মেসে—মাঝে মাঝে কিন্তু পাস দিয়ে আমাদের থিয়েটার দেখাতে হবে।”

বিপিন বাবু বলিলেন, “তা হ’লে সেই মেসটাই স্মবিধে।” একটু থামিয়া হাসিয়া বলিলেন, “আর জয় মিত্তিরের গলিটাও খুব কাছে হবে। কি বল হে?”

এ কথায় হীরালাল একটু ক্ষুণ্ণ হইয়া বলিল, “তোমার যদি সেই সন্দেহই হয়, তা হ’লে বেশ, ঐ পটলডাঙ্গার মেসেই যাই।”

বিপিন বাবু বলিলেন, “না হে না—ওটা তোমায় রহস্য ক’রে বলেছি। তোমার যদি ‘চুলো’ নামক সেই রমণীয় স্থানে যাবার মতলবই থাকে, তা হ’লে তুমি পটলডাঙ্গায় বাস করেও স্বচ্ছন্দে যেতে পার, কে তোমায় আটকাবে বল? না, ঐ আহীরিটোলা মেসেই ঠিক কর। চল, খাওয়া-দাওয়ার পর বেরিয়ে তোমার জিনিষপত্রগুলো কিনে ফেলা যাক। বিকেলে সে সব নিয়ে ঐ আহীরিটোলার বাসায় যাওয়া যাবে দু’জনে।”

যে কথা সেই কায। আহীরিটোলার বাসায় নূতন কেনা জিনিষপত্রগুলি রাখিয়া, সন্ধ্যার পর বিপিন বাবু হীরালালকে লইয়া নিজ হোটেলে ফিরিয়া আসিলেন।

জলযোগাদির পর হোটেলে নিজ কামরায় বসিয়া বিপিন বাবু বলিলেন, “হীৰুদা, তোমার সম্মুখে ভীষণ পরীক্ষা, তা তুমি বুঝতে পারছ ত?”

“কি পরীক্ষার কথা বলছ?”

“আমি রেবতীর কথা বলছি। এ পর্য্যন্ত যখনই আমি তোমার সম্মুখে তার কথা বলেছি, ঠাট্টা করেই বলেছি। কিন্তু তাই, এখন খুব সিরিয়সলি বলছি—মোটাই ঠাট্টা নয়। আমি এত দিনে বেশ বুঝতে পেরেছি যে, রেবতী পোড়ারমুখী তোমায় ভালবেসে মরেছে। ও শ্রেণীর স্ত্রীলোকেরা সচরাচর যেমন ভালবাসার একটা ভাগ ক’রে থাকে, এ তা নয়। ওরা ভাল রকম আদায় ক’রে নেবার চেষ্টাতেই সে ভাগ করে অবশ্য। কিন্তু তোমার পকেটে ত দাদা—অমৃত বোসের ভাষায় বলতে গেলে—বকেয়া সেলাই ছাড়া আর কিছুই নেই! স্মৃতরাং এ তা নয়। আর ভূমিও দাদা, ওর দিকে যে একটু ঝোঁকনি, এমন কথাও বলতে পারি নে। রেবতীকে আমি বিশেষ দোষ দিতে পারি নে। কারণ, ওরা খাঁটি মানুষের সঙ্গ বড় একটা পায় না, অথচ পাবার জন্তে মনের মধ্যে একটা পিপাসা থাকে—এটা মানুষের প্রকৃতি। তোমার মধ্যে একটি খাঁটি মানুষ পেয়েছে, তোমার উপর ওর একটা শ্রদ্ধা জন্মেছে—আর দিনের পর দিন একসঙ্গে

বসা-দাঁড়ানো, একত্র কাষ করা—এই সব সুযোগে সে ঞ্জাটুকু ভালবাসায় পরিণত হয়েছে। সে যাই করুক, সে স্বাধীন। কিন্তু তুমি ত দাদা স্বাধীনও নও—তুমি বিবাহ করেছ—তোমার সম্মান হয়েছে—রেবতীর যে অধিকার আছে—সে অধিকার ত তোমার নেই। তুমি আমার কথা স্বীকার কর কি না?”

হীরালাল নীরবে নত মস্তকে বসিয়া বিপিন বাবুর কথাগুলি শুনিতেছিল। তাঁহার শেষ প্রশ্নের কোনও উত্তর না দিয়া পূর্ববৎ নীরবে বসিয়া রহিল।

কয়েক মুহূর্ত অপেক্ষা করিয়া বিপিন বাবু আবার বলিতে লাগিলেন, “তুমি তোমার নিজের মনের ভাব সম্বন্ধে আমার এ অভিযোগের কোনও প্রতিবাদ করলে না। ভালই করেছে। প্রতিবাদ করলে, আমি তোমায় ভণ্ড মনে করতাম, তোমার আশা ছেড়েই দিতাম। এখন দুজনে পরামর্শ করা যাক্ এস, এ সঙ্কটে তোমার এখন কর্তব্য কি।”

হীরালাল ধীরে ধীরে বলিল, “কি কর্তব্য আমার, তুমিই বল, আমি প্রাণপণে তা পালন করতে চেষ্টা করবো।”

বিপিন বাবু বলিলেন, “এ অবস্থায় তুমি যদি চাকরী ছেড়ে দিয়ে কলকাতা ছেড়ে চ’লে যেতে পারতে, তা হ’লেই সব চেয়ে নিরাপদ হ’ত। কিন্তু তোমার সাংসারিক অবস্থা যে রকম, তাতে সে কথাও ত তোমায় বলতে পারিনে। কোনও বিপদই হবে না, যদি তুমি তোমার মনকে দৃঢ় করতে পার। রেবতীর বাড়ীতে আর একদম তোমার যাওয়া উচিত নয়। এক থিয়েটারে কায

কর যখন, তখন দেখা-সাক্ষাৎ তার সঙ্গে তোমার হবেই। কিন্তু পাঁচ জনের মাঝে দেখা-সাক্ষাৎ—আর নির্জনে—কপোত-কপোতী যথা উচ্চবৃক্ষচূড়ে দেখা-সাক্ষাৎ—এ দুইয়ের মধ্যে অনেক তফাৎ আছে। তুমি সর্বদা সজাগ থাকবে যে, এমন অবস্থায় না পড়, যাতে তার সঙ্গে তোমার দীর্ঘকাল নির্জন সাক্ষাৎ ঘটে। আমার মনে হয়, তা হ'লেই ক্রমশঃ তুমি কাটিয়ে উঠতে পারবে; তোমার মনে যে বিকৃতিটুকু জন্মেছে, তা ক্রমশঃ শুধরে যাবে। তোমার কি মনে হয়?”

হীরালাল বলিল, “শুধরে যাওয়া ত উচিত।”

বিপিন বাবু বলিলেন, “আর একটা কথা। ওষুধের সঙ্গে অনুপানও দরকার। তুমি মাসে অন্ততঃ ছ'টিবার ক'রে বাড়ী যাবে। শনি, রবি, বুধ,—এই তিন দিন তোমাদের প্লে হয় ত?”

“বৃহস্পতিবারেও হয়।”

“তা হোক। কিন্তু প্রতিদিনই যে তোমায় নামতে হয়, এমন ত নয়।”

“না, তা নয়। কিন্তু রিহার্সালও ত আছে।”

“তা থাকুক, কিন্তু যখনই দেখবে, উপরো উপরি অন্ততঃ ছোটো দিন তুমি কলকাতা ছেড়ে যেতে পার, তখনই বাড়ী চ'লে যাবে। অবশ্য, এত অল্পসময়ের জন্তে এত টাকা খরচ, অল্প সময় হ'লে আমি তোমায় বলতাম না। কিন্তু এ খরচটি, ওষুধ খরচের মতই ধরতে হবে। আর, একশো টাকা মাইনে হয়েছে তোমার, অর্থাভাবে ওজর করলে চলবে না! না হয় থার্ড ক্লাসেই যাবে,

তার আর কি? আমি যে ট্রেনে কাল যাচ্ছি, সেই ট্রেনেই তুমি রওনা হবে। ৯৩০ মিনিটের ট্রেন। সেটা পৌঁছে ২টা চল্লিশে। তার পর গোকুর গাড়ীতে ষ্ণষ্টা লাগবে। রাত ৮টা ৯টায় তুমি বাড়ী পৌঁছে গেলে। তার পরদিন সারাদিন সারা-রাত তুমি বাড়ীতে রইলে, তার পরদিন সকালে বাড়ী থেকে রওয়ানা হয়ে বেলা সাড়ে চারটের সময় হাওড়ায় নেমে, সে রাত্রে প্লে বল, রিহার্সাল বল, যা থাকে, স্বচ্ছন্দে করতে পারবে। কেমন, এ কিছু অসম্ভব কথা বলেছি আমি?”

হীরালাল বলিল, “না, অসম্ভব কেন?”

বিপিন বাবু বলিলেন, “আচ্ছা বেশ—এই পরামর্শই তা হ’লে স্থির রইল। তুমি প্রতিবার যাবার আগের দিন বরঞ্চ আমায় একটা টেলিগ্রাম এক’রে দিও—আমি ষ্টেশনে গোকুর গাড়ী পার্টিয়ে দেবো।”

“বেশ, তাই।”

“তা হ’লে বৌদিকে গিয়ে আমি সেই কথা বলবো ত? এক সোমবার ছুটী নিয়ে, তিনি ত যাবার জন্তেই তোমায় লিখেছেন। আমি গিয়ে বলবো যে, তাদের ত রবিবারে ছুটী নেই,—হ’দিন উপরো উপরি ছুটী পেলেই সে চ’লে আসবে বলেছে।”

“তাই বোলো। এক কায কর—আজ ত তুমি আমার জন্তে ত্রিশ টাকার উপর জিনিষ কিনে দিয়েছ—হাতে আমার টাকা বেশী নেই। গোটা দশেক টাকাও আমায় দিয়ে যাও। কারণ, মাসকাবার হবার আগেই যদি ছুটো দিন অবসর

পাই ত বাড়ী যাব। মাসকাবার না হ'লে ত আর মাইনে পাব না !”

“এই নাও না ?”—বলিয়া বিপিন বাবু একখানি দশটাকার নোট বাহির করিয়া হীরালালের হস্তে দিলেন।

হীরালাল বলিল, “মাইনে পেলে এক মাসে না পারি, দু'মাসে তোমার সব টাকা শোধ ক'রে দেবো তাই—তুমি কিছু মনে কোরো না।”—বলিয়া হীরালাল উঠিল।

বিপিন বাবু বলিলেন, “আচ্ছা পাগল !—মনে আবার করব কি ? কিন্তু তুমি উঠছ যে ? যাচ্ছ কোথায় ? এখনই খাবার দেবে যে !”

হীরালাল বলিল, “আমি পাঁচ মিনিটের মধ্যে আসছি।”—বলিয়া সে ব্যস্তভাবে চলিয়া গেল।

দশ মিনিট পরে হীরালাল ফিরিয়া আসিল। তাহার হস্তে এক টিন বিস্কুট, এক শিশি লজেঙ্কুস এবং একটি নতুন পিতলের লণ্ঠন। জিনিষগুলি বিপিন বাবুর সম্মুখে টেবিলে রাখিয়া বলিল, “আমার থুকীর জন্তে এই বিস্কুট আর এই লজেঙ্কুস—আর এই লণ্ঠনটা বাড়ীর জন্তে। বাড়ীতে যে লণ্ঠনটা আছে, সেটা একে টিনের তায় বড্ড পুরানো হয়ে গেছে, ভাল আলো হয় না, কালী পড়ে।”

বিপিন বাবু হাসিয়া বলিলেন, “থুকীর মার জন্তে কিছু পাঠাবে না ?”

“না, আর টাকায় কুলোবে না। তা ছাড়া, সে কিছু চায়ওনি ত !”

“বিলক্ষণ !—চেয়েছেন বৈ কি । কালই ত তাঁর চিঠি প’ড়ে তুমি আমায় শোনালে । তবে খুকীর বেনামীতে চেয়েছেন, এই যা !”

হীরলাল হাসিয়া বলিল, “বোলো, তার জিনিষও আসবে—কিছু দিন বাদে ।—পয়মাল হবে না ।”

“না হলেই বাঁচি । এ দিকে যে রাত ১০টা বাজে । এইবার তা হ’লে খাওয়া-দাওয়া সেয়ে নিয়ে শোয়া যাক, কি বল ? ঘুম পাচ্ছে ।”

“দিনের বেলায় একটু ঘুমানো তোমার অভ্যাস । আমার জিনিষপত্র কেনবার জন্তে সেটি তোমার আজ হয় নি । সেই সকাল থেকে বলতে গেলে সারাদিনটাই ছুটোছুটি ক’রে কেটেছে, ঘুমের আর অপরাধ কি ?”

পরদিন সাড়ে ৯টার ট্রেণে বিপিন বাবুকে তুলিয়া দিয়া হীরলাল সোজা আহীরিটোলার মেসে গিয়া স্নানাহার করিল ।

ষড়বিংশ পরিচ্ছেদ

হীরালালের কার্যাতপপরতা

বিপিন বাবু প্রস্থান করিবার পর দুই সপ্তাহকাল হীরালাল পূর্ব-পরামর্শমত আহীরিটোলায় নিজ মেসের বাসায় স্থির হইয়া রহিল। যে ছোট ঘরটি সে পাইয়াছিল, তাহা দুই সীটের ঘর, কিন্তু আপাততঃ আর কেহ না থাকাতে সে একাই সে ঘরটি দখল করিতেছে। থিয়েটরের অভিনয়ে বা রিহার্শালে যথানিয়মে সে হাজিরা দেয়, কাষটুকু শেষ হইয়া গেলেই ভাল ছেলেটির মত নিজ বাসায় ফিরিয়া আসে। অভিনয়-রজনীতে তাহার ফিরিতে রাত্রি অধিক হয়, দরজা খোলাইতে অত রাত্রে ঘুম ভাঙ্গাইয়া চাকরকে উঠাইতে হয় বলিয়া হীরালাল তাহাকে মাসিক ১০ আট আনা বকশিস কবুল করিয়াছে। থিয়েটরে রেবতীপ সঙ্গে প্রতিদিনই সন্ধ্যাবেলায় তাহার অবশ্য দেখাসাক্ষাৎ হয়, কিন্তু বিপিনবাবু যে বিষয়ে সাবধান করিয়া দিয়া গিয়াছেন--নিভৃত সাক্ষাৎ হয় না। ইতিমধ্যে হীরালাল বিপিন বাবুর নিকট হইতে তাহার পৌছান সংবাদ এবং স্ত্রী সুরবালার একখানি পত্রও পাইয়াছে। পত্রোত্তরে পত্নী ও বিপিন বাবু উভয়কেই সে লিখিয়াছে, শীঘ্রই দুই দিনের জন্ত বাড়ী যাইবার চেষ্টা করিবে।

ডায়মণ্ড থিয়েটরে শনি, রবি ও বুধবার, এই তিন দিন অভিনয়-হইয়া থাকে। সোমবারটা ছুটি। সপ্তাহের বাকী তি দিন রিহার্শাল থাকে। আগামী রবিবারে যে নাটক অভিনীত

হইবে, তাহাতে হীরালালের কোন পাট নাই! সুতরাং হীরালাল স্থির করিল, ঐ দিন প্রাতের ট্রেনে সে দেশে যাইবে। আবার মঙ্গলবার সন্ধ্যায় কলিকাতায় ফিরিয়া রিহার্শালে হাজিরা দিবে। বাড়ীতে এবং বিপিন বাবুকে পত্র লিখিয়া হীরালাল এ সংবাদ জ্ঞাপন করিল। মাসকাবার হইয়া গিয়াছে, শুক্রবারে বেতনও পাওয়া যাইবে।

বৃহস্পতিবার রাত্রিতে রেবতী থিয়েটারে রিহার্শাল করিয়া গেল,—কিন্তু শুক্রবার সন্ধ্যায় রিহার্শালে আসিল না। সংবাদ আসিল, তাহার খুব জ্বর—বিছানা ছাড়িয়া সে উঠিতে পারিতেছে না। যে অভিনেত্রী রেবতীর আগুৱাষ্টাডি (বাঙ্গালায় ‘ডুপ্লিকেট’) ছিল, সেই রেবতীর হইয়া রিহার্শালে যোগ দিল।

হীরালাল এই সংবাদ শুনিয়া ম্যানেজার বাবুকে জিজ্ঞাসা করিল, “রেবতী কোনও চিঠি লিখেছে না কি?”

“না। যে গাড়ী ফিমেলদের আনতে গিয়েছিল, তারই সহিসের মুখে ব’লে পাঠিয়েছে যে, ম্যানেজার বাবুকে বোলো, আমার খুব জ্বর, আমি বিছানা ছেড়ে উঠতে পারছি নে।—আপনি না হয়, যাবার সময় তাকে একবার দেখেই যাবেন।”—বলিয়া ম্যানেজার বাবু হীরালালের অলক্ষ্যে মুখ টিপিয়া একটু হাসিলেন।

হীরালাল বলিল, “দেখি, যদি পারি।”

“খুব জ্বর” শুনিয়া হীরালালের মনটা বড় খারাপ হইয়া গেল। আতা, অসহয়া রমণী—মা নাই বাপ নাই, ভাই নাই, বোন নাই—কেহ নাই। সম্বলের মধ্যে দুই জন ঝি

এবং একটা খোঁটা দ্বারবান্। অর কখন হইতে হইল, কে জানে? কত ডিগ্রী, তাহাই বা কে জানে? কোনও ডাক্তারও বোধ হয় ডাকা হয় নাই। কেহ না ছকুম করিলে, ছাতুখোর দ্বারবান্ কি আর নিজের বুদ্ধি খরচ করিয়া ডাক্তার ডাকিয়া আনিবে? রেবতী বেচারী হয়ত এতক্ষণ অরে বেহঁস হইয়া পড়িয়া আছে। বিহার্শালে কোনও রকমে দিনগত পাপক্ষয় করিয়া হীরালাল জয় মিত্রের গলির দিকে ছুটিল।

রাত্রি তখন ১০টা। রেবতীর গৃহে পৌঁছিয়া, দ্বারে কড়া নাড়িতে হরি সিং দ্বার খুলিয়া দিল। হীরালাল রুদ্ধশ্বাসে জিজ্ঞাসা করিল, “ক্যা হরি সিং, ক্যা খবর?”

হরি সিং বলিল, “মাইজীকা তো বহুত বোখার, বাবু। উপর যাইয়ে, দেখিয়ে।”

হীরালাল বলিল, “কোই ডাংদার ওংদার বোলায়া থা?”

“নেহি বাবু। মাইজীকো হাম পুছাথা তো কহিন্ আভি নেহি।”

হীরালাল ক্ষিপ্ৰপদে উপরে উঠিয়া গেল। রেবতীর শয়নকক্ষে পদ্মা ফেলা ছিল, ভিতরে আলো জ্বলিতেছিল। বাহিরে দাঁড়াইয়া হীরালাল অল্পক্ষ স্বরে ডাকিল—“সহ্ আছ ভিতরে?”

ভিতরে ক্ষীণ পদশব্দ হইল,—ঝি সৌদামিনী পদ্মা সরাইয়া হীরালালকে দেখিয়া ফিস্ফিস্ করিয়া বলিল, “ওঃ, আপনি? আশ্বুন ভিতরে আশ্বুন।”

হীরালাল ঘরে প্রবেশ করিয়াই ওডিকলোনের গন্ধ পাইল। সম্মুখে দেখিল, রেবতী পালঙ্কে শয়ানা, তাহার চক্ষু মূদ্রিত, মাথায

জলপটি। গায়ে একখানা লেপ, তাহার উপর একখানা পুরু রাগ চাপানো। হীরালাল রেবতীর উভয় গণ্ডে হাত দিয়া দেখিল, গা একেবারে পুড়িয়া যাইতেছে, সেই গৌরবর্ণ মুখমণ্ডল লাল টক্টক করিতেছে। নিশ্বাস জোরে জোরে পড়িতেছে। লেপের মধ্যে হস্ত প্রবেশ করাইয়া একখানি হাত ধরিল, উহা আরও গরম। হাত বাহির করিয়া জিজ্ঞাসা করিল, “কখন থেকে জ্বর হয়েছে সত্?”

“কাল রাত থেকেই এক রকম বলতে গেলে। রাত এগারোটার পর থিয়েটার থেকে ফিরে এসে বস্লেম, ‘সত্, শীগ্গির আমায় এক পেয়ালা চা ক’রে দে, আমার কেমন শীত-শীত করছে।’ শরীর ভাল আছে ত মা?’ বলে গায়ে হাত দিয়ে দেখলাম, গা যেন একটু গরম। শুধু সেই এক পেয়ালা চা খেয়ে শুয়ে পড়লেন, লুচি-টুচি কিছু খেলেন না। সকালে যখন উঠলেন, তখনও গা গরম, বস্লেম, ‘মাথাটা বড্ড ধরেছে।’ মুখ-হাত ধুয়ে আবার চা খেলেন, খেয়ে শুয়ে রইলেন। নিজেই ওডিকলম বের ক’রে ত্রাকড়ায় ভিজিয়ে কপালে বসালেন। খানিকক্ষণ পরে আবার ঘুমিয়ে পড়লেন। কাঁচ-কর্ষের ফাঁকে মাঝে মাঝে এসে আমি দেখে দেখে যাচ্ছি। বেলা দশটার পর এসে দেখি, ঘুম ভেঙ্গেছে, বিছানার চাদরটা টেনে গায়ে দিয়েছেন, বস্লেম, ‘বড্ড শীত করছে, লেপ পেড়ে দে।’ গা তখন বেশ গরম। লেপ গায়ে দিয়ে শুয়ে ঘুমুতে লাগলেন। বেলা তিনটের পর থেকে জ্বরটা আরও বেড়েছে, মাথার যন্ত্রণাও বেড়েছে। একখানা রাগ বের ক’রে লেপের উপর চাপিয়ে দিতে বস্লেম। ওডিকলম জলে গুলে মাথায় পটি

দিতে বল্লেন। সন্ধ্যার সময় যখন থিয়েটারের গাড়ী এল, তখনও কণাবার্তা কইছেন। থিয়েটারের গাড়ী এলে বল্লেন, ‘সহিসকে ব’লে দে, আমার বড্ড জর, উঠতে পারছিনে।’ সন্ধ্যার পর জিজ্ঞাসা করলাম, ‘ডাক্তার আনতে পাঠাব কি?’ বল্লেন, ‘না, এখন দরকার নেই।’ তার পর জিজ্ঞাসা করলাম, ‘হীরা বাবুর কাছে দারোগয়ান পাঠাব কি?’ বল্লেন, ‘না, এখন থাক।’ তার পর বেহুঁস হয়ে পড়লেন; এখন যা করতে হয় করুন—আমার ত ভয়েই প্রাণ শুকিয়ে গেছে।”

হীরালাল বলিল, “এর অনেক আগেই ডাক্তার ডাকা উচিত ছিল সহু। ওঃ, কি ঘুম, একবারে জরে বেহুঁস হয়ে রয়েছেন। তুমি যেমন জলপটি দিচ্ছিলে, দাও, আমি চল্লাম ডাক্তার আনতে।”— বলিয়া হীরালাল দ্রুতপদে প্রস্থান করিল।

ডাক্তার সঙ্গে করিয়া তাহার ফিরিতে আধঘণ্টা হইয়া গেল। ডাক্তার আসিয়া থার্মমিটার দিলেন, নাড়ী দেখিলেন, বুকে ষ্টেথেস্কোপ বসাইলেন; অবশেষে বলিলেন, ১০৬ উষ্ণিমাছে, ম্যালেরিয়া জর, তবে ভয়ের কোনও কারণ নাই; যতক্ষণ জরটা ১০২ ডিগ্রীতে না নামে, মাথায় আইস্-ব্যাগ দিতে হইবে, কাল প্রাতে আবার আসিয়া দেখিবেন, দেখিয়া ঔষধের ব্যবস্থা করিবেন। জিজ্ঞাসা করিলেন, “বরে আইস্-ব্যাগ আছে কি?”

সহু বলিল, “মাথায় বরফ দেবার সেই রবারের থলি ত? সে ত ঘরে নেই।”

ডাক্তার বলিলেন, “আমার ডিম্পেন্সারিতে আছে—সঙ্গে লোক

দিন, পাঠিয়ে দিচ্ছি। আইস-ব্যাগের দাম ৭৮ আমার ভিকিট ৮৮—
—দিনের বেলায় ৪৮ টাকাই নিই।”

হীরালালের পকেটে তাহার বেতনের সমস্ত টাকাটাই মজুদ ছিল।
পকেট হইতে পনেরোট টাকা বাহির করিয়া সে ডাক্তার বাবুর হাতে
দিল। বরফ কিনিবার টাকা দিয়া হরি সিংকে ডাক্তার বাবুর সহিত
পাঠাইয়া দিল।

আবার উপরে আসিয়া, পালঙ্কের নিকট চেয়ারে হীরালাল
বসিল। সহ বিছানার উপরে বসিয়া, জলপটি শুকাইয়াছে কি না
মাঝে মাঝে পরীক্ষা করিয়া উহা ভিজাইয়া দিতে লাগিল।

হীরালাল চুপি চুপি জিজ্ঞাসা করিল, “হ্যাঁ সহ, এঁর কি আগে
থেকেই ম্যালেরিয়া ছিল না কি?”

“না বাবু, আগে ত ছিল না। গেল বছর জগদ্ধাত্রীপূজায় সেই
যে ঝিনিদায় গিয়েছিলেন ‘পেলে’ করতে, সেই থেকেই ‘ম্যালেরিয়া’
ধরেছে। সেই থেকে, এবার নিয়ে এই চার বার না পাঁচ বার
হ’ল।”

হরি সিং যথাসময়ে আইস-ব্যাগ ও বরফ লইয়া ফিরিয়া আসিল।
হীরালাল আইস-ব্যাগ দিবার প্রক্রিয়া ঝিকে বুঝাইয়া দিল। আইস-
ব্যাগ দেওয়া হইতে লাগিল।

এইরূপে রাত্রি ক্রমে ১২টা বাজিল। সহ বসিয়া ঢুলিতেছিল;
হীরালাল বলিল, “সহ, তুমি এইবার যাও, একটু ঘুমিয়ে নাও গে।
নিস্তারিণীকে পাঠিয়ে দাও। সে কি করছে?”

• “ঘুমুচ্ছে বোধ হয়।”

“আচ্ছা, আমি ততক্ষণ আইস-ব্যাগ ধরছি। তুমি বরং আমার
জন্তে এক পেয়ালা চা তৈরি করে তার হাতে পাঠিয়ে দিও।”

“আচ্ছা” বলিয়া সৌদামিনী হীরালালের হাতে আইস-ব্যাগ দিয়া
প্রস্থান করিল।

সপ্তবিংশ পরিচ্ছেদ

নিভূতের বিপদ

রাত্রি একটা হইতে অল্পে অল্পে রেবতীর দেহোত্তাপ কমিয়া আসিতে লাগিল। ঘণ্টা দুই পরে ১০২-এর নিম্নে থার্মমিটার নামিয়াছে দেখিয়া হীরালাল আইস্-ব্যাগ দেওয়া বন্ধ করিয়া, নিদ্রাতুরা নিস্তারিণীকে ছুটি দিল ; অল্পক্ষণ মধ্যে সে নিজেও চেয়ারে বসিয়া ঘুমাইয়া পড়িল।

হীরালাল কতক্ষণ ঘুমাইয়াছিল, তাহা তাহার জ্ঞান নাই—দেহে কাহার করম্পর্শে নিদ্রাভঙ্গ হইল। চোখ খুলিয়া দেখিল, রেবতী বিছানার উপরে উঠিয়া বসিয়াছে, তার কপালে বিন্দু বিন্দু ঘর্ম—হাঁটুতে হাত দিয়া ডাকিতেছে—“ওগো !”

হীরালাল চক্ষু খুলিয়া, রেবতীকে তদবস্থ দেখিয়া বলিল, “ঘুম ভেঙ্গেছে তোমার ? কেমন আছ রেবতী ?”

“এখন একটু ভাল। তুমি কখন এলে ভাই স্রোতের ফুল ?”

“আমি রিহার্শাল সেরে, রাত ১০টার পর এসেছি। তোমার খুব জ্বর সেখানেই আমি ম্যানেজার বাবুর কাছে থবর পেলাম। এসে দেখি, জ্বরে তোমার গা পুড়ে যাচ্ছে, তুমি একেবারে বেহুঁস। ডাক্তার নিয়ে এলাম, মাথায় তোমার আইস-ব্যাগ দেওয়া হ’তে লাগলো, ঘণ্টায় ঘণ্টায় আমি তোমার উত্তাপ পরীক্ষা করতে লাগলাম—রাত তিনটে বাজলে, তার পর জ্বরটা নরম

পড়লো—তখন আইন্-বাগ বন্ধ ক’রে আমিও একটু ঘুমিয়ে পড়েছিলাম। তোমার এমন জ্বর, তুমি আমায় খবর দাও নি কেন, শ্রোতের ফুল?”—বলিয়া হীরালাল ঘড়ির দিকে চাহিল। চারিটা প্রায় বাজে।

রেবতী বলিল, “খবর? ভাবলাম, খবর দিয়ে আর কি হবে? তুমি হয় ত আসবেই না,—এখন ত আর আস না। সে যাই হোক,—সারাটা রাত তুমি ঠায় এই চেয়ারে ব’সে কাটালে? ঝিদের কাউকে বসিয়ে, তুমি ঘুমুতে গেলে না কেন? তোমার ঘরে তোমার বিছানাপত্র সবই ত ঠিক ছিল।

হীরালাল বলিল, “তোমার এত জ্বর—তুমি বেহুঁস হয়ে পড়ে রয়েছ—আমার ঘুম হবে কেন?”

“কেন, আমি তোমার কে? আমি বাঁচলেই বা তোমার কি? মরলেই বা তোমার কি?”—শেষের কথাগুলি ভারি হইয়া আসিয়াছিল, রেবতীর চক্ষু হইতে জল বুঝি পড়ে পড়ে!

হীরালাল হেঁটমুখে কি চিন্তা করিয়া, তার পর বলিল, “তুমি আমার পরম হিতৈষিণী বন্ধু!”

“আর কিছুই ত নই?”

হীরালাল কোমলকণ্ঠে একটু আদরের স্বরে বলিল, “আর, তুমি আমার শ্রোতের ফুল।”

রেবতী বলিল, “হ্যা—শ্রোতেরই ফুল। শ্রোতে ভেসে এসে তোমার পায়ে ঠেকেছি—আবার শ্রোতে ভেসে চ’লে যাচ্ছি, যাচ্ছি কেন—গিয়েছি।”

হীরালাল কি বলিবে, কিছুই স্থির করিতে পারিল না। অন্তিম রজনীর এই অথগু নীরবতা—সারা বিশ্বের মাঝে যেন দুইটি মাত্র প্রাণী মুখোমুখি বসিয়া। রেবতীর মনের ভাব উপলব্ধি করিয়া হীরালালের হৃদয় যেন উদ্বেল হইয়া উঠিল। সে বহুকষ্টে আত্মসম্বরণ করিয়া নীরবেই বসিয়া রহিল।

রেবতীও কিয়ৎক্ষণ নতমুখে বসিয়া রহিল। তার পর জিজ্ঞাসা করিল, “তোমায় কিছু খেতে-টেতে দিয়েছিল এরা?”

প্রসঙ্গ-পরিবর্তনে হীরালাল স্বস্তি অনুভব করিয়া বলিল, “চা খেয়েছি।”

“রিহাসীলে যাবার আগে বাসায় তুমি কি কিছু খেয়ে গিয়েছিলে?”

“হাঁ, জলখাবার খেয়েছিলাম।”

“বাসায় গিয়ে তুমি রাত্রের খাবার খেতে ত? সারাটা রাত তোমার উপবাসে কাটলো! ঝিগুলোর যদি একটুখানি বুদ্ধি-শুদ্ধি আছে।”

হীরালাল বলিল, “তার জন্তে আর কি হয়েছে! তুমিও কাল সকালে এক পেয়ালা চা খেয়েছিলে, তার পর সারাদিন সারারাত আর কিছুই খাওয়া হ’ল না।”

“আমার কথা ছেড়ে দাও। আমি হলাম রোগী—আমার অবস্থা আর তোমার অবস্থা সমান? আচ্ছা, যখন আমার জরটা খুব বেড়েছিল, তখন কত ডিগ্রী উঠেছিল?”

“রাত একটা পর্যান্ত ১০৬ ছিল।”

রেবতী বলিল, “উঃ, মস্ত একটা সুযোগ হারালাম আমি।”

কথাটার ভাবটা বুঝিতে না পারিয়া, হীরালাল বলিল, “কেন কিসের সুযোগ?”

“আরও যদি বাড়তো, ১০৭, ১০৮—তা হ’লে, ডাক্তারী শাস্ত্রে কি বলে জানিনে—বোধ হয়, আমি হার্ট-ফেল হয়ে মারা যেতাম! মরবার ঠিক আগে, মানুষের নাকি একটু একটু জ্ঞান হয়—আমি তখন তোমায় বলতাম, আমায় তোমার পায়ের ধুলো দাও—আমি তোমার মুখখানি দেখতে দেখতে মরি!”—বলিতে বলিতে রেবতীর চক্ষু দিয়া টপ টপ করিয়া জল গড়াইয়া পড়িল।

হীরালাল বাস্তব হইয়া বলিল, “ছি ছি, ও সব কথা তুমি কেন বলছ, রেবি?”—উঠিয়া দাঁড়াইয়া অসকোচে নিজ পকেট হইতে রুমাল বাহির করিয়া, সাদরে সমস্ত রেবতীর চক্ষুজল মুছাইয়া দিল। তার পর বলিল, “এবার তুমি শোও—আর খানিক ঘুমাও। তোমার মাথার যন্ত্রণাটা আর নেই ত?”

“আছে এখনও একটু একটু।”

“আচ্ছা, শোও তবে লক্ষ্মীটি, আমি তোমার মাথায় হাত বুলিয়ে দিই।”

রেবতী বলিল, “তোমার যে সারা রাত ঘুম হ’ল না। তুমি গিয়ে একটু ঘুমিয়ে নাওগে না কেন?”

“আর, রাত ত প্রায় পুইয়ে এল। তুমি যদি ভাল থাক, আমি সকালে মুখ-হাত ধুয়ে, চা-টা খেয়ে শোব এখন একটু। এখন তোমায় ঘুম পাড়াই এস। শোও, আমি তোমার মাথায় হাত বুলিয়ে দিই।”

রেবতী বলিল, “তা দেবে, দাও। এ লোভ আমি সঞ্চরণ করি, এমন ক্ষমতা আমার নেই। কিন্তু অত দূর থেকে নয়—চেয়ারে ব’সে নয়। তুমি আমার কাছে, এই বিছানায় এসে বস।”—বলিয়া রেবতী বালিসে মাথা দিয়া, হীরালালের দিকে মুখ ফিঁরিয়া শয়ন করিল।

হীরালাল পালঙ্কে উঠিয়া বসিয়া, ধীরে ধীরে রেবতীর মাথায় হাত বুলাইতে লাগিল। রেবতী আরামে চক্ষু মুদ্রিয়া রহিল। অল্পক্ষণ-মধ্যেই নিদ্রাগত হইল।

প্রথমতঃ হীরালাল বেশ খাড়া হইয়া বসিয়াই রেবতীর মাথায় হাত বুলাইতেছিল ; তার পর সে একটু কাৎ হইল ; তার পর সারারাত্রির গভীর ক্লান্তি কখন যে তাহার নিদ্রাবসন্ন দেহকে রেবতীর পার্শ্বে লুটাইয়া দিল, তাহা সে জানিতেও পারিল না।

অষ্টাবিংশ পরিচ্ছেদ

আশা কুহকিনী

বিপিন বাবু যে হীরালালকে গৃহযাত্রার পূর্বদিন তাঁহার নামে একখানি টেলিগ্রাম করিতে বলিয়া আসিয়াছেন, সে টেলিগ্রাম পাইলে তিনি যে পরদিন হীরালালের জন্ত ষ্টেশনে গরুর গাড়ী পাঠাইবেন, এ সব কোনও কথাই বিপিন বাবু তাহার বাড়ীতে জানান নাই। হীরালালের পত্র পাইয়া, বিপিন বাবু আশা করিয়াছিলেন, শনিবার বিকাল নাগাদ হীরালালের নিকট হইতে তার আসিবে। অপরাহ্নকাল হইতে তিনি তারের জন্ত প্রতীক্ষা করিয়া বসিয়া ছিলেন, কিন্তু কোনও তারই আসিল না। সন্ধ্যা হইয়া গেল, তথাপি কোনও তার আসিল না। তখন বিপিন বাবু ভাবিলেন, হয়ত হীরালাল সময়মত তার রওয়ানা করে নাই, রাত্রিতে আসিয়া পড়িয়া থাকিবে, কল্যা রবিবার বেলা ৮টা ৯টা ভিন্ন উহা আর পাওয়া যাইবে না। সুতরাং রবিবার দিন ষ্টেশনে গাড়ী পাঠানো সম্বন্ধে তিনি ইতস্ততঃ করিলেন।

স্বরবালা স্বামীর প্রবাসযাত্রার পর হইতে তাহার ছোট খুড়ীমার সহিত এক ঘরে শয়ন করিত। ঘরটির দুই দিকে দুইখানি তক্তপোষ, একখানিতে ছোটগিল্লী তাঁহার পুত্রসহ, অপরখানিতে স্বরবালা তাহার শিশু কন্যাকে লইয়া শয়ন করিত। ছোটগিল্লী এগারো বছরের ছেলের মা হইলেও, তাঁহার বয়স

সুরবালার অপেক্ষা খুব বেশী নহে—অল্প বয়সেই তাঁহার পুত্রটি জন্মিয়াছিল। স্নতরাং সম্পর্কে তিনি সুরবালার গুরুজন হইলেও উভয়ের মধ্যে অনেকটা সখীভাবই ছিল। বউমার সহিত তিনি একটু আধটু ঠাট্টাতামাসা করিতেও ছাড়িতেন না।

শনিবার রাত্রিতে আহালাদির পর শয়ন করিয়া, স্বাণ্ডী বউয়ে কিছুক্ষণ ধরিয়া হীরালালের আগমন প্রসঙ্গে কথাবার্তা হইল। ছোটগিল্লী বলিলেন, “আজ সারাটা দিন আকাশটা মেঘলা মেঘলা গেল, কাল আবার ঝড়-বৃষ্টি না নামলে বাঁচি।”

সুরবালা বলিল, “যে গরমটা যাচ্ছে ক’দিন, একটু বৃষ্টি হ’লে ত বাঁচা যায়।”

“সত্যিই কি এটা তোমার মনের কথা, বউমা?”

“কেন?—এর আবার মনের কথা আর মুখের কথা কি?”

“কাল যদি বৃষ্টি-বাদল দুর্যোগ হয়, ইষ্টিশান থেকে ছেলে তা হ’লে আসবে কি ক’রে?”

সুরবালা বলিল, “সে তোমাদের ছেলে জানে। একটু ঠাণ্ডা হ’লে রাতে ঘুমিয়ে ত বাঁচবো।”

খুড়ীমা বলিলেন, “ওঃ, রাতটার জন্তে তুমি ঠাণ্ডা খুঁজছ? তা, সে মন্দ নয়। যদি সারাদিন মেঘ ক’রে থাকে, রাত ৯টা কি ১০টার পর বৃষ্টি নামে, তাতে কোনও আপত্তি নেই বোধ হয়, কি বল, অ্যা?”

সুরবালা এ রহস্যের ইঙ্গিত বুঝিয়া, লজ্জায় চূপ করিয়া রহিল।

কিয়ৎক্ষণ নীরব থাকিয়া ছোটগিল্লী জিজ্ঞাসা করিলেন, “বোমা, ঘুমুলে না কি?”

“না, জেগেই আছি।”

“কি ভাবছ?”

“কৈ, কিছু না ত।”

ছোটগিল্লী অন্ধকারে মুখ টিপিয়া একটু হাসিলেন। তার পর তাঁহার মনে পড়িয়া গেল, তাঁহার নিজের সম্বন্ধে অবস্থায় স্বামী প্রবাসে গেলে, যে দিন ফিরিবেন, তার পূর্ব-রাত্রি প্রায় তাঁহার অনিদ্রায় কাটিত। কত সুখের স্মৃতি মনে উদ্ভিত হইল।

আজ সাত বৎসর হইল, তিনি বিধবা হইয়াছেন। তাঁর বুক কাঁপাইয়া একটি দীর্ঘনিশ্বাস পড়িল। পুত্রকে কোলের কাছে টানিয়া তাহার মাথায় গায়ে হাত বুলাইতে লাগিলেন। তাঁহার চোখের পাতা ভিজিয়া উঠিল।

পরদিন প্রভাতে উঠিয়া ছোটগিল্লী হীরুর মাতাকে বলিলেন, “দিদি, সন্ধ্যাবেলা হীরু আসবে, এ বেলা কিছু মাছ আনিয়া খলে হ’ত না?”

বড়গিল্লী বলিলেন, “হ্যাঁ, সে ত আনাতেই হবে। চুণিকে একবার পাঠাও না জেলেবাড়ী। পাকা কই মাছ যদি পায়, তবে পোয়াটেক নিয়ে আসুক।”

“একটা মুড়ো আনাতে হয় না? মুড়ো দিয়ে মুগের ডাল খেতে হীরু ভালবাসে।”

“সে তখন কাল করা যাবে দিনের বেলায়। চুণি বরং মাছ

এনে রেখে, একবার বাজারে যাক। হাঁসের ডিম কিনে আনুক, ডিমের কালিয়া খেতে হীরা ভালবাসে। আর, পয়সা দুইয়ের কিছু চুনো মাছ—অঞ্চল করা যাবে।”

“রাত্রে কি তার জন্তে ভাত রাঁধবে, না লুচি? যদি লুচি কর, তা হ’লে ঘি-ও কিছু আনাতে হবে, ঘি ফুরিয়েছে।”

মা বলিলেন, “আজ রাত্রে আর লুচি ক’রে কাষ নেই। ছুটি ভাতই রোধে দিও এখন। কলকাতায় ৯টার সময় গাড়ী চড়বে, ভাত-টাত কি খেতে পাবে অত সকালে? বোধ হয়, কিছু জল-টল খেয়ে গাড়ীতে উঠবে। সারাদিন পথের কষ্টের পর, রাত্রে লুচি কি তার ভাল লাগবে?”

ছোটগিল্লী বলিলেন, “হাঁ, তা ঠিক বটে। গোটাকতক আমও পাড়িয়ে রাখতে হবে। কাল ঘাটে যাবার সময় আমি দেখেছি, পেটকাটা গাছটার অনেকগুলো আম ডাঁসিয়েছে। কাল পাড়ি রাখলেই ঠিক হ’ত, মজতো। চুণি জেলেনবাড়ী যাক তা হ’লে।”—বলিয়া ভিনি পুত্রকে ডাকিতে লাগিলেন।

চুণি জেলেনবাড়ী গিয়া, মতলিয়া আসিল। ভাল মাছ পাওয়া গিয়াছে—আঁবগুলো বেশ বড়। মাছ রাখিয়া চুণি হাত ধুইতেছিল, বড়গিল্লী বলিলেন, “বাবা একবার বাজারে যেতে হবে।”

“আবার বাজারে কেন?”

“দুটো হাঁসের ডিম আনি, ছ’ পয়সার চুনো মাছ, আর একটা বাটী নিয়ে যা, কোষ্টো ময়রার দোকান থেকে এক পোয়া রসগোল্লা নিবি।”

চুণি বলিল, “বাবা ! এ যে যজ্ঞের ব্যাপার !”

ছোটগিল্লী বলিলেন, “আজ রাত্রে যে তোর দাদা আসবে, জানিস্‌নে ?”

“জানি। ঘরের ছেলে ঘরে আসছে, তার জন্তে আবার এত ধুমধাম কেন শুনি ? দাদা ত আর বাড়ীর জামাই নয় !”

ছোটগিল্লী হাসিয়া বলিলেন, “দূর হতভাগা ছেলে, ও কথা কি বলতে আছে ? যা যা, আর ওজর করিস্‌নে। দাদা তোর জন্তে কি আনবে, তা দেখিস্‌ !”

চুণি মুখ বাকাইয়া বলিল, “হঁঃ—কচু আনবে আমার জন্তে। বিপিন বাবুর হাতে নিজের খুকীর জন্তে বিস্কুট পাঠানো ল’ল, —আমার জন্তে কি পাঠালে ? ভাবা উচিত যে, বাড়ীতে ছোট ভাইটি রয়েছে, তার জন্য একটা ফুটবল পাঠাই, কি একখানা লেখা ছুরি, কি বেশী পয়সা না থাকে নরক্‌ গে না হয় একটা লাল-নীল পেন্সিলই পাঠিয়ে দিই !”

ছোটগিল্লী বলিলেন, “হঁা রে নেমোথারান ! বিস্কুট, ল্যাবেকুশ যা এসেছিল, তা কি খুকী একলাই খেয়েছে ? তুইও কি খাস্‌নি ?”

চুণি পরম পশ্চীন্নভাবে বলিল, “তোমরা হাতে তুলে দিযেছিলে, তাই খেয়েছি ছ’চারটে। তাও দয়া ক’রে,—নইলে আমি কি কচি খোকা যে, বিস্কুট-ল্যাবেকুশ খাব ?”

বড়গিল্লী হাসিয়া বলিলেন, “আচ্ছা, তোর দাদা আসুক। তোর যা যা দরকার, তা তাকে বলিস্‌ না বাপু !—আবার এখন

বাড়ী আসবে, তখন কিনে নিয়ে আসবে। এখন যা, বাজারে যা, মিছে তরু করিসনে।”

চুনি অপ্রসন্ন ভাবে বলিল, “তা দাও পয়সা, যেতেই যখন হবে, তখন যাই। সারা হপ্তাটা হাড়ভাঙ্গা খাটুনির পর রবিবারটা যে একটু বিশ্রাম করবো, তারও যো নেই ছাই!”

বিকালে ছোটগিন্নী সুগন্ধি তৈল সহযোগে পরিপাটি করিয়া বউমার চুল বাঁধিয়া দিলেন। সুরবালা গলায় আঁচল দিয়া তাঁহাকে প্রণাম করিল। “জন্ম-প্রয়োজনী হও মা!”—বলিয়া আশীর্বাদ করিয়া, মুখখানি গামছা দিয়া ভাল করিয়া মুছাইয়া, তার চিবুকে হাত দিয়া চুমো খাইলেন। নিজের প্রসাধন সম্পন্ন হইলে সুরবালা তার খুকীর প্রসাধনে যত্নবতী হইল। খুকী আজ দশবার জিজ্ঞাসা করিয়াছে, “বাবা কখন আসবে মা?” এখন বলিল, “বাবা আমার জন্যে বিকু আনবে, আর কি আনবে মা?”—“আরও কত জিনিষ আনবেন তোমার জন্যে।” খুকী বলিল, “আমার জন্যে নেঞ্চু আনবে না মা?”—“হ্যাঁ ল্যাবেঞ্চুও বোধ হয় আনবেন।”—বলিয়া সুরবালা কন্যাকে চুম্বন করিল।

বাড়ীতে ঘড়ি নাই, সন্ধ্যার পর সুরবালা ছটফট করিতে লাগিল, ক’টা বাজিল, কে জানে! ছোটগিন্নী আজ আর বউকে রান্নাঘরে যাইতে দেন নাই; রান্না-বার্না নিজেই করিতেছেন। বড়গিন্নী নিকটে বসিয়া হরিনামের মালা ফিরাইতেছিলেন। সুরবালা নিজ শয়ন-ঘরে বসিয়া খুকীকে দুধ খাওয়াইয়া, কাজল পরাইয়া, তাহাকে খেলা দিতেছিল। তাহার ইচ্ছা, খুকীর পিতা

আসিয়া তাহাকে কোলে করিয়া আদর করিবেন, চুমো খাইবেন, তার পর সে ঘুমাইবে। ছুখ খাইয়া খুকীর চক্ষু ছাট ঘুমে ঢুলিয়া আসিতে লাগিল। সুরবালা তাহাকে বলিতে লাগিল, “থোকন রাগি, এখন ঘুমিও না মা! একটুখানি জেগে থাক সোণা আমার! আর বেশী দেৱী নেই, এখনই তিনি আসবেন। তুমি তাঁর সঙ্গে দেখা করবে না, মাগিক?”

খুকীর চক্ষু কিন্তু ঘুমে জড়াইয়া আসিতে লাগিল। সুরবালা মেয়েকে নাড়া দিয়া বলিল, “ও খুকু। চল আমরা রান্নাঘরে গিয়ে দেখি কি সব রান্না হচ্ছে তাঁর জন্যে।”—বলিয়া মেয়েকে কোলে লইয়া ঘর হইতে বাহির হইয়া সুরবালা উঠানে নামিল।

খুকী সজাগ হইয়া বলিল, “কিসের গন্ধ বেরুচ্ছে মা?”

সুরবালা চুপি চুপি বলিল, “হাঁসের ডিমের কালিয়া রান্না হচ্ছে। তুমি থাকে একটু?”

“হ্যাঁ থাক। বাবা থাকে, আমি থাক।”

“বেশ, তা হ’লে জেগে থাক। রান্না হোক, তাঁর সঙ্গে ব’সে তুমিও থাকে।”

“আমি ঝবার কোলে ব’সে থাক মা!”

“থাবে বৈ কি যাছ!”

সুরবালা মেয়ে লইয়া রান্না-ঘরের রোয়াকে গিয়া বসিল। বড়গিন্নী বলিলেন, “খুকী এখনও জেগে আছিল নাকি রে?”

সুরবালা বলিল, “হাঁসের ডিমের কালিয়া থাকে।”

বাহিরের রাস্তায় গোরুর গাড়ীর শব্দ হইল। বড়গিন্নী বলিলেন,

“ঐ এল বুঝি!”—বলিয়া তিনি ছুটিয়া সদর দরজায় গেলেন। স্বরবালার বুকটি হুক হুক করিতে লাগিল। বড়গিন্নী খিল খুলিয়া কবাট একটু ফাঁক করিয়া রহিলেন। গাড়ীর শব্দ নিকটে আসিতে লাগিল, ক্রমে দ্বারের সম্মুখে আসিল, কিন্তু পোড়া গাড়ী দাঁড়াইল না—দ্বার অতিক্রম করিয়া চলিয়া গেল। বড়গিন্নী তখন খিল আবার বন্ধ করিয়া ফিরিয়া আসিয়া বলিলেন, “না, ও অন্য গাড়ী!”

আর সব রান্না-বান্না শেষ হইয়াছে। হীরালাল আসিয়া পৌছিলে তখন ভাতটা চড়ানো হইবে, এইরূপ পরামর্শ ছিল।

মালা-জপ শেষ করিয়া বড়গিন্নী বলিলেন, “তাই ত! এখনও এল না কেন? রাত ৮টা ৯টার মধ্যে বাড়ী পৌছবে লিখেছিল, ৯টা কি এখনও বাজে নি?”

চুণি আসিয়া ভাতের জন্য হাঙ্গামা করিতে লাগিল। দুইবার তাহাকে ফিরাইয়া দিয়া তৃতীয়বারে বড়গিন্নী বলিলেন, “ওবেলাকার ভাতে জল দেওয়া আছে, তাই দাও ওকে। ও ছেলেমানুষ, কতক্ষণ আর না থেয়ে থাকবে?”

চুণি খাইতে বসিল। ডিমের কালিয়াতে আধখানামাত্র ডিম দেখিয়া বলিল, “বাঃ, এ মন্দ নয়! যে এল চ’মে, সে রইল ব’সে। কত কষ্ট ক’রে বাজারে গিয়ে আমি ডিম কিনে আনলাম, আমার পাতে আধখানা!”

তার মা বলিলেন, “দুটো ডিমে চার টুকরো ত মোট হয়েছে

বাবা ! তোর আধখানা, খুকীর আধখানা, তোর দাদার জন্যে
তু'আধখানা রেখে দিয়েছি।”

সুরবালা বলিল, “আর আধখানাও ওকে দাও ছোট খুড়ী।
খুকী ঘুমিয়ে পড়েছে—ও আর থাকে না।”

চুণি খাইয়া উঠিয়া আঁচাইতেছিল, এমন সময় সদর দরজার
কড়া খটাখট শব্দে নড়িয়া উঠিল। ছোটগিল্লী বলিলেন, “এইবার
বোধ হয় এসেছে, হেঁটে এল না কি? কৈ, গাড়ীর শব্দ শু
পেলাম না।”

বড়গিল্লী ছুটিয়া গিয়া দ্বার খুলিলেন। ছেলে নয়, জমীদার
বাড়ীর একজন নগদী রামচরণ। সে প্রণাম করিয়া বলিল,
“ছোটবাবু জানতে পাঠিয়ে দিলেন, হীরুবাবু কি বাড়ী এসেছেন মা
ঠাকরুণ?”

গৃহিণী বলিলেন, “না, এখনও ত আসে নি। এখন ক'টা
বেজেছে বলতে পার রামচরণ?”

রামচরণ বলিল, “দশটা বেজে গেছে।”

“দশটা বেজে গেছে? কৈ, এখনও ত এল না।”

রামচরণ বিজ্ঞভাবে বলিল, “টেরেণ ফেল করেছেন বোধ হয়
তা হ'লে।”—বলিয়া সে প্রণাম করিয়া প্রস্থান করিল।

হীরালালের আসা সম্বন্ধে এখন সকলেই প্রায় হতাশ হইয়া
পড়িলেন। বড়গিল্লী বলিলেন, “এইবার ভাত চড়িয়ে দাও, আর
ব'সে থেকে কি হবে? শুধু বৌমার মত চাল নাও।”

ছোটগিল্লী বলিলেন, “ছেলে যদি এসে পড়ে? রেলগাড়ী

সব দিনই কি আর ঠিক সময়ে এসে পৌঁছয়? লেটও ত হয়।”

“তবে ছ’জনের চালই নাও। যদি না আসে, ভাতে জল দিয়ে রেখে দিও।”

ভাত হইল। ছোটগিল্লী সুরবালার ভাত বাড়িলেন। বড়গিল্লী বলিলেন, “ও মা, ঐ ক’টা ভাতে বৌমার পেট ভরবে?”

ছোটগিল্লী বলিলেন, “খেতে পারে, আবার দেবো এগন, ব’স বৌমা, ব’স।”—সুরবালার মনের অবস্থা বুঝিয়া, তিনি ইচ্ছা করিয়াই ভাত কম দিয়াছিলেন।

সুরবালা খাইতে বসিল। কিন্তু খাইবে কি, তাহার যে বুক ঠেলিয়া কান্না আসিতেছে! এ দিকে আবার ভাত ফেলিয়া উঠিতেও তাহার লজ্জা করিতে লাগিল। তাই কোনও ক্রমে ভাতগুলি সে নিঃশেষ করিল। গৃহিণীরাও জলযোগ করিতে বসিলেন।

বড়গিল্লী বলিলেন, “তাই ত! কি হ’ল, কেন এল না, কিছুই ত বুঝতে পারছি নে। শরীরগতিক ভাল আছে কি না, হরি জানেন!”

ছোটগিল্লী বলিলেন, “রামচরণ যা ব’লে গেল, তাই বোধ হয় ঘটেছে। সেখানে বোধ হয় গাড়ী ধরতে পারে নি। পরের গাড়ীতে আসবে হয় ত!”

বড়গিল্লী বলিলেন, “সে গাড়ী যে কখন আসে, তাও ত কিছু জানি নে। হে হরি, বাছাকে আমার ভালয় ভালয় বাড়ী এনে দাও, আমি তোমায় হরিন্দুট দেবো।”

অনেক রাত্রিতে খুকীর ঘুম ভাঙিলে সে মাকে ঠেলিয়া ডাকিল,
“মা—ও মা ! ঘুমিচ্ছিলাম ?”

সুরবালা জাগিয়াই ছিল। বলিল, “কেন মা ?”

“আমার বাবা কৈ ?”

এবার সুরবালা আর চোখের জল রাগিতে পারিল না। বলিল,
“আজ ত তিনি আসেন নি, মা !”

“কেন এল না মা ?”

“তোমার জন্তে বোধ হয় বিকুটিকু কিনতে দেরী হয়ে গিয়েছিল.
তাই গাড়ী ধরতে পারেন নি।”

খুকী বলিল, “ওঃ ! তা মা, বাবাকে বিকুটিকু কিনতে বারণ
ক’রে দিস, আমি বিকু চাইনে, নেপু চাইনে, কিচ্ছু চাইনে। বাবাকে
শীগি শীগি আসতে বলিস মা !”—বলিয়া খুকী ঘুমাইয়া পড়িল।

উনত্রিংশ পরিচ্ছেদ

উত্থান ও পতন

হীরালালের অক্লান্ত শ্রমফল এক সপ্তাহ পরে রেবতী আরোগ্য লাভ করিল।

রেবতী উঠিয়াছে, কিন্তু হীরালালের পতন ঘটয়াছে। এই এক সপ্তাহে হীরালাল—আর সে হীরালাল নাই। বিপিন বাবু যাহা আশঙ্কা করিয়াছিলেন, তাহাই ফলিয়া গিয়াছে। কি করিয়া দিনে দিনে ক্ষণে ক্ষণে ইহা ঘটিল, আধুনিক-“আর্ট” মূলক সে বর্ণনা করা এ বৃদ্ধ বয়সে আমাদের সাধ্য নহে।

শনিবার দিন হীরালাল বাড়ীতে একখানি এবং বিপিন বাবুকে একখানি পত্র লিখিয়া দিয়াছিল। লিখিয়াছিল, বিশেষ কার্যে আটকাইয়া পড়াতে রবিবারে সে রওয়ানা হইতে পারিবে না। সে পত্র রবিবার বিকালে পাইয়া তাহার মা, স্ত্রী প্রভৃতির মৃতদেহে পুনর্জীবন আসিয়াছিল। সোমবারে সে বিপিন বাবুর নামে স্বর্ণি অর্ডারে ৫০ টাকা পাঠাইয়া দিল—অনুরোধ করিল, বিপিন বাবু যেন স্বর্ণ শোধ হিসাবে ১০ টাকা রাখিয়া, বাকী ৪০ টাকা তাহার জননীকে পাঠাইয়া দেন।

গতকল্য রেবতীর জ্বর আসে নাই—আজ এখন বেলা চারিটা—আজিও সে ভাল আছে। প্রভাতে ডাক্তার বাবু আসিয়া বলিয়া গিয়াছেন, আর জ্বর হইবার আশঙ্কা নাই, কিন্তু ম্যালেরিয়ার বিষ

দেহে প্রবেশ করিয়াছে, দেহ হইতে বিষটা নিষ্কাশিত করিতে হইলে পশ্চিমে কোনও স্বাস্থ্যকর স্থানে গিয়া কিছুকাল বাস করা আবশ্যক।

আজ বিকালে চা খাইতে খাইতে হীরালাল ও রেবতীর মধ্যে সেই বিষয়েই আলোচনা হইতেছিল।

রেবতী বলিল, “কেই বা আমায় নিয়ে যাবে? এই ত আমার শরীরের অবস্থা! ঝি-চাকরের ভরসায় কোথায় বিদেশে বিভূঁয়ে গিয়ে প্রাণটা খোয়াব! তার চেয়ে এখানেই প’ড়ে থাকি, মরলে তবু গঙ্গাটা পাব।”

হীরালাল বলিল, “সে কি হয়? বাইরে তোমার যেতেই হবে। আমি তোমার সঙ্গে যাব।”

“যাবে তুমি? আমাকে ছুটি বোধ হয় দেবে। পুরো মাইনে না হোক, অর্দ্ধেক মাইনেও দিতে পারে, কিন্তু তোমার নতুন চাকরী—তোমায় ছুটি দেবে কি?”

“না যদি দেয়, কি আর করা যাবে। তোমার প্রাণটা আগে, না আমার চাকরী আগে? ফিরে এসে তখন আব কোথাও কিছু একটা জুটিয়ে নিতে হবে।”

“তা হ’লে সত্যি কথা তোমায় খুলে বলি। আমি যে বিদেশে যেতে চাচ্ছিলাম না, অসহায়া অবলা রমণী, পাছে বিধোরে প্রাণ হারাই সে ভয়ে নয়। তোমায় ছেড়ে থাকতে পারবো না ব’লেই যেতে আপত্তি করছিলাম।”

হীরালাল নতমুখে বলিল, “আমিই কি তোমায় ছেড়ে থাকতে পারতাম?”

কোথায় যাওয়া যায়, এই লইয়া আলোচনা চলিতে লাগিল। হীরালাল বলিল, “দার্জিলিঙ মন্দ কি? কাছেপিঠেও বটে, স্বাস্থ্যকরও বটে।”

রেবতী বলিল, “দার্জিলিঙ কি সুবিধে হবে? যেখানেই যাই, স্বামি-স্ত্রী পরিচয়েই আমাদের থাকতে হবে ত! দার্জিলিঙে কলকাতার লোক হামেশা যাতায়াত করছে—পথে ঘাটে কত চেনা লোকের সঙ্গে দেখা হ’য়ে যাবে। আমার আর তাতে কি যাবে আসবে? কিছু না! কিন্তু তোমার একটু মুস্থিল হবে না?”

হীরালাল বলিল, “হ্যাঁ, তা ত হবেই। কিন্তু কোনও চেনা লোকের সঙ্গে দেখা হবে না, এমন প্রসাদপুরের মাঠ কোথায় খুঁজে পাওয়া যায়?”

রেবতী হাসিয়া বলিল, “কিন্তু প্রসাদপুর একটা যদি আবিষ্কারই করা যায়, সেখানে এক দিন তুমি আমার ঘাড়টা ধ’রে বলবে না ত—আমি তোমার যম!”—বলিয়া রেবতী, রোহিণীর সেইথানকার পার্টটুকু আঁঠু করিয়া লইল।

হীরালাল হাসিতে লাগিল। কিন্তু সুরবালার কথা মনে পড়িয়া যাওয়ায় তাহার বৃকে ব্যথা ও বাজিল।

সিমলা, দেরাহুন, মসুরীর কথাও পর্য্যায়ক্রমে আলোচিত হইল। শেষে স্থির হইল, আলমোরা অথবা নৈনিতাল। পাগড়ও বটে, বাঙ্গালীর গতিবিধিও কম।

সন্স্কার পর হীরালালকে রিহার্শালে যাইতে হইল। রেবতী বলিল, “দেখ, ম্যানেজার বাবুকে বোলো, যদি সময় পান, কাল যেন

একবার এসে আমার সঙ্গে দেখা করেন।—তুমি কিন্তু আমাদের পাহাড়ে যাবার কথা, ছুটি-টুটির কথা, কিচ্ছু তাঁকে বোলো না।”

রাত্রিতে ফিরিয়া হীরালাল বলিল, “কাল বেলা চটার পর ম্যানেজার বাবু আসবেন বলেছেন।”

রেবতী বলিল, “দেখ, সেই সময় তুমি কিন্তু বাড়ী থেক না। চা’টা খেয়েই, কোথাও বেড়াতে বেরিও। যদি ইডেন গার্ডেনের দিকে যাও, এক কাষে ছ’কাষই হ’তে পারে; বাথগেটের বাড়ী থেকে আমার ওয়ুধটাও অমনই নিড়ে আসতে পার, হরিসিংকে আর পাঠাব না তা হ’লে। তোমার সামনে আমি ম্যানেজারকে সব কথা বলতে পারব না—তাই তোমায় সরাতে চাচ্ছি।”

হীরালাল হাসিতে হাসিতে বলিল, “তা বেশ, আমি বেরুব এখন। কিন্তু কেন বল দেখি? ম্যানেজার বেচারীকে তুমি নয়ন-বাগে বিদ্ধ ক’রে ছুটি আদায় ক’রে নেবে না কি?”

রেবতী বলিল, “সে পাকা ঝুনো, নয়ন-বাগে বিদ্ধ হবার ছেলেই সে নয়!”

পরদিন ম্যানেজার বাবু যথাসময়ে আসিলেন। রেবতীর পীড়ার মধ্যেও দুই দিন তাহাকে দেখিতে আসিয়াছিলেন। চা খাইতে খাইতে সকল কথা তিনি ধীরভাবে শুনিলেন। শেষে বলিলেন, “ভারি মুশ্কিল! ছ’মাস গিয়ে চুণারে রইলে, আবার বলছ বিদেশে যাবে—থিয়েটার চালাই কি ক’রে বল দেখি?”

রেবতী বলিল, “কিন্তু উপায় কি বলুন? এখানে থেকে রোগে

ভুগে যদি আমি মারা যাই, তা হ'লেও ত আপনি আমার শোকে থিয়েটার তুলে দেবেন না !”

কিঞ্চিৎ তর্ক-বিতর্কের পর ম্যানেজার বাবু অবশেষে বলিলেন, “ডাক্তারদের কথা ছেড়ে দাও। ছ'মাস বসেছে ব'লে সত্যিই কি আর ছ'মাস লাগবে ভাল হ'তে? ওরা ও-রকম ব'লে থাকে। আচ্ছা, তিন মাসের ছুটি তোমায় দিচ্ছি না হয়। পুজোর আগে তোমায় এসে নতুন বইয়ের রিহার্সাল দিতে হবে।”

রেবতী বলিল, “মাইনেটা আমার পুরোই দেবেন ত? বিদেশে গেলে খরচ ত কম হবে না—এখানকার ডবল খরচ হয়ে যাবে।”

গাঁইগুঁই করিয়া অবশেষে ম্যানেজার বাবু ইহাতেও সম্মত হইলেন। তার পর রেবতী হীরালালের ছুটির কথা পাড়িল।

ম্যানেজার বাবু বলিলেন, “সে কি ক'রে হয়? মোটে এক মাস ত ও কায করেছে। এরই মধ্যে ছুটি চায়-ই না ও কোন্ মুখে?”

রেবতী বলিল, “আমি কি তবে বিদেশে বিভূঁয়ে একলাটি গিয়ে প্রাণ হারাব?”

ম্যানেজার বাবু বলিলেন, “ওকে না হ'লে তোমার স্বামী না-ই চলে, ওকেও ছুটি দিচ্ছি, কিন্তু মাইনে দিতে পারবো না।”

রেবতী বলিল, “এ তিন মাস ও বেচারী তা হ'লে খাবে কি?”

ম্যানেজার বলিলেন, “কেন, বিদেশে গিয়ে তোমরা ছ'জনে কি তিন হাঁড়ি কাড়বে নাকি?”

“তা অসম্ভব কাড়বো না, কিন্তু ওর স্ত্রী-পরিবার ত আছে। সে

যাক্,—আপনি এক কায় করুন ম্যানেজার বাব। ওর আমার ছ'জনেরই হাপ পে ছুটী মঞ্জুর ক'রে দিন।”

ম্যানেজার বাব সত্যই বুনা লোক। তিনি ব্যস্তিতে পারিলেন, হীরালালের আত্মসম্মানটুকু বজায় রাখিবার জন্তই রেবতী নিজে এই ক্ষতি স্বীকার করিতেছে। হিসাব করিয়া দেখিলেন, তাহাতে থিয়েটারের লাভ বৈ লোকসান নাই—কারণ, রেবতীর বেতন হীরালালের বেতনের চতুর্গুণ। বলিলেন, “আচ্ছা, তাই। কবে যেতে চাও তোমরা? কোথায় যাবে?”

“কোথায় যাব, তা এখনও কিছু ঠিক করিনি। যেখানেই যাই, হুপ্তাখানেকের ভিতরেই আমাদের রওয়ানা হ'তে হবে।—আর এক পেয়লা চা' আপনাকে দিক না ম্যানেজার বাবু!”

“আবার চা খাব? তা দিতে বল। কৈ, হীককে ত দেখছি নে?”

“তিনি বাথগেটের বাড়ী থেকে আমার জন্তে ওষুধ আনতে গেছেন।”

ম্যানেজার বাব দ্বিতীয় পেয়লা চা শেষ করিয়া, ঘড়ির দিকে চাহিয়া বলিলেন, “৩: ন' টা যে বেজে গেছে দেখছি। তুমি আজ ছুটি ভাত খাবে ভ?—সকালে সকালে খেয়ে নাও।”—বলিয়া পাণ মুখে দিয়া, সিগারেট ধরাইয়া তিনি বিদায় গ্রহণ করিলেন।

দশটার সময় হীরালাল ঔষধ লইয়া ফিরিয়া আসিল। বলিল, “কি হ'ল গো? তোমার নয়ন-বাণ ত ব্যর্থ হয় নি? ম্যানেজার-মুগকে হত্যা করতে পেরেছ?”

রেবতী বলিল, “পুরো হত্যা করতে পারি নি। হাপ হত্যা হয়েছে বটে।”

“কি রকম? তোমায় ছুটি দিয়েছে, আমায় দিলে না বুঝি?”

“না, দিয়েছে ছ’জনকেই। তবে তোমারও হাপ পে, আমারও হাপ পে।”

হীরালাল বলিল, “যাক্, বাঁচা গেল। ওষুধ এক দাগ খেয়ে নাও দেখি।”

“দাও। দিয়ে তুমি স্নান ক’রে ফেল। আমার ক্ষিধে পেয়েছে। কোথায় কোথায় বেড়ালে?”

“প্রেস্ক্রিপসনখানা বাথগেটের বাড়ী দিয়ে, ইডেন গার্ডেনে খানিকক্ষণ বেড়ালাম। তার পর জেটিতে গিয়ে, স্টীমারে লোকজনের নামা-ওঠা দেখতে লাগলাম। সময় কি আর কাটে! সাড়ে ন’টা বেজে গেল, তার পর বাথগেটের বাড়ী থেকে ওষুধটা নিয়ে ট্রামে উঠলাম।”

রেবতীকে ঔষধ সেবন করাইয়া হীরালাল স্নান করিতে গেল।

ত্রিংশ পরিচ্ছেদ

দার্জিলিঙ যাত্রা

“যা হোক, একটা ঠিক ক’রে ফেল—আর ব’সে ব’সে ভাবলে কি হবে? আমি পাজি দেখেছি, বুধবারে দিন ভালই আছে—ঐ দিন আমরা বেরিয়ে পড়ি চল।”

সন্ধ্যার পরে হীরালাল বসিয়া নিবিষ্ট-চিত্তে টাইম-টেবল দেখিতে ছিল, রেবতীর কথায় সে মগ্ন তুলিয়া চাহিল। বলিল, “দেখ, আলমোরা ত অনেক দূর, নৈনিতালেই যাওয়া যাক চল।”

রেবতী বলিল, “বাড়ীর কি হবে? নূতন যাযগা, সেখানে পৌছে আমরা উঠবো কোথা?”

হীরালাল বলিল, “সেই ত সমস্যা। নৈনিতালের কয়েকটা হোটেলের বিজ্ঞাপন এতে রয়েছে বটে, কিন্তু সবই দেখছি, সাহেবদের হোটেল। সেখানে গিয়ে ওঠা কি আমাদের পোষাবে?”

“তা কি আর পোষায়? তা হ’লে নৈনিতাল-ফৈনিতাল ছেড়ে দাও—ঐ দার্জিলিঙই ভাল। কাছাকাছি যাযগা, ভাড়াও কম, বাড়ী-টাড়ীও একটা সহজে পাওয়া যাবে। দার্জিলিঙের কত খালি বাড়ীর বিজ্ঞাপন ত কাগজে থমকে দেখতে পাই!”

হীরালাল বলিল, “তা থাকে,—তবে সেখানেও ত সমস্যা!”

“চেনা লোকের সঙ্গে দেখা হয়ে যাবার কথা বলছ ত? তা

আমি পর্দানশীন :সেজে থাকুবো এখন, আমি তোমার বরেরটি কি বাইরেরটি, কে-ই বা জানতে পারবে? এক পাতা সিঁদূর কিনে এনে দিও আমার—আর সোণার পাতে মোড়া একগাছা সাবিত্রী নোয়া।”—বলিয়া রেবতী হাসিল।

হীরালাল বসিয়া চিন্তা করিতে লাগিল। শেষে বলিল, “কিন্তু তুমি পর্দার ভিতরে আবদ্ধ হয়ে থাকলে তোমার স্বাস্থ্যের উপকারটা কি হবে? সকালে বিকালে একটু বেড়ানো দরকার ত? জুতো মোজাও তোমায় পরতে হবে, নইলে বেড়াবে কি ক’রে?”

রেবতী বলিল, “সেটা আর আজকাল দোষ ব’লে গণ্য হয় না। দার্জিলিং গিয়ে আমি দেখেছি ত পূর্বে, কত হিঁচু ঘরের বউ, দিবা জুতো মোজা প’রে স্বামীর সঙ্গে বা অন্য কোনও পুরুষ অভিভাবকের সঙ্গে বেড়াতে বেরোয়। তবে হ্যাঁ, পথে স্বামীর কোনও বন্ধুর সঙ্গে দেখা হ’লে তারা শেকছাও ক’রে হাড়ুডু বলে না, একটু অন্য দিকে মৃথ ফিরিয়ে দাড়িয়ে থাকে। কেউ কেউ বা রিক্সা ক’রে বেরোয়,—একটু দূরে গিয়ে, নির্জন স্থান দেখে নেমে, হেঁটে বেড়ায়।”

হীরালাল বলিল, “তবে তাই চল। দার্জিলিংই তিনটে মাস কাটিয়ে আসা যাক। প্রথমে গিয়ে জুবিলি স্থানটিরিয়মে ওঠা যাবে, তার পর দেখে শুনে একটা বাড়ী ঠিক ক’রে নেওয়া যাবে, কি বল? স্থানটিরিয়মে পরিবার নিয়ে থাকবার ব্যবস্থাও আছে শুনেছি।”

দুই জন ঝির মধ্যে সৌদামিনী সঙ্গে যাইবে স্থির হইল। অন্ত

যি কিছু দিন হইতে বাড়ী যাইবার জন্ত ছুটি চাহিতোছিল—
সে বাড়ী যাউক। দ্বারবান হরি সিং এখানে থাকিয়া বাড়ী
আগলাইবে। জিনিষপত্র যাহা প্রয়োজন, তাহারও একটা তালিকা
প্রস্তুত হইতে লাগিল।

দেখিতে দেখিতে রাত্রি ৯টা বাজিয়া গেল। হীরালাল বলিল,
“এইবার খাবার দিতে বলি,—তুমি রোগা মানুষ, আর বেশী রাত
ক’রে খাওয়া ঠিক নয়।”—বলিয়া হীরালাল সৌদামিনীকে ডাকিয়া
উভয়ের খাবার আনিতে আদেশ করিল।

পরদিন সারাটা দিন যে হীরালালের কোথায় দিয়া কটিয়া
গেল, তাহা সে বুঝিতে পারিল না। জিনিষ-পত্র কেনা, শিয়ালদহ
ষ্টেশনে গিয়া গাড়ী রিজার্ভ করা, থ্রানিটেরিয়মে ফ্যামিলি কোয়ার্টার
ঠিক রাখিবার জন্ত দার্জিলিঙে টেলিগ্রাফ করা, আইরিসটোল
মেসে গিয়া হিসাব-পত্র চুকাইয়া দিয়া নিজের জিনিষপত্র লইয়া আসা,
ইত্যাদি। হীরালালের নিজের জন্ত আলমোরা বা নৈনিতালের
উপযোগী ছই প্রস্থ গরম সুট পূর্বেই অর্ডার দেওয়া হইয়াছিল, সে
গুলিও আনিতে হইল।

সন্ধ্যার পর হীরালাল বাড়ী ফিরিয়া একান্ত অবসন্ন দেখে
সোফায় এলাইয়া পড়িল। রেবতী সোডা-মিশ্রিত কিঞ্চিৎ
“ঔষধ” হীরালালকে পান করাইয়া তাহার শুশ্রুষায় প্রবৃত্ত
হইল। এখন আর এসকল বিষয়ে হীরালালের কোনও ‘প্রেজুডিস্’
ছিল না।

দার্জিলিঙে পৌছিয়া, বাড়ী খুজিয়া লইতে কোন কষ্ট পাইতে

হইল না। সপ্তাহমাত্র স্থানিটেরিয়মে বাস করিয়া রেবতী ও হীরালাল সেই নূতন বাসায় উঠিয়া গেল।

রেবতী ইহার পূর্বে আর একবার দার্জিলিঙে আসিয়া মাসখানেক বাস করিয়া গিয়াছিল, কিন্তু সেবার তাহার চোখে দার্জিলিঙ এত ভাল লাগে নাই। প্রথম মাসটা পরম আনন্দেই রেবতীর কাটিল। প্রভাতে ও বিকালে বেড়াইতে যাইবার পরামর্শই তাহাদের ছিল, কিন্তু প্রভাতে বড় একটা ঘটিয়া উঠিত না,— প্রভাতে চা পান করিয়া স্থানীয় ভৃত্য পাহাড়িয়া বালক কাঞ্চিকে সঙ্গে লইয়া হীরালাল বাজার করিতে যাইত। বাজার হইতে ফিরিয়া আসিতে বেলা ৯টা বাজিত। তাহার পর কিয়ৎক্ষণ গল্প-গুজব করিয়া স্নানাদির ব্যবস্থা। বিকালে চারিটা বাজিলেই উভয়ে সাজসজ্জা করিয়া ভ্রমণে বাহির হইত। প্রথম প্রথম রেবতী বেশী দূর যাইতে পারিত না, বিশেষ, চড়াই উঠিতে হইলেই সে অত্যন্ত হাঁপাইয়া পড়িত; কোথাও বসিয়া কিছুক্ষণ বিশ্রাম করিতে হইত। ক্রমে পথ হাঁটা, চড়াই ওঠা তাহার অভ্যাস হইয়া আসিতে লাগিল, তেমন আর কষ্ট হইত না। তবে এই এক মাসে দুইবার তাহার দেহাশ্রিত ম্যালেরিয়া-অসুখ মাথা তুলিবার উপক্রম করিয়াছিল,—কিন্তু রেবতীকে কাবু করিতে পারে নাই। সৌভাগ্যবশতঃ পথে ঘাটে কোনও পরিচিত লোকের সহিত ইহাদের আজিও সাক্ষাৎ হয় নাই।

মাসকাবার হইয়া গেল। রেবতী থিয়েটারের ম্যাজেজার বাবুকে পত্র লিখিল, যেন তাহার বেতনের টাকাটা মনি-অর্ডার করিয়া

এখানে পাঠাইয়া দেওয়া হয়। হীরালালও সেই সঙ্গে পত্র লিখিয়া অনুরোধ করিল, ম্যানেজার বাবু যেন দয়া করিয়া তাহার বেতনও রেবতীর টাকার সঙ্গে একযোগে এখানে পাঠাইয়া দেন।

হীরালালের বাড়ীতে যে টাকা পাঠাইতে হইবে, তাহা রেবতীর বাক হইতে মনিঅর্ডারে যাইবে, এইরূপ পরামর্শই পূর্ব হইতে ছিল। এখানকার ঠিকানা বাড়ীতে জানানো অভিপ্রেত নহে।

একত্রিংশ পরিচ্ছেদ

দার্জিলিঙে

আষাঢ় মাস। দার্জিলিঙে বর্ষা নামিয়াছে। আজ সারাদিন গুঁড়ি গুঁড়ি বৃষ্টি পড়িয়াছে ; বৃষ্টির জন্য বিকালে বেড়াইতে বাহির হওয়া যায় নাই।

সন্ধ্যা হইয়া গেল। সমস্ত দিন বাড়ীতে বসিয়া থাকিয়া দুই জনেরই বিরক্তি ধরিয়া গিয়াছিল। হীরালাল আসিয়াই রেবতীর অন্তরোধে কাশীশ্বরী পাব্লিক লাইব্রেরীর মেম্বর হইয়াছিল ;—সন্ধ্যার পর প্রায়ই উভয়ে ঘন্টা দুই বহি পড়িয়া কাটাইত। বাজার করিয়া ফিরিবার পথে হীরালাল লাইব্রেরী হইতে বহি বদলাইয়া আনিত। শেষ যে বহিখানা আনিয়াছিল, তাহা গতকলাই শেষ হইয়া গিয়াছে। আজ বৃষ্টির জন্য হীরালাল নিজে বাজারে যায় নাই—বহিও বদলাইয়া আনা হয় নাই। সময় কাটানোই মুশ্কিল।

রেবতী প্রস্তাব করিল, “খানিক ব’সে ছ’জনে বিস্তি খেলা যাক এস।”

হীরালাল বলিল, “মন্দ কি ! যা হোক কিছু একটা করা যাক।”

রেবতী শয়নকক্ষে গিয়া তাহারা বাস্তব হইতে তাস বাহির

করিয়া আনিল। ছোট একখানা টিপয় মাঝে রাখিয়া দুই জনে বিস্ত্রি খেলা শুরু করিল।

হীরানাল কলের পুতুলের মত বসিয়া খেলিতে লাগিল বটে, কিন্তু খেলায় মনঃসংযোগ করিতে পারিল না। অকারণে তাহার “চৌদ্দ” ধরা পড়িয়া যায়,—তাহার হাতে ফেরাই থাকিতেও রেবতী নিজ “দশ” গুলি লইয়া পলায়ন করে—এইরূপ হইতে লাগিল। হীরানাল হারিতে লাগিল।

রেবতী বলিল, “ও কি হচ্ছে তোমার? মন তোমার কোথায় বল দেখি?”

হীরানাল বলিল, “কি জানি, খেলায় কেমন মন লাগাতে পারছিনে। এ থাক্ গে—হু’জনে ব’সে একটু গল্প করা যাক্ এস।”

“আচ্ছা, হাতের বাজিটা তা হ’লে শেষ হোক্।”—বলিয়া রেবতী তাস ফেলিল।

খেলা শেষ করিয়া, নিজ হাতঘড়ির পানে চাহিয়া রেবতী বলিল, “চটা বাজে। এইবার পেগ দিতে বলি?”

“বল।”

প্রথম গ্লাসের মাঝামাঝি আসিয়া পৌঁছিয়া রেবতী বলিল “একটা কথা তোমায় জিজ্ঞাসা করব, সত্যি বলবে?”

“কোন দিন তোমায় মিথ্যা বলেছি?”—বলিয়া গ্লাসে একটা চুমুক দিয়া হীরানাল উহা রেবতীর হাতে দিল।

রেবতী বলিল, “তা বলনি বটে। আচ্ছা, আজ বিকেল থেকে তুমি কি কিছু ভাবছ? প্রায়ই দেখছি, তুমি যেন কেমন অশ্রমমনস্ক।

আজ বেলা তিনটের পর থেকে একটবারও তোমার মুখে আমি হাসি দেখিনি।”

হীরালাল বলিল, “দিনের বেলায় ঘুমানোটা অন্তায় হয়ে গেছে।”

“তা ত হয়েছেই। এই ঠাণ্ডায়, দিনে ঘুমিয়ে শরীরটে আমারও কেমন ম্যাজ-ম্যাজ করছে। কিন্তু তোমার শুধু শরীরটে নয়, মনটাও যেন কেমন বিকল হয়ে গেছে। আচ্ছা, তাই নয় কি?”

হীরালাল বলিল, “মনটাও আমার খারাপ হয়েছে, তা সত্যি।”

“কেন? বাড়ীর জন্তে মন কেমন করছে?”

“ঠিক তাই নয়। একটা দুঃস্বপ্ন দেখেছি।”

রেবতী বলিল, “কি দুঃস্বপ্ন, আমায় বল না গো?”

“তোমায় ব’লে ফল কি? মিছে তোমারও হয়ত মন খারাপ হয়ে যাবে।”

“আমার মন খারাপ হবে—এমন কি স্বপ্ন?—আমি ম’রে গেছি, এই কি তুমি স্বপ্ন দেখেছ?—তা যদি দেখে থাক, তাকে ত দুঃস্বপ্ন বলা যায় না,—সেটা ত স্নস্বপ্ন, তাই।”

হীরালাল বলিল, “না, সে স্বপ্ন আমি দেখিনি। যা দেখেছি, তোমায় বলব—কিন্তু গ্লাস খালি হয়ে গেছে, আর একটু ঢাল। আমি যা স্বপ্ন দেখেছি, শুনে তুমি বল, আমার এখন কি করা কৰ্ত্তব্য।”

রেবতী আবার গ্লাস ভর্তি করিয়া দিল। হীরালাল কিঞ্চিৎ পান করিয়া, রেবতীকে দিয়া, নীরবে একটা সিগারেট ধরাইল।

রেবতী কাতর নয়নে হীরালালের পানে চাহিয়া প্রতীক্ষা করিতে লাগিল ।

হীরালাল তখন ধীরে ধীরে বলিল, “মরার স্বপ্নই দেখেছি বটে । স্বপ্ন দেখলাম, যেন দেশে গেছি, আর সুরবালা মৃত্যুশয্যায় । আমাকে দেখে যেন তার ছ’টি চোখ দিয়ে টস্-টস্ ক’রে জল পড়তে লাগল । আমি রুমাল দিয়ে তার চোখের জল মুছিয়ে দিয়ে, তার মাথায় গায়ে হাত বুলুতে লাগলাম । সে যেন আমার পায়ের ধূলা নেবার জন্যে হাত বাড়িয়ে আমার পা খুঁজতে লাগলো । আমি তাকে বললাম, ‘তুমি সতীলক্ষ্মী—পুণ্যবতী, আমি পাষাণ পাপী ছরাচার—আমার পায়ের ধূলা নিয়ে নিজেকে তুমি অপবিত্র ক’রো না !’ কিন্তু সে শুন্লে না,—আমার পায়ের ধূলা নিয়ে মাথায় দিয়ে, চোখ বুজে রইল । তার মুখখানি তখন শান্তিতে পরিপূর্ণ হয়ে উঠল । সে, চোখ বুজেই রইল । কিছুক্ষণ তার মুখের দিকে চেয়ে থেকে, আমি তাকে নাম ধ’রে ডাকলাম, কিন্তু আর উত্তর পেলাম না । নাকে হাত দিয়ে দেখলাম, নিশ্বাস আর বইছে না—সব শেষ হয়ে গেছে ।”

রেবতী শুনিয়া চক্ষু নত করিয়া নীরবে বসিয়া রহিল ।

কিয়ৎক্ষণ উভয়েই নীরব । শেষে রেবতী বলিল, “তুমি এখানে এসে অবধি বাড়ীতে চিঠিপত্র কিছুই লেখনি,—নয় ?”

হীরালাল বলিল, “কৈ আর লিখেছি ।”

“তাদের কোনও চিঠিও তুমি ত কৈ পাও নি ! বোধ হয়,

তোমায় তাঁরা চিঠিপত্র যা লিখেছেন, তা সেই অহীরিটোলার বাসা-তেই এসে প'ড়ে আছে।”

“সম্ভব।”

“বিপিন বাবুর নামে একটা তার পার্টিয়ে দাও না। বাড়ীর সবাই কে কেমন আছেন, জিজ্ঞাসা কর। এত দিন বাড়ীতে কোনও চিঠিপত্র না লেখা তোমার খুব অগা্য হয়ে গেছে কিন্তু।”

“আজ লিখি কাল লিখি ক’রেই লেখা হয় নি। আর, কিই বা লিখবো ছাই! তবে কলকাতা ছাড়বার আগে বিপিনকে আমি একখানি ছোট চিঠি লিখেছিলাম,—পাকেপ্রকারে সব কথা তাকে জানিয়েছিলাম। আর তাকে লিখেছিলাম, বাড়ীল লোক যদি তাকে জিজ্ঞাসা করে, তা হ’লে সে যেন বলে সে আমার চিঠি পেয়েছে আমি ভালই আছি।”

“তুমি যে দার্জিলিঙে আসছ সে কথা তাঁকে জানিয়েছিলে?”

“না—তা জানাই নি। লিখেছিলাম, অজ্ঞাতবাসে যাত্রা করছি, তিন মাস পরে কলকাতায় ফিরে এসে আবার চিঠি লিখবো।”

রেবতী বলিল, “তুমি টেলিগ্রাফ ক’রেই দাও। বিপিন বাবু যখন আসল কথাই জানেন, তখন দার্জিলিঙে তোমার ঠিকানা জানলে কি আর তেমন ক্ষতি হবে? আর্জেন্ট ক’রে দাও—কাল দিনের মধ্যে এক সময় জবাব এসে পৌছবে।”

রেবতীর পরামর্শ অনুসারে হীরালাল টেলিগ্রাম লিখিল। ভৃত্য-বালক কাঞ্চি তখনই গিয়া সে টেলিগ্রাম রওয়ানা করিয়া আসিল।

পরদিন বেলা দুইটার পর তারের জবাব আসিল। বিপিন বাব লিখিয়াছেন, “তোমার বাড়ীর সকলেই কুশলে আছেন, কোনও চিন্তা নাই।”

টেলিগ্রাম পাইয়া হীরালালের মনটা নিশ্চিন্ত হইল। তাহার মুখে আবার হাসি ফুটিল।

রেবতী হাসিতে হাসিতে বলিল, “দেখলে ত! আমি তোমায় বলেছিলাম, কিছু ভয় নেই, সুরবালা ভালই আছে। এখন আমায় কি বকশিস দেবে দাও।”

হীরালাল বলিল, “আমার থাকবার মধ্যে ত আমি নিজেই—তা ত তোমায় দিয়ে ফেলেছি! আর কোথায় কি পাব বল?”

এইরূপ হাস্য-পরিহাসের মধ্যে চা-পান সমাপ্ত করিয়া, উভয়ে বেড়াইতে বাহির হইল। আজ আকাশটা বেশ পরিষ্কারই ছিল।

“আজ কোন্ দিকে যাওয়া যায়?”—গল্প করিতে করিতে দুই জনে পদচালনা করিল। ক্রমে উভয়ে দার্জিলিঙের হিন্দুশ্মশানের দিকে নামিতে লাগিল। শ্মশানভূমির প্রান্ত দিয়া ক্ষুদ্র গিরি-নির্ঝরিণী কুলু-কুলু শব্দে বহিয়া চলিয়াছে। নিকটে কোথাও জনমানব দৃষ্ট হইতেছে না। দাহস্থানের কাছাকাছি পৌঁছিয়া দুই জনে কিছুক্ষণ দাঁড়াইয়া রহিল। এ স্থানে পূর্বেও একদিন ইহারা বেড়াইতে আসিয়াছিল। রেবতী জিজ্ঞাসা করিল, “ফিরবে? না, একটু বসা যাবে?”

হীরালাল বলিল, “চল, জলের কাছে বসি। ঐ দেখ, মস্ত এক থানা পাথর রয়েছে—বসবার সুবিধে আছে।”

শ্মশানভূমি প্রদক্ষিণ করিয়া, দুই জনে গিয়া সেই শিলাতলে উপবেশন করিল।

রেবতী বলিল, “আচ্ছা, তোমার সে টেলিগ্রামখানায় দেখেছিলে, কখন বিপিন বাবু সেটা রওয়ানা করেছিলেন?”

হীরালাল পকেট হইতে টেলিগ্রাম বাহির করিয়া, উহা পরীক্ষা করিয়া বলিল, “আজ সকালে ১০টা ২০ মিনিটে।”

“তা হ’লে আজ সকালেই বোধ হয় বিপিন বাবু তোমার টেলিগ্রামখানা পেয়েছিলেন?”

“তাই সম্ভব।”

“তিনি বোধ হয়, তোমার বাড়ীতে গিয়ে, সবাই কেমন আছে জেনে এসে, তার পর তার করেছেন?”

“নিজে গিয়ে হোক, অথবা কাউকে আমাদের বাড়ীতে পাঠিয়ে হোক, খবরটা আগে নিয়েছেন নিশ্চয়।”

“আচ্ছা, কলকাতা থেকে তুমি তাঁকে যে চিঠি লিখে এসেছ, সে চিঠি পেয়ে তিনি কথটা সেখানে প্রকাশ ক’রে দেন নি ত?”

“সে রকম হান্ধা সে নয়।”

“এত দিন তিনি তোমার ঠিকানা জানতেন না, কয়েকই সে চিঠির কোন উত্তর দিতেও তিনি পারেন নি। এইবার ঠিকানা জেনেছেন, এইবার একখানা খুব কড়া চিঠি তুমি পাবে বোধ হয় তাঁর কাছ থেকে। আমার সঙ্গে মিশতে পৈ-পৈ ক’রে তোমায় বারণ করেছিলেন। যে ভয়ে করেছিলেন, শেষে তাই তুমি ঘটালে, তবে ছাড়েন।”

হীরালাল এ কথার কোন উত্তর করিল না, শুধু তাহার মুখে একটু বিষাদের হাসি প্রকাশ পাইল।

হীরালালকে নীরব দেখিয়া রেবতী আদরের স্বরে জিজ্ঞাসা করিল, “হ্যাঁগা, তুমি কি ভাবছ, বল না!”

হীরালাল বলিল, “বিশেষ কিছু নয়। কাল সন্ধ্যাবেলায় তোমাকে যখন আমি স্বপ্নের কথা বলেছিলাম, তখন একটা কথা বলতে ভুলেছি। স্বপ্নে সুরোকে যখন পোড়াতে গিয়েছিলাম, তখন আমাদের গ্রামের নদীর ধারের সে শ্মশান ত দেখিনি। এই শ্মশানটাই দেখেছিলাম।”

রেবতী আশ্চর্য হইয়া বলিল, “এই শ্মশান! বল কি?”

হীরালাল বলিল, “হ্যাঁ, ঠিক এই শ্মশান।”

রেবতী বলিয়া উঠিল, “ওঃ, তা হ’লে বুঝেছি!”

“কি বুঝেছ?”

“স্বপ্নে সুরোকে তুমি পোড়াতে আসনি, আমাকেই পোড়াতে এসেছিলে।”

“না না—সুরোকে। আমাদের বাড়ীতে, আমার শোবার ঘরে, সেই তক্তপোষের উপর—সুরো আমার পায়ে ধুলো নিয়ে চোখ বজলে—সেখানে তুমি যাবে কি ক’রে?—সে সুরোই!”

রেবতী বলিল, “বর্দ্ধমান জেলার সেই মাধবপুর গ্রাম থেকে সুরোর দেহ দার্জিলিঙের এই শ্মশানেই বা আসবে কেমন ক’রে, তাই বল। সুরো সতীলক্ষ্মী, সে কেন মরবে? সে দীর্ঘজীবী হয়ে বেঁচে থাকুক, পাকা মাথায় সিঁদূর পরুক—আমিই বোধ

হয় এই দার্জিলিঙে দেহ রাখবো। তুমি আমায় পুড়িয়ে—কাঁদতে কাঁদতেই বোধ হয়—কলকাতায় ফিরে যাবে। দেখ, লোকে কথায় বলে, স্বপ্নে আপনার ভাল বা মন্দ কিছু দেখলে সেটা পরের হয়।”

হীরালাল রেবতীর একখানি হাত নিজ হাতের মধ্যে লইয়া গদগদ স্বরে বলিল, “তুমিই কি আমার পর?”

রেবতী সেইরূপ স্বরে বলিল, “পর না ত কি? এ জন্মে ত পর! আসছে জন্মে যদি পার ত তোমার রেবিকে আপন ক’রে নিও। জাল সিঁদূর, জাল নোয়া যেন আমার আর না পরতে হয়!”—বলিতে বলিতে রেবতীর চক্ষু দিয়া টপ-টপ করিয়া জল পড়িতে লাগিল।

“ছি ছি, মিছে তুমি মন খারাপ করছ কেন ভাই?”—বলিতে বলিতে হীরালাল সময়ে রেবতীর অশ্রু মুছাইয়া দিল। বলিল, “চল, এবার ফেরা যাক। ঐ দেখ, সূর্য্য ডুবে যাচ্ছে। অনেকটা দূর চড়াই উঠতে হবে।”

রেবতী বলিল, “না, আর একটু বসি। সত্যি, আমার বেশ লাগছে। শ্মশানে এলে মানুষের মন পবিত্র হয়, সে কথা ত মিথ্যে নয়! আমি এমন পাপী মানুষ, আমারও মনে হচ্ছে, যেন কত উঁচুতে উঠেছি।”

হীরালাল নীরবে, নতমুখে বসিয়া রহিল। রেবতীও কিয়ৎক্ষণ নীরব থাকিবার পর বলিল, “আচ্ছা, যে পাপী, সে যে চিরকাল পাপীই থাকবে, এমন কিছু কথা আছে কি?”

হীরালাল মুখ তুলিয়া বলিল, “নিশ্চয়ই না।”

“তা হ’লে, আমরা হ’জনে ইচ্ছা করলে ত এই পাপ পণ পরিত্যাগ করতে পারি ?”

হীরালাল বিষাদপূর্ণ স্বরে বলিল, “ভালবাসা কি পাপ ?”

রেবতী বলিল, “আমি মূর্থ মেয়েমানুষ । ভালবাসা পাপ কি না, তা জানিনে । কিন্তু কার মন্দ করা, কার মনে কষ্ট দেওয়া, নিশ্চয়ই পাপ । সুরবালা তোমার বিবাহিতা স্ত্রী—তোমার উপর সম্পূর্ণ অধিকার তারই ! আমি তার স্বামীটিকে কেড়ে নিচ্ছি—তা আমি তাকে যতই ভালবাসি না কেন—এটা নিশ্চয়ই পাপ । তবে, ভালবাসা যে পাপ নয়, সেটাও ঠিক । কেন না, পূর্বেও আমি অল্প পুরুষের সংস্রবে এসেছি, তখন কৈ এক দিনও ত আমার মনে হয় নি যে, আমি তার বিবাহিতা স্ত্রীর সন্ধান করছি । আজ আমার সে কথা কেন মনে হচ্ছে জান ?—ভালবাসা যে কি জিনিষ, তা ত আগে জানতাম না ! আগে বুঝতাম স্বার্থসিদ্ধি—বাসনা-পরিতৃপ্তি । তোমাকে পেয়ে এত দিনে আমি সত্যি ভালবাসা যে কি, তার স্বাদ পেয়েছি । সেই ভালবাসার আগুনে, আমার মনের সব ময়লা পুড়ে ছাই হয়ে যাচ্ছে । এখন আমার কি মনে হয় জান ?—আমি স্বচ্ছন্দে, সতীকে তার পতি ফিরিয়ে দিয়ে, চ’লে যেতে পারি । পুরাণের যুগে, পুণ্যাত্মা রাজা, অন্যকে পৃথিবী দান ক’রে নিজে নিঃস্ব হ’তে পারতেন ; আমি কি পরের জিনিষের লোভটুকুও পরিত্যাগ করবার মত শক্তি রাখিনে ?”—বলিয়া নীরব হইল ।

হীরালাল ধীরে ধীরে রেবতীর একখানি হত টানিয়া লইয়া,

নিজ বক্ষে তাহা চাপিয়া ধরিয়া বলিল, “আমার বুকের ভিতরটা কি রকম তোলপাড় করছে, দেখ।”

রেবতী নিজ হাতখানি হীরালালের বুকের উপর চাপিয়া ধরিয়া বলিল, “তুমি অধীর হচ্ছ কেন, ভাই? সত্যিই কি আমি মরবো, কিংবা সত্যিই কি আমি তোমায় ছেড়ে চলে যাব? মুখেই এত বক্তৃতা করলাম—অভিনেত্রী যদি বক্তৃতা না করবে ত করবে কে বল? যা বললাম, সত্যিই কি আমি তা পারবো?—সত্যিই কি এত উচুতে আমি উঠেছি? ষ্টেজের উপর আমি যে সীতা সাজি—অগ্নিপরীক্ষায় পার হয়ে আসি—এও বোধ হয় সেই রকম। না-না,—আর এ শাশানে বেড়াতে আসা হবে না।” এ পর্য্যন্ত রেবতী হাসিতে হাসিতে বলিল। তার পর হঠাৎ লাহার মুখখানি আবার গম্ভীর হইয়া উঠিল। বলিল, “এবার যে দিন আসবো—তুমি আসবে পায়ে হেঁটে, আমি আসবো কাঁধে চড়ে। ওঁ ভাই—চল এখন বাড়ী যাই—অন্ধকার হবার আর দেরী নেই।”

হুই দ্বনে তখন উঠিয়া, হাত-ধরাধরি করিয়া গৃহাভিমুখে চলিল।

দ্বাত্রিংশ পরিচ্ছেদ

হুশিচন্তা ।

সুরবালার মনে মনে আশা ছিল, গত রবিবারে বিশেষ কাণ্ডে আটকাইয়া পড়াতে তিনি বাড়ী আসিতে পারেন নাই, আগামী রবিবারে “নিশ্চয় বোধ হয়” আসিবেন । প্রাণ বলে, “নিশ্চয়” আসিবেন ; না আসিলে আমার গতি কি হইবে ? কিন্তু সাংসারিক বুদ্ধি, ঐ “নিশ্চয়”এর সঙ্গে একটা “বোধ হয়” লাগাইয়া দেয় ! আকাঙ্ক্ষা অতিশয় প্রবল বলিয়াই কি সব সময় তাহা মিটে ? অভাব অতিমাত্রায় যন্ত্রণাদায়ক বলিয়াই কি সত্তর তাহার পরিপূরণ হইয়া যায় ? সুরবালা মনে মনে আশা করিতে লাগিল, শনিবার নাগাইদ বোধ হয় আবার পত্র আসিবে, “আগামী রবিবার সন্ধ্যার পর আটটা নয়টার মধ্যে আমি বাড়ী পৌছিব ।”

বৃহস্পতিবার অপরাহ্নে হীরালালের প্রেরিত মনি-অর্ডারটি বিপিন বাবুর হস্তে আসিয়া পৌছিল । সন্ধ্যার পর তিনি হীরালালের জননী উদ্দিষ্ট চল্লিশটি টাকা হাতে করিয়া তাহাদের বাড়ী গিয়া উঠানে দাঁড়াইয়া বলিলেন, “খুড়ীমা ! হীকদাদা টাকা পাঠিয়ে দিয়েছে ।” এই কথা শুনিয়া হীরালালের জননী যে কি পরিমাণ আনন্দিত হইলেন, তাহা বলাই বাহুল্য । বিপিন বাবুকে আদর অভ্যর্থনা করিয়া বসাইলেন । পিয়ন নোট দিয়া গিয়াছিল, কিন্তু বিপিন বাবু সে নোট রাখিয়া নিজ তহবিল হইতে চল্লিশটি রূপার

টাকা কাগজে মুড়িয়া পকেটে করিয়া লইয়া গিয়াছিলেন। হীরালালের মাতা টাকা পাইয়া সেগুলি মাথায় ঠেকাইয়া, কয়েকটি টাকা দেব-দেবীগণের পূজার জন্য তুলিয়া রাখিলেন। বিপিন বাবুকে জিজ্ঞাসা করিলেন, “হ্যাঁ বাবা, হীরু কবে বাড়ী আসবে, তা কিছু লিখেছে?” বিপিন বাবু মনি-অর্ডারেব কুপনটি সঙ্গে করিয়া লইয়া গিয়াছিলেন, উহা পড়িয়া শুনাইয়া বলিলেন, “না খুড়ীমা, কবে আসবে, তা ত কিছু লেখেনি।”

সুরবালার মনটি সন্দেহ-দোলায় ছলিতে লাগিল—আগামী রবিবারে স্বামীর আগমন সম্বন্ধে আশা অত্যন্ত ক্ষীণ হইয়া পড়িল। একে ত আসিবার বিষয় কোনও কথাই লেখা নাই, তদুপরি আগামী রবিবারে যদি আসা ঘটত, তবে কি অনর্থক মাসুল খরচ করিয়া টাকাগুলি তিনি মনি-অর্ডার করিতেন? সঙ্গেই লইয়া আসিতেন।

রবিবার আসিল ও চলিয়া গেল,—হীরালালের কোনও সংবাদ নাই। দিন গণিতে গণিতে আরও একটা রবিবার আসিল, হীরালালের কোনও পত্রাদি না আসায়, তাহার জননী চিন্তিত হইয়া পড়িলেন। তিনি সুরবালাকে জিজ্ঞাসা করিলেন, “বউমা, তুমি কি হীরুকে কোনও চিঠিপত্র লিখেছ?”

সুরবালা বলিল, “হ্যাঁ মা, আমি দু’খানা চিঠি লিখেছি। কিন্তু কোনও জবাব ত এল না।”

“কবে লিখেছ?”

“একখানা লিখেছি, যে দিন বিপিন ঠাকুরপো টাকা দিয়ে

গেলেন, তার পরের দিন। আর একখানা লিখেছি পাঁচ ছ'দিন হ'ল।”

গৃহিণী বলিলেন, “তাই ত! চিঠি কেন আসছে না? শরীর-গতিক কেমন আছে, তাই বা কে জানে!”

স্বরবালা মুখ ফিরাইয়া লইয়া, একটি নিশ্বাস ফেলিয়া অন্যত্র চলিয়া গেল। ছোটগিন্নী সেখানে আসিয়া দাঁড়াইলেন। তাঁহাকে দেখিয়া বড়গিন্নী জিজ্ঞাসা করিলেন, “ছোটবো, চুণি কোথায় গেল?”

“কি জানি, কোথায় বেয়িয়েছে। কেন দিদি?”

“তাকে একবার বিপিনের কাছে পাঠাতাম, যদি তার কাছে শ্রীর কোনও চিঠিপত্র এসে থাকে।”

“আচ্ছা, চুণি বাড়ী এলেই পাঠাব এখন।”

বেলা প্রায় ১১টার সময় চুণি বাড়ী ফিরিয়া হাঁকিল—“তোমাদের রান্না-বান্না হয়ে থাকে যদি ত তেল দাও, নেয়ে আসি!”

ছোটগিন্নী রান্নাঘর হইতে বাহিরে আসিয়া বলিলেন, “হতভাগা ছোঁড়া! কোথায় ছিল এত বেলা অবধি বল দেখি? পেট ঝলে উঠছে, তাই বুঝি বাড়ী ব'লে মনে পড়েছে?”

চুণি বলিল, “কেন, আজ রবিবার ছুটির দিনটেও বাড়ীতে ব'সে ব'সে ভেরাণ্ডা ভাজতে হবে না কি? দাও, তেল দাও।”

“কোন চুষোয় গিয়েছিলি, বল না?”

“চুলোয় যাব কি ছুখে? ঘোমেদের বাগানে আমরা গুলি-দাঁড়া খেলছিলাম। সব কাষেরই কি কৈফেং তোমাদের কাছে

দিতে হবে নাকি? ভাল জালা! এখন একটু তেল দেবে?
না রুখু নেয়ে আসবো?”

“নাইবি এখন। আচ্ছা, যা দেখি চট্ ক’রে একবার জমিদার-
বাড়ীতে। বিপিন দাদাকে গিয়ে বল যে, অনেক দিন হীরাদাদার
কোনও চিঠিপত্র না আসাতে বাড়ীর সবাই ভেবে মরছে, আপনার
কাছে তাঁর কোনও চিঠিপত্র এসেছে কি?”

চুণি বলিল, “হ্যাঁ, বেলা দুপুর বাজতে চল, ফিদেয় পেট
চোঁ-চোঁ করছে, এখন এই রোদ্দুরে আমি যাই জমিদার-বাড়ীতে!
আমার ত আর মনিষ্যির প্রাণ নয়—আমি যেন একটা গোরু
কি ভেড়া।”

মা হাসিয়া বলিলেন, “তুই একটা গাধা! যা যা, চট ক’রে
জিজ্ঞেস ক’রে আয়, মিছে দাঁড়িয়ে তরু করিস নে।”

বড়গিন্নী মালা জপ করিতেছিলেন, উহা শেষ করিয়া বলিলেন,
“আচ্ছা, এখন যেতে হবে না, ও বেলাই যাস না হয়। এখন
যা, নেয়ে এসে ভাত খা। - দাও ছোটবৌ, ওকে একটু তেল দাও।”

আহারাদি শেষ করিয়া পাণ লইয়া চুণি উচ্চস্বরে বলিল, “দেখ,
একটা বিশেষ কাযে এখনই আমি বেরছি। অমনি ঐ দিক
থেকেই জমিদার-বাড়ীতে গিয়ে থবর এনে দেবো—পাঁচটার মধ্যেই
আমি ফিরবো, তোমরা নিশ্চিন্ত থাক।”—বলিয়া বালক চটিজুতা
ফট্-ফট্ করিতে করিতে বাহির হইয়া গেল।

পাঁচটার সময় চুণি ফিরিয়া আসিল। বড়গিন্নী জিজ্ঞাসা করিলেন,
“হ্যাঁ বাবা, গিয়েছিলি সেখানে?”

চুণি পা ধুইবার আয়োজন করিতে করিতে বলিল, “সেইখান থেকেই ত আসছি !”

“কি বল্লে বিপিন ? চিঠিপত্র কিছু পেয়েছে ?”

চুণি বলিল, “বিপিন দাদার সঙ্গে মোটে দেখাই হ’ল না, বলবো কি ! বৈঠকখানায় তাকে দেখতে না পেয়ে বাড়ীর ভিতর পর্য্যন্ত গেলাম। সেখানে নেই। তখন মাথায় হঠাৎ এক বুদ্ধি এল। ভাবলাম, বিপিন দাদার কাছে যদি কোনও চিঠি এসে থাকে, তবে তার বউ নিশ্চয়ই সে কথা জানে। বিপিন দাদার বউকে গিয়ে সব কথাই খুলে বললাম। বউ বল্ল, “হ্যাঁ চিঠি এসেছে বৈ কি, তোর হীরুদা ভালই আছে, ভাবতে বারণ ক’রে দিস।”

বড়গিন্নী হাঁকিয়া বলিলেন, “তবে কে বলে রে ছেলের বুদ্ধি নেই ? কবে চিঠি এসেছিল, তা কিছু বল্লে ?”

চুণি পা ধুইতে ধুইতে বলিল, “ভাল কথা মনে প’ড়ে গেল, কবে চিঠি এসেছিল, তা কিছু বল্লে না বটে, কিন্তু বউদিদিকে একবার গিয়ে দেখা করতে বলেছে।”

বড়গিন্নী বলিলেন, “তোর বউদিদিকে যেতে বলেছে ?”

চুণি বলিলেন, “হ্যাঁ গো হ্যাঁ, আমার বউদিদিকে না ত কি কেঁটার বউদিদিকে ? বলেছে, বিশেষ দরকার আছে।”

স্বরবালা অদূরে দাঁড়াইয়া সকল কথাই শুনিতেছিল। কৈ আর কখনও ত বিপিন বাবুর স্ত্রী একরূপ ভাবে ডাকিয়া পাঠান না ! কারণটা কি ? কেবল একটু গল্প সল্প করিবার জন্ত ? না, তাহা ত বোধ হয় না, কারণ, তিনি বলিয়া দিয়াছেন, বিশেষ প্রয়োজন আছে।

কি এমন বিশেষ প্রয়োজনে বিপিন বাবুর জী তাহাকে ডাকিয়া পাঠাইয়াছেন? কোনও মন্দ সংবাদ কি? যাহা হউক, স্বামী ভাল আছেন, এ কথা ত তিনি স্পষ্ট করিয়াই বলিয়াছেন,—এমন কি, ভাবিতে পর্য্যাপ্ত বারণ করিয়া দিয়াছেন।

চুণি হাত-মুখ ধুইলে, তাহাকে জলযোগ করাইয়া সুরবালা তাহাকে একান্তে ডাকিয়া জিজ্ঞাসা করিল, “ই্যা রে চুণি, বিপিন বাবুর বউ তোকে কি সব কথা বলেছে, আমি ভাল ক’রে শুনতে পাই নি! সব কথা ঠিক ঠিক ক’রে আমায় বল দেখি।”

চুণির মেজাজটা জলযোগান্তে বেশ প্রশম্ন ছিল, বিপিন বাবুর স্ত্রীর সহিত তাহার কথাবার্ত্তাগুলির পুনরুজ্জীবিত করিল। কিন্তু পূর্বে যাহা বলিয়াছিল, তাহার সহিত বিশেষ কোনও তফাৎ হইল না।

সুরবালা জিজ্ঞাসা করিল, “কবে যেতে হবে, তা কিছু বলেছে?”

“না, তা কিছু বলেনি। কেবল বলে, একবার এসে আমার সঙ্গে দেখা করতে বলিস, বিশেষ দরকার আছে। ই্যা, ভাল কথা মনে পড়ে গেল। বলেছে, তোর বউদিদি যেন একলা আসে, কাকীমা টাকীমা কাউকে সঙ্গে নিয়ে নয়।”

“বিপিন খাব কোথায় ছিলেন সে সময়?”

“বললাম যে, বিপিন দাদার সঙ্গে মোটে ত দেখাই হ’ল না। তিনি যে পাঁচ ছ’ দিন হ’ল দেহাতে গেছেন, এখনও ত ফেরেন নি।”

সুরবালা বলিল, “আচ্ছা, আজই তা হ’লে সন্ধ্যার পর আমায় নিয়ে চল, কি বলিস?”

চুণি বলিল, “সন্ধ্যার পর? তা আমি নিয়ে যেতে পারি, আমার

নিজের কোনও আপত্তি নেই। কিন্তু জেঠীমা কি সন্ধ্যার পর তোমায় যেতে দেবেন? রাত-বিরেত বউ-ঝি পথঘাটে বেরোন কি ভাল?”

সুরবালা বলিল, “মা যদি যেতে দেন, তা হ’লে নিয়ে যাবি ত?”

“হ্যাঁ, তা যাব না কেন?”

সুরবালা প্রথমে খাণ্ডড়ীর নিকট দরবার না করিয়া, ছোট-কাকীমার নিকট গেল। তাঁহাকে সব কথা বুঝাইয়া বলাতে তিনিও বলিলেন, “হ্যাঁ, সত্যিই ত। ভাবনার কথাই ত বটে। বিশেষ, তোমায় একলা যেতে বলেছে, আমাদের কারু সঙ্গে নয়। কোনও গোপনীয় কথাই আছে নিশ্চয়!”

সুরবালা বলিল, “তুমি কাকী-মা, মাকে ব’লে তাঁর মতটা করিয়ে দাও! আমি চুণিকে ব’লে রেখেছি, সে আমায় সঙ্গে ক’রে নিয়ে যাবে।”

“আচ্ছা, দিদিকে আমি বলি গে।”

বড়-গিন্নী প্রথমটা চুণির কথার সম্পূর্ণ তাৎপর্যটা হৃদয়ঙ্গম করিতে পারেন নাই। ছোট-বউয়ের সঙ্গে কথাবার্তার পর তাঁহারও মনটি শঙ্কাকুল হইল। সুরবালাকে যাইবার অসুস্থমতি প্রদান করিলেন।

ত্রয়োদশ পরিচ্ছেদ

দুঃ-সংবাদ ।

বালক দেবরকে সঙ্গে লইয়া সন্ধ্যার পর সুরবালা জমীদার-ভবনে গিয়া উপস্থিত হইল । বিপিন বাবুর স্ত্রী সুহাসনলিনী আসিয়া, “এস দিদি”—বলিয়া সুরবালাকে অভ্যর্থনা করিল । চুণিলালকে বলিল, “চুণি, তুমি ভাই বাইরে গিয়ে বৈঠকখানায় বসে থাক,—তোমার বৌদিদির যখন বাড়ী যাবার সময় হবে, তখন আমি তোমায় ডেকে পাঠাব এখন ।”

“আচ্ছা”—বলিয়া চুণি প্রস্থান করিল ।

সুহাস সুরবালাকে নিজ শয়নকক্ষে লইয়া গিয়া বসাইল । সুরবালা বলিল, “ঠাকুরপো দেহাতে গেছেন শুনলাম, ফিরবেন কত দিনে ?”

সুহাস বলিল, “ফিরতে তাঁর বোধ হয় এখনও এক সপ্তাহ দেরী হবে ।”—বলিয়া সুহাস নতনেত্রে গম্ভীরভাবে বসিয়া রহিল ।

অন্তান্ত্রবার সুরবালার সতিত সুহাসের যখনই সাক্ষাৎ হইয়াছে,—সুহাস কত হাসি হাসিয়াছে, কত গল্প করিয়াছে, আজ তাহার এই গম্ভীর ও বিষমভাব দেখিয়া সুরবালার শঙ্কাকুল হৃদয় আরও শঙ্কান্বিত হইয়া উঠিল । সে ধীরে ধীরে বলিল, “কি বিশেষ কথা বলবার জন্তে আমায় অমন তাগিদ করে ডেকে পাঠিয়েছ, ভাই ?”

সুহাস বলিল, “ব’স, বলছি ।”

সুরবালা শকাপূর্ণ নেত্রে সুহাসের মুখের পানে চাহিয়া রহিল।

সুহাস বলিল, “উনি ত আজ পাঁচ দিন হ’ল বাড়ী-ছাড়া। পশুওঁর নামে একখানি চিঠি এসেছিল—খামের চিঠি—পোষ্ট কার্ড নয়—আমি সেখানি খুলেছিলাম।”

সুরবালা জিজ্ঞাসা করিল, “কোথা থেকে এসেছিল, কার চিঠি?”
“চুণির দাদার চিঠি।”

“তবে সত্যি তাঁর চিঠি এসেছে? তিনি ভাল আছেন ত ভাই?”
—বলিয়া সুরবালা উৎকণ্ঠিতভাবে সুহাসের দিকে চাহিল।

সুহাস বলিল, “ভালই আছেন বটে। কিন্তু ভাই, সে চিঠিতে এমন সব কথা লেখা আছে—যা প’ড়ে আমি হতবুদ্ধি হয়ে গেছি। সে চিঠি প’ড়ে অবধি আমার মনটা ভারী খারাপ হয়ে রয়েছে।”

“কি লেখা আছে সে চিঠিতে?”

“সে ভাই, বড় সৰ্ব্বনেশে চিঠি। সে চিঠি পেয়ে তিনি কি করতেন জানিনে। হয়ত কোনও উপায় তিনি করতেন। কিন্তু এক সপ্তাহের আগে ত তাঁর বাড়ী ফেরবার সম্ভাবনা নেই। তাই তোমার সঙ্গে পরামর্শ করবার জন্তে তোমায় অত তাগিদ ক’রে ডেকে পাঠিয়েছিলাম। তোমারই বিষয় ভাই। সে চিঠি তোমায় দেখাই—প’ড়ে, যা তুমি ভাল বোঝ, তাই কর।”—বলিয়া সুহাস উঠিয়া গিয়া তাহার আলমারী খুলিল। চিঠিখানি বাহির করিয়া আনিয়া সুরবালার হস্তে দিল।

সুরবালার গা তখন কাঁপিতেছে। চিঠিখানি হাতে লইয়া, খামের উপর লেখা ইংরাজী ঠিকানাটি সে দেখিতে লাগিল। ইংরাজী

না জানিলেও স্বামীর ইংরাজী হস্তাক্ষর সে চিনিতে পারিল। চিঠি খুলিয়া পড়িতে তাহার মনে ভয় হইল। না জানি কি সর্বনাশের কথা তাহার মধ্য হইতে বাহির হইয়া পড়িবে।

সুহাস বলিল, “চিঠি প’ড়ে দেখ।”

সুরবালা তখন কম্পিত হস্তে পত্রখানি খাম হইতে বাহির করিল। খানিকটা পড়িবার পরই তাহার মাথা ঘুরিতে আরম্ভ করিল। পত্রখানি এইরূপ :—

কল্যাণবরেষু

ভায়া, তুমি যাহা আশঙ্কা করিয়াছিলে,—উহা যাহাতে ঘটিতে না পারে, সে জন্ত বারবার আমায় সাবধান করিয়া দিয়াছিলে, কত উপদেশ দিয়াছিলে, এবং আমিও সে সময় গুরু করিয়া তোমায় বলিয়াছিলাম যে, আমার দ্বারা ওরূপ কার্য্য হওয়া অসম্ভব, আমার হৃদয়ে ক্রমে তাহাই ঘটিয়া গিয়াছে। কি অবস্থার ফেরে পড়িয়া এরূপ ঘটনা সম্ভব হইল, তাহা যদি তোমায় আমি খুলিয়া লিখি, তাহা হইলে হয়ত তুমি আমায় খুব বেশী দোষী মনে না-ও করিতে পার—কিন্তু সে সকল কথা তোমায় জানাইতে আমার প্ররত্তি হইতেছে না। তুমি আমায় সম্পূর্ণ দোষীই মনে করিও এবং যাহা খুসী বলিয়া গালি দিও—কারণ, আমি অতি নরাধম পাষাণের মতই কাষ করিয়া ফেলিয়াছি। রেবতীকে লইয়া আমি কলিকাতা পরিত্যাগ করিতেছি—কোথায় যাইতেছি, তাহা তোমায় বলিব না। এ কালামুখ আর আমি তোমাদের দেখাইতে ইচ্ছা করি না। তোমরা মনে করিও যে, তোমাদের হীরালাল মৃত।

তুমি বাল্যকাল হইতে আমার নিজ সহোদর ভ্রাতার স্থায় স্নেহ করিয়া আসিয়াছ। কেবলমাত্র সেই সাহসে তোমায় অনুরোধ করিতেছি—না না—ভিক্ষা চাহিতেছি—আমার বৃদ্ধা জননীকে, আমার অনাথা স্ত্রী ও শিশু কন্তাকে দেখিও ইতি।

হতভাগ্য—

হীরালাল !”

পত্র পড়িয়া সুরবালার মুখ-চোখ এমন হইয়া উঠিল যে, স্নহাস ভয় পাইয়া গেল। সে তাড়াতাড়ি আলমারী হইতে গোলাপ জলের বোতল বাহির করিয়া আনিয়া সুরবালার মাথায় ও মুখে চোখে ছিটাইতে লাগিল। সুরবালার নিশ্বাস ঘন ঘন বহিতেছে—সে সোফার উপর এলাইয়া পড়িল। স্নহাস পাখা লইয়া তাহাকে বাতাস করিতে লাগিল।

কিয়ৎক্ষণ এইরূপ শুষ্কতার পরে সুরবালা যেন একটু সামলাইয়া উঠিল। একটা দীর্ঘনিশ্বাস ফেলিয়া বলিল, “কি হবে ভাই ?”

স্নহাস বলিল, “ব্যাপারটা তুমি ঠিক বুঝতে পেরেছ ত ?”

সুরবালা বলিল, “তা পেরেছি বৈ কি। কি হবে ভাই ?
ঐ সর্বনাশী কে, তুমি জান ? ঠাকুরপো তোমায় কিছু বলেছিলেন কি ?

“হ্যাঁ, কলকাতা থেকে ফিরে এসে সব কথাই আমার তিনি বলেছিলেন। রেবতী এক জন মস্ত নামজাদা অভিনেত্রী। তারই সুপারিশে বটুঠাকুরের ঐ থিয়েটারে চাকরী হয়েছিল। হুঁজনের

মধ্যে খুব ঘনিষ্ঠতা দেখতে পেয়েই তিনি ঐ ভয়ে বটঠাকুরকে অনেক বুঝিয়ে স্নিহায়ে, অনেক ক’রে সাবধান ক’রে দিয়ে এসেছিলেন।”

স্বরবালা কাতরস্বরে বলিল, “সেই সময় আমায় তুমি এ সব কথা বলনি কেন ভাই?”

সুহাস বলিল, “বল্লে কি ফল হ’ত ভাই? তা ছাড়া, উনিও মনে করেন নি যে, সত্যি সত্যি বটঠাকুরের এত দূর অধঃপতন হবে। আমি তোমাকে বলতে চেয়েছিলাম—কিন্তু উনি বারণ কল্লেন। বল্লেন, ‘হীকদা সে রকম ছেলে নয়। ছ’দিনের চোখের নেশা সে কাটিয়ে উঠবেই। কেন মিছামিছি তার স্ত্রীকে এ নেংরা ব্যাপার জানিয়ে একটা অশান্তির সৃষ্টি করা?’—সে যা হোক, এখন তুমি কি করবে বল দেখি? আমার ত ভাই কোনও উপায়ই মাথায় আসছে না! তোমার স্বাম্ভূতীকে কথাটা জানাবে কি?”

“তিনি কি করবেন বল? কোথায় তারা আছে, সেটা জানা থাকলেও বরং চেষ্টা করা যেতে পারতো। কাউকে সঙ্গে নিয়ে তিনি নিজে গিয়ে হোক, আমাকে থুকীকে সঙ্গে নিয়ে হোক, কাঁদাকাটা ক’রে, তাকে ফেরানোর চেষ্টা করা যেতে পারতো। কিন্তু কোথায় তারা রয়েছে, তাই যে জানতে পারা যাচ্ছে না।”

সুহাস বলিল, “তা হ’লে এখন আর কি করবে? এক হস্তা এখন চূপ-চাপ ক’রে ব’সে থাক, দেখি উনি এসে কি বলেন।”

স্বরবালা বলিল, “ঠাকুরপো যদি কলকাতায় গিয়ে খোঁজ-পবর নেন, তা হ’লে, তারা কোথায় লুকালো, তিনি কি আর বের করতে পারবেন না? নিশ্চয়ই পারবেন।”

“বেশ, তবে সেই পরামর্শই রইল। উনি আগে বাড়ী আসুন, তার পর পরামর্শ ক’রে যা হয় স্থির করা যাবে।”

রাত্রি তখন ৯টা বাজিয়া গিয়াছিল। সুরবালা গৃহে ফিরিতে চাছিল। স্নহাস চুণিকে ডাকিয়া পাঠাইল।

সুরবালা বলিল, “দেখ ভাই, এ কথা তুমি কারুর কাছে প্রকাশ করেছ কি?—তোমার শ্বাশুড়ীর কাছে কি ননদ-টনদের কাছে?”

“না ভাই, কাউকে আমি কিছু বলি নি।”

“তা হ’লে এখনও বোলো না। আমিও এ কথা এখন বাড়ীর কাউকে বলবো না। ঠাকুরপো ফিরে এলে’ তোমরা এ বিষয়ে পরামর্শ কোরে, তার পর আমায় ডেকে পাঠিও, তখন যা হয় হবে।”

স্নহাস বলিল, “না, না, কাউকে কিছু বলবো না। এমন ত কোনও খোসখবর নয় যে, লোককে ব’লে জাঁক ক’রে বেড়া’ব। আচ্ছা, আমি যে আজ তোমায় এত ক’রে ডেকে পাঠালাম, তোমার শ্বাশুড়ীরা যদি তোমায় জিজ্ঞাসা করেন কি সব কথাটথা হ’ল, তা হ’লে তুমি তাঁদিকে কি বলবে?”

সুরবালা বলিল, “আমি বলবো,—তাঁর চিঠিখানি স্বচক্ষে আমায় দেখাবার জন্তেই তুমি আমায় ডেকে পাঠিয়েছিলে। অর্থাৎ তুমি যে ব’লে পাঠিয়েছ চিঠি এসেছে, ভাল আছে—সেটা আমরা যাতে মিথ্যা সাধনা বলে’ ম’নে না করি।”

চুণি বৈঠকখানা হইতে আসিল। সুরবালা তাহার সঙ্গে গৃহে ফিরিয়া গেল।

চতুস্ত্রিংশ পরিচ্ছেদ

হীরালালের কৌশল।

সপ্তাহ পরে বিপিন বাবু মফঃস্বলে জমীদারী পরিদর্শনান্তে ফিরিয়া আসিলেন। আসিয়া হীরালালের সেই মারাত্মক চিঠিখানি পড়িলেন।—সুরবালাকে ডাকিয়া আনিয়া সে চিঠি দেখানোর কথাও স্ত্রীর নিকট শুনিলেন। হীরালালের উপর তাঁহার বড়ই রাগ হইল। তিনি মুখখানা গম্ভীর করিয়া, গুম্ হইয়া বসিয়া রহিলেন।

সুহাস বলিল, “আমি ও চিঠি খুলেছি ব’লে, সুরো-দিদিকে দেখিয়েছি ব’লে তুমি কি আমার উপর রাগ করলে?”

বিপিন বাবু বলিলেন, “না, তোমার উপর রাগ করিনি। তুমি চিঠি খুলেছিলে ব’লে রাগ করবো কেন? তুমি আমি কি ভিন্ন? তবে তাড়াতাড়ি হীরুদার স্ত্রীকে ডেকে আনিয়া তাঁকে ও চিঠি না দেখালেই ভাল হ’ত বোধ হয়। আমি ফিরে এলে, হু’জনে পরামর্শ ক’রে যা হয় করা যেত। সে যাক্, যা হয়ে গেছে, তার জন্তে আর আপশোষ ক’রে ফল কি?—তোমার উপর রাগও করিনি সে জন্তে। রেগেছি আমি হীরুদার উপর। চিঠিতে যে লিখেছে—আমি অতি নরাধম পামণ্ড—ওটা তার বিনয় নয়,—বাস্তবিকই সে তাই। বুড়ো মা এখনও বেঁচে,—স্ত্রী, কন্যা, ঘর-সংসার সমস্ত ভাসিয়ে দিয়ে,—ছি ছি ছি—এ ত নিতান্ত হৃদয়হীন পশুর মত কায হয়েছে!”

সুহাস বলিল, “তুমি যে তখন বলেছিলে,—না, হীৰুদা সে রকম ছেলেই নয়—হীৰুদা তোমার কেমন সতী, দেখলে ত !”

বিপিন বাবু কিছুক্ষণ নীরব থাকিয়া, তার পর একটা দীর্ঘ-শ্বাস ফেলিয়া বলিলেন. “হাঁ, দেখলাম ত—মানুষকে বিশ্বাস করবার যো নেই ! যাক্, চুলোয় যাক্ !”

সুহাস বলিল, “সে না হয় চুলোতেই গেল । তার বুড়ো মা, স্ত্রী, কন্ডার উপায় কি হবে ? আচ্ছা, হীৰুদা বোধ হয় চাকরী-বাকরি ছেড়ে দিয়েই পালিয়েছে ?”

বিপিন বাবু পার্শ্বস্থ টেবিল হইতে হীরালালের পত্রখনি লইয়া তাহাতে চোখ বুলাইয়া বলিলেন, “এই ত লিখেছে, . রেবতীকে লইয়া আমি কলিকাতা পরিত্যাগ করিতেছি । সুতরাং চাকরী যে তার আর নেই, সেটা ঠিক । তারও নেই, রেবতীরও নেই ।”

সুহাস বলিল, “ওগো দেখ, আমার মনে হচ্ছে, তাদের কুকীৰ্ত্তির কথা জানতে পেরে তাদের দু’জনকেই হয়ত তাড়িয়ে দিয়েছে—তারা হচ্ছে ক’রে চাকরী ছেড়ে যায় নি !”

বিপিন বাবু বলিলেন, “নাঃ—তা সম্ভবপর নয় । তাদের স্কীৰ্ত্তি কুকীৰ্ত্তির জন্তে থিয়েটারওয়ালাদের ভারী ত মাথাব্যথা কি না ! অভিনেত্রীরা সতী সাবিত্রী ত আর নয় । ঘরে যে যাই করুক, থিয়েটারওয়ালাদের কি বয়ে গেছে ? চাকরী ছেড়েই তারা পালিয়ে থাকবে ।”

সুহাস বলিল, “তা যদি বল, তবে তাদের চাকরি ছেড়ে পালাবারই বা কি দরকার ?”

বিপিন বাবু বলিলেন, “সেইটিই ত আমার বুদ্ধিতে আসছে না। কোনও কারণ অবশ্যই আছে—যা আমি এখন অনুমান করতে পারছি। হযত এমন কেউ আছে, যার দ্বারা, কলকাতায় ব’সে ওদের প্রেমচর্চার বিষয় হ’তে পারে। কিন্তু আমি ত রেবতীর সঙ্গে কিছু দিন মিশেছি—সে রকম কোনও খবরও আমি পাই নি কিন্তু।”

সুহাস বলিল, “কেন, সেই যে কে এক মুসলমান গুপ্তার কথা তুমি আমায় বলেছিলে। সে ধ’রে নিয়ে যাওয়াতেই ত হীরুদার সঙ্গে রেবতীর পরিচয়। তার পর এক দিন রেবতী আকৃষ্ট করছিল, সেই গুপ্তা তাকে কুলের তোড়া ফেলে দিয়েছিল, চিঠি লিখেছিল—তার পর তোমাতে হীরুদাতে তাকে নিয়ে পালিয়ে কেন্ হোটেলে গিয়ে ব’সে ছিলে—”

বিপিন বাবু বলিলেন, “হ’তে পারে করিম গুপ্তা এসে আবার উপদ্রব শুরু করেছিল,—তারই ভয়ে ওরা হ’জনে পালিয়েছে।”

সুহাস কহিল, “ত হ’লে তাদের সকান পাবার উপায় কি? সুরো দিদি বলেছিল, তুমি যদি কলকাতায় গিয়ে একবার খোঁজখবর নাও—”

বিপিন বাবু বাধা দিয়া বলিলেন, “কলকাতায় গিয়ে কার কাছেই বা খোঁজ-খবর নেব বল? রেবতীর বাড়ী অবশ্য আমি চিনি। সেখানে গিয়ে হযত দেখবো তাল বন্ধ। চাকরী ছেড়ে দিয়ে তারা যখন পালিয়েছে, থিয়েটারের লোকরা কিছু তাদের পথর বলতে পারবে না। বিশেষ, করিম গুপ্তার ভয়ে কিংবা

অল্প কোনও কারণে যদি তাদের কলকাতা ছাড়তে হয়ে থাকে, তা হ'লে, নিজেদের ঠিকানা কখনই তারা রেখে যায় নি। আর আমি যাই-ই বা কি ক'রে? মফঃস্বলের কায়-কর্মে এখনও আমার সারা হয়নি—হপ্তা-খানেক পরে আবার আমায় বেরতে হবে, সে তোমায় আগেই বলছি।”

পরদিন অপরাহ্নকালে, চুগিকে সঙ্গে লইয়া সুরবালা আসিয়া সুহাসনলিনীর সঙ্গে সাক্ষাৎ করিল। স্বামীর সহিত সুহাসের এ বিষয়ে যাহা কিছু কথাবার্তা হইয়াছিল, তাহা সুহাস সমস্তই সুরবালার কাছে বলিল।

শুনিয়া সুরবালা কিয়ৎক্ষণ নতনেত্রে বসিয়া রহিল। তাহার পর ছল-ছল চক্ষু ছুটি সখীর পানে তুলিয়া বলিল, “তা ত'লে এখন উপায়?”

সুহাস বলিল, “উপায় ত কিছুই দেখছিনে, দিদি! উনি বলছিলেন, তারা এ ভাবে লুকিয়ে কত কাল কাটাবে? মাগীর কিছু টাকা আছে বোধ হয়, তারই উপর নির্ভর ক'রে তারা পালিয়েছে। সেই টাকা ফুকেলেই, পেটের জ্বালায় আবার তা'রা কলকাতায় ফিরে কোনও থিয়েটারে ঢুকবে—তখন তাদের সন্ধান পাওয়া যাবে।”

সন্ধ্যার পূর্বে ভগ্নহৃদয় লইয়া সুরবালা গৃহে ফিরিল। এত দিন সে এ ব্যাপার বাড়ীর কাহারও নিকট আভাসেও প্রকাশ করে নাই। আজ রাত্রিতে আর থাকিতে পারিল না—শয়ন করিয়া, ছোট কাকীমার নিকট সকল কথা খুলিয়া বলিল।

ছোট-গিল্লী পরদিন হীরালালের জননী বড়-গিল্লীর নিকটেও গোপনে কথাটা বলিলেন।

ঠাকুর-দেবতার উদ্দেশে মাথা খোঁড়া এবং অশ্রু মোচন ভিন্ন এই অসহায়া স্ত্রীলোকগণের আর কিছুই করিবার উপায় রহিল না।

সংসারের খরচপত্র যথাসাধ্য কমাইয়া দেওয়া হইল। খুকার জন্ত পুঙ্খ এক পোয়া করিয়া ছধ লওয়া হইত—তার পিতার চাকরী হওয়ার পর হইতে আধসের লওয়া হইতেছিল, আবার উহা এ পোয় নামিল।

এইরূপে প্রায় এক মাস কাটিলে, বিপিন বাবু ইঠাৎ এক দিন সন্ধ্যাবেলা আসিয়া ডাকিলেন—“খুড়ীমা’রা কি করছেন?”

বিপিন বাবুকে দেখিয়া সকলের মনে হঠাৎ আশার সঞ্চার হইল—তবে কি হীরালালের কোনও সংবাদ আসিয়াছে?

বড়-গিল্লী বিপিন বাবুকে অভ্যর্থনা করিয়া বসিতে বলিলেন। বিপিন বাবু বলিলেন, “এখন আর বসবো না খুড়ীমা—হীরুদাদা টাকা পাঠিয়েছে—এই নাও।”—বলিয়া একখানি রেজিষ্টারি খাম পকেট হইতে বাহির করিয়া তাহার মধ্য হইতে দুইখানি দশ টাকার এবং একখানি পাঁচ টাকার নোট টানিয়া, বড়-গিল্লীর হাতে দিলেন।

বড়-গিল্লী বলিলেন, “হীরু কোথা থেকে এ টাকা পাঠালে, বাবা? কোথা আছে সে?”

বিপিন বাবু বলিলেন, “টাকাটা কলকাতার একটা ব্যাংক থেকে রেজিষ্টারি হয়ে এসেছে। হীরুদা যে কোথায় আছে,

তা জানবার কোনও উপায় নেই। নোটের সঙ্গে ব্যাঙ্ক থেকে যে চিঠি আজ এসেছে, তাও আমি সঙ্গে ক'রে নিয়ে এসেছি।”—
বলিয়া বিপিন বাবু চিঠিখানি বাহির করিলেন।

বড়-গিন্নী বলিলেন, “ওতে কি লেখা আছে, বাবা?”

বিপিন বাবু বলিলেন, “এতে এইমাত্র লেখা আছে যে, তাদের কোনও নকলের অনুরোধে, বাবু হীরালাল বসুর মা'র জন্তে তারা চিঠির মধ্যে ২৫৮ টাকা পাঠাচ্ছে।—মক্কেল কি, বুঝতে পারেন নি' বোধ হয়? ঐ ব্যাঙ্কে যারা টাকা-কড়ি জমা রাখে, তারাই হ'ল ব্যাঙ্কের মক্কেল আর কি! কিন্তু মক্কেলটি যে কে সে নামটি প্রকাশ করছে না। প্রকাশ করা নিশ্চয় নিষেধ আছে—তাই প্রকাশ করে নি।”

বড়-গিন্নী বলিলেন, “তা হ'লে বাবা টাকা কে পাঠালে, তা ত কিছুই বোঝা গেল না!”

“আর কে আপনাকে টাকা পাঠাবে খুড়ীমা? আর কেউ যদি পাঠাতো, তা হ'লে সে ত নিজেই মণি-অর্ডার করতো। ব্যাঙ্কের মারফতে, নাম প্রকাশে নিষেধ ক'রে পাঠাবে কেন?”

বড়-গিন্নী বলিলেন, “কি জানি বাবা, আমরা মুখ্য মেয়েমানুষ, অতশত কি আর বুঝতে পারি? আচ্ছা, তা হ'লে হীক প্রাণে প্রাণে বেঁচে আছে ত?”

বিপিন বাবু হাসিয়া বলিলেন, “নইলে টাকা পাঠাবে কে, খুড়ীমা?—সে বেঁচেও আছে, ভালও আছে—তবে পাছে

আমরা জানতে পারি, সে কোথায় আছে, আর গিয়ে তাকে ধরে আনি, তাই এই কৌশলটি অবলম্বন করেছে বৈ ত নয়!”

আরও এক মাস অতীত হইল, আবার সেই ব্যাকের মারফতে বিপিন বাবুর নিকট সেই ভাবে টাকা আসিল।

ইহার দশ দিন পরেই দার্জিলিং হইতে হীরালালের সেই টেলিগ্রাম—“বাটার কুশলের জন্ত বড়ই উৎকণ্ঠিত আছি। সকলে কেমন আছে, অবিলম্বে তারযোগে জানাইবে।”

এই টেলিগ্রাম পাইয়া বিপিন বাবু অন্তঃপুরে তখনই গিয়া স্ত্রীকে ডাকিলেন; “ওগো, কি বখশিস্ দেবে, দাও। তোমার সুরোদিদির পলাতক স্বামীটির সন্ধান এনেছি!”

রহস্তালাপ শেষ করিয়া, বিপিন বাবু স্ত্রীকে টেলিগ্রামের বিষয় জানাইলেন। তাহার পর জিজ্ঞাসা করিলেন, “এখন কি করি বল দেখি? হীরুদার মাকে গিয়ে খবরটা ব’লে আসবো?”

সুহাস বলিল, “তাড়াতাড়ি কি? হীরুদা ভাস আছে, মাসে মাসে টাকা পাঠাচ্ছে—এখন আর তাঁদের তেমন হুশিস্তা ত নেই। এখন তোমার দাদাটিকে উদ্ধার করবার কি উপায় করবে, তাই ভেবে স্থির কর। সুরোদিদি তখন বলেছিল, ঠিকানাটা জানতে পারলে, গুরা সব সেখানে গিয়ে, কাদাকাটি ক’রে তাকে ফেরাবার চেষ্টা করতেন। দার্জিলিং ত কাছেপিঠে নয়, গুঁদের সেই দূরদেশে নিয়েই বা যাবে কে?”

বিপিন বাবু বলিলেন, “সে বিষয় তুমিই তোমার সুরোদিদির সঙ্গে পরামর্শ কর না কেন? হীরুদার-খন্ডুর বাড়ী থেকে তার শালা-টোলা

কেউ যদি আসে, গুঁদের নিয়ে যায়।—বাইরে আমার অনেক কাষ পড়ে রয়েছে—আমি এখন চল্লাম। তুমি বরঞ্চ তোমার সুরোদিদিকে সন্ধ্যার পর ডেকে পাঠাও, তাঁকে একখানা চিঠি লিখে দাও—আমি কাউকে দিয়ে চিঠিখানা গুঁদের বাড়ীতে পাঠিয়ে দেবো এখন। কি বল ?”

“আচ্ছা, বেশ। আমি চিঠি লিখে তোমার কাছে পাঠিয়ে দিচ্ছি—তুমি ব্যবস্থা ক’রো।”

বিপিন বাবু উঠিলেন। পাণের ডিবা খুলিয়া স্নহাস তাঁহার সম্মুখে ধরিল, তিনি উহা হইতে দুইটা পাণ লইয়া মুখে পুরিয়া প্রস্থান করিলেন।

পঞ্চত্রিংশ পরিচ্ছেদ

দার্জিলিং যাত্রার পরামর্শ।

রাত্রিতে আহালাদির পর শয়নকক্ষে একখানি সোফায় বসিয়া ধূমপান করিতে করিতে বিপিন বাবু স্ত্রীকে জিজ্ঞাসা করিলেন, “কি গো, কি পরামর্শ হ’ল তোমাদের?”

সুহাস বলিল “পরামর্শ আর হ’ল ছাই। ছুঁড়ী ত কেঁদেই ভাসাতে লাগলো। বল্লে, সে কি ক’রে হবে ভাই? আমার দাদারা কি মাতুষ? তারা যে এসে আমায় দার্জিলিংয়ে নিয়ে যাবে তার কোনও আশা নেই!”

“তবে?—তোমার সুরোদিদি তা হ’লে নিজের স্বামীটিকে রেবতীর পাদপদ্মেই পুষ্পাঞ্জলি দিতে প্রস্তুত না কি?”

সুহাস বলিল “তোমার কথা শুন্লে গা জ’লে যায়। তাই কি কোনও মেয়েমাতুষ কখনও পারে?”

“তা হ’লে?”

“সে আমায় অনেক ক’রে হাতযোড় ক’রে ব’লে গেছে— ঠাকুরপো যদি গিয়ে তাকে উদ্ধার ক’রে আনতে পারেন তবেই হয়, নইলে আমার পোড়া কপাল ত জন্মের মতই পুড়েছে’।

“আমি যাব হীৰুদাকে উদ্ধার করতে?”

“তাই সে অনেক কাকুতি-মিনতি ক’রে ব’লে গেছে।”

“তুমি কি বল্লে?”

“আমি আর কি বলবো ?—আগি বললাম এ সময় ঠুঁর অনেক কায়, দেখি ঠুঁকে ব’লে।”

বিপিন বাবু বলিলেন “তোমার কি মত ?”

“আমার আর মতামত কি ? তুমি যদি সময় করতে পার—হীরদাকে উদ্ধার ক’র আনতে পার, তা হ’লে তোমার পুণ্যই হয়। নইলে ওরা ত ভেসেই গেছে।”

বিপিন বাবু হাসিতে হাসিতে বলিলেন, “দেখ, তারা ছুটিতে কপোত-কপতী যথা উচ্চ বৃক্ষচূড়ে বাঁধি নীড় স্নুখে রয়েছে, আমি সেই কপোতটিকে যদি ধ’রে নিয়ে এলে কপোতী আমায় অভিশাপ দেবে না কি ?—ও কাষে আমার পুণ্য হবে না পাপ হবে তাই ত বুঝতে পারছি নে।”

সুহাস বলিল, “ঝাঁটা মার তোমার কপোতীর মাথায়। অভাগী সর্কনাশী !—থড়দার না গোসাই, গোসা ক’রে তোমায় অভিশাপ দেবেন ! তার অভিশাপে তোমার কিছুই হবে না। সে কপোতী, অগ্র কপোত খুঁজে নিক্ গে যাক্,—কপোতের ছুখ কি তার !”

স্ত্রীর উদ্ভা দেখিয়া বিপিন বাবু হাসিতে লাগিলেন। অবশেষে বলিলেন, “তা, আমি সেখানে যেতে পারি, চেষ্টাও দেখতে পারি। অবশ্য এখনই নয়, কায়-কর্ম্মগুলো সেরে নিতে এখনও আমার ১০।১৫ দিন লাগতে পারে। কিন্তু আমি গেলেই কার্য্যসিদ্ধি হবে, তারই বা নিশ্চয়তা কি ? সে ত ছেলে-মানুষটি নয় যে, তার গালে একটা চড় মেরে কাণ ধ’রে হিড়-হিড় ক’রে তাকে টেনে নিয়ে আসবো ! সে যদি না আসে ?”

স্বহাস বলিল, “তোমার সঙ্গে তার এত দিনের বন্ধুত্ব, এত খাতির করে তোমায় সে, তোমার কথা কি ঠেলতে পারবে?”

বিপিন বাবু বলিলেন, “তার স্ত্রীর সঙ্গে, আমার চেয়ে কি তার কম বন্ধুত্ব?—আচ্ছা, তুমি যখন বলছ, দেখবো আমি চেষ্টা করে। তবে সহজে তার ঘাড় থেকে পেঙ্গী যে নামাতে পারবো. তা ত বোধ হয় না।”

কথাবার্তা তখনকার মত এই পর্য্যন্তই হইল। কিন্তু চিন্তাটা বিপিন বাবুর মন হইতে তিরোহিত হইল না। কি উপায়ে বন্ধুকে তিনি উদ্ধার করিয়া আনিতে পারেন, ইহাই কেবল ভাবিতে লাগিলেন।

চাকরী বাকরি ছাড়িয়া উহার ডুব মারিল—রেবতীর কণ্ঠ টাকাই বা আছে কে জানে!—কত দিন উহার বসিয়া থাইতে পারিবে? রেবতী মানুষটি ত বিলক্ষণ রকম সৌখীন—তাহার খরচপত্র ত বড় কম নয়। কিন্তু সে যাই হোক, হীরুদারই বা প্রবৃত্তি কি রকম? রেবতীর অন্নদাস হইয়া জীবন যাপন করিতে তার আত্মসম্মানে কি বাধিল না?—সে পূর্বে ত এমন ছিল না। হীরু ত এ সম্বন্ধে চিরদিনই খুব খাটা ছিল। বিপিন বাবুর মনে পড়িল,—কখনও তাঁহার নিকট হইতে যদি দুইটা টাকাও সে লইত, —সাহায্যস্বরূপ লইতে কিছুতেই রাজী হইত না,—ঋণ বলিয়া লইত এবং তাহা পরিশোধ করিতেও ভুলিত না। সেই হীরু—ছি ছি!—রেবতীর অন্নে উদর পূরণ করিতে, রেবতীর বস্ত্র পরিধান করিয়া বাবুয়ানা করিয়া বেড়াইতে কেমন করিয়া তাহার প্রবৃত্তি

হইতেছে? গত দুই মাস যে ২৫ টাকা করিয়া পাঠাইয়াছে, তাহাও বোধ হয় রেবতীরই দান! কয়টা ব্যাঞ্চে হীরালালের চলতি হিসাব আছে, তাহা ত বিপিন বাবুর অবিদিত নাই,— রেবতীর ব্যাঙ্ক হইতেই ও টাকা ত রেজেষ্টারি হইয়া আসে!

সুরবালা মাঝে মাঝে সন্ধ্যার পর আসিয়া স্নানাসের সঙ্গে সাক্ষাৎ করে। বিপিন বাবু যে দিন দার্জিলিঙ যাত্রা করিবেন, তাহার পূর্বদিন বিকালে হীরালালের জননী, নাতিনীকে কোলে করিয়া স্নানাসের নিকট আসিলেন এবং বিপিনের সহিত একবার সাক্ষাতের প্রার্থনা জানাইলেন।

স্নানাস, যি পাঠাইয়া স্বামীকে ডাকাইয়া আনি। বিপিন বাবু আসিলে, সে কিন্তু সেখান হইতে চলিয়া গেল।

হীরালালের জননী সাক্ষনয়নে বিপিন বাবুকে অনেক আশীর্বাদ করিয়া বলিলেন, “বাবা, তুমি যে তোমার গরীব খুড়ীমা’র এই উপকারটি করতে রাজি হয়েছ, তোমায় বাবা কি ব’লে আর আশীর্বাদ করবো! তুমি চিরজীবী হয়ে বেঁচে থাক, ধনে-পুত্রে লক্ষ্মীশ্বর হও,—এই রকম ধর্ম্য মতি তোমার যেন চিরদিন থাকে। যেমন ক’রে হোক, তুমি আমার হীককে ফিরিয়ে আন, বাবা!”

বিপিন বাবু বলিলেন, “আমার যথাসাধ্য চেষ্টা ত করবো আমি, খুড়ীমা! কিন্তু কত দূর কৃতকার্য হব, তা বলতে পারিনে! হীকদা ত ছেলেমানুষটি নয়—”

বড়-গিন্নী অশ্রু মুছিয়া চুপি চুপি বলিলেন, “দেখ বাবা, একটা

কথা বলে' দিই। যদি সে মাগীকে সে একেবারে তাগ করতে রাজি না-ও হয়,—তাকে বুঝিয়ে স্মৃঝিয়ে একবার বাড়ী এনে ফেল। যদি তেমন তেমন দেখ—দেখ যে, সে একেবারেই বঁেকে বসেছে, তা হ'লে তাকে এই রকম বোলো যে,—বেশ ত! একটা সখ হয়েছে তোমার,—সেটা তোমায় ছাড়তে ত বলছি নে! কিন্তু তাই ব'লে কি তোমার বড়ো মাকে, তোমার স্ত্রীকে, সন্তানকে ভাসিয়ে দিতে হবে?—চল, একবার বাড়ী চল দিন-কয়েকের জন্তে, তাদের দেখা দিয়ে এস, তারা যে তোমার জন্তে ভেবে ভেবে মরতে বসেছে। এখন বাড়ী চল, দিন-কত সেখানে থেকে, আবার তখন ফিরে এস। পুরুষমানুষ, না বুঝে একটা কাঁচ ক'রে ফেলেছ, তাতে আর হয়েছে কি?—যাতে ঘর-বা'র দুই বজায় থাকে,—সাপও মরে লাঠিও না ভাঙ্গে—তাই করাই ত বুদ্ধিমানের কাঁচ! সকলেই ত কিছু আর শুকদেব গোসাই নয়—কত পুরুষমানুষের ত ও-রকম দোষ থাকে, তাই ব'লে তারা কি স্ত্রী-সন্তানকে ভাসিয়ে দেয়?—এই রকম সব কথা ব'লে—আর যা যা বললে ভাল হয়, তুমি বাবা আমার চেয়ে ভালই জান, আমি মূখ্য মেয়েমানুষ আর কি জানি বল!—ব'লে কয়ে, তুটিয়ে পাতিয়ে তুমি তাকে বাড়ী ফিরিয়ে আন, বাবা!”

যথাসাধ্য চেষ্টার ফলট হইবে না, এই আশ্বাস দিয়া বিপিন বাবু বৃদ্ধাকে সান্তনা দিয়া, তাঁহাকে বিদায় করিলেন।

রজনীতে অহারাতে সোফায় বসিয়া স্ত্রীর সহিতও বিপিন বাবুর এই প্রসঙ্গে আলোচনা হইতেছিল। স্মৃতি আজ বড়ই স্মিয়মাণ।

আজ তার মুখে হাসি নাই, চক্ষু মাঝে মাঝে ছল-ছল করিয়া উঠিতেছে।

বিপিন বাবু স্নেহভরে জিজ্ঞাসা করিলেন, “আজ তোমার মনটি এমন ভাঁর ভার কেন হাসি?”

সুহাস একটা দীর্ঘনিশ্বাস ফেলিয়া বলিল “তুমি কাল চ’লে যাবে, কত দিন দু’জনে দেখা হবে না,—তাই বোধ হয়।”

“কিন্তু আমি ত বেশী দিন থাকবো না—বড় জোর ১০।১৫ দিন। আগেও ত এ রকম বাইরে গেছি—আরও বেশী দিন বাইরে থাকতে হয়েছে, কিন্তু তোমার মনটি ত এমন ভার ভার কখনও দেখিনি।”

সুহাস বলিল “সত্যিই,—আজ আমার মনটা বড় খারাপ হয়েছে।”

“এবার এত মন খারাপ হবার কি বিশেষ কোনও কারণ ঘটেছে?”

সুহাস বলিল, “আমার পোড়া মনের কথা ছেড়ে দাও।”

“কেন, পোড়া মন কেন বলছ?”—বলিয়া বিপিন বাবু স্ত্রীর চিবুকে হস্তার্পণ করিয়া তাহাকে আদর করিলেন।

সুহাস কিছুক্ষণ নীরব রহিল। বিপিন বাবু বলিলেন, “কি ভাবছ তুমি, আমায় বলবে না?”

সুহাস বলিল, “বলবো?”

“বল। আমার মনের কোনও কথা তোমার কাছে কিংবা তোমার মনের কোনও কথা আমার কাছে কি গোপন থাকা উচিত?”

কথাটি কিন্তু বলিয়াই বিপিন বাবুর বকের ভিতরটা যেন ধব্বক করিয়া উঠিল। সেবার কলিকাতা হইতে ফিরিয়া, রেবতী ঘাটত সকল কথাই ত তিনি স্ত্রীর নিকট বলিয়াছিলেন, কিন্তু রেবতীর সাহচর্য্য যে সাময়িকভাবে তাঁহার একটু মিষ্ট লাগিয়াছিল সে কথা ত তিনি প্রকাশ করেন নাই। একটুখানি মোহ—খুব পাতলা খুব ফিকা—অপরাধ ঠিক নয়, অপরাধের একটু ছায়মাত্র—কোন কালে সে সব চুকিয়া-বুকিয়াও গিয়াছে—কিন্তু তবু ত সে-টুকু ইচ্ছাপূর্ব্বকই গোপন করিয়াছিলেন।

মুহাস বলিল “আমার কি মনে হচ্ছে জান? আমার মনে হচ্ছে—তুমি হীরুদাদাকে যে গষ্ঠ থেকে উদ্ধার করতে যাচ্ছ, তুমি নিজেই যদি সে গর্ভে প’ড়ে যাও? তারা সব হ’ল, কি ব’লে গিয়ে—কী ছাই পাশ! তারা রাগসী—মায়াবিনী—কত মার জানে। তাই ভয় হয়।”

বিপিন বাবু অসম্ভব করিলেন, স্ত্রীর মুখে একথা শুনিয়া আশঙ্কাত খুব অসম্ভব ও অসঙ্গত বোধে তাঁহার হা হা করিয়া হাসিয়া ওঠাই উচিত—কিন্তু তিনি হাসিতে ত পারিলেন না! কয়েক মুহূর্ত্ত নীরবে চিন্তা করিলেন। তাহার পর বলিলেন, “তুমি যদি যথার্থ পতিব্রতা হও,—তা হ’লে কোনও রাগসীই তোমার স্বামীকে হজম করতে পারবে না!”

মুহাস বলিল, “আমি যথার্থ যে পতিব্রতা এ গৰ্ভটুকু আমার মনে ত আছে! আমি ত তোমা ভিন্ন—”

সুহাস আর বলিতে পারিল না। বিপিন বাবু হাসিয়া তাহার চিবুক ধরিয়া নাড়িয়া দিলেন।

ষট্‌ত্রিংশ পরিচ্ছেদ

কলিকাতায়।

মাধবপুর গ্রাম হইতে কলিকাতায় যাইতে হইলে, ষ্টেশনে গিয়া বেলা সাড়ে বারোটায় ট্রেন ধরাই সুবিধা। (পূর্বে এই ট্রেন পোনে বারোটায় ছাড়িত—গত মাস হইতে টাইমটেবলে এইরূপ পরিবর্তন হইয়াছে)। গরুর গাড়ীতে এই পাঁচ ক্রাশ পথ যাইতে পাঁচটি ঘণ্টা লাগে, কিন্তু বিপিন বাবু পাক্কীতে গিয়া থাকেন। মুটিয়া তাঁহার বাস্তু-বিদ্যনা মাথায় করিয়া প্রত্যুসেই রওয়ানা হইয়াছে। বিপিন বাবু ছটি ‘ভাতে ভাত’ খাইয়া, বেলা ৯টার সময় রওয়ানা হইলেন।

প্রথমটা বিপিন বাবু পাক্কীর মধ্যে বসিয়া সিগারেট টানিতে টানিতে যাইতেছিলেন। পাক্কী গ্রামের বাহির হইলে পরও, কিয়ৎক্ষণ বসিয়া উভয় দিকের দৃশ্য দেখিতে দেখিতে চলিলেন। তার পর দোলানীতে, আর বাহকগণের “হঁ হঁ হুম, হঁ হঁ হুম” একঘেয়ে শব্দ শুনিতে শুনিতে তাঁহার দেহ তন্দ্রাভিত্ত হইল,— তিনি পাক্কীমধ্যে লম্বমান হইলেন এবং শীঘ্রই ঘুমাইয়া পড়িলেন।

যথাসময়ে ষ্টেশনে পৌঁছিয়া বিপিন বাবু ট্রেনে উঠিলেন। তাঁহার মনে হইল, তিনি যেন এক জন নামজাদা ডিটেক্‌টিভ—একটা দুর্দান্ত পলাতক অপরাধীকে ধৃত করিবার চেষ্টায় চলিয়াছেন। গত বারে যখন কলিকাতায় গিয়াছিলেন, তখনও ডিটেক্‌টিভগিরি করিয়াই

হীরালালকে খুঁজিয়া বাহির করেন। আসামী আবার “রূপোস্” (absconded) হইয়াছে। টাইমটেবলের পাতা উন্টাইয়া দেখিতে লাগিলেন, ট্রেন হাওড়ায় পৌঁছিবার পূর্বেই দার্জিলিঙ মেল শিয়ালদহ ছাড়িয়া প্রস্থান করিবে। অবশ্য ব্যাঙেলে নামিয়া, ভগলী-ঘাট দিয়া ও পারে নৈচাটিতে গেলে ঐ ট্রেন ধরা যায় বটে,— কিন্তু এত তাড়াতাড়িই বা কি? দার্জিলিঙে এক দিন আগে পৌঁছিলেই যে আসামী-গ্রেপ্তার কার্য্য সহজসাধ্য হইবে, এমনও ত নয়! তার চেয়ে আজ রাত্রিতে কলিকাতায় কিঞ্চিৎ খোঁজধবর লইয়া, কাল তখন ধীরে সূস্থে রওয়ানা হওয়াই ভাল।

সুতরাং বিপিন বাবু কলিকাতায় পৌঁছিয়া, তাঁর সেই পুরাতন হোটেলেই গিয়া উঠিলেন। স্নান সারিয়া চা পান করিতে করিতে সন্ধ্যা হইয়া আসিল। বিপিন বাবু তখন বাহির হইয়া, একটা ট্যাক্সি লইয়া, জয় মিত্রের গলিও মোড়ে গিয়া উপস্থিত হইলেন। সেইখান হইতেই ট্যাক্সি বিদায় করিয়া তিনি পদব্রজেই গলির ভিতর প্রবেশ করিলেন। রেবতীর বাড়ীর নিকটে পৌঁছিয়া দেখিলেন, সদর দরজা খোলা রহিয়াছে, দ্বারবানের ঘবে বীতিমত “জলুসা” বসিয়া গিয়াছে। পাড়ার যত দ্বারবান আসিয়া জুটিয়াছে, হরি সিং স্বয়ং ঢোলক বাজাইতেছে, দুই তিন জন সমস্বরে “ভজন” গাহিতেছে, বাকী সকলে শ্রোতা। বাহিরে দাড়াইয়া বিপিন বাবু দুই তিন বার ‘হরি সিং হরি সিং’ বলিয়া ডাকিলেন, কিন্তু সে শব্দ কাহারও কর্ণে পৌঁছিল না। অগত্যা বিপিন বাবু তখন ভিতরে প্রবেশ করিলেন।

তঁাহাকে দেখিতে পাইয়া হরি সিং বাজনা বন্ধ করিল, আধুনিক তানসেনগণ রাগিণী বন্ধ করিল, হরি সিং ব্যস্ত হইয়া বাহিরে আসিয়া সেলাম করিয়া বলিল, “হজুর কবে কলিকাতায় এলেন ?”

“আজই এসে পৌছেছি। ভাল ত হরি সিং ? বাইরে এস।” — বলিয়া তিনি দরজার বাহিরে গিয়া দাঁড়াইলেন। “জি, হাঁ” বলিয়া হরি সিংও তঁাহার অনুসরণ করিল।

বিপিন বাবু জিজ্ঞাসা করিলেন, “হীরা বাবু কোথায় ?”

“তিনি ত দার্জিলিং গেছেন।”

“আর, বিবি সাহেব ?”

“মা-জী ? মা-জীও দার্জিলিং। দু’জনে একসঙ্গেই গেছেন।”

“কবে গেলেন ?”

“দেড় মাস হ’ল।”

“ফিরবেন কবে ?”

“তিন মাসের ছুটি নিয়ে তাঁরা গেছেন।”

“কেন ? হঠাৎ ছুটি নিয়ে দার্জিলিং গেলেন যে ?”

হরি সিং তখন রেবতীর সঙ্কট পীড়ার কথা, হীরা বাবুর গুরুত্ব ইত্যাদি সমস্ত ঘটনাই বিপিন বাবুকে জানাইল। নিস্তারিণী ঝি ছুটি পাইয়া দেশে গিয়াছে, সৌদামিনী ঝি সঙ্গে গিয়াছে, ইহাও বলিল। শেষে বলিল, “কেন, হীরা বাবু কি আপনাকে চিঠি লেখেন নি ?”

“কৈ, না।”—বিপিন বাবু ভাবিলেন, ডিটেক্টিভগণকে অনেক সময় মিথ্যা কথা বলিতে হয় বৈ কি ! নহিলে কি আর মোকদ্দমা

“আস্কারা” করা যায়? শেষে বলিলেন, “দার্জিলিঙে তাঁদের ঠিকানা কি জান হরি সিং? ঠিকানা পেলে একখানা চিঠি লিখতাম।”

বিপিন বাবু হীরালালের যে টেলিগ্রাম পাইয়াছিলেন, তাহাতে কোনও ঠিকানা ছিল না—কেবলমাত্র দার্জিলিঙ হইতে উহা বওয়ানা হইয়াছে, এইটুকুই জানা গিয়াছিল। দার্জিলিঙ অবস্থান কিছুর একটা বড় স্থান নয়,—সেখান হইতে এক জন বাঙ্গালীকে খজিয়া বাহির করা কিছু বিচিত্র কথাও নহে,—তথাপি ঠিক স্থানটি জানা থাকিলে হাৎড়াটা বেড়াইতে হইবে না। তাই বিপিন বাবু হরি সিংকে এই প্রশ্ন ভিজাসা করিলেন।

হরি সিং বলিল, “হাঁ বাবুজী, ঠিকানার কাগজ আমার কাছে আছে। আমি হীক বাবুর থং পেয়েছিলাম। কাগজটা আনি।”—বালায় একটা পোষ্টকাউন্সে আনিয়া দিল। পত্র বাঙ্গালার লেখা, কিন্তু উপরে ইংরাজীতে লেখা আছে, “পার্সি কটেজ, দার্জিলিঙ।” বাড়ী-ঘর ঠিক আছে। ক না, ভিজাসা করিয়া দ্বারবানকে হীরালাল জবাবী পোষ্টকাউন্সে পত্র লিখিয়াছিল। ঠিকানাটি মনে টুকিয়া লইয়া পোষ্টকাউন্সখানি হরি সিংকে ফিরাইয়া দিয়া বিপিন বাবু বলিলেন, “আচ্ছা, তা হ’লে চললাম হরি সিং।”

হরি সিং সেলাম করিল। বিপিন বাবু বড় রাস্তায় গিয়া ভাবিতে লাগিলেন, সফট পীড়া, ছুটা লওয়া ইত্যাদি রেবতীর দ্বারবান্ ঘাহা বলিল, তাহা সত্য, না শেখানো কথা। উহাও যাচাই করা আবশ্যিক; কারণ, হীরালাল ত জানে, এক দিন না এক দিন আমিই আবার তাহার খোঁজে এখানে আসিয়া উপস্থিত হইতে পারি। বিপিন বাবু

তখন আবার একটা ট্যান্ডি ধরিয়া ডায়মণ্ড থিয়েটারে গিয়া উপস্থিত হইলেন। থিয়েটারী ভাষায় আজ বে-বার, কোনও অভিনয় ছিল না, ম্যানেজার মহাশয়ের সাফাংলাভ করিতে বিশেষ বেগ পাইতে হইল না। বিপিন বাবু তাঁহাকে ধীরালালের পবর জিজ্ঞাসা করিলেন। হীর সিং যাহা যাহা বলিয়াছিল, সমস্তই মেনিয়া গেল দেখিয়া বিপিন বাবু নিশ্চিত মনে নিজ হোটেলে আসিয়া আসিলেন এবং পরদিন যথাসময়ে দাজ্জিলিও যাত্রা করিলেন।

সপ্তত্রিংশ পরিচ্ছেদ

নব-নিশাকর

দাজ্জিলিঙে পৌছিয়া বিপিন বাবু ছুবিবিল স্থানটেরিয়মে গিয়া উঠিলেন। গত কল্যা শিয়ালদহ ছাড়িবার পূর্বে, স্থান রাখিবার জন্য ম্যানেজারের নামে টেলিগ্রাম করিয়া দিয়াছিলেন।

রেলভ্রমণে দেহটা শ্রান্ত হইয়া পড়িয়াছিল। স্নানকার সারিরা বিপিন বাবু শয্যার আশ্রয় গ্রহণ করিলেন। নব নব চিন্তা করিতে লাগিলেন, রেবতীর বাসস্থান সেই ‘প্যাম্পি কটেজ’ যে কোথায়, তাহার সন্ধান কি করিয়াই বা পাওয়া যায়? ভাবিলেন, বিকালে উঠিয়া ম্যানেজার বাবুকে জিজ্ঞাসা করিবেন,—‘তঁর এখানকার স্থায়ী বাসিন্দা—হয়ত সন্ধান বলিয়া দিতে পারিবেন। নচেৎ প্রাক্ষরে গিয়া চিঠি-বিলিকারী পিয়নদের নিকট বোঝ লইতে হইবে।

বিকালে উঠিয়া চা পান করিয়া বিপিন বাবু ম্যানেজার মহাশয়ের সহিত সাক্ষাৎ করিলেন। ম্যানেজার বাবু বলিলেন, “প্যাম্পি কটেজ? আপনি ভাড়া নিতে চান বুঝি? কত সে বাড়ী ত খালি নেই। মাস দেড়েক হ’ল, হীরলাল বাবু ক’লে এক ভদ্র-লোককে আমিই সে বাড়ী ভাড়া করিয়ে দিয়েছিলাম।”

বিপিন বাবু বলিলেন, “না মশাই, আমি ভাড়া নেবার জন্তে জিজ্ঞাসা করিনি। হীরলাল বাবুর সঙ্গে দেখা করবার জন্তেই

সে বাড়ীর সন্ধান করছি। হীরালাল বাবুকে আপনি চিনলেন কি ক’রে?”

“তিনি তাঁর স্ত্রীকে হাওয়া বদলাতে নিয়ে এসে, প্রথমে আমার এই স্টানিটেরিয়মের ফ্যামিলি কোয়ার্টারে উঠেছিলেন কি না। এক হস্তা এখানে থেকে, তারপর ঐ বাড়ীতে উঠে যান।”

বিপিন বাবু জিজ্ঞাসা করিলেন, “হীরালাল বাবুর সঙ্গে আপনার দেখা-টোকা হয়? তাঁর স্ত্রী এখন কেমন আছেন জানেন? কলকাতায় থাকতে অসুখে খুব ভুগেছিলেন তিনি। কি রকম দেখছেন তাঁকে?”

ম্যানেজার বাবু বলিলেন, “হ্যাঁ, এক দিন জলাপাহাড় রোডে দেখা হয়েছিল। তবে, তাঁর দিকে ত আমি তাকাইনি। দেখা হ’তেই হীরালাল বাবু দাঁড়িয়ে আমার সঙ্গে কথা কহিতে লাগলেন, তাঁর স্ত্রী মুখ ফিরিয়ে রাস্তার রেলিঙের কাছে দাঁড়ালেন। হাপ-পদ্দ আর কি,—দার্জিলিঙ, মধুপুর-টুপুপুরে যেমন হায়ে থাকে, জানেনই ত! তাঁর মুখের দিকে তাকাইনি, তবে ভালই আছেন বোধ হ’ল।”

“বাড়ীটা কোন্‌খানে?”

“বাড়ীটা কোন্‌খানে জানেন?”—বলিয়া ম্যানেজার বাবু কোন দিক দিয়া কোথায় যাইতে হইবে, তাহা সবিস্তারে বুঝাইয়া দিলেন।

“আচ্ছা, ধন্তবাদ! তা হ’লে আমি বেরুই।”—বলিয়া বিপিন বাবু বাহির হইয়া পড়িলেন।

দার্জিলিঙের পথ-ঘাট বিপিন বাবুর নিতান্ত অপরিচিত নহে।

তখনও দিবালোক রহিয়াছে। “প্যান্সি কটেজ” খুঁজিয়া পাইতে বিশেষ কষ্ট হইল না। পাগাড়ী ভূতা দ্বারের বাহিরে বসিয়া ছিল, তাহাকে জিজ্ঞাসা করিয়া জানিলেন, “সাহেব” ও “মেমসাহেব” অর্দ্ধ-ঘণ্টা পূর্বে বেড়াইতে বাহির হইয়াছেন। ভূতা, বিপিন বাবুকে গৃহমধ্যে লইয়া গিয়া পর্দাফেলা ড্রয়িং-রুমে বসাইল। বিপিন বাবু বসিয়া অপেক্ষা করিতে লাগিলেন এবং ইহারা ফিরিলে, কি ভাবে কথাবার্তা কহিবেন, তাহাই মনে মনে চিন্তা করিতে লাগিলেন।

আর যাহাই হউক, অবস্থাটা একটু সঙীন, তা বলিতেই হইবে। উহারা তাঁহাকে সহসা গৃহাগত দেখিয়া উল্লসিত হইয়া উঠিবে না, ইহা নিশ্চয়। ঔপন্যাসিকগণের বর্ণনা বিপিন বাবুর মনে পড়িতে লাগিল—“পথিক সহসা সন্মুখে সর্প দেখিলে যেমন,” “সহসা যদি সন্মুখে বজ্র-পতন হইত” ইত্যাদি। উহারা অত্যন্ত লজ্জিত ত হইবেই, ইহাও বেশ বুঝিতে পারিবে যে, উহাদের মিলনে শাখ বাজাইবার জন্ত আমি আসি নাই, হুজনের মধ্যে বিচ্ছেদ ঘটাইতেই আমার আগমন।

ড্রয়িং-রুমটা ক্রেটোন মোড়া সস্তা আসবাবে সজ্জিত। তবে অন্ত্রাণের ত্রুটি কিছুই নাই—ড্রয়িং-রুমের উপযোগী সমস্ত জিনিষই আছে—মায় একটা কটেজ-পিয়ানো পর্য্যন্ত।

শাদা-কালো রঙের বড় বড় লোমওয়ালা একটা পাগাড়ী কুত্তা পর্দা ঠেলিয়া মাথা ঢুকাইয়া, বিপিন বাবুর পানে এক নজর চাহিয়া তাক্ষীল্যভরে প্রস্থান করিল। সময় কাটাইবার জন্ত বিপিন বাবু পড়িবার উপযুক্ত কোনও বই বা কাগজের অনুসন্ধান করিলেন।

পাইলেন, ছয় দিনের পুরাতন একখানা রবিবারের ষ্টেটস্‌ম্যান। একটা সিগারেট ধরাইয়া অগত্যা তাহাই পাঠ করিতে বসিলেন।

ক্রমে অন্ধকার হইয়া আসিল, বিপিন বাবু উঠিয়া বিছানা-আলোর সুইচ টানিয়া দিলেন। বাবুচ্চিখানা হইতে মাংস রান্নার সুগন্ধ আসিতে লাগিল।

দুইটা সিগারেট ভস্ম হইয়া গেল, কিন্তু কৈ, এখনও ত উহারা ফেরে না ! শ্রাবণ মাস হইলেও,—বিশেষতঃ দাক্ষিণিণ্ডের শ্রাবণ,—আকাশটা আজ বেশ পরিষ্কার আছে। সেই সুযোগ লইয়া উহারা প্রাণ তরিয়া বেড়াইতেছে আর কি !

ঘণ্টাখানেক এই ভাবে অপেক্ষা করিবার পর, প্রবেশপথে দুই ঘোড়া জুতায় শব্দ উঠিল। পরমুহূর্তে পদ্মা সরাইয়া হীরালাল ভিতরে দৃষ্টিপাত করিয়া বলিয়া উঠিল, “এ কি !”

হীরালাল কক্ষমধ্যে প্রবেশ করিল, পশ্চাৎ পশ্চাৎ রেবতীও আসিল। উভয়েরই মুখ পাণ্ডুবর্ণ ধারণ করিয়াছে। চট্ করিয়া বিপিন বাবুর মাথায় আসিল, পরে যাহা হয় হইবে, উভয়েই এই ‘অপ্রতিভ’ ভাবটা কাটাইয়া দিবার জন্য এখন কিঞ্চিৎ রহস্তের অবতারণা করাই ভাল। তাই তিনি দাঁড়াইয়া উঠিয়া গম্ভীরভাবে বলিলেন, “আমার নাম রাসবিহারী দে। আপনার ভার্য্যা সুরবালা দাসী তাঁর জমীদারী আমাকে পত্তনি দেবেন, লেখাপড়াও হয়ে গেছে,—সেই দলিলে আপনার একটা সই চাই,—তাই মশাইয়ের অজ্ঞাতবাসে মশাইকে বিরক্ত করতে হ’ল।”

এ কথা শুনিয়া কিন্তু হীরালাল বা রেবতী কাহারও মুখের

ভাব-পরিবর্তন হইল না। হীরালাল পার্শ্বের দেওয়ালের দিকে এবং রেবতী মেঝের কার্পেটের পানে বক্রদৃষ্টি হইয়া নীরবে দাঁড়াইয়া রহিল।

তখন বিপিন বাবু উপলব্ধি করিলেন, রহস্তটা স্থান-কাল-পাত্ৰোচিত হয় নাই। কিন্তু তথাপি তিনি হা'ল ছাড়িলেন না। পূর্ববৎ স্ববে বলিলেন, “যদিও বিলেতে যাই নি, তবু আমি শুনেছি যে, বাড়ীতে অতিথি এলে মেম-সাহেবরাই তার অভ্যর্থনা ক'রে থাকেন। কৈ হে হীরা, তোমার মেমসাহেব যে আমার সঙ্গে কথাটি পর্য্যন্ত কইচেন না!”

হীরালাল ক্ষীণস্বরে বলিল, “ব'স ভাই ব'স।”

বিপিন বাবু বসিলে, হীরালাল ও রেবতী অন্ত একখানি সোফা অধিকার করিয়া উপবেশন করিল।

রেবতী বিপিন বাবুর পানে না চাহিয়া ক্ষীণ স্বরে বলিলেন, “আপনি কবে এলেন দার্জিলিঙে?”

“আজই এসে পৌছেছি। আপনার শরীর কেমন আছে, বলুন দেখি। আপনার খুবই অসুখ হয়েছিল শুন্লাম।”

রেবতী বলিল, “এ খবর আপনি কোথায় পেলেন?”

“আমি আপনার বাড়ীতে গিয়েছিলাম যে। হরি সিং বল্লে, তার পর ডায়গণ্ড থিয়েটারের ম্যানেজার বাবুর কাছেও শুন্লাম। দেড় গাস ত রয়েছেন, শরীর কেমন বুঝছেন?”

রেবতী একটি দীর্ঘনিশ্বাস ফেলিয়া বলিল, “শরীর আর মন্দ কি? ভালই আছে। তবে আপনি এলেন, আগে থাকতে এটা খবর দিলেন না কেন?”

বিপিন বাবু হাসিয়া বলিলেন, “এমন কাঁচা কাষ কি আমি করি? আসবার খবরটি দিই, আর আপনারা এখান থেকে টেনে লগ্না দেন আর কি!”

“লগ্না দেবো আর কোথায় বলুন!”—বলিয়া রেবতী একটি দীর্ঘনিশ্বাস ফেলিল।

বিপিন বাবু তখন সুর বদলাইয়া বলিলেন, “কি ক’রে খবর দেবো? হীরদার সেই একখানি টেলিগ্রাম মাত্র ত আমার ভরসা! তা’তে বাড়ীর ঠিকানা ত ছিল না—শুধু ছিল—দার্জিলিং।”

রেবতী হীরালালের পানে চাহিয়া বলিল, “সে টেলিগ্রামে বাড়ীর ঠিকানা লেখেনি বুঝি? তবে বিপিন বাবুর উত্তর এসে পৌঁছিল কি ক’রে?”

হীরালাল বলিল, “টেলিগ্রাফ আপিসে আমি ঠিকানা রেখে এসেছিলাম। ব’লে দিয়েছিলাম, জবাব এলে এই ঠিকানায় যেন পাঠিয়ে দেওয়া হয়। তার পর বিপিন, উঠেছ কোথা?”

“যেখানে তোমরা উঠেছিলে—গ্রানিটেরিয়মে।”

“ওঃ।—রেবি, তুমি যাও না, কাপড়-টাপড় বদলে এস না।”

“যাই।”—বলিয়া রেবতী উঠিয়া, অত্যন্ত ক্লান্তপদে দ্বারের দিকে অগ্রসর হইল। পর্দার নিকট গিয়া, থামিয়া, পশ্চাৎ ফিরিয়া বলিল, “বিপিন বাবু, আজ আপনি এখানে থেয়ে তবে যাবেন। আমি আসছি—পালাবেন না যেন।”

বিপিন বাবু হাসিয়া বলিলেন, “না, পালাব কেন? পালানো যাদের অভ্যাস, তারা এখন না পালালেই বাঁচি। বেশ, থেয়েই

যাব। আপনার বাবুর্চিখানা থেকে মাংস রান্নার গন্ধটি যা আসছিল তা লোভনীয় বটে।”

রেবতী কোনও উত্তর না করিয়া প্রস্থান করিল।

হীরালাল তখন মৃদুস্বরে জিজ্ঞাসা করিল, “কি, হে ব্যাপার কি বল দেখি?”

বিপিন বাবু বলিলেন, “ব্যাপার যা বাধিয়ে তুলেছ, তা ছাড়া আর কি?”

“ওরা সব কেমন আছে?”

“ভালই আছে।”

“তুমি আমায় ধ’রে নিয়ে যাবার জন্তেই এসেছ ত?”

“না, আমি তোমাদের মিলনে উলু দিতে এসেছি।”

“ঠাট্টা করছ? কর ভাই।”—বলিয়া হীরালাল নতনেত্রে বসিয়া রহিল।

প্রায় এক মিনিটকাল নীরবে কাটিলে, বিপিন বাবু তাঁর সিগারেট-কেস খুলিয়া হীরালালের দিকে ধরিয়া বলিলেন, “নাও, একটা সিগারেট খাও।”

উভয়ে সিগারেট ধরাইলেন। হীরালাল বলিল, “আমাদের বাড়ী ইদানী গিয়েছিলে?”

“গিয়েছিলাম বৈকি,—তোমার ছ’বার তোমার টাকা পৌছে দিতে।”

“বাড়ীর লোকে এ কথা জানতে পেরেছে?”

“পেরেছে।”

“তুমিই প্রচার করেছ তা হ’লে ? গ্রামে বোধ হয় ‘চি-টি প’ড়ে গেছে ?”

“না । গ্রামের লোক এখনও কেউ কিছু জানে না ।”

“আমাদের বাড়ীতে কথাটা না বল্লেই পারতে ।”

বিপিন বাবু গম্ভীরভাবে বলিলেন, “তুমি স্বখাত-সলিলে ডুবে মরবে হীরুদা, আর দোষ দেবে আমার ? তোমার নিজের দোষেই কথাটা তোমার বাড়ীতে জানাজানি হয়ে গেছে । প্রথম ত ‘অমুক দিন বাড়ী যাচ্ছি’—বাড়ীতে এই লিখে,—বাড়ী গেলেই না একদম ! দার্জিলিং রওয়ানা হবার আগে, বাড়ী থেকে ছ’দিন ঘুরে আসতে পারতে না ? ছুটি দিনের বিচ্ছেদও আর সহ্য হয় না বুঝি ? কি ? নিরুত্তর কেন ?”

হীরালাল বলিল, “বল, বল’ল যাও । কিন্তু, সব কথা তুমি জান না বিপিন ।”

“তার পর;—বাড়ী না হয় না-ই গেলে, একখানা পোষ্টকার্ড লিখে খবরটা দিতেও কি সময় হয় না ? যদি বাড়ীর লোকে রীতিমত তোমার চিঠিপত্র পেত, তা হ’লে এট আর জানাজানি হ’ত না ।”

হীরালাল বলিল, “সে ত ঠিক কথা ! এখন তুমি কি উদ্দেশ্য নিয়ে এসেছ, বল দেখি ?”

বিপিন বাবু বলিলেন, “সে কথা পরে বলবো । তবে, আজ এইটুকুমাত্র বলছি, তোমায় লাক্ষ্মী তিরস্কার করবার জন্তে আসিনি ।
—আর—”

হীরালাল বাধা দিয়া বলিল, “কসুরটাই বা করছ কি ? হাঁ—
কুতোটা এখনও মারনি বটে ! আর—আর কি ?”

“আর—তোমাদের দু’জনের মধ্যে বিচ্ছেদ ঘটাতেও আসি নি
কেমন, এখন নিশ্চিত হ’লে ত ?”

হীরালাল বলিল, “নিশ্চিত আর এ জীবনে হ’তে পারবো না
বোধ হয়।”

আবার কিয়ৎক্ষণ দুই জনে নীরব। ঝি সৌদামিনী আসিয়া
হীরালালকে বলিল, “একবার উপরে ডাকছেন।”—বলিয়া সে প্রস্থান
করিল।

হীরালাল বসিয়া বসিয়া সিগারেট টানিতে লাগিল। বিপিন বাবু
বলিলেন, “যাও না, কি বলছেন, শুনে এস।”

“যাই। তুমি ক’টার সময় থাও ?”

বিপিন বাবু তাঁহার হাত-ঘড়ি দেখিয়া বলিলেন, “এই ত মোটে
আটটা। ন’টা বাজুক না।”

“ততক্ষণ, এক পেয়ালা চা খাবে কি ?”

“না। যাও, তুমি হয়ে এস।”

দশ মিনিট পরে রেবতী ও হীরালাল উভয়েই নামিয়া আসিল।
বিপিন বাবু লক্ষ্য করিলেন, এখন দুই জনের কাহারও মুখে পূর্বকার
সে লজ্জিত সঙ্কোচের ভাবটা আর নাই। বিপিন বাবু ভাবিতে
লাগিলেন, “তোমাদের বিচ্ছেদ ঘটাতে আসিনি, এই আশ্বাস
দিয়েছি,—এটা কি তারই ফল ? না,—দ্রব্যগুণ ? কে
জানে।”

রেবতী বলিল, “আপনাকে অনেকক্ষণ একলা বসিয়ে রেখে গেছি, মাফ করবেন বিপিন বাবু।”

বিপিন বাবু বলিলেন, “হাঁ—এই ত মেম সাহেবের মত উক্তি।”

“যান্—সব কথাতেই আপনার ঠাট্টা।”—বলিয়া রেবতী হীরালালের প্রতি বক্রদৃষ্টি করিল।

সাধারণভাবে দার্জিলিঙ সম্বন্ধে কথাবার্ত্তা হইতে লাগিল। কলিকাতায় থাকা কালীন নিজ পীড়ার কথাও রেবতী বর্ণনা করিল।

কথাবার্ত্তায় ৯টা বাজিল। সৌদামিনী আসিয়া জানাইল, আহাৰ প্রস্তুত।

অষ্টাত্রিংশ পরিচ্ছেদ

শ্মশান-কুসুম।

ভোজন-কক্ষে গিয়া বিপিন বাবু বলিলেন, “বাবু, তোমরা যে একদম সাহেব-মেমই ব’নে গেছ দেখ’ছি ! এখানে এসে অবধি এই একম টেবিলে আহারই চলছে না কি ?”

শ্রীরামলাল বলিল, “টেবিলে পেলেই কি সাহেব হয়ে যায় ? কলকাতায় আজকাল অনেক বড়লোকই ত—অন্ততঃ রাত্রির থানাটা টেবিলে বসেই সমাধা করেন।”

বিপিন বাবু হাসিতে হাসিতে বলিলেন, “তাই না কি ? আমরা পাড়ারগেয়ে লোক, অত খবর রাখিনে ভাই।”

রেবতী টেবিলের অগ্রভাগ অধিকার করিয়া, এক ধারের চেয়ারখানি দক্ষিণ হস্তে নির্দেশ করিয়া বলিল, “বসুন, বিপিন বাবু।”

বিপিন বাবু রেবতীর পানে চাহিয়া হাসিয়া বলিলেন, “রাই-কিশোরী—আপনার শ্রামই আপনার ডান ধারে বসবে, আমি বসবো কোন অধিকারে ? আমি এই দিকেই বসি—যাও হে শ্রীকৃষ্ণ, তুমি ৭ দিকে যাও।”

শ্রীরামলাল বলিল, “শ্রামের বামে রাইকিশোরী ?—কিন্তু আজকাল ত সে সব খাটে না ভায়া !—সে সব উণ্টে গেছে—এখন বিবির নামেই সাহেব।”

রেবতী হীরালালের প্রতি কৃত্রিম কোপকটাক্ষ করিয়া বলিল, “ভারি রসিকতা হ’ল, না?”—বিপিন বাবুর পানে চাহিয়া বলিল, “আপনি যে মাত্র অতিথি, বিপিন বাবু! আপনি গৃহকর্ত্রীর ডান দিকে বসবেন।”

তখন উভয়ে হাসিতে হাসিতে রেবতী কর্তৃক নির্দিষ্ট চেয়ার হু’খানিতে উপবেশন করিল।

ভোজনকালে বিপিন বাবু ইচ্ছা করিয়াই কোনও অপ্রিয় প্রশ্ন উত্থাপন করিলেন না। দার্জিলিঙের আবহাওয়ার কথাই বেশী করিয়া চলিল।

আহার শেষ হইতে প্রায় দশটা বাজিল। তখন তিন জনে গিয়া ড্রয়িং-রুমে বসিলেন। সছ ব্লি রূপার ডিবাভতি পাণ আনিয়া দিল।

হীরালাল জিজ্ঞাসা করিল, “তুমি কত দিন এখানে আছ, বিপিন?”

বিপিন বাবু বলিলেন, “এক সপ্তাহ ত বটেই। এক সপ্তাহের আগে চ’লে যেতে চাইলে, স্যানিটেরিয়মে যে এক সপ্তাহের চার্জ ধ’রে নেয়।”

রেবতী বলিল, “স্যানিটেরিয়মে না উঠে, এখানে এলেই হ’ত। আমাদের ত খালি ঘর রয়েছে। হ্যাঁ হ্যাঁ—আপনি ত আমাদের ঠিকানাই জানতেন না,—সেটা আমার মনে ছিল না বটে।—তা, স্যানিটেরিয়মে থাকেন, থাকুন, কিন্তু অন্ততঃ একবেলা রোজ এইখানেই খেতে হবে, তা ব’লে দিচ্ছি।”

বিপিন বাবু বলিলেন, “সে আপনি যা হুকুম করবেন, তাই

হবে। কিন্তু, এক সপ্তাহ পরে যাতে আমি বাড়ী যেতে পারি, সেই ব্যবস্থাটা ক’রে দেবেন ত ?”

রেবতী কথার ভাব বুঝিতে না পারিয়া বলিল, “কেন ? আমি কি ব্যবস্থা করতে পারি ?”

বিপিন বাবু তখন গম্ভীর হইয়া হীরালালের বাড়ীর কথা বলিতে আরম্ভ করিলেন। হীরালালের স্ত্রী সুরবালার বুকফাটা দুঃখের কথা—তিনি নিজ স্ত্রীর নিকট যে রূপ গুনিয়াছিলেন ; হীরালালের জননীর প্রাণান্তকর উৎকর্ষার কথা—তিনি স্বয়ং যাহা প্রত্যক্ষ করিয়াছিলেন, একে একে ধীরে ধীরে সমস্তই বর্ণনা করিলেন। শেষে বলিলেন, “তুমি একবার অন্ততঃ, হীরুদা, হস্তাথানেকের জন্তে গিয়ে তোমার মাকে, স্ত্রীকে দেখা দিয়ে আসবে চল।”

হীরালাল নত-মস্তকে বসিয়া বিপিন বাবুর বর্ণিত কাহিনী শুনিতোছিল। উহা শেষ হইলেও সে তেমনিই নত-মস্তকেই বসিয়া রহিল। রেবতীও নীরব।

কিয়ৎক্ষণ অপেক্ষা করিয়া বিপিন বাবু বলিলেন, “কি হীরুদা, রাজী ত ?”

হীরালাল ধীরে ধীরে মুখ তুলিল। বিপিন বাবুর পানে না চাহিয়া, রেবতীর মুখের পানে চাহিল। রেবতী হীরালালের দৃষ্টি হইতে মুখ সরাইয়া অল্প দিকে চাহিয়া রহিল।

বিপিন বাবু হাত-বড়ি দেখিয়া বলিলেন, “সাড়ে দশটা বেজে গেল যে!—এখন তা হ’লে আমি উঠি ভাই। এ বিষয়ে তোমরা হ’জনে পরামর্শ ক’রে রেখো, কাল দেখা হ’লে আমায় বোলো।”

হীরালাল এতক্ষণে কথা কহিল। বলিল, “কখন দেখা হবে?”

“যখন বল।”

রেবতী বলিল, “কাল বিকেলে আপনি এইখানে এসে চা খাবেন, বিপিন বাবু।”—রেবতীর কণ্ঠস্বর বিষমভা-পূর্ণ—যেন অশ্রুমাখা।

“আচ্ছা”—বলিয়া বিপিন বাবু বিদায় গ্রহণ করিলেন।

রেবতী ও হীরালাল তাঁহাকে রাস্তা অবধি দিয়া আসিয়া আবার ড্রয়িংরুমের মধ্যেই বসিল। হীরালাল অবসন্নভাবে সোফায় এলাইয়া পড়িয়া বলিল, “কি করা যায়?”

রেবতী বলিল, “কি আর করবে? আমি ত আগেই তোমায় বলেছি—আমার জন্তে তুমি ত বাড়ীর সম্পর্ক ত্যাগ করতে পার না! সেটা উচিতও হবে না! বিপিন বাবু ত কিছু অন্ডায় কথা বলেন নি। যাও, তাঁদের দেখা দিয়ে এস।”

হীরালাল বলিল, “যাওয়া কি সহজ, রেবি? মার কাছে না হয়, এ মুখ আমি দেখাতে পারি। কথায় বলে, কুপুত্র যতপি হয়, কুমাতা কখনও নয়। কিন্তু—”

রেবতী বলিল, “কিন্তু—স্বরবালার কাছে কেমন ক’রে মুখ দেখাবে, তাই বলছ?”

“হ্যাঁ, সেইটেই সমস্যা।”

“কেন? তবে যে লোক বলে—হিন্দুস্ত্রী, স্বামী শত অপরাধে অপরাধী হলেও, তাকে দেবতা-জ্ঞান ক’রে থাকে।”

রেবতীর মনের প্রচ্ছন্ন শ্লেগটুকু তাহার কণ্ঠস্বরে প্রকট হইয়া

পড়িল। এটা হীরালালের ভাল লাগিল না। উত্তর করিল,
“সবাইকেই জ্ঞী কি আর আদর্শ হিন্দু-জ্ঞী হয়?”

রেবতী পূর্ববৎ স্বরে বলিল, “তুমি এমন আদর্শ স্বামী, তোমার
জ্ঞাই বা আদর্শ হবে না কেন?”

“রেবতী, তুমি বড় নির্ধুর!”—বলিয়া হীরালাল সিগারেটের
টিন খুলিয়া একটা সিগারেট ধরাইল।

রেবতী এবার বুঝিল, হীরালালের প্রতি সে ভাল ব্যবহার করে
নাই। আসল কথা, কিছুক্ষণ ক্রমাগত সুরবালা সুরবালা গুনিয়া তার
মনটা খিচড়াইয়া গিয়াছিল। ইহা স্মরণ হইবামাত্র নিজের কাছে সে
লজ্জিত হইল। কোমল সুরে বলিল, “সে কথা এখন আর ভেবে
কি হবে, এখন শোবে চল, রাত হয়ে গেল। কাল সেই বিকেলে
ত বিপিন বাবু আসবেন। কাল সারাদিনে তোমাতে আমাতে
এ বিষয়ে পরামর্শ ক’রে যা হয় ঠিক করা যাবে। আচ্ছা, বিপিন
বাবু যখন তোমার উত্তর জানতে চাইলেন, তখন তুমি আমার
পানে তাকালে কেন? যেন আমারই অহুমতি তুমি প্রার্থনা
করছো!—ছি ছি, আমার এমন লজ্জা করতে লাগলো!”

হীরালাল বলিল, “তাকিয়েছিলাম না কি? কৈ, আমার কিন্তু
মনে নেই তা।”

“তা হ’লে তুমি আনমনেই তাকিয়েছিলে বোধ হয়। সুরবালার
সজল চোখ দুটি তখন তোমার মনের ভিতর জুড়ে বসে
ছিল, নয়?”

হীরালাল বলিল, “তা সত্যি।”

“হুওয়াই ত উচিত।”—বলিয়া রেবতী অসাবধানে একট দীর্ঘনিশ্বাস ফেলিল।

রেবতীকে যে আজ কি ভূতে পাইল, কে জানে, আজ শয্যায় গিয়া হীরালালকে ক্রমাগত সে খুঁটিয়া খুঁটিয়া সুরবালার কথাই জিজ্ঞাসা করিতে লাগিল। এমন কি, ফুলশয্যার রাত্রিতে উভয়ের কথাবার্ত্তা কি হইয়াছিল, তাহাও না শুনিয়া ছাড়িল না। কিন্তু আশ্চর্য্যের বিষয়, বেশ আমোদ করিয়াই প্রশ্ন করিতে লাগিল, কিছুমাত্র অসুখ বা অভিমানের খাদ তাহার ভিতর ধরা পড়িল না। হীরালালও অসঙ্কোচে উত্তর দিতে লাগিল,—যেন সে তাহার নূতন প্রেমসীর সহিত নহে—কোন অন্তরঙ্গ সখার সহিতই কথোপকথন করিতেছে। এক সময় সে জিজ্ঞাসা করিল, “আজ সুরবালার কথা এত ক’রে জিজ্ঞাসা করছ কেন রেবি?”

রেবতী হাসিয়াই উত্তর করিল, “বাঃ, আমার সতীন কেন, তা বুঝি আমার জানতে ইচ্ছা করে না?—তাকে আমার বড় দেখতে ইচ্ছে করে, সত্যি!—দেখাবে?”

হীরালাল বলিল, “তাকে দেখবে যদি তো চল না আমার সঙ্গে।”

“কেন, আমার কাণ ছোটো আর নাকটার উপর কি আমার কিছুমাত্র মমতা নেই মনে কর? তোমাদের বাড়ী আমি ঢুকলে তোমার বউ আঁধ-বঁটি দিয়ে আমার নাক-কাণ কেটে বাঁটা মারতে মারতে আমায় বাড়ী থেকে তাড়িয়ে দেবে না?”

হীরালাল বলিল, “তা অসম্ভব নয় বটে।—এখন যুগোও—

রাত একটা বাজে, খেয়াল আছে? আর রাত জাগলে তোমার অস্থখ করবে।”

“আমার অস্থখ করলেই বা! আমি ম’রে গেলেই বা!” বলিয়া, বিনামেঘে বজ্রাঘাতের মত, রেবতী দুই হাতে মুখ চাপিয়া তু হু করিয়া কাঁদিতে লাগিল।

হীরালাল তাহার এই হঠাৎ ভাবান্তর দেখিয়া বিস্ময়ে অভিভূত হইয়া পড়িল। ভাবিল, স্ট্রীচারিত্র কি অদ্ভুত জিনিষ! কখন রোদ, কখন বৃষ্টি, কিছুই স্থিরতা নাই! কিন্তু ইহা তাহার মাথায় আসিল না যে, নিপুণা অভিনেত্রী এতক্ষণ তাহার স্বকীয় মন-বেদনাকে সবলে দাবাইয়া রাখিয়া, হাসি-খুসির ভাণ করিতেছিল মাত্র—কিন্তু আর সে পারিয়া উঠিল না,—ভাবিয়া পড়িয়াছে।

হীরালাল তাহাকে আদর করিয়া, সোহাগ করিয়া, সাব্বনা দিবার অনেক চেষ্টা করিল, কিন্তু রেবতী কিছুতেই সাব্বনা মানিল না। “ওগো, আজ তুমি আমায় কিছু বোলো না, তোমার পায়ে পড়ি”—বলিয়া সে হীরালালের দিকে পশ্চাৎ ফিরিয়া শয়ন করিল এবং কাঁদিতে কাঁদিতে কখন ঘুমাইয়া পড়িল।

ফুল কি শুধু বাগানেই ফোটে? বাগানেও ফোটে, গ্রামানেও ফোটে। রেবতীর হৃদয়ে এই যে ভাব,—ইহাও প্রেম এবং খাঁটি প্রেম। তবে সুখ নাই কেন? শ্রীশান-কুসুমে দেবপূজা শাস্ত্রনিষিদ্ধ কেন?

উনচত্বারিংশ পরিচ্ছেদ

নূতন-চুক্তি

পরদিন প্রভাতে গাত্রোত্থান করিবার পর, গত রাত্রির আচরণের জন্ত রেবতীর বড় লজ্জা করিতে লাগিল। দিবা ও রজনীতে ধরণীর দেহের রঙ বদলায় বটে; মানুষের মনের রঙেরও কি সেইরূপ পরিবর্তন হয়? রেবতী মনে মনে বলিতে লাগিল, “ছি ছি, কাল রাত্রে বড়ই ছেলেমানুষী ক’রে ফেলেছি।”—হীরালাল জাগিলে, সে হাসিমুখেই তাহাকে অভিনন্দন করিল।

চা-পানের পর দুই জনে বেড়াইতে বাহির হইল। বেড়াইয়া ক্লান্ত হইলে একটা নির্জন স্থানে শিলাখণ্ডের উপর উপবেশন করিয়া রেবতী বলিল, “আমি ভেবে চিন্তে দেখলাম, তোমার দিন কতক বাড়ী ঘুরে আসাই উচিত। একটা সুবিধে এই, গ্রামের লোক এ সব খবর কেউ পায়নি। মা’র কাছে তোমার মুখ দেখান শক্ত, সুরবালার কাছে আরও শক্ত, সবই আমি বুঝি। কিন্তু কি করবে বল, উপায় কি? তুমি আমায় ভাল-বেসেছ—আমার জীবন ধন্ত হয়েছে, যা আমার পা’বার নয়, তাই আমি পেয়েছি—কিন্তু তাই ব’লে তুমি তোমার মাকে, স্ত্রী-কন্তাকে তাসিয়ে দেবে, এটা আমি নিশ্চয়ই চাই নে, তা ত তুমি জান, তাই!”

হীরালাল আদরে রেবতীর বাহুস্পর্শ করিয়া বলিল, “তা জানি বৈ কি, রেবি !”

“বেশ। সেই কথাই রইল তা হ’লে। ও-বেলা বিপিন বাবু এলে আমি নিজেই তাঁকে বলবো, আপনার হীরালালকে বাড়ী নিয়ে যান—কিন্তু হুণ্ডাখানেকের মধ্যেই পাঠিয়ে দেবেন আবার ; কি বল, আমি বলবো ত ?”

হীরালাল একটু চিন্তা করিয়া বলিল, “কিন্তু বিপিন ত এখন এক সপ্তাহ এখানে থাকবে। আচ্ছা, এক কায করি না কেন ?”

“কি ?”

“তোমার শরীরটে উপস্থিত অবস্থা ভালই আছে—কিন্তু কখন কি হয়, তা ত বলা যায় না। তোমাকে এখানে একলা ফেলে রেখে গিয়েও ত মনে আমি শান্তি পাব না। তার চেয়ে, বিপিন এখানে থাকতে থাকতেই আমি ঘুরে আসি না কেন ? বিপিন এখানে থাকলে, তোমায় সর্বদা দেখাশুনো করবে, তবু আমি অনেকটা নিশ্চিন্ত থাকতে পারবো। কি বল ?”

রেবতী কয়েক মুহূর্ত নীরব থাকিয়া বলিল, “তা—যা ভাল বোঝ।”

হীরালাল বলিল, “তুমিই বুঝে দেখ না। এই নিকরাক্ষর স্থানে হঠাৎ যদি তোমার কোনও বিপদ-আপদ আসে—এ আশঙ্কা কি তোমার হয় না ?”

“হয় না কেন ? খুবই হয়। তবে আমি কি ভাবিয়াছিলাম

জান? বিপিন বাবু ত এখনও এক হুণ্ডা এখানে আছেন,—
তবু এই এক সপ্তাহ ত তোকে পাব।”

হীরালাল হাসিয়া বলিল, “এক সপ্তাহ পরে আমায় আর
পাবে না, এই ভয় তোমার হয় না কি?”

রেবতী বলিল, “তা কি কিছু বলা যায়? অদৃষ্ট যে মন্দ।
বক্সিম বাবু কি বলেছেন মনে নেই? ‘অদর্শনে কত বিষময় ফল
কলে।’—তুমি যার জিনিষ, সে যদি না ছাড়ে?”

“কেন, আমি কি তোমারও জিনিষ নই?”

রেবতী বলিল, “তা হয় না গো, প্রেমে কি আর এজমালি
চলে? জিনিষ তারই, তবে আমি ছ’দিন চুরি ক’রে ভোগ ক’রে
নিচ্ছি, এই পর্য্যন্ত। যেমন গরু পরের ক্ষেতে ঢুকে পেট ভ’রে
ধান খেয়ে নেয়, সেই রকম আর কি!”

হীরালাল হাসিয়া বলিল, “তুমি গরু? আজকাল তুমি ক’সের
ক’রে দুধ দিচ্ছ বল দেখি?”

“কেন? তোমার মেয়ের জন্তে ক’সের দরকার?”—এইরূপ
হাস্ত-পরিহাস করিতে করিতে উভয়ে সে স্থান হইতে উঠিল এবং
দীর্ঘে ধীরে গৃহাভিমুখে অগ্রসর হইল।

চারিটা বাজিলেই বিপিন বাবু আসিয়া পৌঁছিলেন। গত
কলা অপেক্ষা উভয়কে আজ প্রফুল্ল দেখিয়া জিজ্ঞাসা করিলেন,
“তোমরা কতী-গিল্লীতে কি পরামর্শ স্থির করলে গো?”

পরামর্শ যাহা স্থির হইয়াছিল, হীরালাল তাহা বলিল। শুনিয়া
বিপিন বাবু বলিলেন, “ওহে, তোমার মা’র কাছে আমি যে

ব'লে এসেছিলাম, তোমায় আমি নিয়ে গিয়ে তাঁর কাছে হাজির ক'রে দেবো,—আমি রইলাম এখানে—রাস্তা থেকে তুমি যদি আর কোথাও পালাও ?”

হীরালাল বলিল, “আর কোথায় পালাবো বল ?”

বিপিন বাবু বলিলেন, “আকাশে নক্ষত্র কি রেবতীই শুধু একটি হে ? অশ্বিনী, ভরণী, কৃত্তিকা, রোহিণী—আরও কত সব আছেন ত ? কি বলেন রেবতী বিবি ?”

রেবতী বলিল, “সে ত নিশ্চয়ই। কে কখন কোন্ নক্ষত্রের পাশ্চাত্য প'ড়ে যায়, তা বলা যায় কি ?” (হীরালালের দিকে চাহিয়া) “কিন্তু হ্যাঁগা তোমার ভায়া আমাকে রেবতী বিবি বলবেন কেন বল ত !”

বিপিন বাবু হাত যোড় করিয়া বলিলেন, “মাফ করুন, আমার অপরাধ হয়েছে—এবার থেকে আপনাকে আমি বউদিদিই বলবো।”

“যদি বউদিদি বলবেন, তা হ'লে আমাকে ‘আপনি’ ও বলতে পারেন না, ‘তুমি’ বলতে হবে।” (হীরালালের দিকে চাহিয়া) “কি বল গো ?”

হীরালাল বলিল, “নিশ্চয়।”

বিপিন বাবু বলিলেন, “তা হ'লে আপনিও আমায় বিপিন বাবু বলতে পারবেন না, ঠাকুরপো বলতে হবে। আর ‘তুমি’ বলতে হবে। কি বল হীরুদা ?”

রেবতী বলিল, “আচ্ছা, সেই চুক্তিই রইল তা হ'লে।”

হীরালাল বলিল, “আমি তোমাদের এই চুক্তিনামার সাক্ষী রইলাম। কিন্তু আসল কথাটাই চাপা প’ড়ে যাচ্ছে যে। তোমরা ছ’জনেই একমত হচ্ছে যে, অশ্বিনী, ভরগী, কথন্ কে কোন্ নক্ষত্রের পাল্লায় প’ড়ে যায়, ঠিক নেই। রেবতীই কিন্তু শেষ নক্ষত্র—একেবারে ২৭ নম্বর—পাঁজি খুলে দেখ।”

বিপিন বাবু বলিলেন, “না দাদা, দোহাই তোমার, আর কারু পাল্লায় পোড়ো না,—যা পড়ান পড়েছ, এতেই তোমার হাড়গোড় চূর্ণ হ’বার দাখিল হয়েছে।”

চা-পান শেষ হইলে, তিন জনে একত্র বেড়াইতে বাহির হইলেন। ইহা স্থির হইয়া গিয়াছে যে, আগামী কল্য কলিকাতা মেলে হীরালাল গৃহযাত্রা করিবে এবং সে ফিরিয়া না আসা অবধি বিপিন বাবু রেবতীর তত্ত্বাবধানে দার্জিলিঙে থাকিবেন।

ভ্রমণান্তে বিপিন বাবু বিদায় চাহিলে হীরালাল বলিল, “রেবি, তুমি যে কাল বলেছিলে, বিপিন ভায়া রোজ অন্ততঃ একবেলা আমাদের ওখানে থাকবেন!”

বিপিন বাবু বলিলেন, “চা ত খেলাম।”

হীরালাল বলিল, “ও ত ফাঁকি—জল ভাজা।”

রেবতী বলিল, “ঠিক কথা। ওটা আমারই ভুল হয়ে গেছে। কাল রাত্রে যখন ঠুকে বললাম, কাল বিকেলে এসে এই খানেই চা থাকবেন, তখনই আমার বলা উচিত ছিল,—বেড়িয়ে ফিরে রাত্রেও এখানে থাকবেন।—তা, তুমিই বা সে সময় আমায় মনে ক’রে দিলে না কেন?”

হীরালাল বলিল, “সে সময় আমার বুঝি মাথার ঠিক ছিল ?”

রেবতী বলিল, “আমারই বড় ছিল কি না!—সে যা হোক, কাল দশটার সময় এসে, আমাদের সঙ্গে আপনি খাবেন বিপিন বাবু,—তার পর ছ’জনে গুঁকে ষ্টেশনে গাড়ীতে তুলে দিতে যাব।”

বিপিন বাবু বলিলেন, “আমি চুক্তিভঙ্গকারিণীদের নিমন্ত্রণ গ্রহণ করি নে।”

রেবতী সবিস্ময়ে বলিল, “কেন, কি চুক্তি ভঙ্গ করলাম আমি ? ওঃ—হ্যাঁ হ্যাঁ—মনে পড়েছে। তা বটে।”

বিপিন বাবু হাসিয়া বলিলেন, “চুক্তি ছিল যে, আমি তোমাকে ‘বউদিদি’ বলবে, ‘তুমি’ বলবো—তুমিও আমাকে ‘ঠাকুরপো’ বলবে, ‘তুমি’ বলবে—সেটা মহাশয়ার স্মরণ না থাকতে পারে, কিন্তু উভয় পক্ষের সাক্ষী আছে এই হীরুদা। বেড়াতে বেড়াতে আমি আজ কয়েক বারই তোমাকে বউদিদি বলেছি।”

রেবতী বলিল, “ক্ষমা কর ঠাকুরপো ! হ্যাঁ হ্যাঁ—এটা আমার অপরাধ হয়ে গেছে বটে।”

“আচ্ছা ক্ষমা করা গেল, বউদিদি।”

“তবে কাল বেলা দশটায় আসবে ত ?”

“আসবো”—বলিয়া বিপিন বাবু বিদায় গ্রহণ করিলেন।

চত্বারিংশ পরিচ্ছেদ

চিঠির প্রতীক্ষায়

কলিকাতা-মেল হীরালালকে নইয়া দার্জিলিং ষ্টেশন ছাড়িয়া গেল।

রেবতী বলিল, “ঠাকুরপো, এখন তুমি স্যানিটেরিয়মেই যাবে ত?”

“চল, আগে তোমায় পৌছে দিয়ে আসি।”

“না না,—আবার অত দূর কষ্ট করতে যাবে কেন? আমি একলাই বেশ যেতে পারব।”

বিপিন বাবু বলিলেন, “না না, আমার কিছু কষ্ট হবে না। ভীষণদা আমায় রেখে গেল খবরদারী করতে, আমি তোমায় একলা ছেড়ে দিতে পারি? পথে যদি কেউ তোমায় লুটে নিয়ে যায়, তার জন্তে দায়ী হবে কে, বৌদি?” বলিয়া বিপিন বাবু হাসিলেন।

রেবতী তখন ভাবাবিষ্ট, এ পরিহাস তাহার অন্তঃকরণকে স্পর্শই করিল না। সে বিপিন বাবুর মুখের পানে ছল-ছল নেত্রে চাহিয়া বলিল, “আমায় এখন একটু একলা থাকতে দাও, ঠাকুরপো!—না হয় আমায় একখানা রিক্শা ক’রে দাও।”

রেবতীর মুগ্ধভাব ও কণ্ঠস্বর যেন বিপিন বাবুর পৃষ্ঠে চাবুক মারিল। তিনি বুঝিলেন, পরিহাসটুকু অসমরোচিত হইয়াছে। বলিলেন, “ওঃ, আচ্ছা, আমি তোমার সঙ্গে যাব না, বৌদি। আমি

অতটা বুঝতে পারি নি, আমায় মাফ কর। চল, একটা রিক্‌শায় তোমায় তুলে দিই।”

এ সময় উভয়ে তাহারা প্ল্যাটফর্মের প্রান্তসীমায় আসিয়া পৌঁছিয়াছিল। প্ল্যাটফর্মের বাহিরেই খানকয়েক রিক্‌শা দাঁড়াইয়া ছিল। বিপিন বাবু একটার ভাড়া স্থির করিয়া রেবতীকে তাহাতে উঠাইয়া দিয়া রিক্‌শাওয়ালাকে বলিলেন, “যাও, মেম সাহেবকে কোঠা পৌঁছায় দো। হুঁসিয়ারিসে লে যানা।”

রেবতী বলিল, “ও-বেলা আস্‌ছ ত ঠাকুরপো, চা-য়ের সময়?”

বিপিন বাবু বলিলেন, “আস্‌ব?”—তাহার কণ্ঠস্বরে একটু অভিমানের রেশ যেন ধরা পড়িয়া যায়।

রেবতী বলিল, “হাঁ ঠাকুরপো, এস, নইলে আমায় বেড়াতে নিয়ে যাবে কে?”

“আস্‌বো বৌদি, সাড়ে চারটের সময়।” বলিয়া বিপিন বাবু রেবতীতে নমস্কার করিলেন। ঘণ্টাধ্বনি সহ রিক্‌শা ছুটিয়া চলিল।

ঠিক সাড়ে চারটার সময় বিপিন বাবু রেবতীর আবাসে গিয়া পৌঁছিলেন। কাঞ্চি ভূতা যথানিয়মে দ্বারদেশে বসিয়া ছিল, বিপিন বাবুকে ড্রিং-রুমে বসাইয়া সে উপরে “মেমসাহেব”কে সংবাদ দিতে গেল।

বিপিন বাবু দশ মিনিট কাল অপেক্ষা করিবার পর রেবতী নামিয়া আসিল। বলিল, “তোমায় অনেকক্ষণ বসিয়ে রেখেছি। ঠাকুরপো, একবারে বেড়াতে বেরুবার পোষাক পরেই নেমে এলাম।”

“ভালই করেছ বৌদি।”—বিপিন বাবু লক্ষ্য করিলেন, রেবতীর চক্ষু দুইটি ফুলিয়াছে। এ কি দিবানিদ্রার জন্তু? না, রেবতী কাঁদিয়াছে? বোধ হয়, শেষের অমুমানটাই ঠিক, কারণ, গলার স্বরও তাহার ভারি ভারি।

বিপিন বাবু আর কোনও কথা খুঁজিয়া না পাইয়া বলিলেন, “হীকুদা বোধ হয় এতক্ষণ কার্শিয়ং ছাড়িয়ে গেল।”

রেবতী জিজ্ঞাসা করিল, “বাড়ী পৌছবেন কখন?”

“কাল সন্ধ্যে নাগাদ।”

সোদামিনী ঝি চা আনিল। চা-পান ব্যাপারটা প্রায় নীরবেই চলিতে লাগিল। গুমট অসহ্য হইলে বিপিন বাবু জিজ্ঞাসা করিলেন, “বৌদি, তুমি এত কি ভাবছ বল দেখি?”

রেবতী ফিক্ করিয়া একটু হাসিয়া বলিল, “কৈ, ভাবলাম আবার কখন?”

“এমন নীরব যে!”

“তুমিই বা কোন্ সরব!”

“ও রকম মন খারাপ ক’রে থেক না বৌদি—একে তোমার দেহ ভাল নয়,—চঠাৎ অসুখ-বিস্মৃথ করতে পারে।”

“করলেই বা। তুমি রয়েছ, তার জন্তে ভাবনা কি? একটা পরীক্ষাও হয়ে যাবে।”

“কিসের পরীক্ষা?”

“দাদার উপর তোমার যে রকম টান, বৌদির উপরও সে রকম কি না।”

“না, দোহাই তোমার, সে পরীক্ষায় পাস করতে আমি চাইনে ! চা-টুকু শেষ ক’রে নাও, চল এখন বেড়াতে বেরোন যাক ।” বলিয়া বিপিন বাবু নিজ পেয়ালার চা-টুকু নিঃশেষ করিয়া ডিবা হইতে একটা পাণ লইয়া মুখে দিলেন ।

দুই জনে তখন বাহির হইয়া বটানিকেল গার্ডনের দিকে নামিতে লাগিলেন । বাগানের ভিতর প্রবেশ করিয়া রেবতী বলিল, “ক্লান্ত হয়ে পড়েছি, বসা যাক এখানে ।”

একটা খালি বেঞ্চি পাইয়া উভয়ে উপবেশন করিলেন । বিপিন বাবু বলিলেন, “বৌদি, তুমি থিয়েটরে ঢুকেছ কত দিন ?”

থিয়েটরের প্রসঙ্গে রেবতীর মুখ খুলিয়া গেল । কোন্ কোন্ থিয়েটরে রেবতী ছিল, কোন্ কোন্ নাটকে কোন্ কোন্ চরিত্রে অভিনয় করিয়াছে, বিপিন বাবুর প্রশ্নে সমস্তই সে বলিতে আরম্ভ করিল । দুই জনের গল্প এতক্ষণে বেশ জমিয়া উঠিল । দেখিতে দেখিতে সন্ধ্যা হইয়া আসিল ।

উভয়ে তখন উঠিয়া বাড়ীর পথ ধরিল ।

বাড়ীর কাছাকাছি আসিয়া রেবতী বলিল, “ঠাকুরপো, তুমি কেন এইখানেই থেয়ে যাও না ।”

বিপিন বাবু রেবতীর দিকে আড়চোখে চাহিয়া, চটুল হাসি হাসিয়া, কোমল স্বরে বলিলেন, “খেয়ে যাব ? তা পারি, যদি ভোজন-দক্ষিণা পাই ।”

রেবতীর মুখে সংশয় ও স্মরণ চিহ্ন দেখা দিল— তাহার ক্র কুণ্ঠিত হইয়া উঠিল । ইহা, পথের অজ্ঞালোক সত্ত্বেও বিপিন বাবুর দৃষ্টি

এড়াইল না—কারণ, এ প্রস্তাবে রেবতীর মুখভাব কিরূপ হয়, তাহাই তিনি দেখিবার প্রতীক্ষায় ছিলেন। রেবতী নিজ কণ্ঠস্বরকে যথাসাধ্য সংযমিত করিয়া জিজ্ঞাসা করিল, “তুমি ত বামুন নও, কায়েথ,—তবে এত দক্ষিণার লোভ কেন? কি দক্ষিণা চাও তুমি শুনি?”

বিপিন বাবু বলিলেন, “এই, ছোটো গান-টান শুন্‌বো আর কি! তার বেশী আর কিছু দাবী করবো না, বউদি!”—বলিয়া তিনি হাসিতে লাগিলেন।

রেবতী মনে মনে বলিল, “আমায় পরীক্ষা করা হচ্ছে বুঝি?” প্রকাণ্ডে বলিল, “গান শুনতে তুমি ভালবাস?”

“খুব ভালবাসি।”

“আচ্ছা, সে জন্তে আটকাবে না।”

এই সময় উভয়ে রেবতীর গৃহদ্বারে পৌঁছিল। রেবতী বলিল, “তুমি হাত-মুখ ধোবে ত, ঠাকুরপো? নীচে একটা গোসলখানা আছে। এই কাঞ্চি, সাহেবকে গোসলখানা দেখাও।”—বলিয়া রেবতী উপরে চলিয়া গেল।

রেবতী নামিয়া আসিলে, কয়েকটা গান শ্রুইবার পর, আহ্বারের সময় উপস্থিত হইল। আহ্বারান্তে ঘণ্টাখানেক বিপিন বাবু রহিলেন। রেবতী হীরালালের সাংসারিক ব্যাপার সম্বন্ধে অনেক প্রশ্ন করিল—বিশেষ করিয়া সুরবালা ও তাহার খুকার কথা। সুরবালা সম্বন্ধে বিপিন বাবু তাঁহার স্বীর নিকট যাহা কিছু শুনিয়াছিলেন—এই ব্যাপারের প্রথম সংবাদ পাইয়া সুরবালা কিরূপ ভাঙ্গিয়া

পড়িয়াছিল,—তাহার পর স্বামীকে গৃহে ফিরাইবার জন্ত তাহার ব্যাকুলতা,—সমস্তই বিপিন বাবু বর্ণনা করিলেন। শুনিয়া রেবতী একটি দীর্ঘনিশ্বাস ফেলিয়া চুপ করিয়া বসিয়া রহিল।

কিয়ৎক্ষণ নীরবে থাকিয়া রেবতী নিজ চেয়ারের উপরে এলাইয়া পড়িল। বিপিন বাবু ইহা দেখিয়া বলিলেন, “বৌদি, তুমি ক্লান্ত হয়ে পড়েছ, আমি এখন উঠি, তুমি শোও গে যাও।”

রেবতী দাঁড়াইয়া উঠিয়া বলিল, “কাল আবার আসছ ত ঠাকুরপো?”

“হ্যাঁ, আসব বৈ কি। আজ যেমন সময় এসেছিলাম; কিন্তু বেড়িয়ে ফিরে, তোমায় বাড়ী পৌঁছে দিয়ে চ’লে যাব,—কেমন?”

রেবতী বলিল, “অর্থাৎ রাতে এখানে থাকে না, এই কথা বলছ ত?”

“হ্যাঁ। দেখ, হীরুদা এখানে নেই, তুমি একলা রয়েছ। তুমি ছেলেমানুষ, আমিও নিতান্ত বড়ো হই নি। এ অবস্থায়”—বলিয়া বিপিন বাবু দৃষ্টামির হাসি হাসিলেন।

রেবতী বলিল, “কেন, পাছে তুমি আমার সঙ্গে প্রেমে প’ড়ে যাও? এই ভয়?”

বিপিন বাবু বলিলেন, “না, সেটা ত স্নেহের কথাই, ভয়ের বিষয় আর কি?—মুগ্ধাটী যেমন হিন্দুসমাজে চল্ হয়ে উঠেছে, বউদি-ঠাকুরপোর প্রেমটাও, সমাজে না হোক, বাঙ্গালা সাহিত্যে আর দোষের ব’লে গণ্য হচ্ছে না, তা দেখছ ত?”—বলিয়া বিপিন বাবু

কয়েকখানি আধুনিক বাঙ্গালা উপন্যাসের নাম করিয়া বলিলেন,
“পড়েছ ত?”

রেবতী বলিল, “হ্যাঁ, পড়েছি বৈ কি!—সেটাকে তুমি যদি
ভীতিজনক মনে না কর, তবে আর ভয় কিসের? তোমাতে
আমাতে বেশী মেশামিশির কথা জানতে পেরে তোমার হীৰুদা
পাছে রাগ করে?”

“সেইটেই হীৰুদার পক্ষে স্বাভাবিক নয় কি?”

“হ্যাঁ, তা বটে। কালকের কথা সে তখন কাল হবে। তুমি
বিকেলবেলা এস ত।”

বিপিন বাবু বিদায় গ্রহণ করিলেন।

শয়নকক্ষে গিয়া, বস্ত্রাদি পরিবর্তনের পর আলো নিবাইয়া শয়ন
করিয়া রেবতী অনেকক্ষণ ঘুমাইতে পারিল না। আজ সে বাড়ী
পৌছিয়াছে। রাত্রি এখন দশটা—সুখবাবার সহিত এতক্ষণ সে
নিভুতে একত্র হইয়াছে। পরস্পরের প্রতি তাহাদের ব্যবহার,
তাহাদের কথাবার্ত্তা রেবতী করুণা করিতে চেষ্টা করিল। তাহার
হৃদয় অনুশোচনায় ভরিয়া উঠিল। এ অনুশোচনা, আজ প্রথম
তাহার হৃদয়ে প্রবেশ করে নাই। দার্জিলিংয়ে আসা অবধি
হীরালালের সহিত সম্পর্কটা তাহার মনে আত্মগোষ্ঠার সঞ্চার করিতে
আরম্ভ করিয়াছিল—আজ বিপিন বাবুর মুখে সুখবাবার
অনেক কথা শুনিয়া, রেবতীর মনটা আরও খারাপ হইয়া
গিয়াছে।

বিপিন বাবু প্রত্যহই আসেন; তা পান করিয়া রেবতীকে

বেড়াইতে লইয়া যান—বেড়াইয়া ফিরিয়া তাহাকে পৌছাইয়া দিয়া, নিজ বাসায় যান। রাত্রিতে একত্র আহার বন্ধ।

রেবতী দিনের মধ্যে শতবার মনে মনে হিসাব করিতেছে—হীরালাল এখান হইতে গিয়াছে সোমবারে। মঙ্গলবারে সন্ধ্যা নাগাদ তাহার বাড়ী পৌছিবার কথা। বুধবারে সে পত্র লিখিবে বলিয়া গিয়াছে, শুক্রবারে সেই পত্র রেবতীর পাইবার কথা।

শুক্রবার বেলা দুইটা হইতে রেবতী অধীর আগ্রহে ডাকপিয়নের প্রতীক্ষা করিতে লাগিল। ডাক-পিয়ন আসিল, কিন্তু হীরালালের পত্র আসিল না। তাহার দ্বারবান্ মহাবীর সিং কাহাকে দিখা বাঙ্গালায় এক পোষ্ট কার্ড লেখাইয়াছে ; বাড়ী-ঘর জিনিষপত্র সমস্ত ঠিক হওয়ায় সংবাদ দিয়াছে, মা-জীর স্বাস্থ্য সম্বন্ধে প্রশ্ন করিয়াছে ; সর্বশেষে লিখিয়াছে, গত কল্যা একজন পার্সী সাহেব সাক্ষাৎ জন্ত আসিয়াছিলেন, তিনি দাঞ্জিলিঙের ঠিকানা লইয়া গিয়াছেন, তাঁহার নাকি বিশেষ কি প্রয়োজন আছে।

এই পার্সী সাহেবটি কে, এবং রেবতীর সহিত তাঁহার বিশেষ প্রয়োজনই বা কি, সে ইহা কিছুই অনুমান করিতে পারিল না। এ বিষয় লইয়া সে অধিক মাথাও ঘামাইল না। হীরালালের চিঠি যে আসে নাই, এই নৈরাশ্রের দুঃখেই তাহার বুকখানি ভরিয়া রহিল।

কেন চিঠি আসিল না? সেখানে পৌছিয়া হীরালাল কি তবে অসুস্থ হইয়া পড়িয়াছে? না, সুরবালাকে লইয়া সে এতই বিব্রত যে, দুই চারি কথায় পৌছান সংবাদটাও লিখিবার অবসর করিতে

পারে নাই ?—প্রথমটা না হইয়া থাকিলেই ভাল। সে ভাল থাকুক,—দ্বিতীয় কারণটাই যেন ঘটয়া থাকে। রেবতী মনে মনে এই প্রার্থনা করিয়া, একটা দীর্ঘনিশ্বাস ফেলিয়া চূপ করিয়া বসিয়া রহিল।

বিপিন বাবু যথাসময়ে আসিয়া হাজির হইলেন। তাঁহাকে দেখিবামাত্র রেবতী বলিল, “তোমার হীৰুদার চিঠি ত কৈ আজ এল না ঠাকুরপো ? তোমার কাছে এসেছে ?”

বিপিন বাবু বলিলেন, “না, আমার কাছে ত আসেনি। কাল হয় ত আসতে পারে।”

“দেখা যাক্”—বলিয়া রেবতী চায়ের অস্থলানে প্রবৃত্ত হইল।

একচত্বারিংশ পরিচ্ছেদ

গৃহে

হীরালালের গোয়ান যখন গ্রামে প্রবেশ করিল, তখন সন্ধ্যা উত্তীর্ণ হইয়া গিয়াছে। সদর দরজা খোলাই ছিল—স্টুটকেস হস্তে হীরালাল উঠানে প্রবেশ করিয়াই দেখিল, কে এক ব্যক্তি একটা লঠন ও লাঠি হাতে লইয়া তাহাদের বড় ঘরের বারান্দা হইতে নামিতেছে। উঠান ও বারান্দা অন্ধকার,—হীরালাল লঠনটাই দেখিল, মানুষটা কে, তাহা বুঝিতে পারিল না। ক্ষণকাল পরেই তাহারা পরস্পরের সন্মুখীন হইল। হীরালাল দেখিল, ইনি গ্রামের প্রবীণ ডাক্তার বিধুভূষণ কুশারি। হীরালালকে দেখিয়াই তিনি বলিয়া উঠিলেন, “হীরেনাল এসেছ ? খুব সময়ে এসে পড়েছ, বাবা ! যাও, তোমার মাকে দেখ ।”

হীরালাল শঙ্কিত স্বরে বলিয়া উঠিল, “কেন ডাক্তারবাবু, মা’র কি হয়েছে ?”

“আজ আট দিন তাঁর জ্বর। একজণ্ডী অবস্থায় রয়েছেন।”

“অবস্থা কি রকম ?”

“বড় ভাল নয়। তবে আজ রাতে কোনও ভয় বোধ হয় নেই। যে ওষুধ দিযেছি, সেই ওষুধই এখন চলবে।”

বলিয়া ডাক্তার বাবু লঠন হাতে লাঠি ঠক ঠক করিতে করিতে বাহির হইয়া গেলেন।

হীরালাল তাড়াতাড়ি বারান্দায় উঠিয়া, স্টকেসটা সেখানে ফেলিয়া, জুতা ছাড়িয়া, ঘরের মধ্যে প্রবেশ করিবামাত্র ওড়িকলোনের গন্ধ পাইল।

ঘরের এক কোণে তেলের প্রদীপ মিট মিট করিয়া জ্বলিতেছে। তক্তপোষের উপর তাহার জননী শায়িতা, তাঁহার কপালে জলপটি, মেঝে খুড়ীমা মাথায় পাথার বাতাস করিতেছেন। রোগিণী জ্বরঘোরে অচেতন। সুরবালা ঘোমটায় মুখ আবৃত করিয়া পদতলে বসিয়া শ্বাস্ত্রীর পায়ে হাত বুলাইতেছে। উঠানে স্বামীর কণ্ঠস্বর শুনিবামাত্র সে ঘোমটা দিয়াছিল।

মেঝে কাকীমা হীরালালকে দেখিয়া বলিলেন, “হীরা, এলি বাবা? খুব সময়ে এসে পড়েছিস!”

হীরালাল মাতার ললাটে হস্তস্পর্শ করিয়া দেখিল, যেন আগুন। তার পর প্রথমে জননীর, পরে মেঝে খুড়ীমা’র পদবুলি গ্রহণ করিয়া বলিল, “আজ আট দিনই কি বেছঁস রয়েছেন?”

মেঝে খুড়ীমা উত্তর করিলেন, “না, তা কেন? জ্বরটা যখন বেড়ে উঠে, তখনই বেঁছস হয়ে পড়েন, অল্প সময় বেশ জ্ঞান থাকে, কথাবার্তা ক’ন। বিকেল পর্য্যন্ত কথাবার্তা কয়েছেন। তার পর থেকেই জ্বরটা বাড়তে আরম্ভ করে। তোমার দেহ ত বেশ ভাল আছে বাবা?”

“হ্যাঁ আমি ভালই আছি।”

“তুমি ত এখন দার্জিলিঙ থেকেই আসছ? সারাদিন থাওয়া হয়নি বোধ হয়? যাও বাবা, হাত-মুখ ধুয়ে নাও। বৌমা, যাও

ত, হাত-পা ধোবার জল গামছা দিয়ে, রান্নাঘরের শিকেয় বাতাসা আছে, তাই ভিজিয়ে এক গেলাস সরবৎ ক'রে দাও, আর তোমার ছোট খুড়ীমাকে বল ভাত চড়িয়ে দিতে ।”

সুরবালা স্বাশুড়ীর পদসেবা ছাড়িয়া ধীরে ধীরে প্রস্থান করিল । হীরালাল তখনই তাহার স্থান অধিকার করিয়া বসিয়া, মা'র পায়ে হাত বুলাইতে লাগিল ।

খুড়ীমা জিজ্ঞাসা করিলেন, “বিপিন বাবুর সঙ্গে তোমার দেখা হয়েছিল ?”

“হ্যাঁ, হয়েছিল ।”

“তিনিও এসেছেন তোমার সঙ্গে ?”

“না, তিনি এখন দার্জিলিংয়ে রইলেন ।”

“তোমার সে চাকরী কি আর নেই ?”

“হ্যাঁ, আছে বৈ কি । তিন মাসের ছুটিতে রয়েছে ।—
মা কি খাচ্ছেন ?”

“ডাক্তার বাবু ত জল-সাবুরই ব্যবস্থা করেছেন, কিন্তু দিদি জল-সাবু খেতে চান না ; গঙ্গাজল মিশিয়ে একটু একটু হুধই দেওয়া হচ্ছে । যখনই জ্ঞান হচ্ছে, খালি তোমার কথাই জিজ্ঞাসা করছেন ।”

হীরালাল একটি দীর্ঘনিশ্বাস ত্যাগ করিল ।

এই সময় হীরালালের কন্ঠকে কোলে করিয়া ছোট খুড়ীমা প্রবেশ করিলেন । হীরালাল নামিয়া তাঁহার পাদবন্দনা করিয়া

কত্নাকে কোলে লইয়া তাহাকে চুমা খাইল। খুকী যেন নিতান্ত বিষ্ময়েই বলিয়া উঠিল—“বাবা !”

ছোট খুড়ীমা বলিলেন, “হ্যাঁ দিদি ! বাবা এসেছেন, আর কোনও ভয় নেই। হীরা যাও বাবা, হাত-মুখ ধুয়ে রান্নাঘরে যাও, সরবৎটুকু খেয়ে এস।—আয় খুকী, আয়।”—বলিয়া তিনি খুকীকে লইলেন।

হীরালাল বাহির হইয়া দেখিল, সেই ঘরেই বারান্দার প্রান্তে পাড়ু গামছা ইত্যাদি সজ্জিত আছে,—অদূরে একটা হারিকেন লঠনে আলো জলিতেছে। হাত-পা ধুইতে ধুইতে হীরালালের মনে হইল, ছোট খুড়ীমা রান্নাঘরে বউকে মোতায়ন করিয়া নিজে চলিয়া আসিয়াছেন এবং রান্নাঘরে গিয়া সরবৎ পান করিয়া আসিতে হুকুম করিয়াছেন, ইহা দুই জনকে নিভৃত সাক্ষাতের অবসর দিবার কৌশলমাত্র। কিন্তু এখন সুরবালার সন্মুখীন হওয়া, তোপের মুখে দাঁড়ানর চেয়েও তায় পক্ষে সমাধিক ভীতিজনক—অথচ পিপাসায় কণ্ঠ শুকাইয়া গিয়াছে। তাই হীরালাল হাত-মুখ ধুইয়া, সরবতের প্রলোভন পরিত্যাগ করিয়া, সেই গাড়ুর অবশিষ্ট জলটুকুই অঞ্জলি অঞ্জলি পান করিয়া ফেলিল। তাহার পর গামছায় হাত-মুখ মুছিয়া, ঘরের মধ্যে ফিরিয়া আসিল। ছোট খুড়ীমা বলিলেন, “সরবৎটুকু খেয়ে এলে না বাবা ?”

হীরালাল বলিল, “খাব এখন ছোটখুড়ীমা, তাড়াতাড়ি কি ? এখন আমার তৃষ্ণা পায় নি।”

এই বিতৃষ্ণার কারণ বুঝিতে ছোট খুড়ীমার বিলম্ব হইল

না। “দেখি, বউমা রান্নাবান্নার কতদূর কি করলেন।”—বলিয়া তিনি খুকীকে লইয়া বাহির হইয়া গেলেন।

হীরালাল আবার জননীর পদপ্রান্তে বসিল।

পাঁচ মিনিট পরে ছোট খুড়ীয়া ছোট একটি রেকাবীতে দুইটি সন্দেশ এবং সরবতের গ্লাসটি আনিয়া হীরালালের কাছে ধরিলেন। হীরালাল উহা গ্রহণ করিল।

সরবৎ পান করিয়া হাত-মুখ ধুইয়া আসিয়া সে আবার জননীর পার্শ্বে বসিল। মেঝ-বউ তখন ছোট বউকে নিজ-স্থলাভিষিক্ত করিয়া রান্নাঘর পরিদর্শনে গমন করিলেন।

রাত্রি একটা। গৃহিণীর জরোস্তাপ একটু একটু করিয়া কমিতেছে। মাথার জলপটি খুলিয়া দেওয়া হইয়াছে।

হীরালাল আহারাণ্ডে সেই কক্ষেরই এক পার্শ্বে একখানা মাদুরের উপর শয়ন করিয়া ঘুমাইয়া পড়িয়াছিল। সুরবালা তাহার খুকীকে লইয়া অন্ত ঘরে গুইয়া ছিল, মেঝ-বউ তাহার নিকটে ছিলেন। ছোট বউ এ ঘরে রোগিণীর শয্যাপার্শ্বে অবস্থান করিতে ছিলেন। আর থানিক পরে মেঝ-বউ আসিয়া ছোট বউকে ঘুমাইতে পাঠাইবেন। এইরূপ পালা করিয়া রোগিণীর শুশ্রূষা চলিতেছে।

কিয়ৎক্ষণ পরে গৃহিণী সচেতন হইলেন। তাহা দেখিয়াই ছোট বউ বলিলেন, “ও দিদি তোমার হীরা এসেছে যে!”

গৃহিণী পাশ ফিরিয়া বলিলেন, “জ্যা? কি? আমার হীরা এসেছে? কৈ সে?”

“ঐ যে, দেখ, ঘুমুচ্ছে।”

গৃহিণী মাথাটি তুলিয়া নিদ্রিত পুত্রের পানে চাহিয়া বলিয়া উঠিলেন, “জয় মা রাধারানী !” প্রায় এক মিনিট নীরব থাকিবার পর জিজ্ঞাসা করিলেন, “কখন এল ?”

“সন্ধ্যার একটু পরেই ?”

“ভাল আছে ? খাওয়া-দাওয়া করেছে ?”

“হ্যাঁ, ভাল আছে। খেয়েছে। রাত ১২টা পর্য্যন্ত ব’সে তোমার পায়ে হাত বুলুচ্ছিল। ডেকে দেবো ?”

“না না, ঘুমুচ্ছে ঘুমুক। আহা, বাছা ক্লান্ত হয়ে এসেছে, এখন ডেক না।”

ঘুম ভাঙিলে, এক দাগ ওষধ খাওয়াইয়া দেওয়া ডাক্তার বাবুর উপদেশ ছিল। ছোট বউ বলিলেন, “এইবার তোমায় ওষুধ দিই দিদি ?”

গৃহিণী বলিলেন, “না না, আর ওষুধ কেন কেন ? হীরা বাড়ী এসেছে, এখন ওকে রেখে, ওর হাতের দেওয়া গঙ্গাজল মখে দিয়ে আমি যাতে যেতে পারি, এখন সেই ব্যবস্থাই কর তোমরা—ওষুধ আমি আর খাব না।”—বলিতে বলিতে গৃহিণীর চক্ষু সজল হইয়া আসিল।

ছোট বউ বলিলেন, “ছেলের হাতে গঙ্গাজল খেয়ে যেতে পারা—সে ত অবিশ্রি ভাগ্যেরই কথা দিদি। কিন্তু এখন কেন ? এখনও একটি নাতির মুখ তুমি দেখনি। নাতি হোক, তাকে মানুষ্য কর, তার পর তোমার যা ইচ্ছে হয় কোরো, আমরা বারণ করবো না। ওষুধ দিই, খাও।”

গৃহিণীর নিষেধ সত্ত্বেও ছোট বউ পীড়াপীড়ি করিয়া তাঁহাকে ঔষধ পান করাইয়া দিলেন। তার পর বলিলেন, “ওঠাই ছেলেকে।” —বলিয়া হীরালালের শয্যার নিকটে গিয়া তাহার গা ঠেলিয়া বলিতে লাগিলেন, “হীরা, বাবা, ওঠো ওঠো—দিদি জেগেছেন—তোমায় ডাকছেন।”

হীরালাল ধড়মড় করিয়া উঠিয়া বসিয়া বলিল, “আঃ! মা জেগেছেন?”—বলিয়া জননীর কাছে আসিয়া, তাঁহার ললাটে হস্তস্পর্শ করিয়া কহিল, “এখন কেমন আছ মা? অর ত অনেকটা কমেছে দেখছি। এখন আর কিছু কষ্ট আছে কি?”

গৃহিণী পুত্রের চিবুক স্পর্শ করিয়া, সেই অঙ্গুলিপুটে চুমা খাইয়া বলিলেন, “না বাবা, আর কোনও কষ্ট নেই আমার। তুমি বাড়ী এসেছ, আমার হারাধন ফিরে পেয়েছি, আর কি আমার কোনও কষ্ট থাকে?”

হীরালালের চক্ষু দিয়া ঝরঝর করিয়া জল পড়িতে লাগিল। সে বালকের মত জননীর বক্ষে মুখ লুকাইল।

দ্বাচত্বারিংশ পরিচ্ছেদ

পানী সাহেব

বিপিন বাবু রেবতীকে বলিয়া আসিয়াছিলেন, “কাল হয়ত হীকদার চিঠি আসতে পারে।”—সে “কাল” আসিল, কিন্তু চিঠি আসিল না। পর দিনও আসিল না—বিপিন বাবুর নিকটেও না, রেবতীর নিকটেও না। বিপিন বাবু প্রত্যহ যথানীতি বিকালে রেবতীর গৃহে গিয়া চপ্পান করিয়া তাহাকে বেড়াইতে লইয়া যান। পত্র না আসা সম্বন্ধে রেবতীকে তিনি এই বলিয়া সান্ত্বনা দিয়াছেন যে, হীকদা বোধ হয় বাড়ী গিয়া মার অবস্থা খারাপ দেখিয়াছে, তাহাকে লইয়া এতই ব্যস্ত আছে যে পত্র লিপিবার সুযোগ পায় নাই।

আজও যথাসময়ে স্ত্রানিটেরিয়মে ডাক পিওন আসিল। বিপিন বাবুর বাড়ী হইতে পত্র আসিয়াছে,—তার স্ত্রী সুহাসের পত্র—কিন্তু হীকদার পত্র আসিল না।

বিকালে বিপিন বাবু প্যান্সি কটেজে গিয়া দেখিলেন, রেবতী ড্রয়িংরুমে বসিয়া রহিয়াছে—তার সামনে টেবিলের উপর খামে লেখা পত্র। পেন্সিলে শিরোনামা দেখিয়াই তিনি হীরালালের হস্তাক্ষর চিনিতে পারিলেন। বলিলেন, “এই যে বউদি, হীকদার চিঠি এসেছে দেখছি। খবর ভাল ত ?”

রেবতী বলিল, “মন্দের ভাল। পড় না।”—বলিয়া চিঠিখানি সে বিপিন বাবুর হাতে দিল।

বিপিন বাবু সেখানি খুলিয়া পাঠ করিলেন—

ভাই শ্রোতের ফুল,

তুমি বোধ হয় আমার চিঠি না পেয়ে খুবই চিন্তিত হয়ে পড়েছ,—এবং আমার উপর রাগ করেছ, কিন্তু কি করবো, নিতান্তই নিরুপায়ে আমি তোমায় চিঠি লিখতে পারিনি। যেদিন সন্ধ্যাবেলা আমি এসে বাড়ী পৌঁছলাম সে রাত্রেও মার খুব হল, কিন্তু ভোরের দিকে একটু নরম পড়েছিল। বেলা ৯টা ১০টা বাজতে না বাজতেই জ্বরটা আবার খুব তেড়ে এল। তাঁকে নিয়ে আমি এতই ব্যস্ত হয়ে পড়লাম যে, পোষ্ট আপিসে গিয়ে একখানি পেষ্টকার্ড কিনে তোমায় হুঁছত্র চিঠি লিখে দিয়ে আসবো, সারাদিনের মধ্যে সেটুকু অবসরটুকুও করতে পারলাম না। কালও ঠিক ঐভাবে কেটেছে। আজ ভোর থেকে তিনি একটু ভাল আছেন। আমি বাজার করতে এসে, পোষ্ট আপিসে দাঁড়িয়ে তোমায় এই চিঠি লিখছি।

মার অবস্থা যদি ক্রমে ভালর দিকে যেতে থাকে, তবে হুণ্ডা খানেকের মধ্যে তিনি রোগমুক্ত হতে পারেন ডাক্তার বাবু এই কথা বলেন। যখন যেমন থাকেন আমি লিখে তোমায় জানাবো। এক হুণ্ডা বাড়ীতে থেকে, তার পর ফিরে যাব এই কথা বলে এসেছিলাম, কিন্তু তা দেখছি আর হবে না। হয়ত

আরও ২৪ দিন দেয়ী হয়ে যেতে পারে। বিপিন ভাষাকে এই কথা তুমি বোলো। তাকে আলাদা করে চিঠি লেখবার আর সময় পেলাম না, এই চিঠি তাকে দেখিও।

এই চিঠি যেদিন পাবে, তার পরদিন তুমি আমায় চিঠি লিখো—তুমি শারীরিক কেমন আছ জানবার জন্তে আমি উৎকণ্ঠিত হয়ে আছি একথা বলাই বাহুল্য। আর বেশী কিছু লেখার সময় নাই। এখন তবে আসি ভাই।

তোমার

স্রোতের ফুল।

পত্র পাঠ শেষ করিয়া বিপিন বাবু বলিলেন, “দেখ বউদি, চিঠি না আসার কারণটা আমি ঠিক বলেছিলাম কি না?”

“হ্যাঁ, তা তো বলেছিলে।”—বলিয়া রেবতী সৌদামিনীকে ডাকিয়া চা আনিতে আদেশ করিল।

চা আসিল। উভয়ে চা পান করিতে লাগিল। বিপিন বাবু বলিলেন, “চিঠির জন্তে ভাবছিলে, চিঠি ত এল বৌদি, তবু তুমি এমন চুপচাপ কেন?”

রেবতী মুহূ হাসিয়া বলিল, “কি কথা কইব?”

বিপিন বাবু বলিলেন, “এ ক’দিনই লক্ষ্য করছি, তুমি ভারি চুপচাপ। সর্বদাই কি যেন ভাবো। তোমার সে হাসি গল্প নেই, মনট বিষণ ক’রে থাক। ভাবতাম চিঠি আসছে না বলে তোমার মন খারাপ। আজ ত চিঠি এল, তবু আজ এমন চুপচাপ কেন তাই

জিজ্ঞাসা করছি। এই যে হীরুদা লিখেছে ফিরে যেতে দেবী হবে, তাই বোধ হয়—না বউদি?”

রেবতী ইহার কোনও প্রতিবাদ করিল না, কেবল একটু মূহু হাসিল। কয়েক মুহূর্ত্ত নীরব থাকিয়া বলিল, “আচ্ছা ঠাকুরপো, উনি মার কথাই সব লিখেছেন, ওঁর স্ত্রীর কোনও কথাই ত লেখেন নি।”

বিপিন বাবু হাসিয়া বলিলেন, “দাদা আমার দক্ষিণ-নায়ক কি না,—তাই লেখেন নি।”

রেবতী বলিল, “দক্ষিণ-নায়ক কি? নায়কের আবার উত্তর দক্ষিণ পূব পশ্চিম আছে না কি?”

বিপিন বাবু বলিলেন, “না, সে-দক্ষিণ নয়। সেকালে এক এক নায়কের বহু নায়িকা থাকতো ত? যে নায়ক নিজের সকল গুলিকে ঠিক সমভাবে দেখতেন, কাউকে উনিশ বিশ করতেন না, কার মনে যেন এতটুকু ঈর্ষা বা অভিমানের না উদয় হয় সে বিষয়ে লক্ষ্য রাখতেন,—তাকেই দক্ষিণ নায়ক বলতো।—আমার সে বউদির কথা তিনি যদি এ বউদির কাছে লিখতেন, তা হলে এ বউদি কি খুসী হতেন?”

রেবতী বলিল, “এক দাদার সম্পর্কে লোকের একটা বউদিই থাকে, তোমার ছু-ছুটো বউদি। ভাগ্যবান পুরুষ, তুমি ঠাকুরপো! সে ষাই হোক। কেতাবে সেকালের কথা পড়ি বটে,—খুব ভাল নায়ক যে, সে সকল নায়িকাকে ঠিক সমভাবে দেখছে। কিন্তু এটা কি কখনও সম্ভব হতে পারে? অমন যে ধার্মিক রাজা দশরথ—তাঁরও, কৈকেয়ীর দিকে ঝাঁক বেশী ছিল।”

“তা ঠিক বউদি। আমিও একথা বিশ্বাস করি না যে, দু’জনকে সমান ভালবাসা যায়। ভালবাসা এক জনকেই যায়—অন্ত ভাগীদার যারা, তারা ভালবাসার পাত্রী নয়, তারা সখীমাত্র।—তাদের প্রতি ‘স্তায়’ করা যায়, ভালবাসা যায় না। সংস্কৃতে দক্ষিণ-নায়কের যে উদাহরণটি আছে, তাতে ভালবাসার কথা নেই, স্তায়ের কথাই আছে।”

“উদাহরণটি কি?”

“ভোজরাজ একদিন সভায় এসে বসলেন, সকলেই দেখলে, তাঁর মুখখানি বড়ই বিষম। তিনি যেন নিজের বস্তুব্য স্থির করতে না পেরে তাঁর চিন্তাকুল হয়ে পড়েছেন। সভাসদেরা জিজ্ঞাসা করতে লাগলো, মহারাজ, আজ আপনার মনটা এমন ভার ভার কেন? রাজা বল্লেন, তোমাদের মধ্যে মনস্তত্ত্ববিৎ অনেক কবি ত রয়েছেন, তাঁরাই বলুন না, আজ আমার মন এমন খারাপ কেন?—কালিদাস তখনও এসে পৌছন ন। অন্ত কবিরা সকলে মুখ চাওয়া চাওয়া করতে লাগলেন, কারও ঘটে কোনও বুদ্ধি যোগাল না। তখন কালিদাস সভায় এসে উপস্থিত হলেন। সকল কথা শুনে তিনি বল্লেন—তাঁর জিহ্বাগ্রে স্বয়ং সরস্বতী অধিষ্ঠিতা কি না, ভুলটি ত হবার যো নেই—তিনি বল্লেন—বাক্সলাতেই বলি, সংস্কৃত শ্লোকে আর দরকার নেই—”

রেবতী বাধা দিয়া বলিল, “না না, শ্লোকটাই বল ঠাকুরপো—বুঝি না-বুঝি, শুনতে ভারি মিষ্টি লাগে।”

বিপিন বাবু বলিলেন, “কালিদাস বল্লেন—

স্নাতা তিষ্ঠতি কুন্তলেশ্বরস্নাতা, বারোহঙ্গরজস্বস্ন- বন
দ্যুতে রাত্রিরিয়ং জিতা কমলয়া, দেবী প্রসাদাধুনা ।
ইত্যন্তঃপুরসুন্দরীজনগুণে ত্রায়াধিকং ধ্যায়তা
দেবেনাপ্রতিপত্তিমূচমনসা দ্বিত্বাঃ স্থিতা নাড়িকাঃ ॥

—অর্থাৎ হে দেব, আপনার এক রাণী কুন্তলরাজ-কন্তা, তিনি আজ স্নান ক’রে রয়েছেন ; অন্ত রাণী অঙ্গরাজ-ভগিনীর আজ ‘বার’ অর্থাৎ পালা ছিল বটে, কিন্তু রাণী কমলা বাজি রেখে পাশা খেলে, তাঁর রাতট জিতে নিচ্ছেন ; আর ও দিকে দেবী (অর্থাৎ পাটরাণী) রাগ ক’রে বসে আছেন তাঁকেও প্রসন্ন করা দরকার ;—কোন রাণীর মহালে আজ রাত্রি-যাপন করলে অধিক ‘ভ্রাং’ হবে, তাই স্থির করতে না পেরে, দুই তিন দণ্ড আপনি ‘মূচমনা’ হয়ে রয়েছেন ।”

রেবতী বলিল, “অদ্ভুত ! আমি যদি ইতাম, সতীনের সঙ্গে পাশা হয়ত খেলতাম কিন্তু সতীনের কাছ থেকে রাত জিতে নেবান জন্তে আমার একটুও প্রলোভন হত না তা নিশ্চয় করে বলতে পারি ।”—বলিয়া রেবতী অন্তদিকে মুখ ফিরাইয়া একটি মুহূ নিশ্বাস ফেলিল ।

বিপিন বাবু তাহা লক্ষ্য করিলেন । এ প্রসঙ্গ আর অধিক অগ্রসর না হয়, এই অভিপ্রায়ে তিনি বলিলেন, “তোমাদের ছুটি ফুরোতে আর কত দিন বাকী আছে বৌদি ?”

রেবতী উত্তর করিল, “তিন মাসের ছুটি, তার মধ্যে দেড়

।সের উপর ত কেটে গেছে। কেন, এ কথা জিজ্ঞাসা করছ কেন ঠাকুরপো ?”

বিপিন বাবু কয়েক মুহূর্ত্ত নিরুত্তর রহিলেন। তার পর বলিলেন, “হীৰুদার মা,—ধর, তাঁর যদি কিছু ভালমন্দই হয়,—প্রাচীন হয়েছেন, কিছু ত বলা যায় না,—তা হলে হীৰুদা ত একটি মাস কাল সেইখানেই আটকে যাবে। অথচ, আমার পক্ষেও অত দিন এখানে থাকা ত সম্ভব হবে না।”

রেবতী বলিল, “সে ত নিশ্চয়। তোমার ঘর-সংসার আছে, বিষয় সম্পত্তি আছে, সে সব ফেলে তুমি এখানে বসে থাকলে চলবে কেমন ক’রে ? সে রকম যদি হয়, আমি না হয় কলিকাতাতেই ফিরে যাব। এখন আমার শরীর ত অনেকটা সেয়েছে।”

চা পান পূর্বেই শেষ হইয়া গিয়াছিল। বাহিরের দিকে চাহিয়া বিপিন বাবু বলিলেন, “চল, এবার বেরিয়ে পড়া যাক্।”

জলপাহাড়ের রাস্তায় খানিকক্ষণ বেড়াইয়া, বাড়ী ফিরিবার পথে ম্যালের নিকট ঠঠাৎ এক প্রৌঢ়বয়স্ক পার্সী সাহেব রেবতীর সম্মুখীন হইয়া তাহাকে অভিবাদন করিলেন।

রেবতী তাঁহার সহিত করমর্দন করিয়া বলিল, “এই যে মিষ্টার হোর্মসজী ! কবে এলেন আপনি ?”

হোর্মসজী বলিলেন, “হামি আজ আসিয়াছে। বোম্বে হইতে দুই হপ্তা আসিয়াছে। হামি কলিকাতায় তোমার বাড়ী গিয়াছিল, শুনি তুমি এখানে অসিয়াছে। তুমি আমার শেষ চিঠি পায় নাই ?”

“পেয়েছি ত, দুখানাই পেয়েছি—কিন্তু কবে আপনি আসবেন তা ত লেখেন নি।”

“আজ আসিগাছে। আমি কাল গিয়া তোমার সহিত দেখা করিব। কখন আমি আসিব?”

“যখন আপনার সুবিধা।”

“দুইটার সময় আমি আসিব?”

“তাই আসবেন।”

“উটম্। গুড্, নাইট।”—বলিয়া হোম্‌সজী সাহেব রেবতীর সহিত করমর্দন করিয়া প্রস্থান করিলেন।

বিপিন বাবু জিজ্ঞাসা করিলেন, “লোকটি কে, বৌদি?”

রেবতী কি যেন ভাবিতেছিল। বলিল, “উনি? ওঃ—উনি আমার একজন বন্ধু—মিষ্টার হোম্‌সজী মানেকজী পোটট।”

“তা তো শুন্‌লাম। কি হুত্রে আলাপ, কোথায় থাকেন উনি, এই সব জানতে চাচ্ছি আর কি!”

রেবতী বলিল, “উনি বোম্বাইয়ের একজন বড় ব্যবসায়ী। কোটিপতি বলেই চলে। বিলাতেও ওঁর আপিস আছে। মাঝে মাঝে কলকাতায় আসেন। আমার অভিনয় দেখতে খুব ভালবাসেন। বাঙ্গলা লিখতে পড়তে পারেন না, কিন্তু কথা বোঝেন।”

বিপিন বাবু কেবলমাত্র বলিলেন, “ওঃ।”—রেবতীর এই নূতন বন্ধুটিকে, তাঁহার বেশ ভাল লাগিল না।

প্রায় নীরবেই, দুই জনে উৎরাই নামিতে নামিতে, অবশেষে ল্যান্সি কটেজের দ্বারে আসিয়া পৌঁছিলেন। “আচ্ছা, এখন তা

হলে আসি বৌদি!”—বলিয়া বিপিন বাবু বিদায় গ্রহণ করিলেন।

স্যানিটেরিয়মে ফিরিতে ফিরিতে তিনি মনে মনে ভাবিতে লাগিলেন,—কে এই ব্যক্তি? কি সম্বন্ধ ইহার, রেবতীর সহিত? অনেকদিন বোধ হয় কসিকাতায় ছিল না, বোম্বাই হইতে ফিরিয়া তাড়াতাড়ি অমনি রেবতীর গৃহে গিয়াছে তাহার সহিত সাক্ষাৎ করিতে। রেবতী দার্ক্জিলিঙে আছে শুনিয়া, এখানে ছুটিয়া আসিয়াছে—রেবতী বলিল, ‘আমার অভিনয় দেখতে ভালবাসেন।’ শুধু ‘কি অভিনয় দেখিতেই? কিন্তু, এদিকে ত বুড়া মাতুষ্য বলিলেই হয়। ব্যাপার থানা কি?

আর একটা বিষয় বিপিন বাবুর মনে হইল—আজ বেলা সাড়ে তিনটায় তিনি রেবতীর গৃহে আসিয়াছেন, পাশী সাহেবের সহিত সাক্ষাৎ হওয়া পর্য্যন্ত প্রায় আড়াই ঘণ্টা কাল উভয়ে একত্র বহিয়াছেন, রেবতী এই সময়ের মধ্যে কত কথা কহিয়াছে, কিন্তু পাশী সাহেবের পত্র পাওয়া অথবা তাহার আগমন বিষয়ে সে ত একটু কথাও বলে নাই?—ইহার কারণ কি?

হোমসজী সাহেবের সহিত সাক্ষাৎ হইবার পর হইতে, বাসায় ফেরা পর্য্যন্ত, রেবতী ঠাৎ অমন গম্ভীর ভাবই বা ধারণ করিল কেন? মুখে একটু কথা নাই—এমন কি অল্প দিন বিদায়কালে রেবতী “কাল কখন আসিছ?”—এই ধরণের একটা প্রশ্ন জিজ্ঞাসা করে,—আজ আর তাহা করিল না, নীচেই নিছ গৃহে প্রবেশ করিল। অমার সামনে পাশী সাহেবের সহিত দেখা হইল। যাওয়াটা উহার

বোধ হয় পছন্দসই হয় নাই বলিয়া—না, অন্ত কোনও কারণ আছে ?

এই প্রকার নানা কথা চিন্তা করিতে করিতে বিপিন বাব স্যানিটেরিয়মে গিয়া পৌঁছিলেন।

পরদিন একটু দেরী করিয়াই,—প্রায় পাঁচটা তখন,—বিপিন বাব রেবতীর গৃহে উপস্থিত হইয়া গুলিলেন,—সে পাকশালায় আছে। বিপিন বাব ড্রয়িং রুমে বসিলেন, কাঞ্চি ভূতা গিয়া রেবতীকে ডাকিয়া আনিল। বিপিন বাব বলিলেন, “এমন অসময়ে গান্নাঘরে যে বৌদি ?”

রেবতী বসিয়া বলিল, “আমার সেই পার্সী বন্ধুট,—মিষ্টার গোর্ডমসজী—আজ তিনি বেলা দুটোর সময় এসেছিলেন, এই ত কতক্ষণ হল চা খেয়ে চলে গেলেন। আজ বাত্রে তাঁকে খাবার নেমন্তন্ন করোঁছি,—তাই কি কি গান্নাটান্না হবে, বাবুজির সঙ্গে পরামর্শ করাঁছিলাম। কাঞ্চি ওর আলাপী একজন ভাল বাবুজিকে নিয়ে এসেছে কি না।”

বিপিন বাব মনে মনে বলিলেন, “ইস্, ঘনিষ্ঠতা যে খুব দেখছি !—মুখে বলিলেন, “ওঁঃ সঙ্গে তোমার কতদিনের আলাপ, বৌদি ?”

রেবতী বলিল, “তা, বছর দুই হবে বৈকি।”

“কোথায় উঠেছেন উনি এখানে ?”

“ম্যাডানের হোটেলে।”

“মেম টেম সবস্বুদ্ধ এসেছেন, না একলা ?”

“পোড়া কপাল আর কি ! মেম কোথা, ওর কি মেম আছে ? মরে গেছে ।”

সৌদামিনী চা লইয়া প্রবেশ করিল। চা ঢালিতে ঢালিতে রেবতী বলিল, “খান কতক ফাউল-কাটলেট তৈরি করেছে— এখনও ভাজা হয়নি অবশ্য। খান দুই ভেজে এনে দেবে, খাবে ঠাকুরপো চায়ের সঙ্গে ?”

বিপিন বাবু বলিলেন, “না বউদাঁদ, মাপ করতে হবে। এ সময় কিছু খাওয়া আমার অভ্যাস নেই।”—মনে মনে বলিলেন, “দিনারে আমাকে শুদ্ধ নিমন্ত্রণ করতে বাধ্যটা ছিল কি ? প্রেম-চর্চার অসুবিধে হত বোধ হয় ?”

চা পান শেষ করিয়া বিপিন বাবু বলিলেন, “আজ কি তুমি বেড়াতে বেরবার সময় পাবে বৌদি ?”

রেবতী বলিল, “হ্যাঁ, আজকে সময় করা একটু শক্ত পড়ে।”

“আচ্ছা—আমি তা হলে উঠি এখন।”

“উঠবে ঠাকুরপো ?—আচ্ছা এস।”

বিপিন বাবু বিদায় গ্রহণ করিলেন।

পথে যাইতে যাইতে আপন মনে বলিতে লাগিলেন, “প্রথমে ভেবেছিলাম, তুমি বুঝি একটু অল্প প্রকম—দল ছাড়া। কিন্তু যে ব্যাপার দেখছি—তোমাদের সকলে যা, তুমিও তাই। বিপিন শম্মা আর তোমার বৌদি ব’লে ডাকছে না এটা স্থির। হীরদা অসু-পস্থিত, খুব অসুবিধেটাও হয়ে গেছে। বুড়োর জাতের মুখে আশুন ! নইলে আর শাস্ত্রে বলেছে—বেশা শশান-কুসুম ইব বর্জনীয়া !

ত্রিচত্রিংশ পরিচ্ছেদ

মাতৃ-বিয়োগ

রেবতীর নিকট হীরালালের সেই যে পত্র আসিয়াছিল, তার পর এ পাঁচ দিন আর কোনও পত্র আসে নাই—বিপিন বাবুর নিকটও না, রেবতীর নিকটও না। ষষ্ঠ দিনে, স্যানিটেরিয়মে বসিয়া বিপিন বাবু হীরালালের পত্র পাইলেন। সে মাতৃহীন হইয়াছে। লিখিয়াছে—

“রেবতীকে স্বতন্ত্র পত্র লিখতে পারলাম না। তুমি গিয়ে তাকে খবরটা দিও। আর একটা কথা,—আমি ত এখন একমাস এখানে আবদ্ধ। অবশ্য, ছুটির মধ্যেই শ্রদ্ধা শান্তি সমস্তই শেষ হয়ে যাবে। কিন্তু তুমি কি ভাই অতদিন সেখানে তাকে আগলে থাকতে পারবে? যদি না পার, কি উপায় হবে তার? তাকে কি কলকাতায় এনে রেখে আসবে? আমি ত ভেবে কিছুই ঠিক করতে পারছি নে—মাথারই কি ঠিক আছে ছাই! যা হোক, তার সঙ্গে পরামর্শ ক’রে যে রকম ব্যবস্থা স্থির কর, আমায় জানিও। শ্রদ্ধার সময় কিন্তু ভাই তুমি এখানে উপস্থিত না থাকলে আমি হাতে পায়ে বল পাব না। এ বিপদে আমার বল বৃদ্ধি ভরসা সমস্তই তুমি।”

পত্রখানি পাঠ করিয়া বিপিন বাবুর চক্ষু সজল হইয়া আসিল। এই বৃদ্ধা বালাবধি তাঁহাকে পুত্রবৎ স্নেহ করিতেন। হীরালাল

যে এ সময়ে তাঁহার মৃত্যুশয্যার পার্শ্বে উপস্থিত ছিল, ইহাই কথঞ্চিৎ সাস্বনা।

পত্রখানি পকেটে লইয়া, বেলা চারিটার সময় বিপিন বাবু প্যান্সি কটেজ অভিমুখে যাত্রা করিলেন। রেবতীর দেখা পাইলে হয়—কারণ, গত কলা বিকালে গিয়া বিপিন বাবু গুনিয়াছিলেন, সে পার্শী সাহেবের হোটেলে চা-পানের নিমন্ত্রণ রক্ষা করিতে গিয়াছে।

যাহা হউক, রেবতী আজ বাড়ীতেই ছিল। বিপিন বাবুকে দেখিয়া বলিল, “এস ঠাকুরপো! মুখখানি অমন গম্ভীর কেন বল দেখি?”—বলিয়া একটু হাসিল। বিপিন বাবুর মনে হইল, উহার ভিতর যেন একটু শ্লেষ বা উপহাস লুক্কায়িত আছে।

বিপিন বাবু বলিলেন, “মুখ গম্ভীর হবার কারণ ঘটেছে বৈ কি! গীকদার এই চিঠি এসেছে, দেখ।”—বলিয়া পত্রখানি তাহার হস্তে দিলেন।

রেবতী পত্রখানি পড়িয়া, উহা টেবিলের উপর রাখিয়া নীরবে নতনেত্রে বসিয়া রহিল। বিপিন বাবু দেখিলেন, তাহার চক্ষু দুইটি চক্‌চক্ করিতেছে। ক্রমে দুই চারি ফোটা অশ্রুও তাহার গণ্ড বহিয়া ঝরিয়া পড়িল। বিপিন বাবু ইহা দেখিয়া একটু বিস্মিত হইলেন। মনে মনে বলিলেন, “বাস্তালীর মেয়েদের মনটা কি নরম!—হাজার নষ্ট ছুট হোক—মনটা কিন্তু নরমই থেকে যায় দেখছি।”

সৌদামিনী চা দিয়া গেল। চা-পান করিতে করিতে রেবতী হীরালালের সাংসারিক বিষয় সম্বন্ধে আবার নানারূপ প্রশ্ন করিতে লাগিল। বলিল, “এ সময় তুমি সেখানে থাকলেই ভাল হ’ত ঠাকুরপো! তুমি কাছে থাকলে তবু তিনি অনেকটা সান্ত্বনা পেতেন।”

বিপিন বাবু বলিলেন, “যাব আমি? গেলেই কিন্তু ভাল হয়। কিন্তু তোমাকে একলা ফেলে--”

রেবতী বলিল, “হোর্শ্‌সজী এখন কিছু দিন এখানে থাকবেন বলেছেন। তিনি আমায় দেখতে শুনেতে পারবেন।”

রেবতীর চোখে অশ্রু দেখিয়া এই মাত্র বিপিন বাবুর মনে তাহার প্রতি যে একটু শ্রদ্ধা ফিরিয়া আসিয়াছিল, একথায় তাহা আবার চলিয়া গেল। মনে মনে তিনি বলিলেন, “আমি একটা কণ্টক বৈত নয়—চ’লে গেলে তোমাদের বেশ সুবিধেটি হয় বৈ কি!”—প্রকাশে বলিলেন, “তা তুমি যদি সে সাহস কর, তা হ’লে না হয় আমি এখন ফিরেই যাই। তার পর, শ্রাদ্ধ শান্তি হয়ে গেলে,—তখন—”

রেবতী বাধা দিয়া বলিল, “তখন তাকে পাঠিয়ে দিও। ছুটি ত এখনও প্রায় মাস দেড়েক রয়েছে।”

চা-পান শেষ করিয়া বিপিন বাবু বলিলেন, “বেড়াতে যাবে কি?”

রেবতী বলিল, “ঐ দুঃসংবাদটা শুনে আজ আর বেরুতে ইচ্ছে হচ্ছে না—বিশেষ হোর্শ্‌সজীর আসবার কথা আছে।”

বিপিন বাবু মনে মনে বলিলেন, “আর ছঃসংবাদের দোহাই দেওয়া কেন?”—মুখে বলিলেন, “ওঃ—আচ্ছা, তা হ’লে উঠি। কাল কলকাতা মেলেই আমি রওনা হই। কি বল?”

“তা ছাড়া সুবিধে মত অস্ত্র গাড়ী আর কৈ?”

বিপিন বাবু উঠিয়া দাঁড়াইয়া বলিলেন, “আচ্ছা, তা হ’লে এখন বিদায়। কাল সকালে আর দেখা করতে আসতে পারবো না—বাঁধা-ছঁদা করতে হবে ত!”

রেবতী বলিল, “বস ঠাকুরপো। হীরু বাবুর কিছু টাকা আমার কাছে রয়েছে। এনে দিই, নিয়ে যাও। এ অসময়ে তাঁর কাছে লাগবে।”—বলিয়া রেবতী দ্বিতলে গেল। এক তাড়া নোট হস্তে নামিয়া আসিয়া বলিল, “তাঁর আগেকার চল্লিশ টাকা আমার কাছে ছিল, আর পশু তাঁর মাইনের পঞ্চাশ টাকা কলকাতা থেকে মণি-অর্ডারে এসেছে। এই নব্বুই টাকা।”

নোট কয়খানা পকেটে ফেলিয়া, রেবতীকে নমস্কার করিয়া বিপিন বাবু প্রস্থান করিলেন।

চতুঃচষারিংশ পরিচ্ছেদ

বন্দী ও শৃঙ্খল

ষ্টেশনে পাকী পাঠাইবার জন্য বিপিন বাবু বাড়ীতে টেলিগ্রাম করিয়া দিয়াছিলেন, বিকালে ৫টার মধ্যেই তিনি বাড়ী আসিয়া পৌঁছিলেন। মুখ-হাত ধুইয়া, চা পান করিয়া অন্তরমহলে বিশ্রাম করিতেছিলেন, সুহাস আসিয়া তাঁহার কাছে বসিল। বলিল, “কি গো, দার্জিলিংয়ের খবর কি বল দেখি? স্বাশুড়ী মরার খবর পেয়ে রেবতীসুন্দরী হবিষ্যি-টিবিস্যি করছেন ত?”

বিপিন বাবু বলিলেন, “হ্যাঁ, ফাউল-কাটলেট খেয়ে হবিষ্যি করছেন—রেবতীসুন্দরী সম্বন্ধে খুব জ্বর খবর আছে গো!”

“কি রকম?”

বিপিন বাবু তখন একে একে পার্শী সাহেবের-ঘটত সকল কথাই স্ত্রীকে বলিলেন। শেষে বলিলেন, “আমার ত বোধ হয় হীরুদার ঘাড় থেকে পেঙ্গী এবার নামলো।”

সুহাস বলিল, “তোমার মুখে ফুল-চন্দন পড়ুক—তাই যেন হয়। কিন্তু সুরো দিদির এমন কপাল-জোর কি হবে?—সে পার্শী সাহেব বলছ, বড়ো মানুষ। তুমি যেটুকু দেখেছ, বা রেবতীর মুখে শুনেছ. তা থেকে ওদের সম্পর্কটা যে দৃশ্য, তাই বা কেমন করে বল?—ওরা ত পর্দানসীন মেয়ে নয়, সম্পর্কটা সাধারণ বন্ধুত্বমাত্রও হ’তে পারে ত?”

বিপিন বাবু বলিলেন, “সাধারণ কোথা? এ যে অসাধারণ বন্ধুত্ব, গিন্নি!—মেয়ে পুরুষে শুধু শুধু ওরকম বন্ধুত্ব হয় না গো! বোম্বাই থেকে এসেই অমনি রেবতীর খোঁজে তার বাড়ী যাওয়া, রেবতী দাঙ্গিলিঙে গিয়েছে শুনে অমনি দাঙ্গিলিঙে ছুটে আসা, নিমন্ত্রণ আমন্ত্রণ—এ সব কি?”

সুহাস বলিল, “হীৰুদাকে তুমি এ সব কথা বলবে ত?”

“তাই ভাবছি। কি করা যায় বল দেখি? হয়ত হীৰুদা সন্দেহ করবে যে তার মন ভাঙ্গাবার জন্তেই আমি রেবতীর নামে এই সব বানিয়ে বলছি।”

সুহাস বলিল, “এখন আপাততঃ চেপে যাওয়াই ভাল। সুবিধের মধ্যে এক মাস এখন হুজনে দেখা-সাক্ষাৎ হবে না। দেখ না, তার মধ্যে কোথাকার জল কোথায় গিয়ে দাঁড়ায়।”

“ঠিক বলেছ। এই জন্তেই কবি বলেছেন, গৃহিণী সচিবঃ সখী মিথঃ।”—বলিয়া বিপিন বাবু তাঁর গৃহিণীকে সখী-ভাবে একটু আদর করিলেন।

সুহাস উঠিয়া বাহিরে যাইতে উদ্বৃত্ত হইল। বিপিন বাবু তাহার অঞ্চল চাপিয়া ধরিয়া বলিলেন, “কি সখী, পালাও কোথা?”

সুহাস বলিল, “সখা যে সারাদিনের উপবাসী। রান্না হ’ল কি না দেখতে যাচ্ছি।”—বলিয়া সে চলিয়া গেল।

বিপিন বাবু মনে মনে বলিলেন, “শুধু গৃহিণী সচিব সখী ও প্রিয়শিষ্যা নয়—সেবিকাও—অন্ততঃ বাঙ্গালীর ঘরে। আজ-

কাল ত শুনি কালিদাস বাঙ্গালী ছিলেন, ওটুকুও যোগ ক'রে দেওয়া তাঁর উচিত ছিল।

পরদিন প্রাতে বিপিন বাবু উঠিয়া চা পান করিতেছেন, এমন সময় সংবাদ পাইলেন, হীরালাল আসিয়াছে। বিপিন বাবু ভৃত্যকে বলিলেন, “বসাও গে, আমি এখনই আসছি।”

বিপিন বাবু বাহিরে গিয়া দেখিলেন, গলায় কাচা হীরালাল তাঁহার বৈঠকখানায় একটা চেয়ারের উপর কঞ্চল আসন বিছাইয়া বসিয়া আছে। বলিলেন, “এই যে, হীৰুদা নিজেই এসে হাজির। আমি এখনই তোমাদের বাড়ী যাচ্ছিলাম যে!”

বিপিন বাবুকে দেখামাত্র হীরালালের চোখ দিয়া ঝর্ ঝর্ করিয়া জল পড়িতে লাগিল। বিপিন বাবু তাহার কাছে ঘেঁসিয়া বসিয়া, তাহার পৃষ্ঠে হাত রাখিয়া, ধরা গলায় বলিতে লাগিলেন, “কেঁদ না, কেঁদ না। ভাই, চুপ কর। তিনি পুণ্যবতী, তোমাদের বেখে স্বর্গে গেছেন, তার জন্তে কান্না কিসের?”

কিছুক্ষণ পরে হীরালাল একটু সামলাইয়া লইল। চোখ মুছিয়া ধরা গলায় বলিল, “শুনলাম, কাল বিকেলেই না কি বাড়ী এসেছ? কাল আমি শুনিনি, আজ সকালে মাত্র খবর পেলাম।”

বিপিন বাবু বলিলেন, “কি করি ভায়া, রেবতীই ত ঠেলে ঠেলে আমায় পাঠিয়ে দিলে। বল্লে, তুমি যাও, এ বিপদের সময় তুমি তার কাছে থাকলে, তবু সে অনেকটা সাহসনা পাবে। তাই চ'লে আসতে হ'ল। কেন, রেবতী কি তোমায় চিঠিতে কিছু লেখেনি?”

“না, আমি এসে অবধি তার ত মোটে একখানি চিঠি পেয়েছি।—তা-ও মা যখন বেঁচে ছিলেন। তুমি যে চ’লে এলে, সে বেচারী—”

বিপিন বাবু বাধা দিয়া বলিলেন, “তাকে দেখবার শোনবার লোক এখন হয়েছে সেখানে এক জন। নইলে কি আর এ তাবে তাকে ফেলে আসি?”

“কে লোক?”

“এক পার্শী ভদ্রলোক, রেবতীর বন্ধু, তিনি দার্জিলিঙে গিয়েছেন। এখন কিছু দিন সেখানে থাকবেন। রোজই প্রায় রেবতীর সঙ্গে দেখা করতে আসেন, তাকে বেড়াতেও নিয়ে যান। তাই রেবতী নিজেই বলে, উনি ত রয়েছেন, আমায় দেখছেন শুনছেন, এখন তুমি স্বচ্ছন্দে চ’লে যেতে পার।”

এটুকু বলিতেই হইল, নচেৎ রেবতীকে একাকিনী ফেলিয়া আসার কৈফিয়ৎ কি? এ সম্ভাবনা বলা কিন্তু গত রাত্রে স্ত্রীর সহিত পরামর্শ কালে দুই জনের কাহারও মাথায় আসে নাই।

কিন্তু হীরালাল ছাড়িবে কেন? এই সংবাদ প্রাপ্তি মাত্র তাহার ক্র কুঞ্চিত হইয়া উঠিল। সে বলিল, “পার্শী ভদ্রলোক, রেবতীর বন্ধু? কৈ, তার মুখে কোনও দিন ত কোনও পার্শীর কথা শুনিনি। নাম কি সে পার্শীর।”

“মিষ্টার হোর্নস্‌জী মানেকজী পেটিট। রেবতীর মুখেই শুনেছি—আমার সঙ্গে আলাপ হয় নি।—তবে চোখে তাকে দেখেছি বটে।”

“বয়স কত তার?”

“বয়স? এই বছর পঞ্চান্ন ছাপ্পান্ন হবে।”

বয়স শুনিয়া হীরালালের মুখের সংশয় ও অপ্রসন্নতার ভাব
কিন্ধিৎ লঘু হইল। বিপিন বাবু ইহা লক্ষ্য করিয়া মনে মনে
হাসিলেন।

তার পর হীরালাল একট একট করিয়া প্রশ্ন করিতে লাগিল।
উকীলে যেন সাক্ষীকে জেরা করিতেছে। উত্তরে, বিপিন বাবু
ঘটনা-বিষয়ক কোনও কথা লুকাইলেন না, যাহা কিছু নিজে
দেখিয়াছিলেন বা রেবতীর মুখে শুনিয়াছিলেন, সমস্তই বলিলেন।
তবে নিজের কোনও মন্তব্য বা অনুমান তাহার সহিত যোগ
করিলেন না।

হীরালাল খানিকক্ষণ স্তব্ধ হইয়া বসিয়া রহিল। শেষে বলিল,
“দেখ আমি আসবার আগের দিন রেবতী কৃষ্ণকান্তের উইল
কোট করে বলেছিল—অদর্শনে কত বিষময় ফল ফলে।—তাই
ক’লে গেল নাকি?”

বিপিন বাবু মনে মনে বলিলেন, “রোগ বিশেষে, বিষই অমৃতের
কাষ করে।” মুখে বলিলেন, “কেন, তুমি কি মন্দ কিছু সন্দেহ
কর নাকি হীরুদা?”

হীরালাল বলিল, “তুমি কি কর না?”

বিপিন বাবু বলিলেন, “না নাঃ—সে একজন বুড়ো মানুষ!”

“তার মেম ম’রে গেছে বলছ!”

“তাতে কি হয়েছে? মেম না থাকলেই যে মানুষ ও কাষ

করে, আর মেম থাকলেই যে করে না, এমন কিছু লেখাপড়া আছে কি ? তোমার ত মেম ছিল।”

হীরালাল বলিল, “না ভাই, তুমি যাই বল আর যাই কও, আমার কিন্তু ভাল মনে হচ্ছে না। আচ্ছা, যে রাত্রে সেই ছন্দুখজী না হোর্মস্‌জী কি নাম বলে, তাকে খেতে নেমন্তন্ন করেছিল, সে রাত্রে তোমাকেও নেমন্তন্ন করতে কি বাধা ছিল তার, শুনি ?—আর তোমাকে তাড়াতাড়ি ক’রে বাড়ী পাঠিয়ে দেওয়া, কি শুধু আমাকে সাহুনা দেবার জন্তেই ? তার পর দেখ, চিঠিপত্রই বা সে বন্ধ করেছে কেন ?”

বিপিন বাবু বলিলেন, “কি জানি ভাই, আমার কোন বুদ্ধি খেলে না।”

হীরালাল বলিল, “নাঃ—তুমি কচি খোকাটি কি না।”

বিপিন বাবু হাসিয়া বলিলে “তোমার তুলনায় অন্তঃ এ সব বিষয়ে আমি কচি খোকাটি বৈকি। ভাল কথা। রেবতীর কাছে তোমার কিছু টাকা ছিল ?”

“ছিল বোধ হচ্ছে।”

“কত টাকা ?”

“অত হিসেব আমার মনে নেই। কেন ?”

“আমার হাতে তোমার নব্বুইটি টাকা পাঠিয়ে দিয়েছে। বলেছে আগেকার তোমার চল্লিশ টাকা তার কাছে ছিল, আর মাইনের পঞ্চাশ টাকা কলকাতা থেকে এসেছে। বোস ভাই টাকাটা এনে দিই।”—বলিয়া বিপিন বাবু উঠিয়া গিয়া

অন্তঃপুর হইতে নোটগুলি লইয়া আসিয়া হীরালালের হাতে দিলেন।

তার পর বিপিন বাবুর প্রাশ্নে জননীর পীড়া, চিকিৎসা, শেষ অবস্থা ও সংকার সম্বন্ধে সকল কথা হীরালাল তাঁহাকে জানাইল। ঘণ্টাখানেক পরে হীরালাল বাড়ী গেল।

দেখিতে দেখিতে আন্ধের দিন আসিয়া পড়িল। বিশেষ কিছু ঘটাপট্টা হইল না—তথাপি হীরালাল বিপিন বাবুর কাছে কিঞ্চিৎ স্বগ্ৰস্ত হইল।

আন্ধের পরদিন হীরালাল রেবতীর একখানি ক্ষুদ্র পত্র পাইল। তাহাতেও লেখা ছিল—

“ভাই স্রোতের ফুল,

দার্জিলিঙে আমার শরীর ভাল হইল না, তাই বোম্বাই চলিলাম। কিছু দিন পরে বিলাত যাইবার সম্ভাবনাও আছে। থিয়েটারের কর্ম্মে ইন্তফা দিয়াছি। কলিকাতায় আর ফিরিবার ইচ্ছা নাই। যে স্রোতে এবার ভাসিলাম, ইহজীবনে আর তোমার সহিত সাক্ষাতের সম্ভাবনা নাই। অবএব চিরবিদায়। ইতি

স্রোতের ফুল।”

এই পত্র যখন আসিল, তখন অপরাহ্নকাল,—জ্ঞাতিভোজন-সমাধা করিয়া, হীরালাল একটু বিশ্রাম করিতেছিল। পত্রখানি পড়িয়া উহা বালিসের তলায় রাখিয়া, আবার চক্ষু মুদিল। কিন্তু ঘুমাইতে পারিল না।

খানিকক্ষণ ছুটফট করিয়া হীরালাল উঠিল। বিপিন বাবুর বাড়ী গিয়া পত্রখানি তাঁহাকে দেখাইয়া বলিল,—“তুমি যে বলতে না—না—সে সব কিছু নয়—এখন বুঝলে ত, আমি যা ভেবেছিলাম, তাই ঠিক কি না? টাকার লোভ সামলাতে না পেরে শেষে সেই দুশ্মনুজীর সঙ্গে ভেসে পড়েছে।”

বিপিন বাবু বলিলেন, “তাই ত হে!”—তিনিও নিজেই যে গোড়া হইতে রেবতীকে সন্দেহ করিয়াছিলেন, এ কথা আজিও প্রকাশ করিলেন না। গম্ভীর হইয়া বসিয়া রহিলেন।

কিয়ৎক্ষণ অপেক্ষা করিয়া হীরালাল বলিল, “কি ভাবছ? মনে করছ বোধ হয়, আমার বুকে দাউ দাউ ক’রে আগুন জ্বলে উঠেছে?—কিছু না। বরং রেবতীকে আমি ধনুবাদ দিচ্ছি, তার কুপায় একটা বিষয়ে আমার বিলক্ষণ রকম শিক্ষা হ’য়ে গেল।”

বিপিন বাবু বলিলেন, “রবি বাবুর একটা লাইন খালি মনে পড়ছে—‘শৃঙ্খল, বন্দীয়ে ছাড়ি আপনি পলা’য়ে গেছে,’ দেখ, ঠিক তাই নয়? কিন্তু একটা কথা বলি ভাই, ভবিষ্যতে যদি আর কারও সঙ্গে প্রেম-ট্রেম কর, আমাকে আর তার কাছে নিয়ে যেও না,—আমি তাকে বোদি ব’লে ডাকতেও পারবো না।”

হীরালাল বলিল, “আবার স্ত্রী ডা বেলতলায় যায়?”

“বউদিদিকে এ চিঠি দেখিয়েছ?”

“না, দেখাই নি।”

“যাও, দেখাও গা। :এতদিন না হয় তাঁকে এড়িয়ে চলতে পেরে-

ছিলে, আজ ত পারবে না। নিয়মভঙ্গের রাতে স্বামি-স্ত্রীতে এক সঙ্গে থাকতে হয় জান ত ?”

হীরালাল একটি দীর্ঘনিশ্বাস ফেলিয়া বলিল, “দেখিয়েই বা ফল কি হবে? এ ঘটনার পর, আর কি আমি তার মনে—” এই পর্য্যন্ত বলিয়া, হীরালাল আর বলিতে পারিল না। মুখ নত করিয়া বসিয়া রহিল।

বিপিন বাবু বলিলেন, “কোনও চিন্তা নেই, ভায়া। তোমার বউ হিঁহুর মেয়ে,—আর, ইব্‌সেনও পড়েনি। সময়ে এ ভাঙ্গা বেমানুম ষোড়া লেগে যাবে দেখো।”

দুই দিন পরে, হীরালাল আবার বিপিন বাবুর নিকট আসিয়া বলিল, “এক হপ্তা পরে ত আমার ছুটি ফুরচ্ছে। খুড়ীমারা বলছেন, বউকে কলকাতায় নিয়ে গিয়ে রাখতে।”

বিপিন বাবু হাসিয়া বলিলেন, “তোমাকে বিনা অভিভাবকে আবার ছেড়ে দিতে তাঁরা ভয় পাচ্ছেন বোধ হয় ?”

“তাই হবে। কিন্তু একশোটি টাকার উপর ভরসা ক’রে কলকাতায় পরিবার নিয়ে থাকা কি চলবে ?”

বিপিন বাবু বলিলেন, “কেন চলবে না, খুব চলবে। তবে, একটা গোটা বাড়ী নিয়ে, নবাবী ষ্টাইলে চলবে না বটে। গোটা পনের কি কুড়ি টাকাতে, গেরস্থ বাড়ীতে একটা ঘর একটা রান্না ঘর তাড়া পাবে এখন। আর, তোমরা স্বামি-স্ত্রী দুটি প্রাণী, একটি বাচ্ছা—কতই থাকবে? না হয় চল্লিশ টাকা খাও—মেয়ের দুধটুধ শুদ্ধ। খুব চলবে। এ ভাল পরামর্শই খুড়ীমারা দিয়েছেন।”

“তারা বলেছেন, মাসে তুমি আমাদের দশটা ক’রে টাকা পাঠিয়ে দিও, তা হলেই আমাদের বেশ চ’লে যাবে। পারব?”

“খুব পারবে। দেখ, কাল কি পরশু আমায় কলকাতায় যেতে হচ্ছে—একটা মোকদ্দমা সম্বন্ধে উকীলদের পরামর্শ নিতে হবে। যদি বল ত আমি তোমার জন্তে ঘর ঠিক ক’রে, তোমায় খবর দেবো,—তুমি এখান থেকে সস্ত্রীক রওয়ানা হয়ে গিয়ে সেখানে উঠবে। কি বল?”

“তা হলে ত বেঁচে যাই, ভাই।”

যথা-পরামর্শ কার্য্য হইল। কলিকাতায় গিয়া বিপিন বাবু বড় রাস্তার ধারে ধারে ট্রাম-পোষ্টে হস্তলিখিত বিজ্ঞাপন দেখিয়া, কয়েকটা বাড়ীতে গিয়া ঘর দেখিলেন। একটি ঘর তাঁহার বেশ পছন্দ হইল। বাড়ীটি নিতান্ত গলির মধ্যে নহে। দ্বিতলে, দক্ষিণ খোলা, বেশ আলো বাতাস আছে, ঘরখানিও সুপরিসর—ছাদে রান্না ঘর, মাসিক ভাড়া ১৭২ মাত্র।

যথাদিনে হীরালাল স্ত্রী ও কস্তাকে লইয়া হাওড়া ষ্টেশনে নামিল। বিপিন বাবু প্যাটফর্মে উপস্থিত ছিলেন। হীরালালকে সপরিবারে একটা ট্যাক্সিতে উঠাইয়া, নিজে অন্য ট্যাক্সিতে উঠিয়া পথ প্রদর্শন করিলেন। হীরালালকে প্রতিষ্ঠিত করিয়া দিয়া, দুই দিন পরে তিনি দেশে ফিরিয়া গেলেন।

পঞ্চচত্বারিংশ পরিচ্ছেদ

নূতন ব্যাখ্যা

তিনটি বৎসর কাটিয়া গিয়াছে। হীরালাল সেই থিয়েটারেই কন্স করিতেছে এবং সেই বাড়ীর সেই ঘরেই বাস করিতেছে। গত বৎসর পূজার পর হইতে তাহার কুড়িটি টাকা বেতন বৃদ্ধি হইয়াছে।

একদিন দ্বিপ্রহরে হীরালাল আহারান্তে শয়নের উদ্যোগ করিতেছে, এমন সময় দরজার কড়া নাড়িতে নাড়িতে কে হাঁকিল—
“হীরালাল বাবু—হীরালাল বাবু—বাড়ী আছেন?”

হীরালাল জানালার নিকট দাঁড়াইয়া জিজ্ঞাসা করিল, “কে?”

“রেজেস্ট্রী আছে?”

“ওঃ, পিয়ন?—দাঁড়াও আসছি।”—বলিয়া হীরালাল নামিয়া গেল।

ডাকওয়াল তাহার হাতে দিল, এক শত টাকার জন্ট ইনসিওর করা, একটি বড় লেফাফা। কোণে লেখা আছে, “ফ্রম রেবতীমুন্দরী দাসী, ফ্লাট নং ৩, সীতারাম বিল্ডিংস, নেপিয়ার রোড, বম্বে।”—
প্রথমতঃ পত্রখানি বিপিন বাবুর কেয়ারে মাধবপুর গ্রামের ঠিকানায় গিয়াছিল, সে ঠিকানা কাটা এবং বিপিন বাবুর হস্তাক্ষরে বর্তমান ঠিকানাটি লিখিত রহিয়াছে।

নাম দেখিয়া হীরালালের দেহ শিহরিয়া উঠিল। ব্যাপার কি?
—এতদিন পরে?

কোনও মতে রসিদে সহি দিয়া পত্রখানি হস্তে হীরালাল নিজ-
কক্ষে ফিরিয়া আসিল। কত্না বিছানায় ঘুমাইতেছে,—স্বরবালা
তখনও ছাদে, আহার সারিয়া, রান্নাঘরের কাষ শেষ করিতেছিল।

কাঁচি দিয়া খাম কাটিয়া ভিতরের কাগজগুলি বাহির করিয়া
হীরালাল দেখিল, রেজেষ্ট্রী আপিসের মোহরাতিষুক্ত একখানি দলিল,
তাহার নামে বারো হাজার দুই শত বিয়াল্লিশ টাকার একখানি চেক,
এবং একখানি ইংরাজী ও একখানি বাঙ্গালা চিঠি। শেষের খানি
রেবতীর হস্তাক্ষরে। উইলখানি সংক্ষিপ্ত। তাহাতে লেখা আছে,
কলিকাতা জরমিত্রের লেনে আমার নিজ দ্বিতল বাড়ী, মায় সমস্ত
আসবাব, মাধবপুরনিবাসী শ্রীযুক্ত হীরালাল বসু মহাশয়কে আমি
দান করিলাম। বোম্বাই সহরে সীতারাম বিল্ডিংসে আমার ক্ল্যাটের
আসবাব পত্র এবং আমার সমস্ত অলঙ্কারও আমি উক্ত হীরালাল
বাবুকে দান করিলাম এবং আমার এটর্নিগণের প্রতি উপদেশ দিয়া
গেলাম, সে সমস্ত বিক্রয় করিয়া, খরচ বাদে টাকা তিনি হীরালাল
বাবুকে পাঠাইয়া দিবেন।” সমস্ত সম্পত্তির মায় অলঙ্কারগুলির
তফসিলও উইলের শেষে লিখিত রহিয়াছে।

সঙ্গের পত্রখানি এইরূপ :—

“প্রিয়তম,

তোমায় এ সম্ভাষণ করিতে আর আমার কোনও বাধা নাই—
কারণ, এ পত্র যখন তুমি পড়িবে, আমি তখন ইহ জগৎ হইতে
বিদায় গ্রহণ করিয়াছি, আমার নখর দেহের ভস্মাবশেষ আরবা-
সাগরের লবণাস্তুর সহিত মিশ্রিত হইয়াছে। এই পত্রখানি আমার

এটগিগণের আপিসে জমা থাকিবে এবং আমার অন্ত্যেষ্টিক্রিয়া শেষ হইলে উহা ডাকে দেওয়া হইবে, এইরূপ ব্যবস্থা করিয়াছি।

তোমার জননী দেবীর স্বর্গারোহণের পর বিপিন বাবু দার্জিলিং হইতে ফিরিয়া গিয়া আমার সম্বন্ধে যে সব খবর তোমায় দিয়া থাকিবেন, এবং শেষ পত্রে আমি তোমায় যাহা লিখিয়াছিলাম, তাহা হইতে তুমি অবশ্যই স্থির করিয়াছিলে যে, আমি তোমার প্রতি বিশ্বাসঘাতকতা করিয়াছি। না প্রিয়তম, না হৃদয়েশ্বর, আমি তাহা করি নাই। সতীর পতি সতীকে ফিরাইয়া দিয়া আসিয়া এ তিন বৎসরও আমি মনে প্রাণে তোমারই ছিলাম এবং জীবনের শেষ মুহূর্ত্ত পর্যন্ত আমি তাহাই থাকিব। সে মুহূর্ত্ত আসিতেও আর অধিক বিলম্ব নাই। গত বৎসর হইতে আমি ক্ষয়-রোগে আক্রান্ত হইয়াছি। যত দূর বৃদ্ধিতেছি, এ পৃথিবীতে আমার মেয়াদ এক মাসের মধ্যেই ফুরাইয়া যাইবে।

তোমার সহিত এ বঞ্চনা করিয়াছিলাম কেন—আমি মন্দ এ ভুল বিশ্বাস ইচ্ছা করিয়াই তোমার মনে জন্মাইয়া দিয়াছিলাম কেন,— তাহা কি খুলিয়া বলিবার প্রয়োজন আছে ?

মিষ্টার হোর্নসজী এই বোম্বাই সহরে “ওরিয়েন্টাল ফিল্ম সিণ্ডিকেট” নামক বায়স্কোপের ছবি তোলা এক কারখানা স্থাপন করিয়াছিলেন। পূর্বে থিয়েটারে আমার অভিনয় তিনি অনেকবার দেখিয়াছিলেন। আমি তাঁহার চলচ্চিত্রের কারখানায় চাকরী লইতে সম্মত আছি কি না, জানিবার জন্য কলিকাতায় আসিয়া,

আমার বাড়ী গিয়াছিলেন। সেখানে আমার ঠিকানা পাইয়া, আমায় যে পত্রখানি লিখিয়াছিলেন, তাহাও এই সঙ্গে তোমায় পাঠাইলাম। উত্তরে আমার সম্মতি তাঁহাকে আমি টেলিগ্রাম করিয়া জানাই। তার পর তিনি চুক্তিনামা লেখা-পড়া ও রেজেষ্ট্রী করিবার জন্ত দার্জিলিংয়ে আসেন। হোর্শ্বসজী সাহেব সচরাচর আমাকে কত্না (বেটী) সম্বোধন করিতেন,—পত্রেও তাই করিয়াছিলেন, উঃ! দেখিলেই বুঝিতে পারিবে।

আশা করি, এখন তুমি বিশ্বাস করিবে, আমাকে যত মন্দ তুমি ভাবিয়াছিলে, তত মন্দ আমি নই।

স্বরবলোকে আমার ভালবাসা দিও। খুকীকে আমার ভালবাসা দিও—তাহাকে এ জীবনে যে আমি কোলে করিতে পাইলাম না, তাহাকে চুমো খাইতে পাইলাম না, এ দুঃখ আমার রক্তিয়া গেল।

আমার যাহা কিছু ছিল, তোমায় দিয়া গেলাম। যদিও এখানে আমি উচ্চ বেতন পাইতাম, তথাপি নগদ বেশী রাখিতে পারি নাই—ব্যয় বিষয়ে আমি কিরূপ অসংযমী তাহা তুমি জান।

পরলোক কি সত্যই আছে? যদি থাকে, তবে সেখানেও তোমার এই দাসী তোমার প্রতীক্ষায় থাকিবে। ইতি—

জীবনে মরণে তোমারই—

শ্রীমতী রেবতীসুন্দরী দাসী ।*

পর দিন সন্ধ্যাবেলাই বিপিনবাবু আসিয়া হাজির। শ্রীরামলাল

খন বাড়ীতেই ছিল। জিজ্ঞাসা করিল, “কি হে, এমন হঠাৎ যে !”

বিপিন বাবু বলিলেন, “বাপার কি হে, রেবতীর কাছ থেকে রেজিষ্ট্রী চিঠি কি এল আবার? তাই জানবার জন্য এলাম—থাকতে পারলাম না।”

বিপিন বাবু চিঠি পড়িয়া কিয়ৎক্ষণ স্তব্ধ হইয়া বসিয়া রহিলেন। শেষে বলিলেন—“ওঃ, কি ভুলটাই আমি করেছিলাম হে! ত্রিযাশচরিত্রং শ্লোকটার মানে এত দিন আমি বুঝে এসেছিলাম, স্ত্রীলোক যে কত মন্দ হতে পারে তা দেবতারাও জানেন না। এখন দেখছি, ভুল বুঝেছিলাম। স্ত্রীলোকে যে কত মন্দ হতে পারে, সেটাও যেমন দেবতাদের অজ্ঞাত, আবার তারা কত উচু হতে পারে তাও হৃদয়ঙ্গম করা তেমনিই তাঁদের অসাধ্য।”

হীরালাল বলিল, “হ্যাঁ, এই নূতন ব্যাখ্যাই ঠিক ব্যাখ্যা বোধ হয়—আমার মনে ত লাগছে।”

ইহার পরেও হীরালাল বৎসর খানেক কলিকাতায় রহিল।

বিপিন বাবুর পরামর্শ অনুসারে রেবতীর বাড়ীখানি হীরালাল ধীরে স্তূহে উপযুক্ত মূল্যে বিক্রয় করিল। বোম্বাইয়ের আসবাব ও অলঙ্কার বিক্রয়ের টাকা পূর্বেই তাহার হস্তগত হইয়াছিল। সেই সব টাকায় এবং চেকের টাকায়, বিপিন বাবু তাহাকে একটি ক্ষুদ্র তালুক খরিদ করিয়া দিলেন। মাধবপুত্র হইতে অধিক দূরে নহে—আড়াই কোশ মাত্র ব্যবধানে—সেই গ্রামের মালিক হইয়া, হীরালাল পৈতৃক ভিটায় বসবাস করিতে লাগিল। থিয়েটারের মধ্যে পূর্বেই সে ইচ্ছুক দিয়াছিল।

‘বিষমঙ্গল’ ও ‘তরুবালা’র রিহার্সাল তখন জোরে আরম্ভ হইল। প্রকাশ্য অভিনয়ের তিন দিন পূর্বে বিপিনবাবু কলিকাতায় আসিয়া অমৃতলাল বসু মহাশয়ের সহিত সাক্ষাৎ করিয়া, তাঁহার পূর্ব-প্রতিশ্রুতি স্মরণ করাইয়া দিলেন। বসু মহাশয়ও সানন্দে তাঁহার প্রতিশ্রুতি রক্ষা করিলেন,—বিপিন বাবুর সহিত মাধবপুরে গমন করিয়া, রিহার্সালে উপস্থিত থাকিয়া, নানা সদ্ব্যপদেশে অভিনয়টি সর্বোৎসাহে করিয়া তুলিলেন। ‘তরুবালা’য় হীরালালই ‘অগিল’ সাজিয়াছিল।

সমাপ্ত

